





IUSTI LIPSI

MONITA

ET EXEMPLA
POLITICA.

LIBRI DVO,


Qui VIRTUTES ET VITIA
Principum spectant.



P A R I S I I S.

Excudebat PETRVS CHEVALIER,
in monte Diuj Hilarij.

M. D C. V.





SERENISSIMO
ET POTENTISSIMO
PRINCIPI ALBERTO
Archiduci Austriæ, Duci Bur-
gundiæ, principi Belgarum.



ERTIVM hoc ingenij &
stili mei monumentum est,
Serenissime Princeps, quod in-
clyto nomini tuo libentes Me-
rito inus consecratum. Et si
vllum; quomodo non istud,
quod ipso titulo ad Te vocat,
et augustum hoc nomen vult

inscribi? Sunt enim Monita Politica: ad quem iustius,
quàm ad Politicæ & status nostri rectorem ibunt? Sunt
Exempla: & cui convenientius dabuntur, quàm qui
stirpem & gentem suam in iis agnoscet? Rudolphi, Phi-
lippi, Maximiliani, Caroli, Ferdinandi, Al-
phonfi, passim hic memorabuntur, è maioribus tuis:
qui scriptionem hanc illustrent & insigniunt, ut calum-
stella. Quid, quod argumentum & materies eodem
ducit? Virtutes & Vitia Principum? illas formamus
aut suggerimus; & hæc amolimus: at tu illarum

grande exemplar es, qui eximias habuisti & habes: & horum (quantum homini licet) pene experts, in omni etate aut nesciisti ea, aut spreuisti. Ergo ad Te imus: & quo fine? ut splendorem huic scriptioni mutuemur, & tutelam. Sicut insignia vestra adibus, Prætorijs, villis appendimus, contra vim aut proteruiam: sic nomina hæc sacra contra calumniam, aut luorem. Neque enim vobis hic aliquid queritur: non aliter, quam cum Deo sacra facimus, & donum ponimus, nostra id sit, non ipsius caussa. A nobis officium omne est, & debetur: à vobis beneficium. & hoc ipso accipimus, quod frontes operum sola præscriptione vestra honestatis. Ego eo fine feci: patere Serenissime Princeps. & sicut aurum aut ebur magis æstimare soletis, à solerti manu & arte politum: sic has Exemplorum gemmas, ingenij & eloquij aliqua luce (cum Deo dicam) perfusas. Ille idem Deus, Serenissime & Potentissime Princeps, longæuum Te nobis seruet, & donet aliquando sub optimo Principe optimum statum, id est, desideratam diu tranquillitatem & pacem. Louanij xv. Kal. Feb. anni ∞ . IDC. v.

LECTORI.



ECCĒ duos istos libros, Lector, trientem operis destinati, & addam, affecti. Nam duo alij sequuntur, qui Ciuilem prudentiam habent: itemque duo, qui Militarem. Est scilicet eadem diuissio, & ordo, qui in Politicis nostris fuit: quorum luci aut assertioni hæc scribuntur. Sed cur non confeci igitur? aut certe cur non distuli? utrumque ab eadem causa. fatebor enim ingenue, postremus ille grauior morbus me deiecit, & à stilo arcuit: atque idem impulit vel incohata hæc sic edere, quia post me nihil edi, adamantinum est meum decretum. Ego quidem, ut res erat, ostium tunc spectabam: neque nunc ad interiora valde me recepi. Ceterum Exempla quæ hic sunt, aut in alijs erunt, scito ab optimis, nec obuijs semper auctoribus esse: & cur non eos edidi? quia nouitij aut Grammatici commatis illa cura videtur, & aut à vano aut pusillo animo esse. A vano, si lectionem variam iactas: à pusillo, si diffidis credi. Nobis ætas, & priora scripta, fidem vindicant: qui abrogat, inquirat, spondeo inuenturum auctores. Satis est. tu istis fruiere, & reliqua exspecta (utiliora haud dubiè & rariora, ut res & materia est) exspecta, inquam, si Deus, vita, & otium, dabunt. Si non, à te suppone, & dedi exemplum.

APPROBATIO.

M A S I. Lipsij lucubrationes
ut egregie frugiferas fore con-
fido, ita prælo dignissimas
censeo, quod ea quæ Principibus
ac politicis viris apprime conueniant, non
modo legenda, verum etiam velut in
tabula, non sine voluptate, spectan-
da, exhibeant.

Guilielmus Fabricius Nouioma-
gus, Apostolicus ac Archidu-
calis librorum censor.



I V S T I L I P S I
MONITA ET
 EXEMPLA POLITICA.

LIBER PRIMVS.

*In sermonem & rem ingressio, atque obiter
 Utilitas Exemplorum.*

CAPVT PRIMVM.



V D I T O R. Accedo. annuis?
 L I P S I V S. Imò accede, & se-
 de. vacuum reperis, & sermo-
 nibus haud alienum. Otium
 est, & lapsus cum equo (non
 enim ab equo, ne rideas) ferias
 mihi fecit, & domum seruare, focum assi-
 dere, iussit. O rem ingenio meo alienam! nec
 aliud magis vitam aut vigorem mihi sustinet,
 quàm exercitatio & motus. At ferendum est,
 quod non mutes. A V D. Ferendum. & nobis
 diutinum desiderium: quod haud semel pro-

I. Lipsij monita

mere memini, & ad te velut communi legatione deferre. LIPS. Quid ais? AVD. illud de EXEMPLIS. quæ viri & iuvenes flagrant (ita loquendum est: nec enim petunt tantum.) subiungi POLITICORVM tuis libris. Sunt ibi Sententiæ & velut Decrera, vtilia ac salutaria: quis abnuat? sed vt valida atque efficacia sint, nonne vides vsum, id est exempla deesse? Hæc adde, & pulcherrimè cœptum opus absolue: nec muros tantum & tectum, sed instrumenta atque ornamenta adiunge. Sicut herbas qui feuit, opportunè eas irrigat atque alit, vt adolescant: sic tu Sententiarum istos velut frutices foue & attolle, vel sole vel pluvia, vt sic dicam, Exemplorum. Vtrumuis enim præstant, illustrent, dum in rem velut præsentem ducunt, & facta ostendunt, quæ facienda suadentur; fouent etiam, dum animum erigunt, & re docent non noua, non ardua proponi. Sed & viam præcunt, in qua vestigia tutò ponamus. sicut qui gubernandi parum peritus est, vbi plures naues, cursum temperat, & sequitur priores. Ita vada & scopulos vitat, & sine magna sua arte, portum cum prioribus petit, & tenet. Vidistine etiam, qui ad speculum se comunt, faciem & cultum rectè disponere? prorsus hic idem? aliena vita & facta speculum sunt, & imago, in qua te videas & ad eam decorè componas. Quod magis fit, vbi varia & multiplex lectio Exempla varia & multa suppeditat; vt eligere sit, & ad rem talem aut talem appositum aliquid semper applicare. Ita

sicut Zeuxis ille pictor olim, Iunonem effigiaturus, virgines Agrigentinorum pulcherrimas conduxit, & è singulis aptavit quod præstantissimum in quaque esset: ita, inquam, Princeps, & politici viri, ab exemplis factisque illustribus potentiam (ea Iuno est) & prudentiam suam forment. Quid ais, mi Doctor? nihil moueo, aut impetro? L I P S. Illud, nondum istud. Moues, fateor: & ex facili, quippe iamantè motum. Rationes quas dicis, iamdiu in mente agito: & rem per se vtilem atque opportunam agnosco: sed vt suscipiam & præstem, nondum herclè impellis. Nam liberè dicamus, cui bono? Spargimus hæc monita; & velut phar-maca ægris, aut lumen cæcutientibus, offerimus: quem vsum tamen fructumque videmus? Et vis plura etiam addam, id est perdam? A V D. Bona verba, vir optime. Quod medicis, hoc tibi faciendum cense: cum veteri imperitiæ morbo acriter pugnandum: & à perseverantia fructum expecta. Sparge, sparge salutaria hæc velut semina: & cur non vel ab agricolæ exemplo? Ille si hoc alteroque anno spes destituit, tamen arat, occat, ferit: & Bonus Euentus serius, sed vberius, sæpe respondet. Audi tuum doctorem. *Quare verbis parcam? grata sunt. Non possum scire, an ei profuturus sim, quem admoneo: illud scio, alicui me profuturum, si multos admonuero. Spargenda est manus. non potest fieri, vt non aliquando succedat multa tentanti.* L I P S. Hæc quidem auctoritas valde me quatiat: sed & tua honesta sic voluntas. Etiam ratio alia. quod

Sen. Epist.
XXIX.

I. *Lipsij monita*

sicut gemmæ , etsi in lutum aut sordes abiectæ , splendorem non amittunt : & dies postea reuelat , & attollit : sic in istis , quæ bene & honeste dicuntur. si diem tamen ferent. Ergo huc imus ? eamus. tanto alacrius , quo breuius iter laboribus scriptisque nostris restat. Sicut athletæ cùm metam vident & accedunt , etsi fessi , appropierant : sic nos in senectutis hoc limite , alacrius promptiusque laboremus , quia laborum mox expertes. Conscientia utique sustentabit , & vires portiget : quod hæc atque alia , in tuum ô magne Deus honorem , in vestrum Principes ac subditi bonum moliti sumus , atque vtinam emoliti. Aspira tu idem ille Deus vt possim ? fauete vos isti , & delectantia simul atque utilia (talia erunt) prouis animis admittite. Ordinem seruabo , quæ POLITICIS præstruxi : nec EXEMPLA solum , sed & MONITA passim inspergam , & alibi QVÆSTIVNCVLAS. hæc omnia utriusque iam finia me dicto. At tu audi.

DE RELIGIONE.

Eius utilitas, siue necessitas ostensa : vel in tota Societate , vel seorsim in Rege , & Subditis.

CAP. II.

VT autem qui domum moliuntur , à fundamentis : sic nos qui Rempublicam , à

fulcro & velut basi eius, Religione ordiri debemus. Sine ea, non Princeps officium suum, non Subditi facient: sine ea, societas non erit. quia non Fides, non Iustitia, non Virtus; sed fraus, licētia, proteruitas, & vno verbo, confusio hominum ac rerum. Quod frænum erit peccaturis? quis metus satis validus? nam externum illum, qui à pœnis aut morte est, multi contemnunt: & desperatio, impetus, aut iracundia, eò ducunt. Esto igitur vinculum & firmitas reipublicæ, Religio? ac Princeps, vt dixi, ipse habeat. quo Ratio eum & Gratiitudo vocant. Rex es? à Deo habes: & quo maior altiorque, plura benefico illi Numini debes: & per cultum igitur venerationemque eius agnosce, Rex es? vt diu & feliciter esse possis, datori supplica: & scito tollere posse qui tribuit, & euertere qui sublimauit. Aristoteles, ad suum Regem: Ἀρχαῖος μὲν ὅν τις λόγος καὶ παῖς ἰός ἐστι πᾶσιν ἀνθρώποις, ὥς ἐκ θεῶν τὰ πάντα, καὶ ἀπὸ θεῶν, ἡμῖν σιωέσκειν: *Vetus & à maioribus acceptus hominibus est sermo, quod OMNIA A DEO ET PER DEVM, nobis sint constituta. Qui hoc imbibit, Religionem quomodo non habebit?*

De mundo
ad Ale-
xandr.

Prima mihi debes animi bona, S A N C T V S habere.

Ex quo sequetur, vt virtutes etiam habeas, & maxime Modestiam ac Clementiam: quæ Religioni proxime adhærent. Addo, quod tuior ita eris. amor enim ex isto, & veneratio erga ipsos Principes innascitur; nec facile

I. *Lipsij monita*

exteri aut subditi lædent, cui Numen amicum & propitium arbitrantur. Quid, quod ipsi Subditi ita meliores tranquillioresque? Nulla res magis animos & mores componit, quam Religio: & illa ubi in pectus demissa, Virtutum agmen sequitur. in primis mansuetudo quædam animi & tranquillitas, bona imperantibus, & quæ faciles obnoxiosque præceptis reddit. Denique externa Felicitas eo vocat. quod ab omni ævo obseruatum, Deum qui se colunt attollere; & pijs religiosisque Principibus prospera plurimum euenisse: alia alijs Exemplis hæc firmemus: videamusque in veteri & vana Religione etiam eius cultores fuisse, & præmium à Deo externum tulisse. Qui si imaginem & speciem eius honestat ac munerat: quid in vera faciet? Primum igitur *Monitum*:

MONITVM I. *Deus ubique colendus, etiam inter
& apud hostes.*

Exempl. I. AGESILAVS Spartæ rex fecit. qui, vt Xenophon ait, venerabatur delubra etiam in hostico sita, ab ijsque vim militum & iniuriam abstinebat: quod existimaret diuina auxilia, non minus in hostili, quam amico solo, imploranda esse.

II. ALEXANDER MAGNVS quam illustri exemplo docuit? Tyrum obsederat, Iudææ finitimâ, ceperatque. In ardua ea & longa obsidione, auxilia ab Iudæis petierat: repulsus. quia cum Dario vetustius ijs fœdus erat. Iræ igitur

plenus & (animos victoria fecerat) mouit in Iudæos, Alcisci certus, & prædæ ac cædi omnia destinabat. Venitque ita affectus. sed *Jaddus*, tunc Pontifex, diuinitus somnio monitus, cum omni populo candidato, cum cœtu sacerdotum byssino, ipse in hyacinthina stola, tiam capite & in ea DEI nomen gerens, obuium se dedit, pacis specie atque habitu. Atque ita ferocem Regem religio obiecta mouit ut statim mitis submissusque ad Pontificem ultro accederet, & ipsum salutarer, & MIRABILE illud nomen adoraret. Mirati comites, quidam & indignati: è quibus Parmenio Regem adiit, *Quid ita hominem adoreret, qui ipse passim iam pro Deo esset?* Respondit, *non illum se, sed in ipso Deum adorasse: quem ea specie iamante, in vrbe Dio Macedonia, per somnium vidisset, hortantem ut prompte in Asiam pergeret, sua ope & numine eam subiecturus.* Hæc Alexander & vrbiacgenti veniam: quid veniam? præmia atque honores tribuit, & immunes suisque legibus viuere iussit; & quosdam in militiam suam allegit.

III.

ANTIOCHI Syriæ regis in eadem gente factum simile, imò à se, si non ab auctore, illustrius. Obsidebat Hierosolyma, in vna vrbe bellum patraturus: & ecce festum magnum Iudæi Scænopegia, siue Tabernaculorum, celebraturi erant. Gens nec in afflictis rebus cultum Dei deseruit: & Legatos ad Antiochum misit, sine alio colore petitem septem dierum inducias, ut operari sacris magni Dei possent.

I. Lipsij monita

Magnus ille Deus pectus mouit. nec petita modo rex indulxit: sed ipse ad eius cultum versus, boues auratis cornibus, magnam thuris & odorum vim, deduci ad portas iussit, ac sacerdotibus tradita immolari. Quid magis mirer? an victoriæ interpellatæ patientiam? an sacra non solum permissa, sed instructa? sacra, quæ contra se conatusque suos suscipi sciebat, fortasse & caput suum ijs peti. Sed fructus, ut solet, pietati adfuit. & Iudæi moti inopinata benignitate, finem certaminis, initium amicitiae fecere, ac se suaque Antiocho permisere.

M O N. II. *Sacra nec in periculis deferenda, aut negligenda.*

I. Romani in arce Capitolina obsidebantur à Gallis, clausis undique vijs, nec aditu nec exitu. Quem tamen Religio inuenit. quæ nihil deterrita, Q. FABIUS pectus impulit, sacra solennia & familiaria in colle Quirinali, statò die, obire. Is cum adesset, ipse cultu habituque sacro degressus, per medias hostium stationes, itum tutum & reditum habuit: siue attonitis illis inopinata audacia; siue religione etiam motis, ne pietati intercederent, quam nec præsens periculum, nec mors in oculis, impedissent.

II. Quid PAVSANIUS Spartanorum rex, & Græciæ tunc totius dux? Is in pugna nobili ad Platæas cum Persis, in qua de Græciæ salute agebatur: ingruente iam hoste & lacessente suos continuit, donec per sacra & victimas Dii consulti pugnae annuissent. Fiebat lon-

gius, & hostes interea cunctationem pro metu interpretati, magis instare, premere: multi è Græcis cadere. nec vel sic tamen telum remitti permisit: sed victimis multiplicatis, supinas denique manus ad cælum, & preces, tulit: *Ut si infatis non foret Græcos vincere, at saltē, ne in nultis sed facinore aliquo memorabili adito, mori indulgerent.* Auditus est, & statim felicia exta: inde procursus, & victoria. Sed quis ille animus? quàm fixus obnixusque in ceremonijs patrijs? qui vel internecione cædi eligebat, quàm Dijs inuitis ferrum stringere.

At vero LUDOVICVS, cui DIVI prænomenvirtus & merita pepererunt, Galliæ rex: III.
An. ∞. cc. per ipsa pericula, imo infortunia, religionem xxvii. assertum & defensum iuit. Vitaille Princeps & moribus optimus; iustitiæ tutor vnicus, histriionum osor, impiorum expulsor, ab anno duodecimo rex, in annum quinquagesimum sextum quo obiit, omnia (vt verbo dicam) cælo, & titulo suo digna, edidit. Sed quod meæ nunc rei facit, arma pro religione bis cepit. primò in Aegyptum traiciens, infeliciter rem gessit, copijs, commeatu, machinis amissis. Nec tamen animo. iterumque magno exercitu in Africam iuit, vxore, liberis, regno relicto: sed nec ibi felix, vna re se putauit, quòd vitam si non in acie, in expeditione tamen posuit: id est, religioni donauit. Mortuus enim in ipsa Africâ: sed in stirpe diu vixit, & viuit. è qua HENRICVS QVARTVS Gal-

I. Lipsij monita

liarum nunc rex imperat: quem proavi illos animos, sed felicius sumere, bellis & victorijs clarum, tacitum multorum est votum.

III.

.. xcvi.

Quid ante Ludouicum GODEFREDVS Lotharingæ & Bullionij Dux? quàm acres illi in pectore stimuli, qui adegerunt rem tentare atque aggredi, vix Europæ viribus patranda? Iudæa & Terra Sancta à profanis & impijs tenebatur: qui loca illa Christo-Deo calcata, aut cruentata, illudebant ac profanabant. Perditum est pijssimo Heroi (sic nominandus est, & homine in eo aliquid maius:) militem collegit, opes suas & auitum patrimonium expendit, fratres ipsos duos impendit. Deus autem cœptis quam palam adfuit? ad *sexcenta milia peditum, equitum centena millia* armauit: exercitum, quem rarò Europa nostra vidisset. Scio esse, qui numerum minuant: sed fuisse certum est, etsi non omnes peruenisse. *Venit* igitur in Syriam, & (vt Iulianis olim verbis dicam) *vidit, vicit* Rex Terræ Sanctæ factus, victorijs & vita illustris obiit: quem mirari aliquando subijt non & ipsum relatum in Diuorum numerum, tam claris testatisque meritis.

V.

CAROLVS QVINTVS Imperator, multa vitæ sanctimonia, presertim iam senior, fuit. Preces ipse cōponere, noctu surgere & ad Deum fundere: sed ardorem præsertim & studium in tuenda religione profiteri. Voluisset & propaganda: ac querētis eius vox sepe audita, Quod per bella interna, & cum Christianis Principibus,

cipibus, laurea eriperetur, quam de veris profanisque hostibus posset referre. Sed quod ad tuendam, notum quid in Germanico bello fecerit: quam periculose susceperit, animose gesserit, feliciter consummarit. In eo, dum Saxo- nem persequitur, ad Albim fluuium: sub ipsi praelij tempus obseruauit imaginem Christi, in cruce adfixi, plumbea glande ab impio milite recenter traiectam. Stetit, & ingemuit: atque alta voce ad Deum clamauit, *Domine, si vis iniuriam hanc ulcisci, potes: ecce autem me vindicem tuum paratum. iuuu.* Certe audiuit, & iuuuit. fuga & dissipatio hostium ad eius adspectum facta, Dux ipse saucius in manus venit, & bellum vno praelio confectum.

MON. III. *Tuitio sacrorum famam & potentiam donat.*

Cuius clarissimum exemplum est PHILIPPVS MACEDO? qui tenuis adhuc viribus, neque inclytus nomine, gradum ad illa vtraque fecit à sacrorum tutela. Phocenses in Græcia, cum Delphico templo præessent, bello impliciti, thesauros eius Dei veteres & fama celebres tangere ausi, & mutui titulo, quid nisi spoliare? Ea res in odio & execratione omnium cum esset, solus ipse non iram, sed vindictam etiam & arma sumpsit. Contra sumunt Phocenses, Onomarcho quodam duce: & iuncti exercitus, & praelio instruuntur. Ibi Philippus, pulcherrimo astu, suos omnes lauru coronari iussit (sacræ Apollini eæ frondes:) atque ita velut Deo duce, & Deo dicatum exercitum, manus

1.

I. Lipsij monita.

conferere. Factum & alacriter, & feliciter. cum Phocenses ipsis insignibus violati numinis conspectis, in fugam consternati, armis abiectis abeunt, & temerate religionis pœnas multo sanguine suo pendunt. In gratia & gloria ab hac re Philippus. auxit opes & regnum, quod obscurum & modicum, validissimum Europæ effecit: & filio materiem ad illud Asiæ quærendum reliquit.

II.

CONSTANTINVM MAGNVM licet addere: eo iustius, quod veræ pietatis præbuit se assertorem. Quam ea ad id æui iacebat? oppressa cædibus, ignibus, aquis: & caput aut vocem attollere in eius professionem non erat. Ille ante Principatum affectum aliquem, & iam Princeps amorem ostendit: templa Dijs clausit, Christo aperuit, & omni vi atque arte hoc nomen & numen iuit propagatum. An non se vna? imperium turbidis illis temporibus, & seditioni factis, firmiter ad senectutem tenuit, & suis adeo reliquit. Prospera multa bello gessit, veterem Romam tenuit, & nouam struxit. Hæc omnia cui accepto, nisi Religioni atque eius tutelæ, referat?

III.

CAROLVS deinde MAGNVS iterum noui auctor imperij, qui id à Romanis vel potius Barbaris (nam ij dominabantur in Italia) ad Francos Germanosque transtulit: is, inquam, palam hunc titulum debet inscripsitque tuitio-
ni sacrorum. Ter in Italiam copias duxit, & victrices reduxit: vt laborantem à seditiosis aut ab hostibus Pontificem maximum, in liberta-

tem assereret, atque etiam dignitatem: Eundem potentia & finibus auxit, Rauennate Exarchatu, atque alijs in Italia, perpetuo dominij iure concessis. Alio ne etiam suo fructu? alio. nam iam Imperator victorias inclytas peperit: & ô laudabiles! contra hostes fidei bellis fere susceptis. Mauros in Hispania fregit & comminuit, Saxones, Danos, Auares in triumphum, nec suum, sed Christi duxit. Plerisque enim errores detraxit & lumen veritatis nostræ infudit. Magnum Principem! & vnde, dixi.

At Hispaniæ mentio ALFONSVM, siue ADELFONSVM vt prisci fere scribunt, eius regem mihi suggerit, ab ista hac radice florentem. Hispania scissa tunc varie, & Mauricis armis regnisque incesa erat: multa recepit, iunxit: & semper in istis prima ei cura, templa instaurare, vasis vestibulique, ad sacrorum cultum exornare. Adeoque hæc agenti fauor numinis adfuit, vt sæpe, cum animosa audacia an temeritate dicam, castra hostium explorabundus, atque id solus adierit: solus redierit ac sese explicarit, idque cum agnitus interdum ab ijs fuisset. Miraculum hic quis non agnoscat? Isto feruore (sic appellare debeo) CATHOLICI regis agnomen meruit: quod idem antea *Recaredo* datum in concilio Toletano, cum Gothorum gentem abiectis Arij delirijs, in Ecclesiæ castra reduxisset. Ac tertium, idem in *Ferdinando* rege, patrum memoria: à Iulio II. Pontifice renouatum. qui Mauros tota Hispania eiecit: & ab eo posteris successoribusque ad hunc

III.
DCC XXXI.

I. Lipsij monita

IIII.

∞. CC.

LXXIII.

diem, gloriosum id & solenne mansit.

Tene ego hic RVDOLFE AVSTRIACE præteream? te, qui fluctuans per dissidia Imperium stabilijsti, & gentem fatalem sceptris regnisque propagasti. Quo merito? inquire in Deum & diuina consulta nefas, nec facio: sed non est inquisitio, quæ in aperto sunt memorare. Tu in modica adhuc fortuna, nec nisi Comes Habespurgensis, Pietatis multiplex studium prætulisti: & illi sequentem magnitudinem tuam vaticinia & diuinæ voces adscripserunt. Vnum videamus. Venatum forte, vt nobilitas illa & nostra solet, cum paucis in equo exiuerat. Pluvius dies erat, & viæ fractæ & sordentes: ecce occurrit sacerdos, venerabilem & mysticam hostiam, extremum solatium, ægro laturus: & occurrit pedes. Is ad spectus pium pectus perculit. nec sine indignatiuncula aliqua equo desiluit: & *Me vehi, te qui seruatorem meum portas, pedibus incedere? indecorum, vel impium sit: conscende, & equum hunc cape.* Iussio, non preciserant: parer ille, & iste capite reuelato humilis sequitur, ad ipsas ædes ægri deducit, ab ijs eodem habitu reducit. Iam domi & apud se Sacerdos erat. qui officio attonitus, & mente à Deo mota, bene abeunti dixit, & simul Imperium ipsi posterisque prædixit. Alij tamen ad Suevicam vatem hoc referunt: quidam & somnio sequentis noctis edoctum ipsum volunt. Vnde unde prædictio, & res illa certa, & rara ista fuit, ac fidem etiam nunc ab euentis habet. Sed hæc narratio Monitum aliud mihi suggerit.

MON. IIII. *Sacrorum antistites aut administratos honorandos, audiendos esse.*

ALEXANDER SEVERVS Imperator tanti eos fecit, vt iudicatas à se causas, à Pontificibus atque Auguribus retractari, atque aliter quam ipse censuisset terminari, æquo animo pateretur. Bona submissio. non minuit, sed auxit Principale culmen, infra Religionem id posuisse.

I.

CONSTANTINVS MAGNVS, cum initio, vt fit, libertatis, feruor & fluctus, & contentio aliqua, inter Ecclesiæ proceres esset: indicto concilio Nicæno, ipse interfuit, & auctoritatem accommodauit. Ecce autem libelli plures, qui mutuas criminationes continerent, ad eum delati fuerunt: quos omnes quasi lecturus cogniturusque accepit. sed in vnum fascem collectos, in ignem statim, nec inspectos quidem, coram omnibus iecit. Duo videlicet eo facto significans, & indignum illis esse, certare emulatione aut odijs: nec se dignum, qui de ijs iudicaret, quos Deus iudicare vicem suam in terris iussisset.

II.

Iam ROBERTVS Galliæ rex quam eosdem honorauit, & misceri ijs honorem suum putauit: Scholas & templa adibat, locum inter eos sumebat: nec orabat solum cum ijs, sed in publico psallebat. Quin & cantica eius sacra, quæ composuit ediditque, Ecclesia etiam nunc vsurpat. Vir demissæ & raræ sanctimonix. cui Deus etiam miraculo attestatus est: cum, Auallo-

III.

DECCC.

XCII.

I. Lipsij monita

runt. ipso interea laudes hymnosque cum sacerdotibus in tabernaculo concinente.

IIII.

cc.

LXXIX.

Sed hoc mirari quam imitari plures volent, sicut & illud, quod de OSMANE, VRCHANE, MVRATE, à quibus Turcicum hoc grãde imperium fundatum cœptumque est, Annales eius gentis hisipsis verbis (digna enim ea prodi) tradunt. *Quoties conuiuias vacabant, vescabantur adhibitis Talismanis* (ita Sacerdotes dicunt:) *quorum præceptis & admonitionibus inter conuiuandum aures præbebant, & alcoranum legi iubebant.* De Principibus, an de Monachis hæc narrantur?

v.

c.

LXXIIII.

At submissionis exemplum etiam vnum, quod horridæ &, vt quorundam deliciæ sunt, fordidæ Pietatis videbitur, in HENRICO II. Anglorum rege. Ille suspectus in cæde beati Thomæ Cantuariensis Antistitis, non facto aut manibus eius, sed iussu consensuue parrata: & sæpe admonitus, ac renitens semper aut abnuens, ad extremum ipsa conscientia salutari-ter adducente, ad ipsum locum sepulchrumque beati viri, Cantuariam venit, atque ibi statim in terram, simul & lachrimas, effusus veniam pacemque petijt. Sancto deinde à pœnitentia impetu, ad cœtum monachorum pergit, & multis precibus impetrant, vt à singulis eorum ordine virginis vapularet. Quid dicam? stupeo. rex fecit, sponte fecit, sui oblitus dum Deum cogitat. iudicij hominum, dum cœli præmia. O si hic vilem, ibi beatum! immo & hic, dum Deus ipso illo tempore eum attollit

& magnificat, rege Scotorum à ducibus suis victo, capto, & per triumphum adducto. Plura in Religione liceat: sed seorsum iam feci in libello, quem *De una religione* vulgaui.

DE SUPERSTITIONE.

Abitam Religioni esse, & in vanitatem, vilitatem, timorem inclinare.

CAP. III.

Religio igitur laudabilis: sed sita velut inter duos scopulos, Superstitionem & Impi-
tatem. quem vtrumque suademus, & opus est,
vitare. Subit miserari humanam conditionem, In Camil-
siue, vt Plutarchi verbis efferam, ἀνθρώ- lo.

πίνω αἰθέριαν, ὅσον οὐκ ἔχουσιν. ἀλλ'
ἐκφερομένη, ὅπως μὲν εἰς δεισιδαιμονίαν
καὶ τύφον, ὅπως δὲ εἰς ὀλιγωρίαν τῆς γείων
καὶ ἀειφρόνησιν: humanam imbecillitatem, que
finem aut modum non habet. sed alias abripitur in su-
perstitionem & vanitatem, alias in Neglectum rerum
diuinarum aut Contemptum. O vtraque magna

pestis! sed illa crebrior, hæc deterior: atque
illa Pietatis ipsa imagine se commendat. Sed
imagine. neque aliud est, quam humanarum
mentium ludibrium, Superstitio. Quæ rudes, bar-
baros, & male factos animos maxime tangit.
καὶ ἐνάλωτον (ait idem Plutarchus) εἰς δεισιδα-
μονίαν φύσιν τὸ βαρβαρικόν: Pronum natura
ad Superstitionem genus barbaricum. Ea autem

Curt lib. 7.

I. *Lipsij monita*

non aliud est, quam cultus Dei, quem, aut cui, non debet, aut aliter, ac debet. Errat in eligendo: vel modum excedit in colendo, & seruiliter, muliebriter, pueriliter se gerit. Proprius autem ei timor, & inquietudo: quæ animos deprimunt, & ad nullam rem seriam aut altam patiuntur aptari. Itaque Principi fugienda maxime: etsi

MON. I. *In tristibus aut aduersis saepe se insinuat.*

I.

Quod in ALEXANDRO MAGNO notatum. qui omni quidem vita religiosus, in extrema ea ad hanc declinauit. Nam ita animi & corporis ager iam se gessit, ait Plutarchus, *ut nihil esset tam paruum aut absurdum, si modo insolitum, quod in prodigium aut omen non verteret. Itaque sacrificantium, lustrantium, diuinantium regia erat plena. & plenus ipse malis curisque, mortem dum fugit, accersit.*

In Alexandro.

II.

Annon in LVDOVICO XI. rege Galliarum simile? qui ætate & valetudine iam inclinante, medicis blanditur, & auri montes promittit aut donat: deinde & sanctos viros euocat, & è filiis educit, quibus vitam suam non emendandam, sed propagandam commendat. Tanto interea meru, ut in arce munita, & fenestris ipsis atque omni aditu clathris ferreis obstrueto, sese includeret: id est, quid nisi in spontaneum carcerem daret? O miser, hoc assidue times, quod semel faciendum est? hoc times, quod in tua manu est, ne timeas? Pietatem assume, Superstitionem omitte: mors tua vita

erit, & quidem beata atque æterna.

MON. II. In friuolis aut paruis se ostendit.

Cuius rei cottidiana, pæne dicam, exempla sunt. Illustre in magno A V G V S T O. qui *Auspi-*
cia & omnia, ait Suetonius, pro certissimis obserua-
bat: sed nec somnia sua, aut aliena de se, negligebat, ne
peregrinarum quidem religionum contemptor, cum Ce-
reris Attica mysteriis initiari voluerit. Quid ei quie-
tum, in talibus occupato?

Q V Æ S T I V N C V L A.

An in populo non utilis Superstitio, & Principi
permittenda?

A Principe igitur ipso remouemus: imò ausim
dicere, nimiam Pietatem. Munus enim eius in-
tueor, quòd à diuinis ad humana etiã vocat: in
quo ipso est Dei quidam cultus & honos. Nice-
phorus Gregoras scite hoc mihi dixisse videtur:

Τὼ μόνῃ θεωροῦντι τὸν θεὸν τῇ καρδίᾳ θεωρεῖται,
ὁρεσι καὶ ἀσκηταῖς ἐν ἄλσιν. ὅστις δὲ μετὰ τὴν ἀρετὴν καὶ πολιτικὴν ἡσυχασίαν
θεὸς, καὶ πείραν ἔσχε πραγμάτων παντοίων. ὅτος
λαὸν ὁδηγεῖ εἰς τὰ βέλπιστα καὶ σωτήρια κράτι-
ς: Qui in una Dei contemplatione mentem defixam
habet, ei montes & speluncas habitare conuenit. At

Lib. III.

qui, una cum virtute, etiam mores ciuiles exercuit &
iunxit, quique notitiam parauit rerum variarum, ille
verò populum regere, & ducere ad optima optimus est.

Sed hoc cùm ita sit: quid igitur? inquit. an
non populum saltem in superstitione habere,
Principi vtile, & optandum est? Sunt qui asse-
rant, & præsertim è priscis. Nā mitigari ita ani-
mos, & faciliores reddi ad parendum. Liuius

I. Lipsij monita

Lib. I.

Curtius
lib. III.

Numam, qui Romam superstitionibus replevit, spectasse hoc vult: & omnium primum, rem ad multitudinem imperitam, & illis temporibus radem, efficacissimam, Deorum metum inieciſſe. Et vero facit ad ingenium multitudinis. quæ alioquin Impotens, ſæua, mutabilis, ubi vanâ religione capta eſt, melius vatibus ſuis (ſive & ſacerdotibus) quàm diſtibus regibusque paret. Quin & Polybius Romanos laudat, & prudenter feciſſe autumat, quòd partem eam, quæ Religionem & Deos ſpectat, in republicâ ſuâ ſic conformarint & panè tragicè extulerint, ut nihil ſic addere. Quod mihi quidem videntur, inquit, PLEBIS CAUſſA feciſſe. nam ſi è Sapientibus viris Rempublicam ſas conſtituere: nihil opus ſit tali iſtâ inductione uti: at cum multitudo vana ſit, & varia præter leges appetat, iracunda ac violenta, utile fuit interno hoc terrore, & ſuperſtitionis velut tragædia cohiberi. Hæc iſti: at nobis nō perſuadeâr, in bona republica vitiorum caput & fontē approbare. Mites animi fiunt, inquiunt. Imo viles, & iſtæ perſuaſiunculæ, ut cū poëta dicâ,
————— faciunt animos humiles formidine diuini.

Depreſſosque premunt ad terram.

Nemo magnanimus, & alta meditans Princeps, tales ſubditos ſuos velit. Obedientiores etiam ſunt? Abnuo, imo ad motus aut rebellionem proniores. Quoties olim, & nuper viſum, prauæ aut nouæ Religionis titulo, populum concitatum? vnus aliquis concionator, ſanctimonix fama, ut telo, armatus, & eloquentia aliqua ornatus, quid nō patrat? Omitto vetera, aut exterante annos circiter centum HIERO-

NYMVS SAVANAROLA Florentinus, religiosi habitu (in Diui Dominici cœtu erat) tum vitæ vera an ficta sanctimonia, adhæc facundia, populum in se conuerterat. Pulsi Medicæi vrbe erant, & popularis status introductus: quem ille, vt ambitioni suæ opportunum, omni ope tuebatur. Plebs ab eo pendula, & verba consultaque eius, oracula habere: ipsi optimates virum colere, & per eum se suosque ad remp. (nam hæc in eius manu) promouere. Regnabat enim non in concionibus tantum & sacris ædibus, sed in curia, sed in comitiis: & raro publice, imo priuatim maius aliquid, sine eius arbitrio gestum. Dicam? non animis modo, sed & arcis, sed & armis ciuium, imperabat. Hoc regnum totos annos quattuor exercuit. sed cum inuidia interfectorum aliquot ciuium laboraret, alia etiam obicerentur, quorum purgandorum, & diuinitatis famæ augendæ, cum pyram ardentem ingressurum se vltro spopondisset, mox retractans, vanitatis manifestus, & ex eo contemptior, apparuit. Denique in Pontificem summum linguæ suæ tela vibrans, primo bonorum, mox & mediorum fauore destitutus, pœnas ad vltimum ambitiosæ pietatis publico igne luit. Scio variare super eo iudicia, & benignius quosdam loqui: esto sed exemplum tamen potentiæ in populo, per titulum Religionis, insigne & Principibus metuendum præbuit. Talia aliqua in libello *De una religione* dicta. Iam ratio firmissima & intima, Christiano Principi nefas superstitionem fouere. Et illi

I. Lipsij monita

exterorum quifecerunt, quàm turpiter & fœde instituerunt? Exempla libet dare, & ridere: ac primum.

I.

ÆGYPTIORVM. quos omnes gentes credo equidem vana & stulta superstitione antequisse. Neque enim ad homines, aut ad mortuos modò Deorum cultum, *Jsim, Serapim, Anubim*, sed ad bestias, easque vilissimas transtulerunt, *Canes, Ichneumones, Feles, Accipitres, Ibides, Lupos, Crocodilos*, tales plures. O amentiam! his cibos dare per obsequium pietatis soliti, his agros & vectigalia è publico assignare, horum in signis imagines præferre, his denique defunctis cum planctu funus, & sumptu monumenta facere. Ex his si quis sciens aliquod interfecisset, interficiebatur, si quis vel insciens *Felera*, aut *Ibidem*, idem. Nugari videar, sed vera suo malo sensit Romanus ciuis, æuo Diodori Siculi, id est Tullij Ciceronis. nam ipse id scribit, & testem ac spectatorem rei se adscribit. Ptolomæus, inquit, quæ Romani in regnū postea restituerūt, cum primò Socius & amicus à Senatu P. Q. Romano dictus esset, magna lætitia publica, & concursus fuit. Erant & Romani in turba: atque inter eos miles casu (non enim sponte) felle occidit. Clamor, ira, tumultus. non inscitia miseri, non Romani nominis reuerentia, non imperium Regis, qui purpuratorum præcipuos miserat ad sedandum & deprecandum: nihil, inquam, horum iuuit, quin ille statim millenis manibus discerperetur, sic vt nec funeri aut rogo aliquid superesset. Vides quàm mitis

superstitio? rabies & furor est, cùm pectora inuasit.

Sed & aliter etiam sæuitia, an vesania est, in exemplo, quod eidem scriptori debemus. II.

ÆGYPTVM aliquando fames inuasit, sic ut alimenta deessent. Quid factum? versi sunt ad humanas carnes, & pepercerunt dictis bestiis: pepercerunt? imò & aluerunt neque ambiguum quin & humana carne. Cæcitatem! ergo homo Deo proximus, infra sæda animalia ponitur: & ille horum gratiâ interit, id est quid nisi iis immolatur?

Tolerabilius AFRICÆ, qui non bestiis, sed Saturno tamen homines viuos sacrificabant, & præsertim pueros, ætatem florentem, innoxiam, & ideo crudo illi Deo gratiorem. Res ita fuit. Stabat Carthagine statua Saturni ænea, manibus leuiter sublati, iterumque pandis in terram demissis. In eas solenniter vir aut puer impositus, statim præceps deuolvebatur in subiectum barathrum, igne & eius alimentis plenum. Id viuicomburium Deo dabatur, stato quidem die quotannis: sed aliquando & extra ordinem, & multiplicatis victimis, si clades aut tristius aliquid ciuitati euenisset. Ut in eâ, quam ab Agathocle acceperant, placuit decreto ducentos (horresco referens) optimatum filios Saturno sic immolari; & quis credat? totidem alij sponte se obtulerunt, ipsa clades an florem hunc ciuium abstulerat, quem superstitio impendit? Indignor, an miseror? & lacrimas conditioni humanæ impendo, cui *uni superstitionem* III.

I. Lipsij monita

datam Plinius conqueritur: an non iure, cum in hos usus?

IIII.
de. xx.

Sed ad ridenda magis, quàm deflenda eamus: & stultitiam, quàm sæuitiam accusemus. MAHV METES ille, heu nimis nostris cladibus notus, cum cupidine agitaretur nouarum opum & imperij, nouam Religionem, id est superstitionem commentus est: ita me Deus, indecoram, futilem, nec colore villo veri tincta? etsi ex Iudæorum Christianorumque libris, velut per Satyram, miscuit & confecit. O nugas, ô deliria! & lubet quædam recensere. Primum est, Deum vnū solidumque (ὁλόσφυρον Græci exprimunt) eundemque incorporeum esse: Christum non Deum, sed magnum vatem & prophetam, se tamen maiorem, & proxime à Deo missum. Præmia qui ipsum audient, Paradisum, qui post aliquot annorum millia referabitur: ibi quattuor flumina, lacte, vino, melle, aqua fluere: ibi palatia & ædificia gemmata atque aurata esse: carnes auium suauissimarum, fructus omne genus, quos sparsi iacentesque sub vmbra arborum edent: sed caput felicitatis, viros fæminasque maiores solito, magnis genitalibus, assidua libidine & eius usu, sine tædio aut fatigatione. Credet hæc aliquis dicta, & accepta? amplius. Ille vero Veneris his illecebris totam legem suam impleuit: & viro permittit vxores iustas quattuor habere, pellices tot quot lubet. Etiam, scribit hisipsis verbis: *Mulieres habitaculum viri esse, ideo assidue debere eas colere; sed & ingredi qua vellent.* O

turpitudinē! non prouocat solum ad crebram, sed ad promiscuam libidinem: & supera, infera, aduersa, auersa, eodem iure habet. Atque adeo ipse belle & in exemplum gloria-
tur, *Vndecim se mulieres habuisse in contubernio, & omnes una hora singillatim iniuisse, & patrasse.* Hæc & plura in eius *Corano*: sed & Physica quoque miranda. Nam facit Solem & Lunam in equis vehi: illum autem in aquam calidam vespere mergi, & bene lotum ascendere atque oriri. Stellas in aëre è catenis aureis pendere: terram in bouini cornu cuspidē stabilitam, & agitante se boue ac succutiente fieri terræmotum. Hominem autem ex hirtudine aut sanguisuga nasci. & quid addam? pudet, piget, miseret generis humani, cuius magna aut maxima pars his non vanitatibus, sed stuporibus est oppressa. Nam Asia fere tota, plurimum Africæ, multum Europæ, iura sceptri & sacri Turcici accepit. Quin & multi extra Turcarum iura, vt magnus Tatarorum Chamus, vt Persa, vt alij in India & extremo Oriente, deliria hæc delirant.

Quideriam omitto: iidem TURCÆ, ad Ægyptiorum morem, feles, canes, pisces, aues, si non adorant, colunt tamen & pascunt: & his se velut largitionibus demereri diuinum Numen censent. Itaque videre Byzantij statis horis est, cibos apponi dictis animalibus: nec viles quosdam, aut mensarum analecta, sed orizam coctam, carnes assas recens, & hoc sine ex opopolio emptas, quas & perticis

V.

I. *Lipsij monita*

longis imponere solent, & sic fugacibus aut vitabundis eorum dare. Quid, quod aues etiam captas redimunt, & aëri ac libertati deinde, per pietatem, restitunt? Iam in re inanima, id est charta, quas nugas edunt? Nefas eam abiici, aut calcari: sicubi vel fragmen vident, tollunt religiose, & parieti adfigunt, aut imponunt. Refert Augerius Busbequius, in legatione sua ad Soleimannum, cum ductores tutorésque viæ Genitzaros haberet, grauiter aliquando apud se questos, quod famulatio eius charta ad obscenos vsus esset. Causa autem quam iusta? quia *Coranus* ille in ea scriptus.

VI.

Sed lubet leui oculo alia terrarum etiam, & in iis superstitionem, lustrare: quæ discolor, sed ubique decolor, & candori ac veritati aliena comparet. Sunt in Orientis magno tractu, qui MALABARES appellantur, & à Calcutio, mare versus, & introrsum etiam colunt. Iis varij Dij, & simulacra eorum fædo habitu, colore etiam fere in nigrum. Tempia *Pagodes* vocant: sacerdotes, *Brahmanes*. Iis tanta reuerentia, vt & belli tempore mediis armis interueniant, solâ religione & nomine suo tuti. Insigne eorum, tria fila, quæ ab humero dextro in sinistrum latus ligant. Nomen vetus est Indorum sapientum: & quædam ex iis habent. Sunt enim Astrologiæ periti, sed & Magiæ, ac prædictionibus plebi varie spem aut metum præbent. Finis earum, quæsticulus, vt in hoc genere solet, quem & ex sacrificiis aucupantur, cum Diis suis cibos, sed & nummos, offerri iubent: atque ipsi
iis

iis vescuntur, aut vtuntur. Sacra eorum & conuentus fere cruenti: tela enim inter se spargunt, & qui iis occumbunt, migrare ad beatorum sedes recta censentur. Animas immortales prædicant, sed Pythagoræ somnio, in corpora alia transire.

VII.

Sunt & SINITÆ, siue SINENSES, vltiore tractu: ij quoque in Deorum cultu, quos domesticatim plures habent. quosdam & tricipiti figura: an auditiuncula aliqua & adumbratione nostræ Trinitatis, quando & D. Thomam, & Christiana olim sacra, in iis locis fuisse, constans traditio est? Sed de unculos istos adeo magni haud faciunt, vt si aliquid præter spem aut vota euenit, ab ipsis pœnas exigant, atque adeo flagris cæsos in publicum sæpe abiciant & exponant. Mox tamen pœnitentia recipiunt, iterumque (ô bellum ludum!) adorant, placant, supplicant, verbis, thure, mero. Solem tamen inter omnes præcipuo cultu & æstimatione habent: atque huic extra ædes progressi, sub dio, de patera * vinum, Græco & Romano more, libant. Sacerdotes, pro deorum numero, ipsi quoque frequentes. Sunt Bonzij, sunt & Bonziæ feminae, & super vtrosque Tundi: denique vnus supremus omnium, Zasso. Hi Bonzij conuentus suos & contubernia habent: vt Religiosi apud nos cœnobia: in regno quidem Iaponiæ ita crebra, vt vna aliqua provincia supra dccc. recenscat: in quorum singulis haud minus sit triginta Bonziorum. Nominò Iaponiam: nam & ij ritus eodem cum Si-

* Vinum
eius loci, &
palmit.

I. *Lipsij monita*

nitit & sacra habent, hauseruntque vtrique à communi doctore *Xaca*. Eorum dogma, animas interire, eademque omnia à morte, quæ ante natalem: exitiabile Virtuti.

VIII.

Iam in nouo orbe & illa *AMERICA* quid dicam? *Spissæ* & *Cimmeriæ* tenebræ: nisi quod Hispani leuiter (sed adhuc leuiter) dispulerunt, & lucem nostram intulerunt. In *PERUVII* regni finibus receptum, Solem colere: quod *Ingæ* reges pro firmamento aut insigni dominationis instituerunt, cùm essent dii antea diuersi. Illorum solenne, templa vbique Soli erigere, ampla, magnifica, auro laqueata, aut & strata. In iis castæ aliquot Virgines, quarum pudicitia deuota: nec fas polluere, nisi vt luerent morte. Excusatur, si qua iurauit à sole compressam se, & ex eo vterum ferre. Pæne is ritus fuit, qui *Vestaliū* *Romæ*: sed numerus prægrandior. & in vno aliquo templo ducentæ, aut plures. Alij etiam ministri & æditui, alibi ad millia triginta: idque tantum in templi vnus cultum & vsum. Sed earum munus, lanam & filum carpere, vestes texere, diis ornandis: siue & ad sacrorum ritum, quo solent vestes & hæc texta vna cum ossibus pecudum cremare, & mixtum cinerem, in altum spectantes, Soli iactare. Has virgines *Mamaconas* vocabant: ipsa templa, aut & idola. *Guacas*. Sunt & alij sacerdotes, vestitu niueo insignes: qui Deos adeunt, saluant, sermocinantur. sed id cum hac cautione, vt terram despectent, & oculos versus eos non attollant. Imo quidam aut obligant sibi

lumina, aut eruunt semel & euellunt: quod sanctius reuerentiusque habetur. Sacrificia sunt pecudes eius loci, sed homines crebro etiam, & infantes. Horum sanguine simulacra oblinunt: deinde exta inspiciunt, & è notis augurantur.

IX₄

In VICINIS ei regno LOCIS deorum alia portenta. Quidam tigres, leones, fera eiusmodi animalia colunt: alij feles, aut aues. Quidam (in prouincia, quæ *Manta* dicitur) Smaragdum insignem gemmam adorant, & pro vero numine habent. Mos omnibus, herbas certas pro thure adolere & incendere, itemque captiuos sacrificare, aut si desunt, è suis. Oracula petunt, & capiunt: tam certa plerumque fide, vt Hispani tradant, nihil vel in eorum bellis, aut in suis ciuilibus euenisse, quod non prædictionibus fuerit vulgatum. Immortalitatem animi credunt, sed, vt videtur, cum ipso corpore, & quasi migrent: certe sepulchra laxiora, & magis apparata faciunt: quam vllas viuentium domos. Sed & cùm moriuntur, comites accipiunt, quasi ad ministerium aut solatium: atque imprimis carissimas vxorum. Eæ certant inter se & æmulantur, quæ cum mortuo viua (ita fit) defodiatur. Quod si insignior aliquis sâtrapa aut regulus obiit, turba est eorum earumque, quæ commoriuntur. Argumentum, quod ad res lætas & geniales ire se putent, hoc est, quod potum & cibum affatim apponant, sed & quotannis, velut parentalibus, per foramen superne, de industria sic factum, infundant. Choreas illic, & in aliis festis

I. Lipsij monita

diebus honori Deorum ducunt, bini & bini iuncti in seriem, duobus præfultoribus, qui dant modos, Tenent autem sic saltantes manu vas potorium (assidue enim bibunt) & altera interim penem, ut infusa emittant.

X.

Ultimi sunt MEXICANI, quos diuidit angustior ille isthmus. Vastum regnum, & olim innumerus populus, & diu pro modo. Nam omnium ferme rerum affectuumque eos habebant, ut Aquæ, Piscium, Frumenti, Fructuum, Amorum, Bellorum, & quidquid dici fingique tale potest. Aiunt ad duo millia Deorum culta sollemniter in vrbe *Themistitan*, quæ regni metropolis, fuisse. Templis iis magnifica, laxa, quadrata fere forma. Sacrificia cruenta, ex animato, & ex homine: atque adeo hominum ad quinquaginta, aut supra, millia vno anno immolabant. Dignum relatu est quod Ferdinando Cortesio (immortalis gloriæ, ob quæsitum subactumque hunc tractum) Cortesio, inquam, euenit. Populi quidam ibi, nouitate facinorum eius attoniti, legatos mittunt, qui sic affantur. *Tria genera munerum ad te ferimus. Primo quinque homines. & si Deus quidem crudus es, & sanguine placandus, cape istos, & vescere. plures etiam dabimus. Sin bonus mitisque es Deus, et tibi herbas & plumas, ad supplicandum. Si porro homo es, cape has aues & fructus, quos damus in tuum & tuorum usum.* O! Deus, qui cœpisti has tenebras minuire, rotas pelle, & ipsum te verum nouumque Deum cum nouo imperio ostende.

XI.

Plerasque superstitiones, quæ in partibus

orbis sunt, dixi: vnā quæ in toto est, omīsi,
 IUDÆORVM. Ij enim sparsi per Europam,
 Africam, Asiam, quaqua versus colunt: perti-
 nax natio, & qui vmbra pro luce, pro veri-
 tate imaginem tenuerunt, & tenent. Quā
 multa etiam priscis illis suis, sacrisque libris,
 vana, superflua, inepta addiderunt? ad Thal-
 mudem appello. Sed isti, quod mirum, & ter-
 mirum est, toties attriti vel excisi potius, viuunt
 & vigent, & corpus illud gentis seruant, atque
 adeo propagant. Legat, qui volet, ab Hieroso-
 lymis captis, quoties à Principibus Romanis
 Græcisque pulsi vel cæsi, quoties à Christianis
 etiam regibus sint: mirabitur & vix credet, vel
 paucos superesse in semen. At illi, vt dixi, fre-
 quentes sunt & florent. frequentes? Bellonium
 audi, fidum obseruatorem. *In omni imperio Turci-
 co, inquit, vix opidum aut pagus est, in quo non pluri-
 mi Iudæi agant: atque ij fere variarum linguarum pe-
 riti, quod magno vsui est exteris aut peregrinis.* Nec in
 illo tantum imperio, sed in Oriente, in Septem-
 trione, apud Christianos etiam agunt: & quam-
 quam sic distracti, vnionem & puritatem gen-
 tis seruant, à coniugiis alienigenarum decreto
 auersi. Quid Deus in istis struat aut moliat,ur,
 nescio: nulla quidem gens ab orbe condito, aut
 frequentiam, aut sinceritatem suam seruauit,
 opinor, præter istam.

DE IMPIETATE.

Eius matrem superbiam, aut ferociam, sæpe & vitiorum cumulum, esse.

CAP. IIII.

DE FLEXIO altera *Impietas*, siue *Irreligio*, si *ἀσέβεια* Græcorum sic licet vertere. Grande, & vt sic dicam, malorum malum: cùm homo à ratione, imo à natura abit, contemptor Numinis aut negator quod illa asseruit, & hæc inseuit. Eo veniri solet, siue à superba quadam & rudi Ferocia, siue à vitiorum magnitudine & cumulo, quæ animum manciparunt. Deo enim tum se subtrahit, & ne illum timeat, spernit: itemque præmia omnia futura, aut pœnas. Infelices hi tales! etiam in externis rebus successibusque: quia desertores sui Deus deserit, nec cadunt solum turpiter sæpe, sed ruunt. Quam fœdi etiam sunt? super omnes superstitiones: quia vt illi conuiuent ad supremum Numen, aut male vident, sic isti cæcutiunt, & nihil vident. Quis autem neget cæcitatem deteriorem lippitudine esse? Eam ego in paucis exemplis proponam: paucis, & id ipsum timide. nec aliter quam in templis malos Genios solemus, ad fugiendum & abhorrendum.

I. Omitto veteres, apud quos veniam aliquam habuerit, in caligine errorum: apud Christianos qui potest? Et sunt tamen, qui non vita solum

eam præferunt : sed impudenter lingua expriment. ut ille FREDERICVS II. Imperator, cui sepe in ore: *Tres fuisse insignes impostores, qui genus humanum seduxerunt, Moysen, Christum, Mahumetem.* O! impure, ô impie! te hoc dicere, quod gentilium quidam olim, *Christum magum fuisse,* Arnob. *Ex Egyptiorum adytis angelorum potentium, nomina habuisse?* Lib. i.

Mitior ALPHONSI X. Hispaniæ regis, sed non melior vox aut sensus. qui solitus Prouidentiam identidem culpare, & dicere: *si principio mundi ipse Deo adfuisset, multa melius ordinatiusque condenda fuisse.* Miselle, sapientia supra Deum es: lingua quo abis, mens quo abisti? Sed notabile, vtrumque istum, & Fredericum & Alfonsum, illum imperio, hunc regno priuatos, in publico odio & infamia obiisse. Plura non addo, nec vel calamum aut chartam relatione ipsa maculo.

Fatum considerandum, credendumque esse.

C A P. V.

AT tu qui Deum & Religionem colis, etiã Fatum: id est Prouidentia, decretumque diuinum. *Quid enim aliud est Fatum (dicit pro me Minutius Felix) quam id quod de unoquoque nostrum fatus est Deus? De unoquoque nostrum, sed & de rebus omnibus quæ sunt, fuerunt, erunt.* Is enim qui omnia fecit, dirigit eadem, mouet, seruat: *κατά τὴν ἡσίοχον ἀγαθός (verba Trismegisti) τὸ τῶ κόσμῳ ἄρμα ἀσφαλίστατον καὶ ἀνα-* Cap. xv.
δήσας εἰς εαυτὸν, μὴ πῶς ἀτάκτως φέροιτο:

C iiii

I. Lipsij monita

Tanquam Auriga peritus, currum hunc mundi firmans in se atque alligans, ne incomposite feratur. Prorsus ita est. per causas medias, varie nexas, prima illa causa omnia temperat, suaviter, prudenter, utiliter: nec aliter est censendum. Hoc monitum variam utilitatem Principi dabit. à Deo se & regnum, à Deo bona malaque externa esse: ideo nec in illis elate, nec in istis abiecte nimis agendum. Constantia ubique esto, & volens quædam obedientia decretis diuinis. Nam longe præstat (ait Gregoras Nicephorus) quietum ferri à ferente Fato, quam obnitendo velut materiam & alimentum ei præbere. Hoc enim tale est, ac si quis ignem metuens ades iam circumdantem, non exstinguat eum, sed sarmentorum fascies aggerat, & oleum affundat: aut si quis furente Borea & tempestate, exigua fragilique cymba, contra fluctus & per eos eluctari conetur. Altera etiam utilitas, inquirere leuiter & modestè in Fata, & videre quo vis illa supera, nostra hæc trahat: proque ea inclinatione, se & consilia adaptare. Magnus est fructus, & prudenti viro vix publica Fata conuersionesque obscuræ, ex signis quæ præeunt vel adhærent. Ruere aut vertere hunc statum vult? consilia praua, & homines tales erunt, qui ad gubernacula admouebuntur. Delatio, adulatio, vanitas locum habebunt: probitas, veritas, prudentia exfulabunt. Sed &, ut in cithara, concentus turbabitur: & obscura primum, mox palam discordia erit. Vult attollere? omnia alia. locus consilii, locus honosque virtutibus, etiam

artibus: denique siquid ægri in Republica, sanatur, siquid sani, fouetur: vt qui libram tenet, in hanc aut illam lancem pondus adijci iubet, & inclinat: sic Deus. & fortunam temperat, sed manibus aut consiliis fere nostris. Atque hæc ita palam, vt vel hebes mens videat, si non præuideat: & dominum arbitrumque terrestrium rerum, ex euentis, illum è cælo agnoscat. O quam mira, quam inopinata sæpe ab illa potentia? Nam & hoc gaudet atque amat, præter opinionem (non enim rationem) quædam facere, & vel sic ostendere vim illam omnia gubernantem & mouentem. Hæc vniuerse: sed in Exemplis etiam distinctius videamus, & monita pro ijs aptemus. Primum esto,

MON. I. *Regna & Reges à Deo dari.*

I.

Quid clarius? quæ vis, gratia, aut commendatio AGATHOCLI regnum in Sicilia dederunt? Pater ei figulus, pueritiam in luti sordibus, adolescentiam in impudiciæ, iuuentam in libidinis egit. Ab omni parte infamis, odio ciuium & inopia, ad latrocinium compellitur. En gradus, quibus ad sceptrum veniatur! sed mox miles, & dux è milite: id quoque cum infamia, quod defuncti *Damasconis*, cui successerat, vxorem stupro antea cognitam, sibi ceperat, & cum ea ingentes opes. His fretus, occupare imperium patriæ bis conatus, bis repellitur: denique in exilium agitur. Quid fit? iungit se Siculis, Syracusiorum hostibus, palam bello patriam petit, & obsidet: nihil efficit, cum Pæni in auxilium euocati strenue propugnarent.

I. *Lipsij monita*

Vi desperata, ad fraudes se vertit, *Hamilcarem* Pœnorum ducem ad pacē inuitat (ea species & honestus titulus fuit:) reuera ad pactiōē, vt cederet, & traderet sibi Syracusas. Ita factum, regnat, cædes populi & Principū facit: & miro iterum fato, iplis cōciliatoribus sceptri Pœnis bellum infert, & in Africam transfert. Præter spem varie victor, & præter spē quoque mox victus, deserto exercitu, liberis, amicis, pæne solus in Siciliam effugit. Seruat tamen regnū. etsi in varia sorte: immoriture ei, sed ita vt pelli vxorem liberosq; videret, & ab nepote id eripi, non diu fruituro. In his talibus vbi ratio alia, quam summa illa Ratio est, Fatum nobis dicta!

- II. Hæc in vno illo rege. quid in quatuor (septem in vniuersum fuere) ROMANORVM? Primus *Remulus*, & tertius *Tullus Hostilius*, vterque ex pastore ad sceptrum peruenit: quintus *Tarquinius Priscus*, è peregrino & exsule: sexus *Seruius*, quod ipsum nomen præfert, è vernula & seruo. Quid hæc aliud sunt. quam

Sidus, & occulti miranda potentia fati?

- III. Nam de C. MARIO minus mirum in populari electione, si ad summa peruenit ipse popularis. Sed ex ima tamen plebe ac municipali, miles mox factus in caligata, tum Cēturio, tum Tribunus: & in vrbe etiam petere honores ausus, sæpe repulsus, spretus, irrupit tandem in Curiam magis, quam peruenit. Ex illo tamen Mario tam humili, tam fastidito, ille Marius emerfit qui Africam vicit, regem Iugurtham

formidatum Romanis in triumphum duxit: & parum est: ille Marius, qui

—— *Cimbros, et summa pericula rerum*

Excepit:

& trepidam non Italiam modo, sed urbem defendit. Ille, qui post sextum Consulatum (rarum decus) carcerem & exilium subiuit: plenus tamen certusque spei, quod olim iuueni in agro apricanti, Aquila septem pullos in sinum iecisset, toties iterandi scilicet summi imperij signum. Nec fefellit euentus. Redijt, hostes vicit, urbem & Consulatum septimo iniuit, & in eo exspirauit. Quidlibet sperandi & timendi, cum Fata volunt, clarum exemplum.

Nec minus in MASANISSA (*Marius enim me in Africam reuocat.*) qui mortuo parte Gala, patruo succedente, & mox illo quoque mortuo, per fraudem exutus regno & priuatus, arma sumpsit, ac denique victoriæ & illius compos fuit. Sed non diu ea gauisus, & hoc fructus, à *Syphace* rege bellum excepit: qui iusto prælio eum fudit. In montem Balbum confugerat, sed illinc quoque *Bocchar* Præfectus regius eum pepulit, ad tantam paucitatem reductum, vt vix quattuor equitibus comitatus effugerit. Ventum erat ad flumen, nec vadari poterat: quid facis Masanissa, & tuum Fatum? metu urgente in id se conijcit, & duobus comitum gurgite abrepis, ipse cum duobus alijs inter virgulta vltiora delituit. Fama tamen sparsa submersi, populares (vt quisque in eum affectus) erexit, aut terruit: cum ille vulnus (nam &

IIII.

1. *Lipsij monita*

id acceperat) in spelunca auia curans, latrocinio duorum equitum per dies aliquot vixit. Mox ubi equi patiens fuit, audacia ingenti pergit ire ad regnum recuperandum: quibus præfidijs? haud plus quadraginta equitibus, qui in via se addiderant: auctisque paullatim ad vi. millia peditum, 1111. equitum, copijs, paternum totum regnum recepit. Sed nondum finis fatalis dispositionis. iterum pellitur, victus à *Vermina Syphacis* filio, quem rex in eum miserat. Ibi omnibus opibus, sed non spe amissa, cum lxx. equitibus effugit ad Garamantum terram: hæsitque vagans aut latitans, donec C. Lælius à Scipione missus cum classe appulisset. Iunxit se, & magnum nomen, etsi exiguas vires attulit: peritia tamen militiæ & locorum, aliquod ad victoriam momentum. Quæ mox secuta. victi Carthaginieneses & Syphax. iste periit, & regnum eius Scipio totum Masanissæ donat, finibus etiam auctis. Quid deinde? nec sic fideliter Fortuna ei ridet. in ipso aditu iactatur, sed Veneris insidijs, non vi Martis. Erat *Sophonisba*, Syphacis antea vxor, mulier insigni facie, facundia, & astu. Hæc regiam ingredienti occurrit, deiecta, mæsta, sed quod deceret: & statim Numidam in amorem sui rapit. Iubet igitur bono animo esse, dextram & mox corpus iungit: sed petenti antea iurat, *Nemini se traditurum eam Romano*. In his erat, cum Lælius superuenit, & Sophonisbam dedi postulat: fluctuante Masanissa, in vehementissimi amoris æstibus, illam defereret, an amicitiam Romanam. Sed ratio

& utilitas affectum vicit: illa vita abit, iste ad Romanos redit, & adhæret. per eos regnum stabilit, auget, quod ad posteros etiam transmissit.

Inferit se his exemplis & fœmina. Erat *Leontij* cuiusdam Atheniensis philosophi filia, *ATHENAIIS* nomine, multo ingenij corporisque lepore, aut Venere. Pater occulto aliquo de fortuna eius præfagio, omnes opes moriturus duobus filijs reliquerat: huic solos centum aureos, cum elogio, *Suffecturam ei fortunam suam.* Igitur cum fratribus litigat, vt iniuria affecta. sed infirmior sexus aliam etiam accipit, & pulsa ab ijs Constantinopolim venit, vt viam futuræ magnitudini aperiret. Insinuat se, & commendat causam *Pulcheriæ* Imperatoris sorori: cui statim ita placuit, vt percontata, ecquid virgo esset? in aulam acceperit, sed baptismo, rudem ad id Christianæ religionis, prius ablutam. Nomen eius in *EVDOCIAM* mutat: ac sic denique amat, vt fratri *Theodosio*, apud quem omnia poterat, coniugem desponderet. Hem, ascensus! sed ecce & deiectio. nam diu felix eo coniugio, amata & amans, in suspicionem probri incidit, & contubernio excidit, hac causa. Imperator insigne, & prægrande pomum dono acceperat: quod porro vxori suæ blandiens transmisit. Accepit illa, & idem mox *Paullino*, facundo & erudito viro, ideoque eruditæ fœminæ caro, nihil sequius cogitans dedit. Quod ille, ignarus vnde esset, iterum Imperatori, vt regium aliquod munus offert. Mirari ille, &

I. Lipsij monita

primum ambigere: mox agnoscere, & suspicari: atque ita propere ad uxorem veniens, callide pomum ab ea repetit, antea donatum. Hæc totius facti ignara, temere & iuueniliter asserit, sese edidisse: iterumque rogata dicit, atque adeo iurat. Imperator serio tum offensus, & mendacij arguens, pomum profert: nec satis. de amore occulto & improbo suspicatus, Paullinum occidit, illam abdicat, & relegat. O vterque amans, vestri misereor! etsi hæc quidem casum fortiter tulit: & iuit Hierosolyma, & pie casteque viuenti moritur, sed præmortuo marito.

Multa hæc in historia veteri: nostri æui vnum addam.

VI.

* Regna-
re cœpit an
∞. cccc.
xcv.

PHILIPPVS II. Hispaniarum rex, quid nisi fato in illud Lusitaniam etiam venit? Quod ita fundatum firmumque in copia successorum videbatur, vt locus non esset aut rima vel improbæ externæ spei. Ecce * Emanuel XIII: Lusitaniam rex tres uxores duxerat, & ex omnibus liberos tulerat. primam, *Isabellam*, maximam natu filiarum *Ferdinandi & Isabellæ* Hispaniarum regum. Proles ex ea nata *Michael*: qui si vixisset, certus heres omnium istorum regnorum erat, quæ nunc magnus Hispaniarum rex tenet. Obijt puer, & ipsa mater eius à partione. Ergo alteram tunc filiam *Mariam*, quæ tertia erat eisdem *Ferdinando & Isabellæ*, nuptijs iungit: nam *Joanna* secunda, tradita *Philippo* Austriaco fuit, è quo coniugio Hispaniam isti reges. Emanuel igitur ex ista numerosam sane prolem gignit, sex masculos, duas filias: denique

è tertijs etiam nuptijs, quas cum *Leonora* Philippi Austrij filia coiuit, duos liberos, filium filiamque. Obserua, te obsecro. an non hæc fundata domus, in tot fulcris, vt sic dicam, regni? Iam ad liberos istorum veni, quanta series? *vigintiduo* erant, qui Philippum regem antebant, & successionem legitime arcebant: & tamen quo Fata vocabant, venit & successit. Præmortui omnes illi sunt, quid? nisi vt vnum facerent Hispaniæ totius caput. Magnus fauor Numinis, nec semel in hac gente (*Austriam* dico) se ostendit: quæ per hereditates & aduenticia incrementa fere creuit.

11. *Regna à Deo & Reges tolli.*

Vis illustre exemplum? *CYRVS* erit. qui per annos triginta, in magna gloria rex Persarum, finitimis, deinde longinquis, subactis, longius manus etiam ad *Scythas* porrexit. Venit cum magno & victore exercitu, ô dedecus! à fæmina vincendus. *Thamyris* ea erat, quæ genti præerat, & filium ad fines regni repulsurum vim externam miserat: sed victus est, & infidijs à *Cyro* circumuentus. Ergo ipsa molem regni vltimam exciuit, & dat se animose obuiam, atque ijsdem fraudibus circumuentum & clausum, ipsum copiasque cecidit. Ducenta Persarum millia erant: ingens clades: adde ludibrium. caput mortuo resecat, & in virem sanguine plenum merso exprobrat: *Satia te sanguine, quo expleri nequisti.* Regnum longa mole fundatum, vbi es? rex tot annos felix & victor, vbi es? quo Fata & ordo rerum miserunt, à summis ad ima decidisti.

I.

I. *Lipsij monita*

II. Iam POLICRATES, rex Samiorum, non fortunati, sed fortunæ nomen videbatur. Nihil ei in vita aduersum: ante vota, supra vota, omnia aderant: id est, priusquam vellet, & postquam vellet. Cælum, terra, mare fauebant, aut seruiebant: & res in exemplo raro dixit: Anulum in mare abiecit, quasi Nemese placandæ: quid sit: in pisce mox inuentum recepit. At vltima dissident. & Oroetes Darij regis satrapa victum, captum, morte, nec ea communi (non dicam regia) affecit: sed in cruce alta suspensum, mirabile & miserabile orbi spectaculum, subiecit. O vere Deum, qui inopinata mutat!

III. Et in VALERIANO etiam Imperatore Romanorum, id est orbis pæne terræ, quam simile ludibrium! Ille post quindecim regni annos in ignobilem seruitutem, & audiētium aures grauaturam, vi Fati incidit. Bellum, magnis viribus, Sapor Persarum regi fecit: sed eo fine, vt victus & viuus in manus hostium veniret Imperator. Barbaro fastu victoria vsi sunt. siquidem Sapor, vt catenatum mancipium circumduxit: & quoties equum conscenderet, non manu eius, sed inclinati dorso, adiutus innixusque est. Quis hominum sic subito deijcere & calcare Principem rerum potuit, præter diuinum supremumque decretum?

IIII. Assidet, quod BAIASITES PRIMVS, quem *Gilderun Chan* à fulmine Turcæ dicunt, magnus animo, & rebus Imperator fuit. Atque is varie, & per decem amplius annos victor, magno illo prælio cum *Temire Chano*, quem *Temir-lan-*

cum

cum à claudicatione item vocant, confligit. Vtrunque ingentes copiae. robora virorum & militiae vsus à Turcis: Facum aliunde stetit. Nam & auxiliares copiae Tatarorum in ipsa pugna deseruerunt Baialitem, transitione ad hostem facta: idem milites, è regione Germiani & Menteshij. Solus se non deseruit, cum immoto Prætoriano agmine, Baialites: & murus illic belli. Sed vis ac multitudo perrupit, ipse captus, & filius eius *Mustaphas* cæsus, & quidem felicius. Nam pater ad victorem Temirem perductus, honeste primum exceptus est: cum & obuiam pedes extra tentorium iuisset illi, in equo aduentanti. Cum descendisset; vterque pro more gentis, humi in tapete consedit. atque ibi Temir (operæ prærium visum, fide Annalium * Domi. Turcicorum verba dare) O * Chan, inquit, magnam notat; gnas vterque Deo gratias debemus: ego, quod claudus ille ab ipsis India finibus ad mœnia Sinastæ imperium extenderim; tu, quod à Sinasta, ad ipsos Pannoniæ fines. Orbem terræ inter nos partiti pane sumus. Debemus igitur gratias, atque ego reddidi, & reddam: tu vero parum fortasse memori grataque mente fuisti, & ideo hæc calamitas interuenit. Sed age mi Chan, si ego in tua sic sim potestate, quid ageres? dic libere & veraciter. Ibiaiunt Baialitem, qui feroci & elato animo erat, subiecisse: Equidem te, si nomen victoriam adnuisset, in ferream caueam inclusum circumduxissem, spectaculo & ostentui cunctis. Temireo audito, sententia hæc in ipsum est vsus & sic inclusit. Miser triennium fere ita vixit: & cum desperata liberatione audisset in Tataros se ab-

I. Lipsij monita

ducendum, caput validis iteratisque ictibus caueæ ferreæ incussit, & indignantem animam sic emisit. multi & pulchri ludi in hoc mundi theatro: sed tragœdiam belliolem raro, aut nec legimus.

V. Nisi lubet & ad Sacros apices venire, & videre quomodo nec iis vis ista parcat. CAROLVS CARAFFA à Paulo III. Pontifice designatus Cardinalis fuit: eius frater IOANNES Montorij Comes, & Dux Paliani factus. Omnia isti apud Pontificem, quæ vellent, poterāt: & plus quam æquum decorumque erat, volebant. Mansit auralæcunda, quamdiu sidus illud luxit: post eius occasum, Pius Quartus in Pontificatum assumptus, idque opera & gratia (notabile est) Caraffarum maxime. Sed iste inter primas fere publicas actiones habuit, Caraffas euertere: fecitque initium VII. Idus Iunij, ipso die, quo Carolus pillei honore donatus fuerat, in carcerem eo coniecto. Additus Dux Paliani, frater; Comes Allifanus, alique propinqui eorum aut clientes. Nouem menses in arce Sancti Angeli habitati, non nisi crimina & mortes audierunt: & hanc denique sententia Pontificia subierunt. Cardinalis nocte, carnificis manu strangulatus; Dux capite truncatus, vna cum Allifano Comite: & cadauera in publicum spectaculum exposita. Quis sensus, & occulta vox, tibi Roma tunc fuit? cum multi Pontificis seueritatem, & ingratitudinem, accusarent, sapientiores, incerta rerum humanarum, sub illustribus exemplis, agnoscerent: & vilium reorum pœna atque

ignominia perijsse, qui dignitate & opibus culmina paulloantè fuerant rei Romanæ.

M o n. III. Et causas quasdam mediæ, sed inopinatæ, his interuenire.

Adstruit & asserit se vbique Prouidentia: sed apertius, cum causæ quædam mediæ subitæ, aut insolitæ interueniunt, & licet dicere, Quis expectasset? In D i o n i s rebus hoc elucet, cum Syracusas liberatum iret à tyrannide Dionysij, graui & famosa. Erat tum forte in Italia Dionysius, & res alias agebat: id quod Dioni (fatis sic disponente) commode & feliciter euenit. Nam cum ipse in Siciliam, exiguis copiis, animo quam prudentia maiore, appulisset: *Timocrates*, primus amicorum Dionysij, & qui vicem eius regebat, statim hominem certum cum litteris ad Dionysium ablegat, qui Dionis aduentum, & res in Sicilia motas nunciaret. Summa erat, omnia relinqueret, rediret, nisi à suis velleret relinqui. Homo feliciter fretum traicit, *Cauloniam* terra tendit, vbi Dionysius tunc secure agebat. In via forte notus occurrit, qui recens victimam immolauerat, & partem eius amice communicat & donat. Accipit, in vidulum lateralem imponit, vbi & Timocratis epistola erat. Pergit interea strenue, & noctem itineri cum adsumpisset, iam fessus, neglectim abiicit se in humum, & componit leuiter dormiturus. Haud procul à silua erat è qua ecce lupo egreditur, & odore carnis stimulatus accedit, & vidulum à latere abripit cum ipsa carne. Paullopost homo ex-

I. *Lipsij monita.*

pergiscitur, vidulum desiderat, & circa quærit: frustra. itaque metuens offensæ aur pœnæ non sustinet ad Dionysium ire, & alio diuertit. Hoc casu, tardius quam opus erat, & aliis litteris, Dionysius cognoscit quid ageretur, Subuenire vult, non potest: à sceptro ad ferulam redigitur. à quo? Deo, Deo, qui inopinatum illud interiecit.

II.

Quid in M. BRUTO, & campis Philippicis? manu Providentiam tango, Legiones vtrimque, & instructæ copiæ: egregij duces; concurritur: vincit cornu dextero Brutus, & oppositum *Octavianum* pellit, atque adeo castra eius capit: & quam pæne ipsum? Plena & certa victoria videbatur: sed quam Cassius mala sorte peruerit. Nam ipse ab *Antonio* pulsus in suo cornu, sed fuga & damno leuiore: & facilis instauratio, si de Bruto sciuiſſet, aut speraſſet. At campus, qui puluere stabat, impediit prospectum & triste, sed falsum, ei augurium in animo, victum etiam Brutum esse. Tamen adhuc dubius, subsistit in colle quodam, & L. Titinnium, ex fidis amicis, mittit ad explorandum. Ille in Bruti milites statim incidit, victores &, vt fit, palantes. De Cassio, *Quam salue?* quærunt, audiunt, & læti Titinnium circumfundunt, & vna ad Cassium, animaturi eum tendunt. Qui cum videt, & recta ad se venire, hostes arbitrat, & amicum suum captum: *Quid ultra moramur?* inquit: *Spes, vita, dedecus abeant:* & simul ceruices suas liberto præbuit incidēdas. Vix factum, Titinnius superuenit: & casum mise-

ratus, sibi iratus, (quasi mora in caussa fuisset)
idem genus fati sponte sumpsit. Hæc res & Bru-
tum perdidit : qui in Cassij anima suum ani-
mum amisit.

Multa possim: vnum ex historia vetere, & de
inclyto illo ANNIBALE inter omnis æui duces.
Iure hoc elogium vindicat : nec fuit aut erit,
qui militari astu aut peritia virum æquabit, non
dicam superabit. Is in Italia dominabatur, post
Cannas victor: & quid nisi Roma restabat? Fræ-
num fati cohibuit, ne statim iret: idem confi-
lia eius alia consulta licet & firma, euertit. Fæ-
dus cum *Philippo* tunc Macedonum rege percuss-
ferat, & vt is in societatem belli, aut potius vi-
ctoriæ veniret: legibus ijs, vt Italia quidē Anni-
balis & Carthaginienſiū esset: Græcia, Philippi
Punicis mox armis subiuganda. In hanc rem fir-
mandam, Xenophanes legatus à Philippo mit-
titur. nauigat, legit oram Italiæ, iuxta Taren-
tum in classem Romanam incidit, capitur: &
Quis, quo, quare rogatur. Ille Græculus, callido
mendacio se expedit: & ait à Philippo rege ad Se-
natum Romanum mitti, vt fædus in Annibalem
& Pænos iungat. Romani, & eorum Dux Va-
lerius Læuinus, letari, ouare: & cælitus tam
opportunistudinem auxilium, à potenti rege, in re-
bus arctis, missum opinari. Itaque hono-
re honestant. prosequuntur, & in tutum Italiæ
litus exponunt; Expositus ille recta ad Anniba-
lem tendit, & mandata dat, accipit: denique
de rota reperagit & definit. Nihil supererat, nisi

III.

I. Lipsij monita

ut ipse ad Philippum, Philippus in Italiam veniret; & funus res Romanæ essent. Deo aliter visum, vigilat: & in reditu eadem navis in Romanam classem incidit, sed cui Q. Fulvius præesset. Ille prioris doli & hominum ignarus, querit solita: & Xenophanes semel mentiendi felix, eodem applicat, *A Senatu venire, ad regem suum ire*. Hæc vultu ac voce constans: iamque persuaferat. cum ecce vident inter comites, quosdam Punico habitu. & *Qui isti?* clamat Fulvius: & *Gracia non sunt*. Turbantur, fatentur, in vincula dantur, Romam mittuntur: omnia consilia & pacta detecta, Roma servata. Servare enim eam fuit, vel in tempus cœpta impedire, & donec misera respirasset. I nunc, & quis Epicurus hic Providentiam neget?

XII.

Iterum idem in E O D E M. Rebus iam, sua culpa & mora, dubijs, & Romanis animo ac viribus auctis: ut suas pariter firmaret fratrem suum *Asdrubalem* ex Hispania euocauerat, cum novis copijs, & valido exercitu. Iam Alpes transierat, iam aduentabat: quis non actum de re Romana censuisset, quæ ægre vel vni Annibali resistebat? Iunge istum, veteranum ducem, tot subsidia: ad exsequias tuas Roma imus. Vide rem leuem, sed a Deo, quæ turbat. Nesciebat etiam Annibal fratrem in Italiã venisse, & in extrema Apulia confidebat: cui obuiam ire, ratio alioqui & consilium erat. Miserat autem Asdrubal, præmiis inductos, quattuor Gallos equites, duos Numidas, qui omnia Annibali significarent: sed ij cum totam fere Italiam tutò

emenſi ad Tarentum veniſſent, ibi à vagis Romanis pabulatoribus excipiuntur, Annibali iam vicini. Deducuntur ad Conſulem *Claudium Nerone*, caſtra oppoſita Annibali illic habentem: fatentur, litteras tradunt, per interpretem explicantur. Ibi cognitum, Aſdrubalem in Umbriam venire in animo habere, ac fratri ibi occuſo iungi. Conſul ſtatim, magno animo facinus auſus vt in magno periculo) validiſſimam partem copiarum clam è caſtris ſubducit: lectos omnes, ſex millia peditum, mille equites: & dies nocteſque non intermiſſo itinere, occultus ad *Liuium Salinatorē* (is alter Cōſul oppoſitus Aſdrubali erat) venit ita ſtatim duplicatis viribus cum Aſdrubale pugnatum: cuius victi & cæſi caput Nero ſecum eadem celeritate in caſtra refert: ac poſtero die ante ſtationes hoſtium proiecit. duobus etiam captiuis dimiſſis, qui rem omnem ordine nunciarent. Tum denique percuſſus, imo deſperatus Annibal, vocem hanc è pectore emiſit: *Agnosco fortunam Carthaginiſ.* Bene, bene. Tu nitere, & omnia fac: vincens non vinces prudentia infra fortunam erit, & Nemēſis Carthaginem tuam premet.

M O N. IIII. *Regna à Deo & Reges temperari.*

Breue Monitum, magni ſed ſenſus & vſus: videre quomodo Deus diſponat & cohibeat, hos ne creſcant, hos ne cadant: & velut in æquilibrio res ſuſpendat. Hoc Nicephori Gregoræ verbis dicendum eſt: *Mirari mihi ſubit, in-*

L I B. V.

quit, imperueſtigabilem Dei ſapientiam, qui plane

I. Lipsij monita

contraria uno sine conclusit. Nam cum duas aduersarias potestates inter se committere statuit, nec alteram alteri subijcere; aut ingenio & virtute prestantes utrique parti moderatores præficit, ut alter alterius consilia & conatus euertat, & utrimque subditorum libertati consulatur; aut utrosque hebetes & imbelles deligit, ut neuter alterum tentare, & septa (quod aiunt) transilire audeat, veteresque regnorum limites conuellere. Dici prudentius nihil potuit: & Prouidentia hanc dispositionem quot exempla adfirmant? non insisto, & vetera omitto: sed nuper Carolus v. nobis, Franciscus i. Gallis, Soleimannus Turcis imperitabant: quiuis eorum dignus orbis terræ imperio. & habuissent, aut promouissent; nisi concursus ille fuisset, & alius alium interpellasset. In parte altera exempla, quæ verecundia prohibitus non dicam.

M O N. v. *Clarissime Fata in Prædictionibus elucere.*

4. At nulla res Fatum clarius certiusque, quam Vaticinia, aut Prodigia asserant: quæ diu ante, caussis notisque nullis apparentibus, cum euenta designent: quid nisi & hæc definita, & à Deo esse clamant? Daniel ille VATES, & SIBYLÆ, multis ante sæculis multa & magna prædixerunt, vnde, & quomodo, nisi quia in Prouidentia libro hæc descripta? & Deus reuelauerat. Nam ita amat Numinis illa benignitas, per *Somnia*, per *Signa*, per *Spectra*, & *Vaticinia* res futuras ostendere: diuinitati suæ adstruendæ, nobis instruendis aut preparandis. Latus latusque campus est, placet ingredi, & leuiter lustrare:

fiat. Ac primo de S O M N I I S , nobile est quod A S T Y A G I ultimo Medorum regi factum. Vidit per quietem , ex natura filia , quam vnicam habebat , vitem enalci , & sic mox diffundi , vt totam Asiam palmito suo obumbraret. Consulti vates aiunt , *Nasciturum ex filia , qui Asia regnum occupet , suo eum nudet.* Territus hac denunciatione , & vt fatum auerteret (miser , quid operam ludis ?) iam primum filiam suam extero , & obscuro tunc viro , *Cambysi* despondet. deinde eandem partui vicinam ad se traducit , & vt quod natum esset se teste necaretur. Ergo infans *Harpago* traditur occidendus , notæ fidei , & cui arcana illius regis iamdiu innixa. At ille veritus , ne si mortuo Astyage imperium ad filiam veniret (nec enim virilis ei sexus liberi) pœnam obsequij lueret : non necat , sed pastori regij pecoris tradit exponendum. Forte & vxor eius pepererat. quæ re audita , summo rogat opere maritum , puerum ad se deferri , & oculis saltem libari. Maritus indulget , it in siluam vbi reliquerat : repperit canem faminam , quæ mammas præbebat , & vna alites ferasque abigebat. Tactus miraculo , & vel à cane doctus miserari , tollit puerum , vxori defert : quæ videt , amat , alit. & crescit in virum , in regem : qui Astyagem vicit , sceptrum ad Persas transtulit.

Sed & A N T I G O N I somnium mirabile , super *Mitridate*. Iste e Persarum magis oriundus , erat in comitatu Antigoni Macedonum regis , Perside scilicet deuicta , & fortuna sua cum publica inclinata. Visus videre noctu Antigo-

1. Lipsij monita

nus, sementem auream in magno campo se facere, eam surgere, adolescere & maturescere: sed mox omnia demessa item videre, & culmos spicasque iacere inanes. Vocem adhuc audire, *Mithridatem in Pontum Euxinum fugere, auream messem secum asportantem*. Non obliturum somnium, aut significatio. itaque rex, ubi euigilasset, exterritus tollere statim Mithridatem statuit, & cum filio *Demetrio* communicat fidem silentij iureiurando stipulatus. Erat familiaris, in pari ætate, Mithridati Demetrius: & forte iste se obtulit, à recenti indicio. Miseratur adolescens, & adiutum velit, sed religione iuramenti cohibetur. Quid facit? apprehensum seducit ab aliis, & nihil effatus hasta in terræ pulvere scribit: FUGE MITHRIDATES. Quod ille arripit, & verbis istis, & vultu ipso Demetrii monitus, in Cappadociam clam aufugit, & regnum mox potens & inclytum Ponti condidit: quod sterit in octauam ab eo stirpem, alterum illum *Mithridatem* Romana potentia vix euersum.

III.

Affidet istis, & primo utique, somnium quod *ERTVCVLES* pater *Osmanis*, à quo potentes isti Asiatici *Osmanida*, vidit sed vidit de die, cum post cibum sumptum meridiaretur. Experrectus igitur, & imagine ea confusus, primo corpus aquis abluit, & se purgat, uti religio gentis eius habet. tum ad *Edebalem*, virum inter ipsos sapientem & sanctum, venit atque infit: *Somniaui vir venerabilis* (Annalium Turcicorum verba pono) *splendorem Luna è sinu tuo prodire, eumque in meum deinde sinum peruenire. Eo cum delatus esset, ex meo um-*

bilico enasce arborem, quæ regiones varias, montes & valles inumbraret. Ad ipsas autem radices arboris, aquas emanasse, quibus vineæ & horti rigarentur: atque ibi somnium me somnusque deseruit. Edebales audito, aliquamdiu secum reputans, effatur: Nascetur tibi filius, vir bone, cui nomen erit Osman. Is multa bella geret, victoriam & famam pariet, ac posterius tui Principes Regesque terrarum erunt. Mea autem filia. Osmani nubit: atque is splendor est, qui è sinu meo prodiit, & in tuo coivit: ex utroque arbor. Quam mira: & vera prædictio! sed & de Luna notabile, quam scimus inter signa prima esse Turcicæ gentis.

Iam ad SIGNA transeo: quæ Magna aut Parua, sed certa pariter se ostenderunt. TIMOLEONTI Corinthio, cum in Siciliam, ad pellendum tyrannum, exigua manu iret: fax ei in mari, totam noctem, nauiganti præluxit. Amplius, Delphos paulloante profectus, ut Apollini sacra & vota faceret; è donis suspensis vittam, in caput suum deciduam, ita excepit, ut coronæ aut diadematis ritu cingeretur. atq; erat ea vitta victoriolis & corollis intexta: profus ut à Deo coronari, & victor pronunciari videretur. Quid, quod eidem ante pugnam cum Jcete contigit? Contentio honesta inter Centuriones & manipulos de ordine erat, & præire omnes volebant: cum ille, liti dirimendæ, sortem definire iubet, & annulos Centurionum in campum poscit. Coniiciuntur in sinum vestis, commiscuntur: qui primus educitur, is trophæum pro insigni habebat insculptum. Aucti omnes ab omine

IIII.

I. *Lipsij monita*

animis, in hostem alacriter eunt, cædunt, vincunt.

V.

MARCIANO Thraci, plebeio genere, & mox Imperatori, plura hæc potentia Signa conuerunt. Ad militiam primæ eunti, & ut nomen daret, cadauer hominis occisi in via offertur: ad quod substitit, & miseratione tactus in eo est ut sepeliat, & terra tegat. Dum facit, apprehenditur, accusatur ut homicida, & Philippopolim abducitur. Iam pœna imminebat infanti: cum verus homicida casu superuenit, & agnoscitur: ipse liber ad vicinos numeros redit. à quibus inscribitur, & (pulchrum omen!) in locum defuncti milites, *Augusti*. Et iam cum legionibus in expeditionem ibat: cum morbus eum inuasit, & in Lycia substitit, hospitio apud duos fratres exceptus, *Julium & Tatianum*. Cum meliuscule ei esset recreandi causa, tres simul venatum eunt: & fatigati decumbunt, & obdormiunt. Aestus solis erat, & ipse meridies: ibi æquila, panisalis, leuiterque corpus librans, super Marcianum se suspendit, & umbram fecit. Tatianus expectatus id videt, ac fratrem excitat, & ostendit. Vterque mirabundus haud vane augurantur, autem regiam regnum ei portendere: & Marciano futuram sortem gratulari, ducentos etiam aureos in viaticum donant. vnum hoc apprecati, ut memor gratusque esset, cum ad Imperium venisset. Idem hoc prodigium iterum ei sic factum. In Africam, sub *Aspare* copiarum duce, profectus est: atque ibi pugna cum *Ganzerico* rege parum prospera ca-

pitur asseruaturque. Cum pluribus sub diuo recumbit, calido item sole : ecce aquilam quæ aduolat, Marciano supersistit, & in coram omnibus umbraculum ei sedulo præbet. Vidit ipse Ganzericus, & miratur, & vocat : ac liberum hac lege amittit, vt Imperator pacem cum Vandals colat. Nec diu post, mortuo *Theodosio*, *Pulcheria* eius soror Principem hunc, & sibi maritum, destinat. sed maritum sermonis causa : stipulaturque vt nomine contentus, cetero fructu corporis sui abstineat : quod castum pia virgo Deo consecrasset. Numquid veracia, & palam à Deo hæc Signa?

Atque eadem, sed tristioris fortunæ nuncia, VI.
DCC. XII. in Hispania apparuerunt, *Roderico* ultimo Gothorum rege. Palatium Toleti erat, sed clausum & validis vectibus ferroque munitum. Fama tenebat, referatum id excidio Hispaniæ futurum : quod *Rodericus* ridere, & thesauros oculi rarus, seras perfringendas curauit. Theauri nulli, ceterum arca reperta, & in ea lintheum : in quo insolentes hominum facies vestesque depictæ, atque ipsi militari habitu atque impetu grassantes. Verba Latina inscripta, *A tali ea gente exitium Hispaniam manere.* Quid plura? fides factis facta : *Julianus* Comes, cuius filiam rex stuprauerat, ex Africa hostes inducit, regem occidit, patriam perdit.

Sunt & *Parua* magnarum sæpe rerum signa. VII. Nostro æuo, cum in locum *Pauli* III. Pontifex creandus esset, & in conclaue purpurati patres venissent : en super *IOANNIS ANGELI*

I. Lipsij monita

Cardinalis Mædicæi, qui post P I V S IIII. nomen habuit, columba aliquamdiu circumuolitans, cellam confedit : nec aliter omnes interpretati sunt, quam velut à Numine missam, Pontificem hunc ostendere designandum.

VIII.

In translatione Lusitanici sceptri ad P H I L I P P V M Hispaniarum regem, notatum à curiosis est, *Sebastianum* regem Lusitanix, cum in Africam magna mole moueret, & pecuniæ inopia esset, edicto permisisse & aditum dedisse in Lusitaniam *Regalibus Castellanis*: quod genus monetæ antea ibi spererum. Item, in ipso apparatu & cultu nobilium, sub discessum omnes subito variasse, & ad Hispanicum transisse. Clariora sunt quam vt interpretatione illustrentur.

IX.

At vero *Spectra* etiam sæpe & Genij, varia specie, prædicunt. Vt ille, qui D I O N I S Y R A C V S I O apparuit, postquam patriam magna sua gloria à tyrannide liberasset. Domi sedebat, & clara luce habitu Furix mulier se obtulit, grandi statura, horrenda fæditate. Ea domum scopis cœpit verrere, nihil aliter prolocuta : & territo Dione, cum familiares aduocasset, spectrum abscessit Sed non noxa, quam signabat. nam filius eius grandior, incertum an per insaniam subitam, an iram, è summa domo præcipitem se iecit, & fæde occidit. Sed & ipsum Dionem mox insidiatores domi interfecerunt, vxore & sorore eius in carcerem abductis. Quid ? non egregie domus hæc versa, si non euersa fuit, monstro significatum?

M. B R V T O Dionis æmulo, simile etiam spe-

Arum oblatum Parabattraicere ex Asia exercitum in Europam, & funestos illos Philippos, vbi mox certatum. Nox alta erat, Luna lucens & Brutus aliquid serium animo voluebat, aut, vt alij lucubratur: cum ecce sonus strepitusque ad cubiculi ianuam, & ingreditur vasta forma Æthiops, sæuo & terrente aspectu. atque is silentio ante Brutum constitit. Qui animo & ore constans, interrogat: *Quis hominum deorumque es? quæ res huc egit?* Responsum rettulit: *Malus tuus Genius sum, in campis Philippicis me videbis.* Iterum animose Brutus *Videbo.* Disparuit. sed vt dixerat, in ipsis illis campis comparuit, nocte quæ pugnam vltimam antecessit: cum à bono Genio Brutus desertus, malo succubuit, atque adeo ipse occubuit & Romana cum eo Libertas.

Compar istis, quod patrum æuo L V D O V I C O Hungariæ regi accidit: cui bellum *Soleiman-nus* Turcarum Princeps parabat, atque ipse pariter se accingebat. Prandeat in arce Budæ, foribus tunc regię de more clausis. Astat ad portam quispiam humana specie, sed claudus, distortus, & habitu cetero cultuque sædo: qui acri & stridula voce clamat, poscitque colloquium regis. Negligitur, & putabant mendicabulum hominis esse: cum magis magisque inclamat, & opus conuento rege, nec alio esse. Re ad regem delata, mittit é splendidioribus aulicis, iussum nomen & personam suam præferre, & hoc quid quid esset elicere. Venit, & appellat claudū de arcano. qui inspecto, abnuat hunc regem esse:

XI.

∞ 13.

XXVI.

I. Lipsij monita

& Quoniam inquit, *audire aspernatur, abi, nuncia breui, & certo periturum.* Et cum dicto ex oculis adstantium euanuit. Nimis vera comminatio fuit. rex ad *Mohatzium* urbem, grandi prælio victus, & fugiens in paludes incidit & dum enitur, equo super eum corruente obteritur, aut suffocatur. Annum agebat vigesimum primum.

XII.

Ad *Vaticinia* aut prædictiones venio: è quibus *Thrasylli* TIBERIO facta, quam testata est? Erat in comitatu Tiberij, Mathematici titulo cum Rhodi in exilio esset. In exilio: & quam procul à Principe? & *Caius* ac *Lucius Cæsares* etiam viuebant. Non desinebat tamen iste identidem Tiberio fidem facere certi Principatus. Sed parum credulo, & iam de dolo etiam suspectanti: & ne subornatus ab æmulis ad eliciendas arcanas aliquas voces esset. Atque adeo perdere eum statuit, & clam necare. Domum Rhodi habebat, & in ea turrim, quæ rupibus imposita, mare ex alto despectabat. In hanc turrim ducit *Trasyllum*, cum vno fido & valente liberto comite: certus, vt dixi, tollere nisi fidem ei faceret fide prædictionis. Cum ascendissent igitur, cœpit interrogare: *Soli sumus, dic per quid quid carum habes, vera hætenus mihi dicis? de imperio etiam adfirmas?* Ille iterare, & sidera sic velle. *Si de meo igitur statu compertum,* inquit, *ex sideribus habes: de tuo ecquid ais? inspice.* Ille thema ponere, situs ac spatia siderum considerare: denique timere, palleescere, & exclamare, *Anceps sibi ac prope ultimū discrimen instare.* Eo dicto complexus hominem Tiberius, vere consciū futurorum asserit:

asserit: & quod de ipso meditabatur, si non satisfecisset, pandit. Quam arte hoc Thratyllus potuerit, vere siderali, an potius Geniali, alibi videndum sit: nunc aliud eius mirandum addo: Ambulabat in littore, cum eodem Tiberio. na-uis longe conspicitur: ille statim affirmat Roma venire, & litteras nunciosque ab Augusto de reditu eius afferre. An & hoc tale ex sideribus? nugæ: ex instinctu.

Neque minus nobiles istæ (plures enim sunt) in DOMITIANI Principis rebus. Fuit *Largius Proculus* quidam, vir inter illustres: qui publice in Germania prædixit, ipso tali die Domitianum obitutum. Cumque res ea ad Præsidem dimanasset, gratificaturus Domitiano, & simul quia hæc præfagia verita, vinctum eum Romam misit. Nec negavit, cum introductus ad Domitianum esset, imo magis magisque asseueravit. Iussus igitur in carcerem recludi, & asseruari donec dies is transisset, tum puniendus: imo, ut res docuit, tum liberandus, & præfagij suspiciendus. Aliud. Fuit eodem tempore *Ascleterio* Mathematicus, qui & diem & genus mortis Domitiani apud quosdā dixit. Vocatus ab ipso, eadem iteravit: querentique Domitiano, ut eluderet, *Tu igitur, qua morte periturus?* ille statim, *Fore, ut à canibus laniaretur.* Tum Imperator, ad fidem coarguendam, extemplo abduci, & vinum exuri iussit: siue, ut Suetonius, prius interfectum. Sed utrum horum, tamen extra urbem, via Latina, homo viritur, scilicet ut nihil reliquum è cadauere,

1. *Lipsij monita.*

esset, quod canes laniarent. Sed ecce nimbus subito ortus rogi exstinguit, & ministri semistum relinquentes diffugiunt. Canes superueniunt, & vorant. Vespere cœnanti Domitiano, inter alias fabellas eius dici, id refertur: & valde eum, sed frustra commouit. Munit se, domi hæret, neminem admittit: sed sui eum reperiūt, & Stephanus, cubiculariorum primus, cædem patrat. Qua ipsa in re, *Apollonij Thianei* nobile vaticinium non est omittendum. Erat tunc Ephesi in Asia, tanto terrarum & marium abiunctus. Is dissertationē forte in publico habebat, ac primo hæsitare & loqui remissus, innox pallescere, & silere: denique passus aliquot exiliens, vt mente mota, *Euge Stephane*, inquit, *recte, Percute tyrannum, percutite homicidam. Bene est, percussisti, vulnerasti, occidisti.* Hæc in publico dicta & gesta, ipsa hora, qua Stephanus percussit: ô mira, sed vera! Attexetur autem non indecore.

Q V Æ S T I O.

*Liceatne igitur & deceat, in euentus inquirere,
& vates aut diuinos consulere?*

Non arbitramur: etsi supra tetigi, prudentia aliqua scrutari posse & odorari, quo tendant facta. Sed distinguenda rota res est: & sic habe. Indicijs aut notis, quas vir prudens ex lectione, ex vsu, & obseruatione similium collegerit, aliquid suspicari aut præsumere de fati, id licet: sed caute, & timide. At ex artibus magorum, ariolorum, diuinorum, mathematico-

rum, & quod aliud tale genus, id vero nefas est, nec diuina aut humana lex permittit. Deus palam edicit: *Non inueniatur in te, qui ariolos sciscitetur, & obseruet somnia atque auguria: nec sit maleficus, nec incantator, nec qui Pythones consulat, nec diuinos, & querat à mortuis veritatem. Omnia enim hæc abominatur Dominus.* Et nostra diuina lex tantum? etiam falsa illa Mahumetis. Ioannes Leo scribit: *Magiam & caballisticas artes lege Mahumetica veritas, & velut hæreticas haberi. Huius enim, inquit, Alcoranus OMNE DIVINATIONVM genus vanum esse asserit, Deumque solum arcana nosse.* Bene hoc & prudenter Mahumetes: atque omnis bona Respublica damnat. Illa Romana, quot decretis & legibus? notæ sunt: nec causæ etiam ignotæ, aut diu quærendæ. Eruo istas. primam, quod turbant prædictionibus animos, & ad nouas aut magnas spes impellunt. Mecænas apud Dionem, in Oratione ad Augustum de Republica constituenda, digna quam Principes legant: Τὸς δὲ μεγευτάς, inquit, πᾶν ὄν εἶναι θεοσύκῃ. πολλὰς γὰρ πολλάκις οἱ τοῖς τοι, τὰ μὲν πινὰ ἀληθῆ, τὰ δὲ πλείω ψευδῆ λέγοντες, νεοχουμένους παρ᾽ οἱ: *Diui nos & vates in republica esse, prorsus non oportet. Multos enim hi tales, dum vera quædam, plura falsa proferunt, ad res nouas impellunt.* Rem dicit. & quid tam proprium istis, quam magna & blanda prædicere, & animos ad fortunæ fastigia attollere? facili nostra credulitate, tanquam peritia. & monitu fatorum (ait Tacitus) prædicantur, & cupidinē

Deuteronom.
cap. xviii:

Lib. i. de
Africa.

Lib. i.

i. Hist.

I. Lipsij monita

humani ingenij, libentius obscura credi. O verilo-
quia! inclinamus: & vidi & risi Principes viros,
auribus atque animis in hæc pronos, imo alia
omnia artium præ his spernentes. At, ut Dio
aiebat, turbas & res nouas dant. Quis nescit, qui
historiam veterem legit? & ad scelus (ait iterum
Tacitus) ab huiusmodi votis facillime transitur.
Hinc conspirationes in Principem, aggressio-
nes, deiectiones: & quæ copia exemplorum de-
terreor affirmare. Poeta sufficiat, aut veriori no-
mine hic vates:

Ibid.

Statius.

—— *Nos prauum ac debile vulgus*
Scrutamur penitus superos. hinc pallor, & ira,
Hinc scelus, insidiaque, & nulla modestia voti.

Apollo veriora dicta numquam dedit. Sed cau-
sa altera, Fallacia. Nihil in prædictionibus istis
firmum. nihil ex arte certa (quidquid assimu-
lent) haustum: & qui veriora dixisse videntur, à
Genijs habent. Sed ipsi quam ament & gaudeant
nos fallere, id quoque scimus. Quid, quod vel
inuiti etiam fallunt? neque enim sunt omniscij,
& quamquam subtiles, & arcanorum Dei per
notas scrutatores: tamen aberrant, & abyssum
illam Fati non peruadunt. Itaque bene iterum
Tacitus: *Mathematici, genus hominum potentibus*
insidum, sperantibus fallax. Certe vtrumque. nam
& potentes destituunt aut decipiunt, alio trans-
gressi: & vanitatibus fallunt. *Patere* (ait iocose
Seneca) *aliquando Mathematicos vera dicere.* Patior.
& tot sagittas cum emittant, vnam tangere,
aberrantibus centenis. Enimuero ridiculi Prin-
cipes, qui huc se donant. Vide Agrippinam, Ne-

1. Histor.

zonis matrem : quæ mortuo Claudio , domi
eum aliquamdiu tenuit , & famam de morte
suppressit, vt progressui scilicet & auspicijs tem- Tac xir.
pus prosperum, ex monitis Chaldaeorum, attentaret. O Annal.
dij deæque, tetigit ! quam salutaris ille rector,
quam diuturnus, quam illi & sibi lætus etiam
fuit ! Bellum aliud in Niceta Choniæ, pruden-
ti illo (fatendum est) historiæ scriptore. Tangit
vitium sui (vtinam non & nostri!) æui, atque ait:
Nostris temporibus IMPERATORES NIL SINE PRÆ-
SCRIPTO ASTROLOGORVM agunt: et rebus gerendis
dies atque horas eligunt, vt sidera dictantur. Itaque
Alexius Imperator, diu cunctatus, quando opportune
Blachernas rediret: tandem dies & hora ex astris eli-
guntur. Redit. et quidem ita feliciter, vt cum primum
se moueret, terra ante ipsum profundè dehisceret: atq.
ipse euaderet, sed Alexius gener eius, & multi illu-
strum in specum delaberentur, lederenturque: Eunuchus
vero vnus è gratiosis planissime periret. En. &
hic veracem ac felicem artem ! quam Deus de
industria ridendam sic propinat, vt nos auertat.
Recitat magis ridendum, de *Manuele*, cuius im-
perio, cum Siculi & Latini mare occupassent,
vicinum Byzantio, & damnum ac dedecus in
oculis cottidie esset : semel iterum que in eos
classem misit, sed cum clade & ignominia sem-
per repulsam. Igitur Mathematici & astra con-
sulantur, eligitur dies felicior, nec ambigitur de
successu. Parat se *Constantinus Angelus*, vir illu-
stris, & prodit iam in hostem: sed ecce citis nun-
cijs è medio cursu reuocatur : quia explorauerat
Princeps parum certo & sagaciter indagationem fa-

I. Lipsij monita

*Etiam, & erroris aliquid interuenisse. Ergo thema iterum statuitur, magna cura: & diu disputato inter peritos, tandem conuenit de beneficio & salutare siderum aspectu. Constantinus emititur: & quid quæris? victoria in manibus. Adeo quidem certo, ut vix in mare progressus Constantinus, non dicam vincatur, sed ipse cum suis capiat: quo nihil deterius potuit euenire. Eant Principes, & his credant. Atqui peritiores aliquos sortientur. Ita, peritiores ad fallendum, non ad sciendum: & quidquid dicitur, extrema fraus & noxa occupabit, rideant licet prima. Valerij verbis claudam: *Mathematici* (& alios intellige) *leuibus & ineptis ingenijs, fallaci siderum interpretatione, questuosam mendacys suis caliginem iniiciunt.* Audis Princeps? *leuibus & ineptis ingenijs* adhærent, placent: & tu inter eos cenferi velis? Audi & de *questu*, quod addit: finem hunc omnes istæ præstigiæ (non enim artes) habent: caue, sperne. Tantum, si *Somnia, Signa, Spectra, Vaticinia* Deus palam mittit (& viros nunc pios doctosque consule:) insuper ne habe.*

DE CONSCIENTIA.

Eam curandum esse, atque obsequendum.

CAP. VI.

A Religione priusquam abeam, de Conscientia etiam admoneo, & adnecto. Quid ea est? ex Religione & Dei metu animi iudicium ortum, bona approbans, mala abhor-

rens. Omnes illuc vocamur ab interno isto iudice, velut ad tribunal : & homini formato indelebilem hunc characterem Deus impressit. Tertullianus pulchre : *Potest obumbrari, quia non est Deus, exstingui non potest, quia à Deo est, Vtrumque recte.* nam & nubes aliqua siue aulæum ei obducitur, affectu aut contemptu iubente: sed prorsus non amouetur aut tollitur, imo ipsa aulæum tollit. Mali doctores in Politicis, qui hanc seponunt aut calcant: qui externam virtutum speciem nobis ingerunt, ipsas admitti negant. Bisterque miseri, etiamne animo huic & Conscientiæ imponent? Vela te, & verte in varias formas: vbicumque vera virtus non est, vitium subsequetur, & ex eo inquires in animo aut timor. Vetus ille idem scriptor: *Omne malum aut timore, aut pudore natura suffudit.* Quanto melius, securius, firmitus, recta aperta que via incedere, Deo, sibi, hominibus, se probare? Exclamare cum Philosopho nostro: *Nihil opinionis causa, omnia Conscientiæ faciam. Populo spectante fieri credam, quidquid me conscio faciam?* Ades, ades, quisquis populum ducis, hanc habe consiliorum actionumque tuarum ducem & magistram. *Nihil hac luce clarius, nihil hoc gloriosius testimonio, cum veritas in mente fulget, & mens in veritate se videt.* Vis vnum. sed illustre, probæ vitæ, probæ mentis exemplum? cape.

Apolog.
cap. i.

Seneca.

Bernard. in
Cantic.
Serm.
LXXXV.

LIVIVS DRVSVS, cum domum in Palatio ædificaret, & architectus offerret, ita se structurū, vt libera ab arbitris & omni despectu esset.

I. Lipsij monita

Quin tu potius, inquit, si quid in te artis est, ita compone domum meam, ut quidquid agam, ab omnibus inspicere possit. Vox magnifica, vox laudanda! vita an pro ea fuerit, ambigo, neque inquirō.

DE PROBITATE, ET

CONSTANTIA.

Vtramque Principi convenientem, aut necessariam esse.

CAP. VII.

HAs Virtuti & Religioni addidi: quæ iure ubique utraque in Principum factis se ostendat. Quid enim *Probitatem* appello? nisi rectum & sine fūco Virtutis amantem animum, quique ipsam propter ipsam, non commodum aut famam, amat. Talem in Principe requiro, & ex descriptione Amphiarai, apud Æschylum:

Οὐ γὰρ δοκεῖν δίκαιος, ἀλλ' εἶναι θέλει,
Βαθεῖαν ἄλογα διὰ φρενὸς καρπὺ ὕμνος,
Ἀφ' ἧς τὰ κεδνὰ βλαστάνει βυλεύματα:
*Nam iustus esse, non viderier studeo,
Sulcum profundum in mentis agro conferens,
Consilia de quo germinant salubria.*

Bona descriptio, & monitio. Iustus probusque esto: & ex profunda mente pullulabunt honesta, & vtilia, consilia. Ne enim ista separemus: non inquam Honestum ab Vtili. & erat ab Italia doctor, qui ducit alio: qui tyranniones

minutos, non Reges aut Principes legitimos format. Abeat. tolle tu fucum & fraudem: quæ nec valida, nec diuturna esse possunt. Postea super hac replura. At vero *Constantiam* dico, animi erecti magnitudinem, qui utrique Fortunæ par est, nec attollendus à læta, nec altera deprimendus. Sicut adamas, nobilissima inter gemmas, infractam vim habet: sic Princeps debet animi robur. Et vero quæ ei opus est? in altam illam fortunam quot nimbi, procellæ, fulmina incidunt, aut incurrunt? Nihil miserius Principe, qui ad singula moueatur, aut se inflectat. Debet & ab usu, & tractatione rerum, induere *Constantiam*. Videt adfidue incerta rerum humanarum: publice aut privatim casus & calamitates audit: versetur in iis, non inhæreat. & ut rota in curru per terram voluitur, sed super eam exstat: sic ipse. Tractet humana, & norit: sed iis se etiam eximat, & secum dicit: *O quam contemptares est homo, nisi super humana se erexerit!* Denique poetæ hoc imbibat:

Seneca.

Lege Deum, minimas rerum discordia turbat,

Lucanus.

PACEM SVMMA tenent.

Sed exempla aliquot veræ *Probitatis*, & tum *Constantiæ* videamus.

ARISTIDE inter Græcos, quid probius aut simplicius? qui cum gloriæ & nominis causa periclitaretur in exilium decennale mitti, quod à genere suffragij *Ostracismus* Græci dicunt: minuendæ scilicet priuatæ potentiæ, & muniendæ publicæ libertati: ille, inquam, cum in suffragia iam iretur, ipse quoque aderat, & stabat per-

I.

I. *Lipsij monita*

mixtus plebi. Ibi aliquis de numero, scribere imperitus, hunc propinquum rogauit, vt in testulam nomen *Aristidis* inscriberet, damnandi scilicet eiiciendique. *Ergo eum nosti?* inquit: *aut alibi is te laesit, nocuitque?* *Neutrum*, inquit alter: *sed hoc male habet & damnatum eo, quod passim vocari audio Iustum.* Testam accepit Aristides, & paruit ac nomen suum prompte inscripsit. O summa Probitas, & alio quam populari illo theatro digna!

II. In iisdem Græcis, EPAMINONDA tota vita nil nisi probitas & rectitudo fuit: adeo in factis non obliquus, vt nec in verbis: & *ne ioco quidem mentitum unquam*, fidi scriptores tradiderunt. Idem, cum inuidia premente, bello præfectus non esset, re tamen & necessitate talem Ducem postulante: imo & alius imperitus eiusce artis dilectus esset: ipse nihilum motus, pro gregario milite nomen dedit. Ac cum mox, ignauia ductoris, ventum in verum & grande discrimen esset, cunctis circumspicientibus & Epaminondam requirentibus, ille alacris, & deterfa iniuriæ memoria, prodiit, & exercitum obsidione ereptum, incolumem in patriam reduxit.

III. Simile aut gemellum tuum Q. FABII factum. qui cū per iniuriā æquatus imperio, ipse Dictator cum *Minutio* Magistro tuo militū esses, quin & diuisio legionum, vt inter Consules solet, facta: haud diu fuit, cum temeritas & vanitas in laqueos incidit, datura Annibali pœnas, nisi tu patriæ & ciuium caritate, & probitatis illo sti-

mulo, copias tuas statim de castris eductas hosti obiciffes, & cives non libertati solum, sed sanitati reddidiffes. Pænituir enim actorum, atque ipsum adeo auctorem Minutium. qui reuerentia & admiratione virtutis, signa, se, & suos in castra tua reduxit, & serio submitit ac subiecit.

M. PORCII CATONIS nomen, in duplici homine meruit, vt Probitatis & Virtutis habeatur. Sane ille senior, quanta integritate vixisse debuit, qui caussam quinquagies dixit, & obtinuit? nec id gratia aut opibus, sed contra gratiam aut opes totius fere ciuitatis. Nam inimicos plurimos ei aut inuidos, cum Probitas tum & Seueritas faciebat: qui nemini parcere aut amicus esse didicerat, qui reip. non esset. Atque adeo (iniræ fiducia factum) ex hoc numero inimicorum *Tib. Sempronium Gracchum*, cum senex accusaretur, ultro indicem poposcit & sumpsit: sed & aduersario iudicante absolutus, in posterum & gloriam sibi & securitatem peperit.

Quid Iunior CATO VTICENSIS? sed ille Constantiæ reseruetur, cuius pectus templum & sacrarium proprium ei Diuæ fuit.

In eius locum M. BRUTVS prodeat, qui & in contubernio eius vixit, cum Cyprum peteret, nec virtutibus solum, sed adfinitate se iunxit. Duxit enim *Portiam*, eius filiam, tali patre, tali marito dignam. Sed ipse Brutus, fallor, aut vnicum exemplar est in omni vita benignæ & mansuetæ Probitatis. Quam compositus ille animus fuit, qui instante Pharsalica

I. *Lipsij monita*

pugna, ipso vespere ad multam noctem legit, & scripsit, Polybij Epitomen commentans? Vnde ea quies, nisi ab animo introrsum quieto & puro? Qui nec Cæsarem quidem cum perturbatione aut odio occidit: testante M. Antonio, cuius hæc vox fuit, *Vnum se putare M. Brutum, exsortem affectus, Cæsarem adortum, patriæ & legum amore.* Atque ita est. alij in regem surrexerunt, ipse in regnum. Quam certum argumentum in ipso M. Antonio? quem cum vno ore coniurati occidendum cum Cæsare censerent, solus restitit, iustitiam magis quam commodum spectans, & quia ex norma legum modo putaret, tolli tyrannum. Eadem animi rectitudine, cum alij optimatum ad Octavianum deflecterent, illum colerent: restitit, & palam denunciavit, imponi & tolli in humeros tyranni heredem, grauiori mox seruitute. Nec id quidem metu suo, aut odio. quem ille odisset, qui nec armatum & insidiosum hostem, C. Antonium? Bis eius copias & ipsum cinxit, & in manu habuit capere aut occidere: dimisit. Quo tam benignæ virtutis fulgore milites percussi, ad eum transferunt, atque ipsum ducem captiuum tradiderunt. Quid deinde in Lycios? acres & peruicaces hostes erant: tamen captis per vim arcibus aliquot & opidis, omnes sine pretio liberos dimisit. Nec sic placantur. igitur Xanthios obsidet, premit, & fortuitus ignis urbem comprehendit: quem ciues introrsum, desperatione & peruicacia, augent, alimenta iniiciunt, se interficiunt: Bruto miserante, restingente, salutem

offerente. Sed & lacrimas vbertim emisit in tristit casu, & præmium militibus pronunciauit, si quis hominem Lycium conseruasset. Talis & in Patarense fuit, pertinaciter item resistentes. Atque ipse cum animi dubius esset, oppugnaret an omitteret, non victoriæ diffidentia, sed metu similis vesaniæ: ecce habuit in potestate plerasque eorum faminas, quas omnes intactas in urbem remisit. Perfregit ea res animos, & sponte opidum Virtuti, quod non Terrori aperuerunt. Tamen ille tam mitis in hostes, qualis in suos fuit? seuerus, vbi meruissent. In ipso ardore ciuiliū armorum, cum multa militi, omnia fere ducibus licent, accusatum apud se à Sardinianis *L. Pellam* Prætorem, reperundarum, nihil cunctatus damnavit. & infamia notauit: improbane & indignante Cassio, quod id temporis amici non alienandi, sed noui adiungendi viderentur. At ille in Virtutis & Iustitiæ orbita firmus, nec in communi excessu excessit: & deferi, ac deferere omnia maluit, quam illas. O virum, cui vel hostis merito lacrimas impendit! Is fuit *M. Antonius*, qui interfecti (sponte, & sua manu) corpus liberto cuidam sepeliendum tradidit: atque adeo paludamento suo velauit. Quod ille cum avaritia interuertisset, neque vna cremasset, gnarus iratusque Antonius, protinus interfici iussit, cum hac superdictione: *Et tunc sciebas, cuius tibi viri sepulturam mandaueram?* Nec sciebat vile ingenium: sed viri hercules magni, & vel primi, vel ultimi (vtrumuis dicas) *Romanorum*. Transeo ad exempla.

1. Lipsij monita

CONSTANTIÆ.

I.

Quorum agmen ducat PHOCION Athenienſis: vir qui contra vulgus, contra potentes, contra fortunam & mortem ipſam immotus ſterit. Oraculo aliquando Athenis recitato, *Esſe unum, qui à concordia ciuitate diſſentiret: quærentibus omnibus, & frendentibus: Quæſo*, inquit, *quieſcite: ego ille ſum, quem quæritis. nam mihi nihil eorum, quæ agitis, placet.* Proh animum! ſicne vna voce totum populum reum agere peruerſitatis & inſipientiæ? Sed cauſſa tamen erat! & illis Alexandri temporibus, populus Athenienſis delirabat ſenectute. Idem igitur, cum Dux electus, trepidos ſuos in bello videret, & lingua ſola fortes, prudenter abſtinuit à pugna. Mox, cum rediſſent. & pace facta inculcarent illum ignauia, & quaſi vincere neſciſſet, aut noluiſſet: inquit, *Felices vos, qui Ducem habetis veſtri gnarum! nam alioqui iamdiu periſſetis.* Feſtiue & mordaciter, exprobrans ignauiam & imbelliam, quam in animo gerebant, ore auertebant. Iterum in populum, & eius aurigam Demothe-nem, cum ille quaſi coercens libertatem Phocionis diceret, *Interficiet te Athenienſes, ſi furere cæperint: iſte, Atte*, inquit, *ſi ſapere.* Tetigit illum, vt improbum, hos, vt parum ſanos. Et conſtans hic tenor per omnem vitam, nec in morte deſeruit. ad quam publico iudicio damnatus, ſciſſa ciuitate in factiones: cum duceretur in carcerem, præcurrerunt improbi, in via obuij & conuician-tes. inter eos vnus: ſputum in os eius congeſſit.

Ille conuersus placide ad Archontes, *Nemo huius*, inquit, *reprimet proteruiam?* Cum amicus eius in carcere quereretur, quod iniuste cum Phocione interficeretur: *Et tu*, inquit, *non in magna gloria ponis, quod cum Phocione?* Alio rogante, *Numquid ad filium vellet?* Maxime, inquit: *inbere me, ut iniuriarum populi Atheniensis obliuiscatur.* Alio amico petente, ut priori sibi bibere cicutam liceret: *Gravis mihi Nicole*, inquit, (id ei nomen) *hac petitio: sed cui per omnem vitam nihil abnui, hoc quoque indulgeo.* Ita constantissimus vir obiit, cum sui fama, Atheniensium infamia æterna.

Quid vero mulier in eadem Græcia? CRATESICLEA fuit, mater *Cleomenis*, qui rex Spartæ resibi nouauit, aut potius lapsas in antiquum locum reponere rentauit. Is cum grandi bello cum Achæis distineretur, sed & *Antigonum* ac Macedonas timeret, à se impar, opem & opes à *Ptolomæo* Ægypti rege petebat. Qui spem fecit, ea lege, ut hæc Cratesiclea mater eius, itemque filius, obsides fidei in Ægyptum mitterentur. Durum & insolens satis visum Cleomeni, nec ausus matri proponere, etsi necessitas adigebat. Itaque aliquoties loqui ea de re conatus, absceidit, & abscessit. Mulier acuta animaduertit aliquid esse, & amicos eius percontata, *Ecquid vellet effari Cleomenes, nec auderet?* Quin hortata eos est, ut incitarent & submonerent. Tandem ergo Cleomenes postulata regis aperuit: illa autem in cachinnum effusa, *Et hoc erat*, inquit, *quod dicere aggressus, non dicebas?* Mitte vero hoc corpusculum

II:

1. Lipsij monita

quocūque terrarū, ubi vsui *Sparta* sit, potius quam hic senio & desidia soluatur. Et statim institit mitti, & nauigare. Deduxit igitur Cleomenes cum toto exercitu Tænarum vsque, Laconia promontorium, ubi parata nauis. Illic in templo Neptuni congressi, priusquam nauim conscenderet, mutuo complexu & lacrimis (quis matris & filij affectum nescit?) diuelluntur. Sed illa egrediens, *Agerex Spartanorum*, inquit, compone vultum & animum, ac caue quisquam, qui foris adfistunt, lacrimantes nos videat, aut *Sparta* aliquid indignum admittentes. Hoc enim in nobis est, casus dij gubernabunt. Sic fata egreditur alacri aspectu, puerum manibus trahens: nec fæminam solum exuit, sed matrem. Eadem paullo post, cum Ptolomæus parum ex fide ageret, & Cleomeni occasio esset paciscendi cum Achæis, sed cunctaretur ob matrem: illa audito, rescripsit animose, *Ageret quod ex usu & dignitate Sparta esset, nec Ptolomæum hunc timeret, ob unam anum & puerum, quorum esset compos.* O mulier, non quidem filio meliore, sed fato digna! nam & tu, & ille, postea sub ignauo & infido rege periistis.

III.

Licet & alteram fæminam addere **MONIMEN** Milesiam, quæ insigni forma & lepore, sed ingenio melior, *Mithridati* regi placuit. Tentauit pudicitiam eius, blanditiis, donis, & ad quindecim millia aureorum simul misit: quæ fortiter spreuit, & reiecit procum regem, donec nuptiarum titulo & pacto euicit. Sed nec ea fregerunt magnitudinem animi. mærebat, & sortem suam deplorabat, quod pro marito domi-

num,

num, pro liberis & familia, custodiam nacta esset eunuchorum & barbarorum. Victus tandem Mithridates à Romanis, & animi atque amoris æger, ne in potestatem Monime veniret, misit qui mortem indiceret, eunuchum *Bacchidem*. Illa nihil cunctata, & cupienti propior, diadema detractum capiti (nam vt regina ornabatur) collo aptauit, atque ex eo se suspendit. Sed imbecillo & diffracto, indignabunda, *Infelix fascia*, inquit, *nec hic mihi eris vsui?* Et abiiciens illud ac conspuens, iugulum Bacchidi alacriter obrulit, ac tantum non læta periit?

Quid Græca me tenent? M. CATO ad se vocat, ille inclytus Constantiæ sacerdos: cuius vel à puero dedit specimen. Nam cum apud Liuium Drusum auunculum, vna cum Cæpione fratre educaretur, ac Latini sub id tempus de impertranda ciuitate agerent: euenit, vt *Popedius Silo*, vir inter primos Latinorū, hospitium itē apud Drusum haberet. Itaque cum pueris familiariter cauillans & iocans, & *Hæc vos*, inquit, *ecquid apud auunculum pro nobis, & ciuitate capienda, intercedetis?* Ibi Cæpio blande statim annuere, Cato filere & rouum intueri. Tum Popedius, *Quid tu igitur? non promittis?* & simul sustollit, & extra fenestram elatum, pendulum habet, cum minis & terrore deiiciendi. Vocem etiam & vultum exasperat: sed Cato nihil motus, intrepide sustinuit, & perstitit silentio negare. Ibi Popedius, relato & deposito, submisit ad amicos: *Et quid si hic vir sit? ne unum quidem*

IIII

I. Lipsij monita

suffragium, credo, in populo feramus. Bene diuinabat. nam Cato firmus & certus, nihil in remp. villo metu dicere aut facere, sed nec ab aliis, quod in se erat, fieri. Eiusdem roboris, in Sullanis temporibus, à paullo iam grandiore exemplum. Annum enim agebat quartumdecimum: & sæpe *Sarpedon* pædagogus & doctor eius ad Sullam ducebatur, honoris causa, salutatum. Atque ipse admittebat, quia amicus patris eius fuerat, & comi sermone excipiebat. Domus autè illa parùm à carnificina aberat. ita capti, vincti, torti, ducebantur, sed & capita inferebantur & efferebant interfectorum. Cato inhorruit, & vidit alios clam ingemiscientes: atque ad magistrum suum *Hunc hominem*, inquit, *quid ita nemo interficit?* Subiiciente illo, *Nam metuumt eum magis, quam ode- runt. Quin tu ergo mihi*, inquit, *gladium dedisti, ut eum interimam, & patriam à seruitute asseram?* Quæ dixit vultu atque oculis ita acribus & minaci- bus, ut *Sarpedon* deinceps & rarius ad Sullam duceret, nec nisi tentatum & excussum. Ter- tium, à iam viro. *Metellus Nepos* Tribunus ple- bis remp. turbabat perniciosis rogationibus, quas Catoni certum erat impedire. Ille hoc providens, Cæsare adiutore, forum de multa nocte servis & mercede conductis operis oc- cupauerat, vim haud dubie factururus in resi- stentes. Amici igitur Catonis, & tota do- mus, mæsti & anxij, solus ipse securus cibum cepit; dormiit, mane ad forum iit. Cum ve- nisset, videt templum & gradus *Castoris* armatis infessos, ipsum *Metellum* assidente

Cæsare, superne imminentes, quasi duces: omnia ad pugnam & tumultum parata. Risit, & ad proximos: *O hominem timidum, qui aduersus unum & inermem tantum habuit dilectum!* Et Munatium Tribunum è bonis, manu secum trahens, eluctatus per gradus est in summum: atque ibi medium se statim immisit & composuit, inter Cæsarem & Metellum. Stupuit ipsa audacia, ad hoc robur: & cum trepide Metellus legem perscribam recitari iussisset, Cato inhibuit: donec ipse Metellus, arrepto codice, recitaret. Sed & hunc Cato è manibus ei extorsit: ac Metellus, signo dato, armatos immisit, dissipata statim concione, & nemine, præter Catonem, restitante. Hunc cum lignis lapidibusque peterent, *Murena* Consul ægre textit, & abduxit: sed confirmatis iterum ciuibus rediit, & solâ sua constantia pestilentem rogationem disiecit. Quartum. Pompeius ab Oriente redux, & in magnis opibus ac gloria, vidit quid animorum in viro esset, & quanta sibi accessio si hunc adiunxisset. Itaque ad affinitatem adspirauit, & sororem (siue sororis filiam, ut alij) petiit uxorem. Votiuâ conditio omnibus visa, atque ipsis maxime fæminis: sed non Catoni. qui renunciari libere iussit, *Non capi aut illaqueari se per fæminas. quod si Pompeius rectam in rep. viam iniret, ultro se amicum fore, sin aliam, nullo pacto aut pretio.* Quintum. C. Cæsar Consul legem de diuidendo agro Campano ferebat, priuatim vtilem, publice exitiosam. Vnus Cato

I. Lipsij monita

resistebat acerrime. adeo ut Cæsar pro imperio, abstrahi à Rostris hominem, & duci in carcerem iuberet. Ducebatur, sed & sic inter viam de lege identidem differebat, incommoda & insidias eius ostendens. Iamque peruenerat pæne ad carcerem, deducente pleraque parte Senatus & optimatum, cum Cæsar à constantia victus destitit, & à Tribunis vnum submisit, qui eximeret & liberaret. Sextū. Præturam petebat Cato, & impetrasset, nisi Cæsar, Pompeius, & illa potentium manus se obiecisset: vnum hunc reueriti, ut progressibus suis impedimentum. Itaque effusa & aperta largitione effecerunt, ut præferretur ei Vatinius, mortalium pæne postremus. Quid Cato? accepit & tulit iniuriam eo animo, quo alij beneficium: & vultu etiam nihil deiectus, eodem die in forum venit, ambulauit, & pila ludit. Deus immortalis, an non super affectus & motus humanos hic vir fuit? an non dignus, de quo poëta scriberet:

*Quippe malo vnum Catonem, quam trecentos
Socratas?*

Dignus. & robur etiam in morte fileo, quod variam interpretationem habere potest, & nostræ Religionis scito, culpam.

V. PORCIAM subnecto, patri filiam. Nupserat ea M. Bruto, marito heroina hac digno. Is cum agitarer de nece Cæsaris, etsi sedulo fitebat, tamen vultu manifestus erat grande aliquid & atrox agitare, præsertim amanti, & coniugi. Suspiciata igitur tale aliquid, & maritum silere quia diffi-

deret imbecillitati: statuit sui sumere experimentum, & fecit. Cultro tonsorio, cum sola esset grauius in femore se læsit. Secutus sanguis largior, debilitas, atque etiam febris: cum Brutus domum venit, trepidus & re inopinata mæstus Illa remotis arbitris, *Age mi marite, asside, est quod serio fabulemur. Ego tibi cum nupsi, coniux in domum tuam veni, non amica aut pellex: nec mensa aut thori tantum, sed tristium latorumque consortem me dedi. Catonis filia sum: & pro illa stirpe nascense. Quid ergo? de te queror? minime, si alia specto, & sollemnia in coniugio, aut vulgata. Unus tantum in animo dolor est, & pungit, fidē non haberi fidei mea. Nā quid dissimulas? nonne curam video, qua te coquit? arcani magnique aliquid, quod agitas? Cur me celas? auxilium si non speras, solatium exspecta: nam de silentio, possum apud te spondere. Non respice ad alias mei sexus: ego (iterum dico) Catonis filia sum: & addo, M. Bruti uxor. Vel natura me à tali patre, vel consuetudo à marito, fortem constantemque reddant, etiam aduersus extremos metus. Quid verba facio? rem vide. Cepi ipsa mei experimentum: & ecce hoc vulnus, quod sponte intuli, ut discerem ecquid dolori aut tormentis par essem. Sum, confide. possum ferre, possum contemnere: & mori o Brute cum marito, & pro marito possum. Proinde siquid tu honesti agitas, quod utroque nostrum sit dignum, ne sile. Brutus admiratus animum, & osculatus affectum, manus præ gaudio in altum sustulit: &, O omnes calites, adeste volentes propitij, ac dignum me Porcia maritum præstate. Tum ordine coniurationem aperit, & consortes: nihil territæ aut deterrenti, imo animanti.*

I. Lipsij monita

Atque hoc primum eius Constantiæ, vt sic dicam, sacrum: alterum à mariti morte. Audiit enim de tristi in Philippis pugna, & Brutum suum fuisse. nihil igitur morata, mori voluit: sed amici & custodes impediabant. Illa ipsis & iam sibi irata, *Quid, inquit, mortem aliquis impediatur, aut neget? non potest: & pater vos docuit.* Ac cum dicto profiluit, & è foco prunas ardentes haustas ori ingessit: & spiritum, quem emittere non potuit, suffocauit inclusum. Probas hoc? inquires. non, sed miror: imo & probet aliquis, sed ab illo æuo.

VI.

∞. CC.

XCIII.

Ad Christiana & nostra exempla tutius transeo: quæ in sanctis viris & martyribus sunt infinita. Nulla re hæc religio magis abundat, magis se commendat & adfirmat. Sed ea in suis locis sunt prompta: nos sparsa in historiis colligimus. & in iis vnum ALFONSI PERESII GUSMANI, in Hispania Batica, cui à moribus cognomentum BONI fuit. Magnus pace & bello ille vir, clarus opibus & earum vsu: atque ecce specimen. Rex Castellæ Sanctius *Tariffam* (quæ veterum *Carteia* siue *Tartessus* est) de Mauris ceperat, sed anxius custodiendi & tenendi, ob hostium viciniam, & ingentes sumptus. Suscepit vltro in se curam Alfonsus, & partam stipendij de suo daturum promisit: rex interea res alias ageret. Paullo post, frater regis, *Joannes*, ambitione praua ad Maurum transit, & copiis ab eo acceptis subito *Tariffam* obsedit. Obsessi nihil trepidare, in sua & ducis virtute fidere, animos supra periculum habere: nisi quod infregit.

eos subito inopinata res, captus Alfonsi filius (in agris forte interceperant:) & ante mœnia ostēsus. Vnicus porro patri erat. Illi minari, nisi opidum dederetur, sub oculis interfecturos se, & fœde lancinatuos. Motis flexisque aliis, ille nec hilū: & alta voce negat, *Si centum filios impetestate haberet, non ideo se a fide, & honesto abiturum.* Quin, inquit, *si tanta libido ingulandi est, en gladium;* & suum ē mœnibus proiecit. Stupor me habet hęc scribentē: quid spectātes? Ille sic abiit, & ad prandium se composuit, cum ecce clamor: & eiulatus dissonus auditus eum euocat: iterumque in mœnibus se sistit. Quærenti consternationis causam, refertur, *Filium barbara crudelitate interfectum.* Hoc erat? inquit, *credebam urbem ab hostibus captam:* & pari tranquillitate ad prandium vxoremque rediit. Hostes magnitudine viri attoniti, re infecta discesserunt. Libet hic exultare: estne factum vel in omni antiquitate fortius, vel laudabilius? Gratulor tibi gens & domus illustris Ducum *Methymna Sidonia*, quæ ad hunc auctorem stemma & sanguinem refert. Felix origine, esto imitatione.

Hæc ad miraculum exempla sunt: alia non tam ferientia, sed haud minus sapienti approbanda. De FERDINANDO Hispaniarum rege traditur, postremo isto qui Mauros eiēcit, per omnem ætatem firmo constantique ingenio fuisse: & cum vtramque sæpe sortem expertus esset, prospera atque aduersa sic compositæ & sedate tulisse, vt nulla vnquā in vultu eius cōsiliōrū aut affectuum v̄estigia deprehēderentur.

I. Lipsij monita

Idem cum Barcinone, à furioso quodam graue vulnus in ceruice subito accepisset, neque animo turbatus est, nec gemitum aut vocem doloris indicem emisit : tantum seruari paricidam & examinari iussit, quo auctore fecisset.

VIII.

Vxor eius I S A B E L L A virilis animi curæque mulier, & hac laude æquauit, aut superauit maritum. Nam cum nuptias adornaret cognominis suæ filiæ, cum *Emanuele* Lusitaniæ rege, & subito nuncius adferretur de morte *Joannis* vnicifilij, illa hoc agere, & dolorem comprimere, vultumque fingere tamdiu potuit, donec Emanuel ab aliis id rescisset. Eadem non in aduersæ solum valetudinis, sed in partus acutissimis doloribus, & gemitum & vocem suppresserat. rem incredibilem, nisi à fidissimis matronis, quæ à cubiculi cura erant, id certo se cognouisse *Marinus Siculus* adfirmaret:

IX.

Horum nepos C A R O L V S Q U I N T V S Imperator, cum in Germania copias & castra ad Ingolstadium haberet, cinxissentque eum ingenti numero militum fœderati hostes: nec illi visum dimicare, vel quia sui nōdum conuenissent, vel quia præuidebat tutam mox & sine cæde victoriam: ecce isti æneorum tormentorum copia validi, tantum ferreæ grandinis in castra iaculati sunt, vt vno die ad vi. *Millia* maiorum globorū numerarent. Itaque omnia ictibus peruia, ipsum Cæsaris tentoriū, & ad latus eius & tergum occisi: cum ille nec locum, quid locum? nec statum, nec vultum mutauit. Quinetiam monentibus amicis sibi, atque

omnibus in se. parceret; dixisse aridens fertur, *Considerent, neminem Imperatorem tormenti ictu perijisse.* Atque hæc talis constantia, & morum actionumque grauitas, in omni reliqua eius vita fuit.

Etiam in sanguine. Nam ab hac stirpe PHILIPPVS II. rex, familiarium testimonio, Constantiæ laude veteres nouosque æquauit. extra aut supra affectus: non gaudio, non dolori peruius: neque animo solum, sed vultu æquabili & immoto. Quis sapientium, & qui vnum hoc egerunt, eo peruenit? Sed quod alij verbis: ipse factis sibi vindicauit, NEC SPE NEC METV. Finiui, & addo, non aliam virtutem Principe digniorem, aut in eo, vt sic dicam, honestiorem esse.

DE PRVDENTIA,

Quam Vfus & Historia gignunt, & producit Doctrina.

CAP. VIII.

POST Virtutem, cuius caput est Religio siue Pietas, Prudentia necessaria est Principi, atque ijs qui in republica versantur. Hæc nō aliud est, quam notitia rerum euentuumque, & iudicium in ijs rectum. Tria illam pariunt, Natura, Vfus, Doctrina. Natura multum potest, & ab ea sola, aut certe leuibus alijs auxilijs, prouecti quidam operæpretium fecerunt. Sed vsus si accesserit, etiam mediocris Natura attollitur, & in

I. Lipsij monita

consilij actionibusque se probat. Quid si doctrina? plurimum: & tria hæc ubi concurrunt, mirum quam valida ea mixtio, & vera ex ijs firmaque Prudentia oriatur. Nam profecto ubi aliquid horum solitarium, Superbia, Pertinacia, Error comitantur: & in multis scio me obferuisse. Quid tamen ex his ad rem publicam optimum? puto, Vfus: & Theognidem sapienter scripsisse,

Δόξα μὲν ἀνθρώποισι γὰρὸν μέγα, πείρα
δ' ἀείρον.

Est mala Opinio, at est homini longe optimus Vfus.

Nam ubi sola Natura, siue & doctrina: profecto Opinio innascitur, & gnari scientesque esse volumus, ubi non sumus. At Vfus firmior, & in artibus per se valet. Age, fabricam quam multi solo opere & vfu didicerunt? quid artem navis gubernandæ? & civilis & militaris in republica quædam ars est: ab Vfu igitur discenda. Nec tamen plene satis aut perfecte. quia illa, quæ dixi, uniforme aliquid & simplex sunt, ista Deus bone, quas varietates, quos sinus & recessus habet? Lumen undique inferendum, ut peruideamus: & maxime à Doctrina, non illa tamen arguta aut subtilium scientiarum, sed memoriæ rerum præsertim, quam Historiam appellamus. Nam ea, si attendis, quid nisi alter Vfus est? Quæ in isto video, tracto, facio: in illa lego, haurio, disco: & tanto plura, quanto plus rerum euentuumque completitur, ab omni ævo. Mihi paucis annis experiri licet, & in vna aliqua orbis parte, siue angu-

lo: illic sæculorum res sunt, illic, quam late patent sola hæc terrarum. Itaque materies discendi maior: & disces, si oculos mentis in illo velut speculo defigis exemplorum. Accedit, quod prudentes multi, & usu docti, olim fere historiam conscripserunt: & iidem sensus breues, aut monita inseruerunt, Deus bone, quam recta, quam salutaria, si bona mens eligit & excerpit? Sed Historiæ laudes pertexere, non hic est locus, nec decet: addo, de *L. Lucullo* tradi, eo qui Mithridatem & Tigranem vicit, potentissimos reges, vix aliam imperandi bellandique peritiam, quam ab Historijs attulisse. Et istas igitur præcipue ego Principi: sed & adhærentem *Geographiam* commendem: *Geometriam* leuiter: & tum maxime *Philosophiam*, id est Ethicam Physicamque. Duæ istæ partes formant eius animum, vel ad Virtutum amorem & pretium, vel ad notitiam cœlestium & terrestrium, è quibus Magnitudo animi oritur, & simul Modestia, collatione vtrorumque. Non infisto (alibi feci:) sed *Peregrinationem* etiam obiter suadeam: quæ valde ad notitiam sui status, tum & ad Prudentiam facit. Hæc omnia quæ Principi, magis ijs & plenius, qui circa ipsum, suggeram: quibus plus scilicet otij, & sæpe ingenij est, ad talia pernoscentia. Sed age, pro instituto, Exemplis hæc illustremus aut firmemus.

SOLON Atheniensis, horum omnium vnus exemplum præbeat: in quo Natura, Vsus, Doctrina viguerunt. In republica assiduus ille fuit:

I. Lipsij monita

sed etiam in peregrinationibus, & Ægyptum, Cyprum, Asiam lustravit: atque id discendi causa. Vsum vides: quid Doctrinam? scripta & versus docent, quos reliquit. Atque adeo tanta eius cupiditate exarsit (sic loquendum est:) ut ipse in Carmine quodam gloriatur, *Cottidie addiscentem se aliquid senem fieri*. Cottidie. itane? etiam circa ipsam mortem. Nam cum langueret, & assidentes amici aliquid inter se differerent, ille caput sustulit, & flexit ad audiendum. Interrogatusque, Quo fine tunc aut fructu? nobilem illam vocem edidit, *Ut cum istud sciero, doctior moriar*. O desiderium! & quid in vita, aut eius flore faciendum: cum ille hæc in morte?

II.

EPAMINONDÆ vero, etsi in crassiore aëre nato, tantum litterarum studium, philosophiæ doctrina tanta fuit, ut *mirabile videretur*, ait Iustinus, *unde tam insignis militiæ scientia homini inter litteras nato*. Quod mihi tamen non mirabile. imo cum Diodoro Siculo sentio, qui ipsam hanc scientiam causam fuisse vult rerum ab eo præclarissime gestarum. Philosophatus ille scilicet est, sed *ἀνεν μαλακίας*, ut Thucydides loquitur & approbat: *sine mollitie, aut desidie*: & habuit ad robur & ad prudentiam magistræ. Sane Pythagoricis dogmatibus additum maxime, & Physicæ scientiæ fuisse, idem Diodorus monet.

Lib. v.

Lib. xv.

III.

Huius discipulus & alumnus PHILIPPVS MACEDO, non *Alexandri* solum, sed & *Magni* pater. Ille inquam, omnem hanc magnitudinem aut institutione, aut instrumento & in-

structo reliquit. Græcia domita, & firmus ille ordo militiæ, veteranus miles, optimi Duces, hæc omnia à Philippo fuerunt: & ipse Philippus ab Epaminonda, & doctrina. Nam obses triennio Thebis habitus, in eius domo diuertit, optimo magistro vsus ad dicendum, sapiendum, faciendum.

Ipse ALEXANDER haud alia re mihi quidem magis laudabilis, quam doctrinæ studio videtur, & moribus quos hausit à doctrina. Ij fuere, Magnanimitas & Clementia. Sed à puero mitioribus artibus imbutus, mox in Ethicis & Politicis, alijsque Philosophiæ, præceptorem habuit Aristotelem: quem virum? ipsius Sapientiæ prolem aut alumnum. Felix doctore, sed & felix ingenio. cum non, vt plerique, leuiter imbutus ijs animum, nec statim, vt ad arma venit, artes fastidijt: sed & doctos in contubernio suo habuit, audiuitque: & ipse, cum licuit, assidue legit. Idque *Homerum* maxime. quem ita non amauit, sed coluit, vt cum in Dariana præda scrinium, gemmis & auro cultissimum, repertum esset, alijsque alio destinarent: *Imo*, inquit, *Homeri carminibus reseruetur*: quasi pulcherrimū opus, pulcherrimo conditorio dignum esset. Sed & incubuisse, & indormisse eum sæpe *Homeri* libris, traditur: vel ex eo, non vulgaris sciētiae aut iudicij æstimandus, qui altum & super omne vulgus poetam æstimaret.

Vltimus, inter Græca exempla, PHILOPOEMEN esto: quem *vltimum Græcorum*, magna eius laude, quispiam dixit. Isetsi in militiam studio

IIII.

V.

I. Lipsij monita

& indole propenderet, tamen (ait Plutarchus) & Philosophorum praecepta ac monita legebat, sed non omnium; eorum dumtaxat, e quibus progressum se ad virtutem sperabat facturum. Habebat & hoc in ore: Doctrinam debere ad facta tendere, non otij aut inutilis loquacitatis causa usurpari. Atque utinam hoc alijs, ut mihi, probet! Sed nos facere id decet, Principes debent.

VI.

Ad Romanos transeo. quorum conditores ROMVLVS & REMVS, non tam rusticuli fuerunt, quam vulgo eos faciunt: si verum est: quod Dionysius & Plutarchus tradiderunt, *Gabij in adolescentia, liberalibus studijs operatos, atque omni eorum liquore perfusos*. Et sane facta atque ordo Romuli, non olent barbariem: minus *Numa, Seruij, aut Tarquinij regum*.

VII.

Etsi fateor iacuisse post, aliquot ætatibus, Romæ Doctrinam: donec Græcia capta, ab hac caperentur. Longum sit omnes aut plures dicere: M. CATO VTICENSIS, pronepos illius qui Græcos & omne id genus pelli vrbe volebat, ita studijs eorum se dedidit, ut & in Senatu, obiecta leuiter toga, libros legeret: vir, cuius nomen recte factum defendit, quidquid fecit.

VIII.

Quid IVLIVS CAESAR, ille sic acer militiae, & Martis vere pullus? haud minus Musarum fuit. Scripta eius id docent, quorum pauca exstant, pleraque perierunt: quæ inter ipsos rerum civilium aut militarium æstus iactationesque cōfecit. Nec in itinere quidem vacuus:

sed amanuenssem in vehiculo apud se habens, dictansque aut legens. Itinere Hispaniensi, spatio *xx i i i* dierum, siue ut alij, septem, poema composuit. quod inscripsit *Iter*. In ipsa Hispania sub tempus Mundenfis praelij (& quando vnumquam magis, non dicam occupatus, sed sollicitus?) libros duos de *Analogia* confecit, & totidem *Anticatones*. Mirabitur, qui breuitatem temporis, & occupationes viri nouerit: sed non mirabitur, qui vigilantiam & instantiam, quando pleraque hæc & alia, ipsis noctibus, sub pelibus scribebat. Maeste diuini, & indefessi simul ingenij, vir! cuius & hoc signum, quod tollenne tibi scribere & legere simul, dictare & audire (verba Plinij sunt:) *epistolas vero maximarum rerum quaternas pariter librarijs dictare, aut si nihil aliud ageres, septenas*. En aquilam! & quis ad hoc æui sublimis sic volauit?

Nec degenerauit ab eo OCTAVIANVS, iudicio filius, postea Augustus. qui *Eloquentiam & liberalia studia*, ait Suetonius, *ab ætate prima cupide & laboriosissime exercuit* Ipso Mutinensi bello, in tanta mole rerum, & legisse, & scripsisse, & declamasse cottidie legitur. Itaque opera pluscula scripsit, quædam & versibus: à tempore tamen, & eius inuida falce, præfecta. Nec in se modo eruditionem volebat, sed in Administris necessariam censebat. adeo, ut cuidam Legato Consulari, tamquam rudi & indocto, successorem dederit, cuius manu *ix i*. pro *i p s i*. scriptum animaduertat.

IX.

TIBERIUS vero, vel ad culpam, vtriusque lin-

X.

1. *Lipsij monita*

quæ studijs artibusque se dedit. Affectabat enim & rara & obscura, & quæ pauci scirent, sci-
re gloriabatur. Itaque assidui in cohorte eius
Græculi, quos & præmijs honorabat, & quæ-
stionibus exercebat. Hic tamen est Tiberius,
cui nemo in calliditate, & firma regendi arte, se
componat.

XI. Non eo per Imperatores ceteros: nam quis
eorum non feretalis fuit? Usque adeo ut M.
ANTONINO *Philosophi* cognomen hæserit: quod
supra alios in eo studio deditus esset, Stoicam
etiam sectam professus. Et quis tamen vita me-
lior, imperio mitior, aut felicior dabitur?

XII. Quid autem Christiani deinde nostri? de
THEODOSIO IUNIORE traditur, cum hi-
storias Græcas Latinasque assidue euoluisset:
tam pertinaci in libris studio, ut cum diem mili-
taribus aut civilibus occupationibus daret, no-
ctem ijs seponeret. Quin & candelabrum sibi
strui ad fabre curasse, eo opificio, ut oleum spō-
re ad lychnum perveniret ac suppeteret: ne vel
interpellaretur lectio, vel ministri cum vigilan-
te (ô humanitas!) vigiles essent.

XIII. CAROLI MAGNI amorem & honorem
in litteras multa loquuntur. Quid clarius, quam,
velut vexillo proposito, vocati undique viri do-
cti Lutetiam, in castra quædam litterarum! Fe-
licia castra, quæ tot præclaros non milites, sed
duces dedistis & datis, in militia hac togata! Sed
illud quoque in *Paulum*, Aquileiensis Ecclesiæ
Diaconum eminet, genere nobilem, ingenio
litterisque nobiliorem. His dotibus concilia-
tus

tus olim *Desiderio* Longobardorum regulo, dum fata erant: postquam ea ad *Carolum* transissent huic iisdem causis carus, & inter intimos familiares admissus. Sed *Paulus* veteris beniuolentiae & aulae memor, consilia agitabat liberandi *Desiderij*, & e finibus exsilij educendi: quorum conuictus, ipse in exilium, in *Diomedis* insulas, seponitur. Sed nec illic fidei aut legum satis reuerens, rupit transcenditque terminos, & ad *Ragaisum* Beneuenti Ducem confugit. Itaque proceres certatim accusant, damnantque capitis duplicem perfidiam: & in ipsum *Ragaisum* arma suadentur. Frustra, apud mitissimum & literarum amantissimum regem: quod solum nomen & titulus *Paulum* seruauit, ipsumque cum *Paulo Ragaisum* ei conciliauit. Impositum modo munus, ut *Historias* à fine *Eutropij* scriberet, item seorsim *Longobardica*, aliaque in profanis aut sacris.

Neque abnuo tenebras deinde fuisse, & nescio quo malo fato barbariem: praesertim in Principum aulis, & priuatum modo bonum Doctrina censebatur: an addam, & nunc censeri? Tamen, velut stellae, interluxerunt pauci. ut *ROBERTVS* rex Neapolitanus, cui litterae & litterati percarum fuerunt. Ille est qui *Petrarcham*, & poesi, & seriis scriptis nobile ingenium, fouit: ille qui *Boccatium* in amoribus habuit. Quid ipsam doctrinam? vox eius audita: *Cariores sibi litteras regno esse*. Desipuit, an alte sapuit?

Et quam similis vox & animus *ALVONSI* illius

XIII.

∞ .ccc. xl.

XV.

I. Lipsij monita

magni, in eodem regno fuit? Neque enim semel edixit: *Malle se omnium regnorum* (septem ea numerabat) *iacituram facere, quam minimam doctrina.* Et sane amavit in se, in aliis: & *Laurentium Vallam, Antonium Panormitam, Bartholomaeum Faccium, Georgium Trapezuntium, Joannem Aurispam, Jovianum Pontanum, & examen deinde iuniorum, huic regi debemus.* Ille Athenæa in regnis passim, ille Bibliothecas instituit, aut exornavit: nec gratius ei munus offerri poterat, quam rarior aut electior liber. Quin ipsum *Librum apertum* pro insigni vsurpabat: significans Scientiam Principibus convenire, ex iis haustam. Et cum aliquando audiret regem Hispanum dixisse, *Non convenire Principibus litteras: stomachans subiecit, Bovis, non hominis, vocem eam esse.* Itaque legit assidue: *Liuium & Cesare*m maxime. nec dies fuit, vt familiares tradiderunt, quin his inuersaretur. Idem, quod miremur, *Annei Seneca* magnus amator: adeo vt ipse, suo Matte, in Hispanicum sermonem Epistolas verterit, vsui suæ gentis. Sed nec sacra lectione abstinebat: gloriatusque est, totum *Vetus & Nouum testamentum, vna cum Glosis, decies & quater se perlegisse.* Hæc rex, hæc senex: vbi priuati & iuuenes estis? Senex, inquam. nam vix ante quinquagesimum annum studia attigit, institutione eius in adolescente neglecta. Tunc Grammaticam opera Martini cuiusdam didicit: quem ita carum deinceps habuit, vt numquã à latere dimiserit. Videor non de Principe, sed litterione aliquo loqui: at ille etiam

quantus vir belli domique fuit? quam magnus, quam felix rebus gestis? Elogium ei demus. à *Carolo Magno* maiorem virtute & fortuna Principem Europa non habuit.

Addamus è Pannonia MATTHIAM CORVINUM regem. qui clarissimo militari patre *Joanne Hunniade* natus, nec in eo studio degener, Doctrinæ istud adiunxit. Ferox ad id æui ea natio, & tota Martis, cultū ingeniorum morumq; à *Matthia* accepit: & quis nescit regum exempla subditos æmulari? Itaque Italos Germanosque, siqui litterarum glōria clarescent, euocavit: Bibliothecam instituit in ipsa regia Budæ, rarum thesaurum, & quem cum dolore recordamur Barbaris, cum ipsa Pannonia, obuenisse.

An & mulier his se inferet? inferet merito ISABELLA, *Ferdinandi Catholici* regis vxor. quæ ad omnia alta nata, & vere virilium curarum mulier, etiam Doctrinam vnice amauit. Delectatam semper constat (nescio quā inclinatione animi) ipso Latinæ linguæ pronunciatu & sono: nihil vt libentius audiret. Et mox respirans paullisper à grauissimis cutis & bellis (reuera enim particeps & thori & sceptri erat:) respirans, inquam statim se ad Grammaticum demisit, eique annum ita assiduam operam dedit; vt Latina non solum capere, sed verte-
re ipsa in suum sermonem, posset. Sacris etiam & diuinis officiis cum interesset, lapsantes, auc vel in sillaba peccantes sacrificos aduerte-
bat, sed & sæpe admonebat.

Enimvero nec olim aut nunc Barbari (tā clara

I. *Lipsij monita*

XVIII.

utilitas est) ab hoc cultu alieni. testor MITHRIDATEM illum veterē Ponti regem, qui varie, & in ipsa medicina doctus; hoc præfert eximiū Tenuisse vigintiduas linguas, sic vt omnes subditos, quemque sua dialecto, prompte & scienter alloqueretur.

XIX.

CHOSROES autem Persarum rex, Iustiniano & Romanis per suas clades notus, & eloquentiam Græcam adamauit, & Philosophiæ ipsius non limen, sed adyta penetrauit. Aristotelem totum percalluisse aiunt, Platonis lineas & numeros: sed & ipsa Græcorum opera in suam linguam multa transtulisse. Hæc aiunt: & demus famam aliquid adstruere: vel conatum ista, nonne magnum in magnis istis regum?

XX.

MAHVMETES etiam Turca me tenet, SECVNDVS eo nomine. qui cognitionis illustrium virorum facinorumque maxime cupidus, Historias sibi verti in suum sermonem iussit, Græcas Romanasque: & ipsos viros depingi à *Gentile Bellino*, eleganti pictore, quem ad hanc operam à Venetis exambierat. His ille stimulis, vti nam, ne ad tam alta, & nobis tristia, animum æmulatione crexisset.!

XXI.

CAROLVM V. de industria totum hoc agmen volo claudere, & simul salutare monitum suggerere. Eum magnitudo statim rerum & imperij, tenerum adhuc à studiis abduxit: etsi amorem tamen & reuerentiam non excussit. Ac quondam cum Genuæ oratorem aliquem audisset Latine dicentem, nec plene satis cepisset.

tristi & ingenuo ore confessum Paullus Iouius scribit (is arbiter coram & testis erat) confessum inquam, *Dare se nunc puerilis incuria pœnas: & præsagum Hadrianum præceptorem fuisse, qui hanc pœnitentiam ei prædixisset.* Credimus optime Princeps. & quam multi hodieque tecum iam grandiores, id est sapientiores, dolent in hoc neglectu? Cogitent parentes, emendent filiorum & publico bono. Vouco.

I V S T I L I P S I

MONITA ET EXEMPLA
POLITICA.

L I B E R S E C V N D V S.

D E P R I N C I P A T V.

Eum præferendum alijs imperijs videri.

C A P V T P R I M V M.



VÆ adhuc dixi, etsi ad Principem aptavi, communia cum aliis sunt, & in omni imperio adhibenda. Hunc formare magis, & propius dirigere incipiam: si tamen prius breuiter adstruxero eum, & laudaro. Nam ambigere multos, & differi varie

I. Lipsij monita

de optima Imperij forma olim & nunc , scitum est: at nos istum præferimus , & causas distincte , & velut per titulos libabo. Primo , quia liquet

M O N. I. *Antiquissimum hunc esse.*

Homines autem primi & origini suæ id est Deo proximi, malis artibus fraudibusque nondum corrupti, censendi sunt optima elegisse: elegerunt Principatū. In familiis, quod primum imperium, vnus fuit. Plures deinde familiæ cognationibus iunctæ, vnum habuerunt: & ex istis societates, conuentus, opida; vnum. donec magna imperia nata, & oppressio cœpit, ab ambitione exorta: & sic quoque fere vnus.

Epist. xci

i. De Clement.

Seneca verissime: *Primi mortalium, quique ex his geniti Naturam incorrupti sequebantur, eundem habebant & Ducem & Legem, commissi melioris arbitrio.*

Itaque idem alibi: *Natura commenta est regem. quod & ex alijs animalibus licet cognoscere, & ex apibus: quarum regi amplissimum cubile est, medioque & tutissimo loco.* Sed quibus alijs animalibus?

Epist. xci.

in parte alibi explicat: *Mutuis gregibus aut maxima corpora præsumt, aut vehementissima. non præcedit armenta degener taurus: elephantorum gregem excelsissimus ducit.* Idem in ouibus, in auibus, & alio genere congregum animantium est videre. Est igitur antiquissimus, & Sacræ etiam nostræ literæ ostendunt: in quibus à condito orbe ad diluuium, moderatum in familiis imperium fuit: à Diluuiio, ambitio miscuit, & Nimrodus Noachi pronepos, imperium in Assyria & finitimis inuasit. Hic est, quem profanæ literæ

(ad primorem syllabam allusione) *Ninum* appellant. Sed addo etiam,

M O N. II. *Communissimum hunc esse:*

Neque olim tantum, sed & nunc plurimo orbis sic notari. Olim quidem, Sacra dicunt. ubi Indæi regem poscentes sic audiuntur: *Constitu nobis regem, sicut & V N I V E R S A E habent* I. Reg. cap. VIII. Libro. I. *nationes.* Sed & in Italia primi illi Romani (apud Liuium) *in varijs voluntatibus, regem tamen OMNES volebant.* Et si postea mutarunt, & ad Optimatum statum iuerunt: quid ita? naturali hac sæpe mutatione, ut à rege in tyrannum, à tyranno ad optimates aut populum Respublica eat: iterumque ab istis ad tyrannum, & regem. Fastidio & odio hoc fit, non Principatus, sed Principis alicuius male eo vsi. Ceterum & vetus hic orbis Principes fere vbique habuit, in Asia, Africa, Europa (paucaloca, neque diu excipias:) & nouus item repertus, sic est, aut fuit. Argumentum, optimum vsu & ratione esse, quod tam diu, & tam multis placuit: atque, ut dixi, ab ipsa natura. Sane rationem si excutimus, eam videbis hinc stare, ab his causis. Primo dicimus,

M O N. III. *Iustitiam magis in eo exerceri.*

At iustitiæ fruendæ causâ Imperia primum sunt reperta. Ea igitur magis in Principatu florēt, vigetque: nec sunt noxæ aut corruptelæ, quæ in aliis illis formis. Vide. Rex aut ipse, ius dicit (olim & * nuper etiam factum:) aut qui dicant, eligit & designat. Si ipse, supra metum * Vide hoc libr. cap. XI. aut gratiam est, magis auaritiā: & nihil istis,

I. *Lipsij monita*

quæ præstringere oculos indicantium solent, donat. Sialij; sunt tamen ab ipso. & cura elegit, & electis iam superest & intendit. Non sunt iis sic libera iudicia, vt non iudicium huius metuant; & siquid fœdus patrent, pœnam. In alio statu quid simile? Si ad Optimates is; factio, & agnati, & amici occurrent, & alternis inter se ius aut iniuriam gratificantes. Si ad Populum; magis peccabitur, & ita aut affectu damnatos passim videbis, aut dimissos. Ad Athenienses aut Romanos leuiter transi: ostracismi optimorum sunt, & exilia, & mûltæ. Contra, pessimis honores habiti, & iudiciis per vim & manum etiam erepti. Quid de corruptelis dicam? hic regnant. Secundo,

M O N. IIII. *Tranquillitatem & concordiam coli.*

Quod optimum aut optatissimum in Societate est; viuere quietos, à vi & iniuria tutos. Metus vel auctoritas hoc facit Principis. quem vnum omnes respiciunt: qui vnus omnia potest: & ius vitæ necisque habet. Itaque merito animi magis domiti & fracti sunt, & colla ad iugum inclinant. Non sic inter plures dominos: quorum potentia sparsa est, & ideo minor, vt flumen in plures riuos diductum. Alius alium respicit; patronum contra hunc aut illum habet: & addo, quod nec coërcitio seuera aut libera. quia in suffragiis aut comitiis, popularium opera egent. Itaque conuenient & indulgent, gratiam singulorum quærunt. Ita minui-

tur Auctoritas; & quod sequitur, Reuerentia aut metus, vinculum obedientiæ & quietis, Parte altera minus tranquilli, quia ad rem publicam sæpe auocantur. sunt comitia, sunt leges: & suffragia sua habent. In iis deinde ambitio & factio interuenit: quid præterea? seditio sæpe, & turbæ, atque etiã pugnæ. Vt mare raro quietum est, ventos plurimum, & sæpe procellas habet: sic respublica, vbi comitiorum potestas. Noster Tacitus rem tetigit: *Suspectum Senatus Populique imperium, ob CERTAMINAPotentium, & AVARITIAM magistratuum.* En duas assiduas ibi Pestes: *Certamina*, & factiones, & exitum siue exitium, Ciuilia deinde bella: *Auaritiam*. & sunt nundinationes, rapinæ, corruptelæ, in magistratibus, in prouinciis, in iudiciis, Tertio, & vniuerse dico,

1. Annal.

M O N. v. *Modum regendi meliorem tutioremque esse.*

Princeps diutius imperat, vnus & idem semper manet: itaque & discit magis assiduo ipso vsu, & rem etiã, vt propriam, cordi habet. Aliter in magistratibus, qui mutantur. Sunt ferre annui: id est, abeunt imperio, cum discere imperare cœperunt. Sed neque intentio eadem aut cura est, in breui & alieno imperio. Tradunt enim ignotis, aut inuisis sæpe successoribus: satis habent quomodocũque defungi, in posterum securitate. At Princeps non se solum cogitat, sed heredes. Deinde, arcana consilia aut literæ sæpe interueniunt in gubernando: cum vicinis Principibus consilia aut pactiones, quas

I. *Lipsij monita*

nolint intempestive vulgari. Quod secretum hic inter plures erit? quis libere accedet, aut tuto credere? Hæc in Principatu cessant. & aut vnus ipse tractat; aut fidi ministrorum, quibus committit. Quid etiam de secreta corruptela dicam, crebra inter plures? Vnus aliquis emi contra rempublicam potest, & sana consilia aut euertere, aut impedire. Athenis suis quam hoc factum Demosthenes conqueritur, à callido Philippo: & *hunc esse scopulum* (ita loquitur) *ad quem res adhærescant*. Quid Romæ? idem: & Tribunus aliquis emptus res turbabat, & hunc aut illum super capita ciuium imponebat. Poëta ingeniose.

Mutatusque fuit momentum Curio rerum.

Ita vnus Curio à Cæsare corruptus, Cæsarem Pompeio antetulit, reipublicæ & libertati finem dedit. Quarto denique dicimus,

M O N. VI. *Maxime hanc imperij formam diurnare.*

An non faciat, cum à Natura maxime & Ratione sit? Deus fauet & tutor est; vnus ille rector, vnus. Vide Status alios, pauci æuum tulerunt, quantumuis legibus bonis & institutis: excipio paruas quasdam respublicas, & validiorum tuitione aut amicitia firmas. Sparta qua nihil videbatur moribus aut viris melius, vix quingentos annos tenuit libertatem. Athenæ sæpe mutarunt, & oppressæ iterum caput extulerunt: sed turbidæ semper, & in metu, aut potentioribus obnoxie. Roma quadringentos paullo plus annos liberum illum statum ser-

uauit. Quid ista ad Principatus? Ille Assyriorum, vt à vetustissimo ordiar, *mille ducentos quadraginta annos* stetit: siue, vt alij largius, *mille trecentos*. Ita enim vel Historici, vel Chronici scriptores, consensu tradiderunt: nec Appiano vbi mens fuerit, ego scio. qui initio operis scribit, nec *Assyriorum, Medorum, Persarum tria regna simul congeſta, æquare illud ſpatium cui potuiſſe, quod in Romano imperio ad ſuum illud tempus eſſet*. Profecto fallitur: nec excuſes. nam à Roma condita ad Hadriani æuum *nongenti* circiter anni ſunt, & ſic ipſe ſupputat: quanto plures, vt dixi, in ſolis Aſſyriis? Iam Medi *ducentos ſexaginta* fere annos vindicant: Perſæ *ducentos triginta tres*. Quamquam de Perſis, mirum & notabile, haud diu ab Alexandro iterum reuexiſſe, & vires regnumque recepiſſe, duce Arſace quodam (vnde *Arſacida*) ſub bellum Punicum primum, ſiue annum vrbis D. III. Sed quia tamen initium aſſerendi à *Parthis* fuit, inde Romani atque alij, Parthorum hoc regnum appellarunt: reuera tamen in iiſdem fe-
regentibus & finibus, manſitque ad *Alexandrum Mammææ* filium, per annos circiter cccc. lxxx Tum iterum nomen *Persarum* ſurrexit, duce *Artaxerxe* quodam, qui *Artabanum* demouit & ſuſtulit, vltimum Parthorum Regum. Exinde autem ad hoc æui (diuturnitatem agnoſce, & mirare (Perſæ viuunt & regnant, etſi grauiter ab *Heraclio* Imp. contuſi, poſtea à *Tamer lance*, & nuper ab vtroque *Selymo*

I. *Lipsij monita*

Turcarum, aŭo & nepote : ſed viuunt. Quid de *Aegyptiorum* olim regibus dicam? millia plura annorum numerant, ad vltimam Cleopatram. Quid hodie de *Sinarum*? iidem millia : & à *Vitao*, qui primus fuit, ad *Bonogum*, qui nuper imperitabat, reges in ſerie continua habent *ducentos quadraginta tres*. Rarum exemplum: neque in noſtra Europa reperiendum. Tamen & in ea Principatus longæui. Gallorum regnum potens & florens, à *Faramundo* primo rege uſque ad *Henricum III.* qui nunc feliciter regnat, computat *ſexaginta tres* reges : idque per annos ∞ . c. xc. At in Hiſpania Gothorum reges ab anno Chriſti cccviii. ad *Rodericum* & Maurorum inuaſionem numerantur *tringinta nouem*. Et ſanguis quidem ille, ſed non regnum defecit : ſuſcepitque *Pelagius* anno Chriſti *dc cxvii.* à quo perpetua ſerie, nec interrupta, ad *Philippum* hunc *iii.* ſunt reges *quadraginta octo*. Alia exempla in minoribus Principibus liceat dicere : omitto, ſicut & Reſpublicas minores. Sola *Veneta* eſt, quæ æuum *millenarium* iactet : felix fati, ſed & legum atque inſtitutorum felix, quibus velut vinculis firmata eſt adhuc contra lapſum. Maneat, Floreat, fauemus & vouemus.

In eo Viros Feminis præferendos, & has vix feliciter imperare.

C A P. II.

P Rincipatus igitur optimus, & cum Solonie,
Ευδαίμων πολιεθρον ἐνὸς κήρυκος
ἀκρον:

Felix urbs, quæ iussa unius Principis audit.

sed quis ille Princeps esse debet, unius & melioris, an & alterius sexus? Vtrimque argumenta & exempla sunt: sed magis pro nobis. Vir ad virtutem, ad regimen natus: animo, corpore, voce: visu robustior, & quem magis vereare, aut venerere. In femina omnia leuia, mollia; quæ amorem, non reuerentiam creent. A natura ipsa timidæ magis sunt, quam timēdæ. non igitur hic Auctoritas. Iam in viro prudentia & constantia: in illis calliditas aut argutia, imbecillitas deinde iudicii, & in decretis sensibusque Euripus. Septies in die mutant. Raro etiam altum aut honestum spirant: sunt in vanis aut vilibus curis: non ergo ad sceptrum & publicum decus idoneæ. Duæ etiam virtutes Principum primæ, Iustitia & Fides, firmiter vix sunt in istis. Non prior, quia inclinent facile & miserantur: facillime & gratiæ aut affectui obsecundant. Non altera, quia mobiles ingenio sunt, & mutant vt ventus. Ne Clementia quidem sit, quæ putetur: & benignior ille vultus, nescio quomodo

I. *Lipsij monita*

ſæuum ſæpe animum & vindicem celat. Quid de laſciuiâ aut luxu dicam? vtrique vitio opportunas ſcimus, & pudorem atque opes prodigere: præſertim cum ſui iuris ac ſpontis, frænum non habent quod adſtringat. O quale regnum, vbi *Cleopatra* aliqua, *Meffallina*, aut *Ioanna Neapolitana* imperat? Neque ſine cauſſa Sacræ litteræ inter peſſima comminantur: *Fæminarum imperijs ſubiectum* iri. Sed parte tamen altera, exempla nos redarguant, itemque inſtituta gentium. Nam & alibi ſuccedunt in regna, & feliciter atque industrie adminiſtrarunt: cui rei vtrique lubet exempla ex Hiſtoriis dare, ac primum;

Muliebris imperij infelicitis.

I. LAODICE *Ariarathis* Cappadocum regis, cum marito mortuo in regni adminiſtratione eſſet, quas clades, in media pace, dedit? Sequiit paſſim in proceres, & in vulgus: parum eſt. ſeuiit in liberos, & ſuum ſanguinem & (ô ſancta Pietas :) ſex ex ſe natos veneno omnes ſuſtulit: qua cauſſa? tantum, vt diuturnior in imperio eſſet. Vnus paruulus fato euasiſt Medeam illam: quem populus mox ad regnum ſuſtulit, illa prius communibus votis & ſuffragiis exſtinctâ. ſed quid? vna & ſimplici morte exſtinctâ; quæ toties paricida; tot culleos meruiſſet.

II. Tale olim, & vetuſtius, in Sacris litteris, malum nomen A T H A L I A, quæ Iosepho eſt *Gotholia*. Ea cum filius *Ochoſius* per inſidias interfectus eſſet, inuaſit ipſa regnum: & nepotès

ex eo, & totum semen regium sustulit : con-
nuente in sex annos diuina Nemesis. donec *Joas*,
à muliercula cædi subductus & seruatus, &
iam adultior, regnum, & tot agnatos vindi-
cauit, bellua illa occisa. Nam quid sæminam
dicam, supra omnes feras immanem & sæ-
uam?

Tragicum aulæum complicemus, scænicum
siparium aperiamus : & lasciuiam pro sæuitia
magis demus. *CLEOPATRA* in theatrum
veniat, à paruula ad nequitias, libidines, & lu-
xum facta. Tirocinium fuit in *Julio Cæsare*. qui
cum *Alexandriæ* obsideretur ; illa velut fati
præsaga, fratrem *Ptolomaum*, & potiores (vti
videbantur) partes deseruit, ad Cæsarem trans-
lata. Vere, inquam, translata. nam & hunc
astum ad fallendum, & tuto transeundum, co-
gitauit. Portæ seruabantur, atque exitus : illa
Apollodorum quemdam inducit, culcita se in-
uoluere & astringere, vt sarcinam : ac sic in re-
giam, vbi Cæsar, deferre. Factum est, depo-
nitur ante pedes eius : & ecce soluta emergit
Venus, non è mari, sed è culcita : & culcitellam
mox se Cæsari substernit. Nam ille, etsi in me-
dio actu & æstu etiam rerum, tamen & inge-
nio illo, & mox forma ac lepore captus, ada-
mauit : & pretium libidinum adolescentula ne-
cem fratris, & regnum *Ægypti*, tulit. Hoc, vt
dixi, tirocinium fuit : fallor? an virgineam præ-
textam iam in amoribus *Cn. Pompei* filij paul-
loante posuerat? quod credere nos *Plutar-*
chus, bonus auctor, iubet. Credo tum, cum

III.

I. *Lipsij monita*

missus ille à patre in Ægyptum, ad arcessendam
classē & auxilia fuit. Sed hæc puella peccauit:
quid iam mulier? flagitia, cum ætate, magis adul-
ta. Post pugnam illam Philippensem, *M. Anto-*
ninus & *Octavianus* partiti inter se sunt operas; ut
alter in Italiam rediret, & veteranos in agris dis-
poneret: alter in Asiam & Orientem iret, pe-
cuniæ vndique corrogandæ. *M. Antonio* istud
euenit. qui dum reges, tetrarchas, vrbes, om-
nia excurrit, & colligit: visum & de Ægypto co-
gitare, illa diuite, & quæ offendisse videba-
tur, non semel auxiliis aduersæ parti submis-
sis. Nam ipsa Cleopatra *Cassio* suppetiata dice-
batur. Itaque, etsi succinctus iam ad Parthicum
bellum, tamen *Q. Dellium* Senatorem ad eam
mittit, & questum simul & denunciatum, uti
in Ciliciam sibi occurreret ad dicendam caus-
sam. Ah miser! ad causæ dictionem euocas,
tuam mox dominam & arbitram, & apud
quam fatalem seruiēs seruitutem: Dellius ve-
nit, faminam videt, & homo sagax quid fu-
turum præuidet: quippe & huius Veneres,
& simul obnoxium talibus Antonium no-
rat. Itaque captare iam nunc huius gratiam
audacter monere ad Antonium iret: mite &
venustum ingenium reperturam. Persuasit, &
conscia formæ erat: ac pro ea, & spe quam
agitabat, cultum & comitatum sumpsit. Cy-
dno fluuio subuehi se molliter iussit, naui
aurata, remigio argentato, velis purpureis,
ad modulos tibicinum & citharædorum. Ip-
sa recumbebat sub cælo aureo, gemmis di-
stincto,

stincto : pueri formosuli , habitu Cupidinum adstabant & ministrabant, quidam ventulum ei facientes. Virgines & ancillæ , instar Nympharum , per foros & tabulata naui disponebantur. Ad ripam vtramque frequentes ab obuijs, & visoribus, aræ & odores. Quid verbis opus ? passim voces (& res ita erat) *Venire ad Bacchum venire comessatum.* Iam propinqua Antonio erat. & ille, magnitudinis scilicet Romanæ retinens , pro tribunali etiam sedere, atque eam expectare : quid nisi supplicem & excusaturam? At vide fiduciam. recta in hospitium abit: & Antonius, ab omni cœtu destitutus, relinquitur solus. Itaque submittit paullum fascēs, & ad cœnam eam inuitat. Recusat, & excusat : quid iam Antonius? male sumptam personam abiicit , & prior atque ultro ad eam venit. Cenat ibi, edit & bibit amorem : quem illa non tam vultu, ut aiunt, quam verbis & ingenio inspirabat. quæ vtraque tam mirifica possidebat, ut semel audita caperet & deuinciret. Argumentum sane ingenij, quod varias linguas docta, Hebræum, Græcum, Arabicum, Æthiopicum, Parthicum sermonem efferrēt, scito & nativo cuiusque sono. Hem M. Antoni quid facis? ictus es, habes : & omisso bello omni, aliā militiā militas, & cum tua rea in Ægyptum, id est in casses & carceres eius ultro abis. Ibi quæ deliciæ, luxus, conuiuia? Non *Fulvia* tua abstrahit, mori in angore & æmulatione adacta. non postea *Octavia*, noua vxor : hæres, peris, ipsa tecum, & cum vtroque (infelicis fæminei regni exitus)

I. Lipsij monita

ipsa Ægyptus.

IIII.

Quid MESSALLINA in Romanis? illa sæuitiæ, auaritiæ, impudicitæ, impudentiæ, omnium flagitiorum (fas sit in illa sordida tali verbo vti) cloaca. Hæc vxor erat *Claudij* Imperatoris; nomine quidem. sed quem ipsa & liberti, vt elephantum paruus æthiops, regebant. Itaque iure hanc pono inter imperantium exempla. Omitto cædes tot nobilium, quas patrauit, tot exilia & fugas: in libidine non credo ab æuo tale monstrum fuisse. Cotidie adulteria, nouæ conditiones & admissarij: nec clam, sed in ipso Palatio, coram matronis & viris, quasi infamia delectaret, Veneriabatur. Quin noctu, veste recta, & Messallinam dissimulans, ad publicum lupanar ire solita, prostare inter infelices illas victimas, cellam suam & titulum habere, accipere æra & poscere, & exple-re libidinem nec satiare. Quid etiam? marito ipsi illudere, & hunc adigere non testem flagitiorum, sed exactorem. Vide. Erat *Mnesther* quidam, nobilis Pantomimus, in quo ardere mulier cœpit: & pro sua verecundia, sollicita-re ipsa, & poscere. Ille subduxit, & renuit, Principem reueritus: siue etiam veritus, ne torum eius non impune macularet. Mulier ad hoc ridere. & *Quid ais?* inquit. *si ipse Claudius meus iubeat, parebis?* Incredibilia videbantur: fiunt. It ad maritum, persuadet illi stipiti, vt Mnestherem vocet, & iubeat, in omnibus dicto sibi audientem esse. Factum est: & mox histrio libere, quasi iussu domini, res do-

mini egit. Estne quod supra etiam possit? mulier repperit. Vulgaria adhuc hæc probra videbantur: nouum excogitat, & cui post factum vix sit fides. Erat *C. Silius* Romanæ iuuentutis pulcherrimus. hunc allicit, fruitur, & palam in amoribus habet. Præmium etiam eorum, facit Consulem, opes & decora Aulæ ad eum transfert: & iam colebatur, velut alter Princeps. Non est satis: oportet languentis voluptatis nouum aliquod esse condimentum. Itaque hoc addidit, vt maritum eum palam caperet: viuo marito? viuo: Principe? Principe. Nec longius differtur, quam dum maritus Hostiam iret, & quasi de compacto paullum secederet. tum nuptiæ, & nuptialis tota pompa: flos Senatorum & Equitum adsunt, mensæ apparantur, lectulus Genialis sternitur, auspices adhibentur, alia sollennia: quin & in mariti gremio noua nupta recumbit, oscula, complexus, & reliqua licentiæ coniugalis. Dum scribo, stupeo: & adhuc etiam Claudius, nec excitabatur, nisi liberti, & in quorum manibus res erant, metu mutationis, eum commouissent. Itaque tandem finis fabulæ impositus, venit Romam, tollit æmulum, & mox coniugem: nec id quoque, sine astu liberti.

Consortem an non liceat addere *FAVSTINAM*, & hanc etiam Romani Principis coniugem? Agebat in matrimonio *M. ANTONINI Philosophi* cognomento, optimi non Principum solum, sed virorum. Infelicem tantum hac fœda labe! quia & hæc libidinum sic promiscua

1. Lipsij monita

& vilis erat, vt vulgo se vulgaret: in balneis, in arenis, & Xystis, vbi homines nudabantur, legere conditiones solita, & bene vasatos adnotare. Atqui non imperauit, inquires. Dedit qui imperaret *Commodum*, non falsa opinione, gladiatore genitum: & hic rem Romanam perdidit, ab illa matre.

VI.

In Galliam transeo, vbi reginam video *FREDGVNDIM*, nec scio an scelestius aliquid Sol vidit. Ea diu pellex duarum reginarum, *Chilperici* regis Galliae vxorum: alteram *Andoueram*, vt pelleretur, effecit: alteram *Galsuindam*, per insidias curauit occidi. Ita totum Chilpericum, & sola iam possidens, legitimam vxorem & reginam egit: sed, pro ingenio, parum fidam. Nam cum *Landrico* magistro equitum furtim consueuerat: & res marito casu quodam detecta fuit. Ibat venatum, & vxorem conspicatus, quæ capillum comebat, & lotum siccabat in sole, accedit tacitus, & perlusum à tergo virga percutit. Illa suspicata amatorem suum esse, & nomine compellans, *Quid agis mi Landrice?* inquit: *quin si vir es, aduersam me, non auersam pete.* Confessio flagitij erat: & cum dicto se obuertit, plura etiam dictura: sed attonita maritum videt, & silet. Etiam ille, & porro venatum, vt instituerat, pergit: iram coquens, & vindictam, vt res erat, meditans. Sed præuenit mulier, & Landrico suo vocato: *Perijmus uterque*, inquit, *incauta mea voce:* & rem narrat, additque: *Quid stupes? virum ostende: patiendum, aut patrandum est scelus.* Landricus suo metu, & illo stimulo excitatus, rem

fufcipit : deligit duos è fidiffimis , qui Chilpericum fera nocte è venatu redeuntem , turbæ mixti , ferro inuadunt , & finguli fingulis ictibus conficiunt. Clamor eft ab ignaris , & confcijs : atque ifti , quali externæ infidiæ effent, *In filuas* , vocem tollunt , eoque fe proripuiſſe paricidas. Ita auctores celantur : & felix Fredegundis ad alia ſcelera animum adijcit , inſenſa in primis *Prætextato* Rhotomagenſium antiſtiti, non ob noxam aliquam, ſed viri eximiam virtutem. Itaque lætiſſimo die Paſchatis , cum in frequenti templo ſacra perageret, non Deum non homines verita , percutiendum curauit letali quidem vulnere , ſed cui aliquamdiu ſuperuixit. Mæſta eo ipſo , venit viſere , ſiue vt exploraret , ſiue vt oculos in eius angore paſceret : atque ibi belle, vt putabat, diſſimulans, queſtus & iram miſcuit , quod in tali die & loco , in talem virum , patratum eſſet facinus , & auctor lateret. Sed Prætextatus , vicina morte liberior : *Minime* , inquit, *latet. & teſtor me eius ſcelere percuffum, quæ reges occidit.* Bene ille de regibus, nam præter maritum ſuum , etiam fratrem eius ſuſtulerat *Sigibertum* , Mediomatricum (vt tunc diuiſio erat) regem. Suſtulerat autem ſclerato aſtu , immiſſis duobus percufforibus : quos cum facinus exſecuti eſſent, illico iuſſit interfici : vt vocem cum vita amitterent, & in tuto auctor agitarer. Ita iuſtitix victrix, ſi non famæ, egit: & paullo poſt *Childebertum* etiam regem , prelio prius victum , cui ipſa interfuit ſtans in prima acie , veneno tolli cum

I. Lipsij monita

vxore, eodem vtrumque die curauit. Quot palmas vna mulier meruit? habeat: & sicca etiam suaeque morte abeat, Prouidentia apud imperitos laborante.

VII.

Fastidio eiusmodi narrationum: nam quis modus sit, si velim persequi? Ecce in vno Neapolitano regno duæ I O A N N Æ, æuo suppartes, in nequitia compares: quarum flagitia atque etiam scelera (nam & hæc mixta semper adulterijs) Annales texam, si velim recensere. Et propero magis ad alia Exempla: neque enim defunt ea.

Muliebris imperij boni, & felicitis.

I.

PHILE vxor Demetrii regis, filia Antipatri, illius qui Macedoniam & Græciam viuo mortuoque Alexandro gubernauit. Hæc iam tunc puella, & in annis teneris, natiua quadam prudentia sic visa excellere, vt ipse pater consilia ab ea peteret, & audiret: Pater, ille senex, ille vsu & tractatione rerum sic peritus. Quid Demetrius, cum iam vxor eius esset? erat ipse vario ingenio, & vitijs propior: sed mira temperie hæc maritum flectebat, ne dicam regebat: calumnias suppresserat, iras mitigabat, iusta & honesta inferebat. Iam populi vere mater, tenuiorum filias dotibus datis elocabat: afflictos à fortuna releuabat, bonos prouehebat: quid apud ipsos milites? Saluo pudore fæmineo, & ijs se miscebatur: alloquebatur, erigebat, tanta auctoritate vel gratia, vt sola tumultuantes represserit, & in seditionem lapsos reuocarit. Quæ fides deinde & amor in ipsum maritum (cum

viſtus à *Pyrrho* rege eſſet , caſtris ac regno exu-
tus: viuere non vltra ſuſtinuit , & morte ſpon-
tanea inuidiam *Fortunæ* fecit.

Æuo , non animo , inferior *ZENOBIÀ* *Palmy-*
renorum regina. Hæc ſtirpem & ſanguinem à
Ptolomeis , & ipſa *Cleopatra* , ſed non mores (di-
boni, quam aberat!) ducebat. Vxor erat *Odenati*,
fortiſſimi viri , & qui ad imperium Romanum
auſus adſpirare. Illo viuo, ijldem cum eo exerci-
tijs, in venatu, in montibus, in ſiluis, in ipſa mi-
litia vti. Amanſeius vtrique , ſed ob matrimonij
finem, liberos: quos vt concepiffet, tangi à mari-
to mox abnuebat. In alijs virtutibus , ſcientiæ
etiam auida: & hiftoriæ Orientalis ita perita , vt
ipſa eam ſuo ſtilo, in compendium redegerit,
vſui poſteriorum. Nec Græci Latiniſque termo-
nis, aut rerum ignata fuit. Forma autem corpo-
ris egregia , oculis ſupra modum vigentibus (verba
Pollionis dabo) & nigris: tanto candore in dentibus,
vt margaritas eam plerique habere putarent , non den-
tes. Vox præterea clara & virilis. Cum his dotibus,
vt dixi, nupta, & forti quidem viro, erſi haud fe-
lici. Nam *Gallieno* illo ignauo Imperatore,
cum decus omne imperij labaret, aut rueret: ip-
ſe Perſidem & Orientem inuaſit, quaſi *Valeria-*
num captum , & Romanam ignominiam vin-
dicaturus. Res magnas gerit: adeo, vt ipſe *Gal-*
*lien*us conſortem imperij ſumpſerit , & vltro
Auguſtum declararit. Nec diu in hoc hono-
re , inſidijs *Mæonij* conſobrini ſui vitam & po-
teſtatem amiſit, aut hæc porius tranſmiſit. Nam
Zenobia illa vxor , laborum & victoriarum

II.

I. *Lipsij monita.*

ante particeps (assidue enim comitari mariorum, ipsa etiam sub armis, solita) imperium suscepit fortiter, & gessit. Bella cum Romanis, & *Aureliano* Principe habuit: *Ægyptum* inuasit, & victo ac caeso eius præside *Probo*, occupavit. Denique *Aurelianus*, sed ægre, fregit, non enim profecto vicit: imo velut tacito pacto, passa in triumpho se duci, sed ut vitam & dignitatem in parte servaret. atque adeo sunt, qui filiam eius Imperatori dicant nuptiis iunctam: imo & stirpem eius diu post Romæ, inter illustres familias floruisse.

III.

Hæc militaris famina: pacatius exemplum *PVLCHERIA* dabit. Ea *Theodosij* iunioris soror, vitam & virginitatem Christo deuovit: paullo maiore natu, quam ille. qui septuennis fere à patre *Arcadio* relictus, hanc habuit morum & institutionis magistram. Atque adeo iam grandiore illo, adhæsit, & curas imperij participavit: salubriter omnia, & pie, modesteque disponens. Et vero quamdiu habenas tenuit, felix imperij & rectus cursus: postquam inuidia aliorum, & calumniis Eunuchorum (*Chrysaphij* præsertim) submota est, & loco pulsa: contulit ea se in *Hebdomon*, locum Byzantio suburbanum, atque ibi summa pietate & quiete victitabat. Donec post annos septem, fraude calumniatorum agnita, & imperio undique concusso, fulcrum iterum rebus labentibus adsumitur, aut reparatio iam lapsis. Fit utrumque: & restituit pleraque omnia, aut tueretur. Specimen animi eius & prudentiæ hoc esto.

Fratrem Theodosium videbat, & dolebat, temere libellis sæpe subscribere, & nec lectis: aliena commendatione aut fide, ut fit, nixum. Dolum bonum hunc repperit, ad emendandum. concepit enim & ipsa libellum, atque obtulit: quo *Eudociam* eius coniugem petebat mancipari sibi in seruitutem. Caput, & subscribit statim: quidni in sororis petitione? atque illa, scanæ instruendæ causâ, *Eudociam* apud se aliquamdiu habet. Miranti, & euocanti, negat missuram, & suam eam, uti quæ OPTIMO MAXIMOQUE iure, esse Profert manum & subscriptionem, confuso iam illi, nescio an emendando. Reuera enim secors ingenium fuit, & aliter *Claudius*, in fæminarum aut effæminatorum (Eunuchos intelligo) potestate. Mortuo autem illo, & sine liberis, re celata, *Marcianum* euocat, vita & bello bonum, & ad imperium producit. Quoque magis commendaret, nuptias suas ei donat, sed titulo tenuis: stipulata, ne sacrata Deo virginitas libaretur. Rexit cum illo annos aliquot, mirifice à nostræ religionis apicibus, *Leone* Pontifice, *Hilario* Episcopo, aliisque laudata Vixit annos circiter LVI.

Similem, non enim parem vndique, ei iungo ISABELLAM *Ferdinandi* coniugem, Hispaniarum reginam. Parem? in quibusdam superiorem, & sola fortasse virginitate cedamus. Hæc, si pietatem spectas, in sacrorum cultu mirifica, & assidua, nulla occupatione aut delectatione demoueri, horas suas Canonicas (ut loquimur)

IIII.

I. Lipsij monita

sacerdotali exemplo cotidie legere : ipsos sacerdotes honorare , templa exornare. Atque id suis aut suarum fere manibus. cum & ipsa acu pingeret aulæa aut vestes , aut à familiaribus puellis pingi texique iuberet. Iam reliquæ virtutes instructæ huic fundamento. casta , sic vt nec rumor de ea mentiretur , & maritum pariter eo ducens , pellices , amicas , & id genus callide scrutata , & ab Aula amolita. Frugalis adeo , vt in omni vita nec vinum libarit : quæ virtus fomes , vt scimus , est castitatis , & modestæ gravitatis. Quam sane habuit exosa mimos , scænicos , ludiones , totum hoc leuitatis instrumentum , & nec priuatim aut publice audire sustinens , vel spectare. Eorum vicem , viros graues , matronas serias apud se habere : item pueros aut puellas nobiles , & utrosque , pro sexu , artibus studiisque informare. Aula illa , nil nisi palæstra honoris & virtutis erat. Itaque insignes viri , etiam militia , ex ea prodierunt : & magnum illum *Consaluum* , cui regnum Neapolitanum Hispania debet , hæc refert expensum. Matrona ipsa ciuiliū rerum gnara , bellicarum nec ignara. Quid magni in regno sine illa , imo nisi per illam fere , gestum est ? Rex maritus & consiliarij , vsu edocti peritiam eius & felicitatem in sententiis , quæ edicebat pro oraculis (nec id per adulationem) amplecti. Illa factionibus , latrociniis , infestum regnum purgauit , & pacauit : illa Iustitiam restituit , potentiorum iniuriis exsulantem. Et quid alia com-

memorem ? quam in graua animaduenterit, argumentum esto : quod nec alex aut telleræ ludum tolerauit, & edicto vetitum sic repressit (etsi prona eo gens est) vt nec furtim & in angulis luderent, soliti in cauponis, viis, angiportis. Iam vero & militiæ non consilio tantum, sed opera interuenit : modesta quædam *Zenobia* : & bellum Lusitanicum, absente marito, confecit, & Maurico siue Granatensi, quod plures annos traxit, pluries interfuit, & summam manum præsens cum marito imposuit. Magni ad omnia animi, & res spæque magnas complexa. itaque Nauarræ regnum consiliis eius iunctum, Canariæ insulæ occupatæ, & infessæ, ipse Nouus orbis, Naturæ occultior pars, per eam reiectus & subiectus. Nam maritus, cetera vir egregius, restrictior aut timidior erat, retinere sua melior, quam augere. Hæc dilatabat. & cum *Christophorum Columbum* diu rex duxisset, & ad extremum destitisset : bono Genio stimulante ad ipsam Reginam venit, conatus suos & perficiendi vias exposuit, & instrumenta, id est naues, viros, arma ab hac impetrauit. Salue, salue heroina, priscis par aut maior : & in qua iure claudam exempla faminei boni imperij. quid enim tale addam?

DE ELECTIONE.

Qua commendare eam, qua abiicere possint.

C A P. III.

VIR igitur potius imperent, & soli. Sed quomodo? Electione, an Successione admoti? Electio antiquior videtur, & heroicis illis temporibus vix aliter factum, & Principatus pace aut bello, virtutis aut roboris prærogativa assignati. *Natura enim est, ait Seneca, deteriora potioribus submittere.* Itaque Brasilienses quidam, cum ad *Carolus IX.* Galliarum regem Rothomagum deducti venissent, valde mirabantur, *Quomodo validi illi & proceri viri* (Heluetios intelligebant) *parerent parvo & tenello regi.* Nimirum pro suo more, & sensu, iudicantes: satis læue, quasi à sola corporis magnitudine præstantia esset. Sunt etiam rationes, quæ commendare Electionem videantur. Prima, quod optimi & aptissimi per eam capi, non item à Successione possint, in qua quoscumque genitos admitti. Item, quod iusta ætate capi, & idonea iam regere: aliter in Successione, ubi pueri sæpe aut infantes ius sumunt. Deinde, quod regnum ita moderatius videatur. cum nec innutriti sunt potentia, & ex ea superbia, & quod neque proprium habeant, ab aliis acceptum, ad alios transmittendum. Eo minus intendunt imperium, aut subditos opprimunt: in quem enim

post-vsum? Aperitur & virtutibus campus: ac multi ad eas adspirent, vel spe Principatus. Hæc & talia Aristotelem mouerint, vt Carthaginien-
ses laudaret hoc nomine, & Spartiatis præfer-
ret, qui stirpe reges legebant. Sunt & hodie, aut
nuper fuerunt inter Christianos, electi reges:
hodie quidem Polonia, nuper Bohemia, Da-
niæque. Ista pro Electione, plura in eam pos-
sunt. Primo quod dicitur, veterem esse, fate-
mur, sed vsus illis rudibus subiecit, hic & alibi,
meliora. Additur, optimos sic posse eligi: & ve-
rum. est sed etiamne eligi? si rem & experimen-
ta vides, sæpe falsum. Rara electio, quæ sine pri-
uato cuiusque affectu aut respectu fiat: nec rei
publicæ vtilissimum, sed suæ legunt. Quærunt
opportunos, vt omittam, pecuniam & corru-
ptelas suffragia sæpe trahere, & rem geri pro-
missis donisque. Atque ea nec fortasse meliore
aliquo sæculo excludas: sicut nullo, odium aut
amorem. Nicetas Choniates in hac re prudenter
iudicat, vbi res *Alexij* Imp. Græcanici narrat:
qui fato vicinus, & sine liberis, de eligendo succes-
sore cū suis agitabat. Scribit: *Igitur alij atq; alij va-*
rie nominabantur, sed omnes qui sibi opportuni aut uti-
les essent, nominabant. De eo autem eligendo, qui opti-
me & ex vsu publico imperaret, nulli cura aut cogita-
tio erat. Verissima dicit, & vsu probata ac pro-
banda. Iam quod tertio inquiunt, iustæ ætatis,
& maturæ imperio, sic eligi: ita habet, & com-
modum est. Sed enim illud adhæret incommo-
di, quod regnum interea vacat, nec possessio-
rem habet. Quod si quis considerat, maius

I. Lipsij monita

malum est, & plura sæpe daturum, quàm imbecilla in imperio ætas. Sane ubi interregnum est, iustitia & leges silent, licentia & vis valent: atque id sæpe hebdomadas, menses, annos manet. Quæ interea confusio, aut scelera sunt? quæ ambitio & prensatio? per quas fraudes, & artes? Germaniam vide, ubi Imperator demortuus: boni omnes in præsentis & futuro sunt metu. Ipsa Roma nunc, in sacrorum Pontifice, hæc mala est cum sentit. Quid deinde in eligentium dissensu? dissidia, & bella. Quæ nec inter paucos electores semper effugias: appello ad illos Imperij Septemvirates. Appello ad ipsam iterum Romam: & cum noxa religionis, & pæne dicam probro, audimus legimusque, plures vno tempore Pontifices, à tali causa, se gessisse. Nota mihi istud, & incertum illud fluctuansque in successione: magna ratio & efficax est, ad totam Electionem repudiandam. Iam quartum erat, Moderatius ita fore regnum. Non abnuam: sed addam, solutius etiam, & minore cura administrandum. Vt quid enim rei nec diu meæ, nec postea meorum, nimis acriter intendam? Frui satis est. Obnoxij etiam viuunt, siue iis qui elegerunt, & quibus hoc velut beneficium debent, siue omnibus, qui in occasionem minuere possunt potestate, aut priuare. Poloniam adi: hæc fiunt. Itaque & Iustitiam minus coli, necessum est: & Principem indulgere, aut oculos claudere, in potentium noxis. Dixi etiam, minus curæ aut custodiæ esse

regnum: an non ita est? Germaniæ Imperatores video, ex facili aut opida, aut prouincias totas, vel liberis agnatisque suis, vel & exteris, auulsas à corpore contribuuisse: sæpe per gratiã, aliquando & pecuniam aut mercedem. Non sic fiet in proprio & hereditario regno. Neque Principes solum secordes: sed ministri eorum tunc tales. Nã & ipsi futurorum securi, præsentibus inhiant, lucellum in omni occasione captant, subitis auidi, & vt inter incerta festinantes. Iam quantum illud, Virtutes sic excitari, vix colorem habet. Valde scilicet, quia vnus aliquando, nec merito sed casu, bonus eligitur, boni esse elaborent. Si ad euenta imus, quocumque in regno, Electiones mixtas videbis, & sæpe deterioribus pronas. Vel Roma in Principibus suis, vel Germania, dicat. Vltimum, Aristotelem approbare: & hodieque alibi esse. De Aristotele, non mirum: Græcus & liber regna amat proxima libertati. De vsu hodierno aut nupero, leue est: nam præponderant exempla alia, & pro vno Electionis, centena sunt Successionis. Quæ vis hic igitur? Quod si illud dicatur, etiam nunc melius regi aut crescere regna ab Electione: magnum sit. sed non dicetur, & oculi ac sensus refutabunt. Ego vero amplius dico. vbicumque bonum & laudabile regnum fuit, in Perside, in Macedonia, in Ægypto, in Sinensibus, in Hebræis ipsis, Successionem valuisse: etiam in Romanis, quoties Principum liberi aut genitura, aut (quod laxius) adoptione essent. Iterumque am-

I. *Lipsij monita*

plus dico. nec fuisse vlla Comitialia regna, nec fore diuturna. Exoritur semper aliquis, animo & consilio inter Principes maior, qui creditum vni sibi regnum, suis stabilit gratia, arte, præmio & vis interdum adhibetur. Dania & Bohemia ostendunt, alia magna regio fortasse ostendet. Sed in fine non me teneo, quin Nicetæ etiam verba, & ego eius sensibus, subscribam. Exclamat: *O quanto deterius est multorum suffragium & electio, quam vnius! Tu inclytum Romanum imperium, & gentibus adoranda maiestas, quos tyrannos pertulisti? quales amatores te petierunt? quibus substrata, tui copiam fecisti? quales corona, & diademate, & puniceo vestitu exornasti? Grauiora utique tulisti, quam Penelope procorum illa frequentia obsessa.* Res ita habet. Romanum imperium statim à Claudio, qui primus à milite electus est, & fidem eorum præmio pignerauit, in vilissima capita & pessima hac Electione venit: Electione, an palam Emptione? Nam & hoc scimus, velut sub hasta, venale pependisse: & non aliud magis clarum certumque exitium rei Romanæ fuisse. Sed exempla quædam Electionis videamus, bonæ aut malæ mixtim.

I. A V R V N C A N I populi barbari sunt, in Peruano tractu. Ij à solis viribus corporis ductores legere soliti: experti eas in graui aliquo ligno. quod qui diutissime humeris baiulat, nec succumbit, putatur & regendi oneri par futurus.

II. Melius qui ab animi viribus aut præstantia sumunt: quod Romani olim veteres in suis regibus,

regibus, *Romulo, Numa, Servio*, vix alio aspectu fecerunt. Securi quam aliter? & stirps Augusti cum defecisset, casus aut corruptio Principes fere dedit. Primum in *CLAUDIO*. qui *C. Caligula* occiso, rumore cædis exterritus, & sui quoque anxius, prorepfit ad solarium, & inter ianuæ prætenta vela delituit. Miles aliquis è Prætorio, discurrens ad prædam, hunc repperit, protrahitque: & interrogato Quis esset? acceptoque, impetu aut instinctu, Principem salutavit. Quanta vnus, & gregarij quidem, in re tanta audacia? Produxit ad alios Prætorianos, fluctuantes adhuc, nec aliud quam frementes: qui vt cælitus oblatum arripuerunt, & lecticæ impositum in castra sua, vicissim succollantes, tulerunt. Senatus & urbanæ cohortes dissidebant, & Libertatem præferebant: inane nomen vicit militaris electio, & fatale Romanis seruire. At *Claudius* iam imperij compos, vt militem magis obstringeret, *quoadena sestertia* singulis (sunt nobis *trecenti septuagintaquinque Philippici*) promisit, & dedit.

Idem casus siue error clarius in *VITELLIO* se aperuit, longe ab omni Imperatoria aut virtute aut stirpe. Homo ventri & abdomini factus erat, nulla vel specie virtutum, nisi quod candor aut simplicitas in eo placerent. Is Legatus inferioris Germaniæ à *Galba* electus, & quatuor legionibus præfectus (amabant autem hos ignavos, & altioris cogitationis non suspectos) præfectus, inquam, agebat *Coloniæ Agrippinæ*, cum nuncium accipit, superioris

III.

I. Lipsij monita

Germaniæ legiones defecisse à Galba , & in S. P. Q. R. nomina iurasse. Dum consulat, quid facto opus , visin defectores an consensus placeat : ecce *Fabius Valens* è Legatis legionum , cum paucis equitibus , opidum intrat , ipsum Vitellium Imperatorem salutat. Vnius vox omnium fuit. secutæ legiones , alæ , cohortes , ciues , socij , ardore magis quam iudicio : & inuasit imperium atque armis peperit , armis mox amisit.

IIII.

Lubet etiam hos fortunæ ludos videre , & in theatrum producere P R O B V M. *Tacitus* Imper. absumptus erat , & *Florianus* frater eius adspirabat : sed dum electio pender , Orientales exercitus eam occupare , & sui beneficij Principem habere voluerunt. Conueniunt ad eligendum : & Tribuni , quasi per decorem , eos monent , *Fortem , clementem , probum Imperatorem requirendum esse*. Arripiunt vocem , & statim acclamant , *Probe Auguste dij te seruent*. Inde purpura , tribunal , & legitimus Princeps.

V.

Quid in REGILLIANO , quam consimile? Dux Illyrici erat , & milites male in *Gallienum* animati , res novas agitabant. Forte vna plures cænitabant. fuitque *Valerianus* Tribunus qui in ioco & vino diceret , *Regilliani nomen unde credimus ductum* ? Subiecit statim alius , *Æ regno* : & milites communiter , *Ergo potest rex esse* ? & , occasione sola temerarij dicti , fecerunt.

VI.

O ludos ! & lusum etiam adiungo , qui

P R O C V L O tradidit Principatum. In Gallia milites ad latrunculos ludebant, item conuiuantes. Forte decies Imperator Proculus exiuit: atque ibi quispiam ludens, *Aue Auguste*: allataque lana purpurea humeros eius velauit. Timor mox eorum qui adfuerant: & ne accusarentur apud veterem Imperatorem, nouum hunc faciunt consensu.

Ridere in illis liceat, in istis indignari, vbi
Corruptio suffragia temperauit. Sicut in **M. SALVIO OTHONE**, qui clam & palam militibus pecunia subornatis, & in *Galbam* armatis, eum sustulit, se immisit, sed Principem non diuturnum:

Non item, à simili fœditate, **I V L I A N V S** sperennauit. qui post cædem *Pertinacis*, cum vendale in castris Prætorianis penderet imperium, & *Sulpicianus* licitaretur: iste, pecuniosus & ambitiosus senex, eodem aspirauit. & ad muros subiens, modum pecuniæ certum promissit: cumque illi ad *Sulpicianum* rettulissent, plus aliquid adiicientem, iterumque ad istum (prorsus vt in sollenni auctione) tandem peruicit **Julianus**: finisque fuit, vt *vicenaquina sestertia* (sunt *sexcenti vigintiquinque Philippæi*) viritum Prætorianis darentur. Immanis summa! quam ille concussionibus & rapinis mox coegit: atque hæc omnia, qui inter claros Iurisconsultos nomen vindicabat. adeo facilius est peritum esse legum, quam seruantem. Sed pœna à tergo pressit: statimque *Seuerus* superueniens,

VII:

VIII:

I. *Lipsij* monita

vita & imperio illum, Prætorianos zona & militia exuit.

IX.
Anno. ∞.
XL.

Sed hæc fœda, exemplo vno aut altero eluantur laudabilis Electionis. Quæ autem laudabilior illa, quam Deus iniecit, & direxit? CASIMIRVS fuit, filius *Miecislai* vnicus, qui ob teneram ætatem regno minime aptus, sub cura & gubernatione matris *Rixæ* conqueuit, Sed ea mulier auara, superba, exteris Germanisque addicta, prouocauit odia Polonorum: quæ fuga denique vitauit, ablata secum regni gaza, & filio mox in Saxoniam secuto. Qui in exsilio isto animum ad litterarum studia appulit, & Lutetiam Parisiorum deuenit. Illinc in Italiam porro, & denique pietate impulsus, in Cluniacensi cœnobio Benedictinum monachum professus, Deo totum se vouit & sacrauit. Interea turbæ & fluctus in Polonia, vt in naui rectore vacua, & oculi atque animi requisierunt suum Casimirum: decretumque publice, vt missa legatione vbiubi terrarum esset, requireretur. Ad Reginam primo ventum, ab ea Cluniacum: & inueniunt non iam Casimirum, sed *Careim* (nam & nomen mutauerat) eundemque sacramenti religione, sed & Diaconatus vinculo, obstrictum. Illi præterita excusant, patriæ discrimina & calamitates proponunt, & hunc, vt vnicum præsidium & subsidium, Principem deposcunt. Ipse fortiter recusare, alienæ potestatis se iam ostendere, nec quidquam cum mundanis rebus commercij esse. Tamen urgent, ad Abbatem reiciuntur,

ab illo ad Pontificem. atque iste indulget, laxat sacramenti atque sacerdotij vincula, data etiam venia coniugij: cum lege, aiunt, vt Poloni caput deinceps in coronam tonderent ritu monachali, itemque nummum annuum in luminaria & cercos Diui Petri Romam conferrent. Hoc eiusce indulti monumentum esset. Ita in regnum ducitur, gaudio & consensu excipitur: prudentissime & fortissime administrat, domi pace parta, hostibus foris victis aut repulsis. Pie vixit, pie obiit, regno in posteros (nam & vxorem duxit, & liberos ex ea tulit) propagato. Quis abnuet hæc à Deo esse? profugo, monacho, Diacono, patriam, sceptrum, vxorem, cum gratia, laude, venia.

Sed memorabilis illa quoque electio, siue Iudicium fuit, quo regnum Aragoniæ, auctum æuo ad FERDINANDVM Henrici Castellæ regis fratrem transiit. Obierat, Martinus rex, idque sine liberis: & inter agnatos vel cognatos varie certabatur. Ius, fauor, factio comparabantur: & iam ad cætus & arma res spectabat: quippe inter potentes competitores, Ludouicum Andegauensem Ducem & Neapolitanum regem, Jacobum Comitem Vrgelitanum, Alfonsum Marchionem Villenæ & Ducem Gandiæ, & nostrum illum iam dictum. Sed visum consensu proceribus (rarum in tali ambitu) iudices siue arbitros super hac re legere, & quemcumque Regem ij dixissent, esse. Electi nouem, sanctimonia vitæ, & doctrina aut prudentia, conspicii: terni ex ipsa Aragonia, totidē

X.

∞. CCCC.

XI.

I. Lipsij monita

è Catalaunia, iterumque totidem è Valentia; quæ tria regna scilicet in vnum corpus contributa. Dies igitur dicta electioni, locus captus arx *Cassa* in Aragonia. Magna expectatio, concursus, aperta & occulta vota aut merus: denique ipso iam die, tribunal pro foribus templi erectum, aulæis instrarum & regifico ornatum. Confederunt iudices, præseditiis (nam adesse voluit) Summus ipse Pontifex, etiam in schismate, *Benedictus*. tum surrexit *Vincentius Ferrerius* Dominicanæ ordinis, magna sanctimonix opinione, & insigni ac feruida eloquentia, qui concione ad rem apposita, procures & populum consentire, obedire denique nouo Regi hortatus est. *Quis is erit?* suspendit aliquamdiu omnium animos, & grandi tandem voce protulit *Ferdinandum*. Clamor coronæ, & iubilus, fausta precantium. nam plurimum in hunc & virtutes eius inclinatio: quorundam tamen & mæstitia, qui suos candidatos decidisse tanta spe indignabantur. At ipse coronam mox Regni, sollenni ritu, accepit: pacem vbique repperit, aut peperit. & magnum illum *Alphonsum* genuit, Aragoniæ, Siciliæ, Neapolis regem.

XL

Pulchra electio, & quam in manu Lusitanorum erat nuper imitari. Nam plures regnum illud, mortuo *Sebastiano*, competeabant, suis quisque titulis, *PHILIPPVS* rex Hispaniarum, *Alexander* Parmæ Dux liberorum loco, *Ioannes* Dux Bragantiæ, ab vxore, *Antonius* nothus, sed qui legitimum credi se volebat.

Concurrebat & regina Galliae, *Catharina Medicea*, vetusto & obsoleto titulo à Comitibus Bononiensibus reperito. Rex senex *Henricus* mederi futuris malis poterat, & velle videbatur: sed fortior animus deerat, & cunctantem mors occupauit. Sed & post eum quattuor *Gubernatores* electi, & vndem *Iudices*, tarditate aut frigore peccarunt: & quamquam proni in Philippum regem, non ausi ius ei adscribere, ob populi studia dissentientis. Quem suum fere *Antonius* fecerat, & plenis velis per plebeias illas vndas ferebatur. Ita factiones, dissidia, & denique arma. Quæ tamen priusquam Philippus inferret (& parata habebat) pro suo ingenio leniter ac tardè agere, legationibus quam legionibus velle rem conficere: à vi quidem adeo alienus, vt cum *Antonius* ille, caput turbarum, eiectus ab Henrico rege, in Castella esset, & in cœnobio quopiam Diui Benedicti, gnaro rege Philippo, latitaret: ille nec extraxit, nec reppulit, cum in illo velut torre extinguere incendium surgens posset. Simile in altero competitore Duce Bragantiæ: cuius filium captum à Mauris, infelici illo prælio, redimi per Legatum suum curauit, & eundem iam in Hispania, cum essent qui omni vi & via retinendum censerent, imo retinerent, ille firmus in quietis consiliis, & iure suo nixus, liberum dimisit. Sed neque sic, cum alij arma pararent aut caperent, inuasit, aut eiecit. sed ante omnia ius suum disputari à Theologis, & Consultis eius, fecit: iamque de eo certior,

I. Lipsij monita

copias promouit. In limite erat Lusitaniæ, & omnis mora noxia: tamen iterum moratur, iterumque peritos conuocat, & per Deum & Fidem obtestatur, liberis vocibus sensibusque edicerent, ecquid iuris sui esset. Hoc non cupere se modo, sed iubere. Omnes vno ore ius affirmant. Tum denique *Ferdinandus* Dux Albæ inuadit, & septuaginta dierum spatio Lusitaniam totam subiicit: vno prælio Antonio, qui regem se ferebat, pulso. Si tamen prælium dixerim, veterani exercitus, cum semiermi & vrbana turba congressionem, * Annos paullo minus *Quingentos* auulsa Lusitania fuerat à reliquo suo corpore: rediit, vt retuli. sed cum admiratione aliqua eorum qui attendent, in re tam opportuna, vtili, facili, cunctatorem Philippum sic fuisse. Imitentur reges, nec temere ambitio ad arma impellat.

* Auulsa
anno 1600.
C.X.

DE SVCCESIONE.

Hanc præferendam, etsi incommoda etiam habet.

CAP. IIII.

MELIOREM eam Electione tutioremque esse supra ostendimus: & duplex certe caussa euincit. Prior, quod nullum hic interregnum, atque ita nec competitio, nec bellorum materies: præsertim cum iura successuum legibus aut moribus vbique firmentur.

Secunda, quod caritas vtriusque maior. & subditorum in genitum & sanguine Principem: & Principis in subditos, certo & veteri iure suos. Addam tertiam, astrictioris imperij, & reuerentiæ aut obedientiæ promptioris: quia vitari aut differri vindicta ægre potest, cum patri filius succedit, & illius iniuriam suam putat. Non sic in exteris: qui tutius contemnuntur, & si offenderis, secessu aliquo viras, donec illi abeant à vita. Duo tamen incommoda adhærent (& quid pure bonum in rebus humanis?) quod vel mali vel inutiles sic capiendi interdum sint: vel pueri & infantes, quos ætas arcet à regendo. Quod ad prius, sciamus idem & in Electione euenire posse, atque adeo sæpe euenisse. Ferendum est, & melior expectandus: ut post hiemem, aliqua æstas. Quod ad alterum, grande incommodum, fateor: & fere Deus sic disponit (ipse met dicit) ubi visum ei punire regna aut immutare. Quid ni feramus tamen? si à Deo? Hanc ei viam castigandi adime: aliam reperiet, fortasse tristiore. Leges viam suam teneant, itemque fara. Et tamen in illa ipsa puerili Successione remedium, si vivit mater. Hanc admo- ueri, & vices pueri gerere, cum prudentia aliquo Senatu, è re sit: & exempla docent, feliciter eue- nisse. Nā procures regni eligi, anceps. si vnum, ceteros offendis, ut spreto: & hic fortasse pro- prias opes cogitet: si plures, non euades factio- nes inter eos, & turbas. Mater igitur melior. Sed exēpla aliquot, aut iura diuersa Successio- nis videamus: in qua cōsensu gentium receptū.

I. *Lipsij monita*

MON. I. *Certos liberos præferri.*

I. Sed, vt dixi, certos legitimosque. Cui rei, vbi fraus timeri poterat, cautiones video adhibitas, calumniæ aut suspitioni vitandæ. Sicut in OGINA Lucemburgica, quæ pæne *quinquagenaria*, in matrimonio *Balduini Pulchro-barbi*, Flandriæ Comitis, grauida est facta: & res ea suspecta multis, ne vanus aut fartus tumor, non à natura & puero esset. Igitur circa dies iam partioni solennes, maritus in medio Atrebatium foro, tabernaculum tendi iussit, laxum & prætiosum operis: edixitque, omnibus fæminis, fama & loco honestis, fas esse adistendi, & oculis arbitrandi verus an suppositicius ille partus esset. Factum ita, viderunt plures, obseruarunt: & omnes ita rumusculos dissiparunt, qui de sterilitate eius erant sparsi.

II. Plane idem in CONSTANTIA, Neapolitana regina, quæ nupta *Henrico* Imperatori, *quinquagenaria* etiam maior vterum cœpit ferre, fraudē aut fucum suspectantibus multis. Quod vtrumque prudenter amolitus est Henricus. ac primum, cum vxor ad eum in Germania agentem adspiraret: vetuit, iussitque in regno subsistere, & aduentum suum expectare, coram suis (cum bono Deo) heredem regni parituram. Deinde, vxore etiam ipsa sic volente, in foro tentorium expansum, facta potestate nobilibus fæminis veniendi, & parientem ac partum pariter oculis vsurpandi. Peperit igitur, in tali, vt sic

Circa annum
m. c. c. c. c.
xiii.

m. c. c. c. c.
xciii.

dicam. scæna *Fridericum*, paterni aui nomine appellatum. Hæc satis mira, in illa ætate. etsi rei fides aliqua iamante ab Abbate *Ioachimo* facta, illo cuius vaticinia tunc clara erant, & nunc quoque tradita scriptis leguntur. Quippe parituram prædixit, & quidem filium, tali vita, & sorte: quæque alia *Friderico* euenerunt.

MON. II. *Præferri ætate primos, etsi in exemplis interdum aliter.*

Liberi igitur succedunt: sed mares supra feminas, quod liquet: inter autem mares, ij qui ætate antecedunt. Tamen hic interdum quæstio, an ex causa, minore aliquis natu non præferatur? Causæ plures esse possunt. vna, quæ olim inter *Darij* liberos litem mouit, *Artemenem*, & XERXEM. Nam ex his Artemenes regnum iure & more gentium petebat, natu prior: at Xerces controuersiam non de ordine, sed de nascendi felicitate faciebat. Nam illum Dario priuato prouenisse: sese regi. Ita priuatas illi opes deberi, quas tunc habuit: at sibi regnū, in quo genitus, educatusque esset. Contentio, quamquam de regno, intra arma stetit: & arbitrium patrum sumpserunt *Artaphernem*. qui re pensiculata, præponendum Xercem putauit. siue ratione iam dicta, siue & indole vtriusque motus. De patruo iudice, in Iustino scribitur: in Herodoto pater ipse definit. qui idem Herodorus alterum fratrum non *Artemenem*, sed *Ariobarzanem* appellat.

I. *Lipsij monita*

II. Ipsum hoc in eodem Persarum regno, diu post mouit *Parysatis*, *Darij* alterius vxor: mouit, sed non eodem successu. Nam ægro marito persuadere conata, vt *Cyrvm* minorem filium *Arsacæ* (qui postea *Artaxerxes* dictus) in iure sceptri præferret, ipsa illa dicta causa, & quod in regno natus esset: non impetrauit, & stabile priori ius suum fuit. Etsi callida mulier *Xerxis* exemplum suggereret: sed quod paullo diuersum inueniet, qui explorabit. Nam *Artemenes* tunc natus *Dario* fuit, cum vere priuatus esset, nec in stirpe aut iure vlllo regio (quippe postea à *Magis* inopinato electo:) at *Arsaces* patri quidem nondum reginatus, sed nato è regibus & in hanc spem sublato. Itaque discrimen apparet in vtraque sorte: etsi nec id quidem alibi obseruatum, & quomodocumque primogenitis sceptrum fere delatum.

III. Excipio, in causa etiam altera: si minor aliquis virtutibus excellat: & contra, inopia sit in maiore. Tum enim præponendus videtur, quem Deus honestauit: idque ex publico etiam bono. Tale *Joannes Comnenus* prætextum habuit *MANVELEM* filium præferendi *Isaacio*: idque moriens persuasit. Cepit igitur imperium, & tenuit: sed reuera non pro sperexit, nec fratri fortasse, nisi ab affectu patris, præponendus.

IIII. Et vero raro felix, nec nisi turbandis rebus, talis electio. vt in *PTOLOMÆO LAGI F.* qui cum minorem item, rupto gentium iure, regno imposuisset: ipsa naturæ iura violata mox sunt, cum alter fratrem suum paricidio sustulisset,

IN P T O L O M A E O Physcone haud dispar euentus, sed purus à scelere. Blanditijs vxoris illectus iuniore seniore antehabuit, & sceptrum credidit: sed populus eo mortuo, huic reddidit, & illi exsilium dedit.

V.

Quid in L V D O V I C O Pio, Caroli Magni filio: ille item Iudithæ vxoris suada *Carolus* minorem *Ludouico* in multis prætulit: cum eo fructu, vt bellum ipso viuo adhuc motum sit, & arma adeo, iunctis etiam alijs fratribus, in patrem sumpta.

VI.

Ideo non nimis ridendi fortasse Pannonij, qui peruicaciter hoc ius sunt tutati in suo C O L O M A N N O. *Vladislaus* rex, liberis ipse orbus, *Almum* fratris sui filium adoptauerat, animo & corpore meliorem, æuo inferiorem. Vt autem rata magis electio esset, *Colomannum* fratrem sacris initiauit, & procul à patria Lutetiam Parisiorum, specie studiorum, ablegauit dicam, an relegauit? Hæc facta, & ipse obiit: sed statim procures & populus *Colomannum* reuocant, & venia exsecrationis à Pontifice impetrata, regem simul & maritum fecerunt. Quem autem hominem? ridebis Lector: statu pusillum, lingua balbum, oculo luscum, pede claudum, dorso gibberum. Non monstrum vides? tamen hic placuit, & ius hominum etiam in ambiguo, pæne dicam, homine seruarunt.

VII.

XXV.

In hac rota re tamen fateor morem A B Y S S I N O R V M (in Africa late dominantur) non improbandum videri, aut improbum. qui gentiles omnes agnatosque Regis in vna quadam arce

VIII.

1. *Lipsij monita*

educant, remotos à populo: quia & arx in moni-
te pæne inaccessa est (*Angam* nominant) & vali-
do præsidio custoditur. Tenentur illic igitur, ne
turbas aut partes faciant: & mortuo rege, eum
qui maxime idoneus optimatibus & custodi-
bus videtur, assumunt & substituant.

MON. III. *Patruum, aut fratris filium,
varie præferri.*

Quid autem, si filius maior præmoritur, pro-
le ex se relicta? Rationes & exempla in diuer-
sum trahunt: id est, vtraque vtroque. Nam qui
patruum præferunt, rationem proximi sangui-
nis adspiciunt, à patre rege: & nepotem toto
gradu antecedit. At nepoti fictio iuris subuenit,
& idem cum patre censetur: cur non ergo & in
iura succedat? Sed exempla etiam, vt dixi, va-
riant: & pro patruo sunt ista.

I. **LVDOVICI** Pij primum. Qui *Bernardum*
Italiæ regem deiecit, & vinclis ac carcere coër-
cuit, quia ius sibi à patre *Pipino* primogenito vin-
dicabat, contra patruum *Ludovicum*.

II. **ROBERTI** regis Neapolitani. cui & Ponti-
ficis auctoritas pondus addit. Nam hic *Clemen-*
te v. sic censente ius regni tenuit, contra *Carolum*
Numbertum Hungariæ regem: etsi iste natus è
Carolo Martello esset, Roberti maiore fratre. Res
clara est, & Annalibus testata: sed *Baldus* Ictus
arbitratur, in regni vsum hoc à Pōtifice factum,
& quia optimus & prudentissimus Robertus
esset, quod res docuit: itemque salubri tempe-

rie & partitione, quod Carolus iā regnum Hungariæ teneret, in eoque posset acquiescere.

Iamolim etiam N V M I D Æ pro communi iure habuerunt, patrum nepoti præferri.

III.

Quod & V A N D A L I vsurparunt.

III.

Itemque hodie M O S C O V I T Æ, sed restrictius. nempe si impubes filius relictus sit, tum patruus sceptrum accipit: in *Basilio* nostro ævo factum. Aliter autem, si iusta nepoti ætas: atque ea discretio rationem suam habet.

V.

Hæc pro Patruo: plura etiam sunt pro Nepote. S P A R T I A T Æ, sapiens populus, sic seruauerunt: & ipse *Lycurgus* regnum *Charilao* fratris filio cessit, quod in manu eius erat, omnium gratia, tenere.

VI.

R O B E R T V S Neapoleos rex, etsi alio iure, ut dixi, promotus, hoc velut æquius melius restituit, & sententiam publico iudicio sic tulit, in lite super *Comitatu Sti Seuerini*. Quæ inter patruum & nepotem vertebatur, & Iurisconsulti varie trahebant: meliores & ipse ad nepotem flexerunt.

VII.

Ita ille rex: at O T H O *Magnus* Imp. iudicio armorum rem commisit. Pugnarunt singulari certamine, barbaro illo ritu, & vicit nepos. quod iterum ita sub *Henrico* I. Imp. adnoto euenisse. Ergo & Deus hanc causam videatur comprobasse.

VIII.

Sed quod iudicium, publicum aut priuatum, isto Hispaniensi clarius? Rex *Henricus* defunctus erat filio infante relicto *Ioanne*, duos & viginti menses nato. Patruus ei erat F E R D I N A N -

IX.

∞. cccc.

VII.

1. Lipsij monita

Deus, vir vel solo virtutum merito (vt sanguis seponatur) omni summa fortuna dignus. Itaque coniecti in eum oculi, vulgi & procerum: nec ambire opus, ambiebatur. Atque id non à singulis tantum, & in priuatis colloquijs, vbi adulatio timeretur: sed in Conuentu publico, huic rei indicto, omnium non studia, sed aperta suffragia in eum ibant. Incitabat non ipse solum æui maturus, & virtutum, vt tetigi, spectatus: sed & ætas pueri, *quæ quando tandem gubernationi suffectura esset? Longum annorum interuallum, bella in manibus, turbas & dissidia in metu esse: quæ semper fere comitari, vbi penes alios regimen esset. Ergo ageret cum Deo bene iuante, expergisceretur, & vel regni causa, caperet fraternum regnum.* Surdæ aures ad has voces, & ius infantis ostendebat, & Hispaniæ consuetudinem: quæ eo magis tutanda ipsis, quo minus ille puer (hoc ipso miserandus) posset. Nondum tamen persuaserat: iterumque Conuentus, si forte pænitentia subeunte mutasset. Non ignarus ipse eius rei & affectuum, infantem chlamyde tectum occulte intulit: & cum *Daualus* magister equitum, de communi consensu, iterum tentaturus dixisset, *Quem regem renunciari tibi placet?* ille acri voce & vultu, *Quem autem,* inquit, *nisi Joannem, fratris mei filium?* Et simul puerum in sublime extulit, nomen *Ioannis* idemtidem & *Regis*, vt mos est, ingeminans: iussitque vexilla explicari, & alia solita fieri in nouo regno. Tu Fides, tu Modestia, è cælo paullisper descendite, & hunc alumnum vestrum lætis oculis videte: quanto illustriorem spreto

spreto sic regno, quam si decem fraude vel ambiguo iure quæssisset? Sed pauci isti *Ferdinandus*: cui Deus tamen regnum Aragoniæ paullo post contulit, pretium virtutum, & electione (de qua dixi) siue iudicio delatum.

DE FRAUDE ET VI.

Has quoque priorum specie interuenire.

C A P. V.

SE Æ violat Successionis iura aut polluit sæpe Ambitio, quæ vim & fraudem miscet. Quam sæpe sceptrum sic delatum non ad longinquos tantum, sed indignos? & hic quoque ludi interueniunt: quos lubet paulum, Sapientia volente, spectare. Venite qui regna æstimate, cælo æquiparatis: en seruulum, aut infimum homuncionem, suo ingenio ad ea sublimatum. Videte:

Et primum *PISISTRATVM*, qui fraude quidem, sed virtutibus pæne debitum regnum Athenis quæsiuit. Ille comem & benignum se ciuibus ostendere, etiam liberalem ubi opus; adeo ut refugium & asylum iniuria aut inopia pressis haberetur. Suspecta ista optimaribus: neque nesciebat: quos ut in ordinem redigeret, & satellitum pararet aliquo prætextu, ipse se vulnerauit. Sic saucius, in forum delatus, sanguinem & vulnera ciui-

I. *Lipsij monita*

bus ostendebat, à potentibus illis, præmium scilicet benignitatis suæ in ipsos, accepta. Quin & vitam suam periclitari, nisi subueniant, quibus eam consecrasset. Fremitus & indignatio populi, mox suffragia, & custodia illi decreta. Qua cinctus, & inimicos suos statim, & mox populum tyrannide oppressit. Nec omit-tendum hic *Solonis* dictum, qui dolum odora-tus ei ingessit: *Non recte*, inquit *ô Pisistratè, Homericum Ulissem imitaris. si quidem ille flagris se confudit, ut hostes falleret; tute vulneribus, ut ciues.*

II. Ac genera sane fraudium plura sunt: sed vna ad rem hanc Successionum apposita, quæ crebra. Est eorum, qui inserunt se in alienam fam-iliam & callide adoptant: histronio toto & ludicro initio, sed quoties in turbas & cædes iuit? Fuit in Macedonia ANDRISCUS qui-dam, homo ultimæ fortis, diurna mercede vitam tolerare solitus: qui *Philippum* se subito, *Persei* regis filium dixit. Et oris similitudo ad aum inclinabat. Ipse dixit, alij credunt aut credere simulant: Macedones & Thraces ma-xime, tædio Romani imperij, quod nouitate & asperitate displicebat. Itaque ingentes mox copiæ, & Prætorem Romanum fudit: donec à *Metello* idem victus, & in catenis Romam du-ctus triumphatusque est.

III. In eodem imperio, sed sub *Tiberio* Principe, CLEMENS quidam exstitit, reuera seruus *Agrippæ Postumi*, quem nepotem suum ex *Ju-lia* Augustus in Planasiam insulam relegaue-

rar: sed fama & fallacia, mox ipse Postumus effectus. Iuit enim magno animo, audita morte Augusti, in insulam, vt dominum furtim educeret, & ad Germanicos aut alios exercitus ferret. Sed dum tardius nauigat, interfectum *Agrippam* repperit: & huc iam delabitur, vt sese eum ferat. Venit in Etruriam, ignotis locis se abdit, crines barbamque in squallorem promittit: mox per idoneos homines spargitur, viuere *Agrippam*. primum occultius, vt verita solent: tum vago rumore apud imperitos aut turbidos, eoque noua cupientes. Iamque in municipiis & coloniis se ostendebat, sed leuiter & obscuro diei, & copiam sui haud plene facturum. Augentur affectæ, audet Hostiam venire, atque adeo in urbem, & occultis cœtibus celebrabatur. Tiberius, non ignarus periculi, ambigebat, vim militarem, an fraudem fraudi opponeret: & hæc magis placuit, electique *Sallustij Crispi* opera duo milites, qui simulata conscientia adiuerunt, pecuniam & pericula sua offerentes. Mox noctem speculati & solitudinem circa eum, acceptæ idonea manu, vinctum & ore clauso, in palatium ad Tiberium attraxere. Ibi interrogatus, *Quomodo Agrippa factus esset?* respondisse libere fertur, *Quomodo tu Caesar*: dolum & illi maternum obiiciens, quo ab Augusto adoptatus esset, Secreto interfectus est, magna inter tormenta constantia, cum neminem consciorum edidisset: nec Tiberius (prudenter in talibus) ultra quæsiuit.

I. *Lipsij monita*

In Syria similis dolus, etsi vix dolus. *Demetrius Soter*, ille qui Roma obses profugerat, iis imperabat: cum certa, nec iniusta de causa, Antiochenis offensis, bellum iis infert. Ipsi extremorum metu, ad nova remedia confugiunt & vilem quemdam è plebe ALEXANDRVM salutant, & *Antiochi* filium faciunt, ac repetere optimo iure patrum Syriae regnum. Fraus cui non apparebat? sed nouitatis studiosus (insitum popularibus, & addo Orientalibus) siue odium Demetrii effecit, ut crederent, quæ non crederent, & certatim Alexandrū omnes amplexi. Ipse mirabatur nouam suam sortem, & tot comitum militumque agmina: ac vires prope Orientis trahebat. quibus stipatus pugnat, primo parum feliciter? mox aliter, & non vincit solum Demetrium, sed cedit. Eo facto pacificus Syriae possessor, quod solet in vitia & lulum se effudit: paruis Demetrii liberis, nec ab ijs metu. Sed cum adoleuisset *Demetrius* Demetrii F. cum parua manu Cretensium rem aggressus adiutores repperit, & pari leuitate ad se transeuntes, qui à patre defecerant; in his, ipsos Antiochenos. Itaque solum illum, & inter scorta ac mensas iactatum, inuadit, superat, trucidat. His finis scenici & imaginarij Regis, sed latissimum diuturni, quique annos nouem & menses decem in imperio alieno fuit.

V.

Alius ab isto, sed tamē ALEXANDER, & in finitima Iudæa, ipse Iudeus genere, adoptauit se in familiam *Herodis* regis. Occasio erat, quia

facie *Alexandrum* referebat, ab illo extinctum. Igitur mortuo Herode hic reuixit, & fucum etiam acutioribus faciebat, natura & ingenio uaser, tum ipsa illa similitudine valde gemina, & vel noscentes fallente. Venit igitur Cretam, & Iudæos illic induxit sese agnoscere, pecuniā & alia vsui dare: quod idem in Melo insula, omnibus subtractum verū neci *Alexandrum*, aliumque suppositum, credentibus, vulgantibusque. Ita Puteolos appulit, pari illic Iudæorum credulitate & gaudio: ac mox Romanam, grandi comitatu, regia pompa. nam & Iudæi, qui Romæ frequentes, & in iis hospites notique *Herodis* obuiam ire, iurare eum esse, lecticam eius deferre: prosus ut à regio cultu & fastigio, præter Cæsaris auctoritatem, nihil abesset. Et sane Cæsar Augustus moueri quoque cœperat: sed retentabat, quod verus ille & veterator *Herodes*, non videbatur, in tanta decipi potuisse. & denique ut experimentum caperet, mittit *Celadum* vnum è libertis suis, qui olim familiariter cum *Alexandro* & *Aristobulo* fratre (nam & is seruatus dicebatur) versatus fuerat: sed quid? impositum ipsi Celado, & ille quasi notor & assertor ad Cæsarem redit. Tamen dubitat, ipsum Alexandrū vocat, & sagaciter animaduertit manus calloias, & duratas opere; item in sermone & moribus non illum Principalem Genium & gratiam, quæ solet sic natis comitari & vel incitis insciisque adesse. Tum etiam interrogat, quid factū *Aristobulo* esset, & cur non ille aduenisset? Causam-

I. Lipsij monita

te ipso , Cypri hæsisse , ob pericula maris & itinerum, & ne, siquid durius euenisset, totum Mariamnes genus vna periret. Hæc illo canente , & doctore eius accinente , qui simulata grauitate aderat; Cæsar seductum adolescentem monet & interminatur vera dicere, & proposita impunitate , *Quis esset ?* interrogat. Ille vero metu instantium , & splendore illo præsentis territus , vera fatetur, seriem fabulæ denarrat : & à Cæsare ad remum damnatur, ut fidem in vita data non falleret , doctorem eius exuit vita. Reliquis satis supplicij censuit credidisse, & pecunias effudisse.

VI.

∞ . cc.
LXXXIII.

* LXXII.

Hæc vetera au longinqua videbuntur : ad dam haud longe ab æuo , aut finibus nostris. Ecce in candida & simplici illa Germania , existit PSEUDOFRIDERICVS , tempore *Rudolfi Habsburgensis* Imperatoris , qui verum se *Fridericum* diceret , mortuum ante * plures annos. Obsidebatur Rudolfus Colmariam: sed haud vane territus , quod impostor ille in Germania nostra inferiore magnas sibi vires , nobiles, vrbesque adiungeret ; soluta obsidione, Rheno pronò descendit, & quasi veneraturus veterem Augustum accessit. Sed eius compos interrogatum quis, vnde, quare sic esset , igne in opido *Vuitzlaria* combustit.

VII.

∞ . ccc.
XLVIII.

Post in eadem Germania nobilis impostura circa Marchionem Brandenburgensem VOLDEMARMVM euenit. Is ante annos triginta & vnum amissus siue mortuus peregre erat : cum *Rudolfus Saxoniæ Dux* despicit, quæ via *Ludouicum*

Bavarum Ludouici Augusti Filiū, Principatu Brandeburgensi pellere posset. Componit fabulam, ipse inquam eius poëta & actor, nam molitorem quemdam secreto habitum, omnibus notis insignibusque arte & astu instructum, ad verum illum Marchionem, producit tandem in scenam: atque ecce populares, desiderio & more plebis accurrunt, se & sua, plerique arces & opida etiam tradunt. Resistentes, partim Saxonis copiis, partim *Caroli Bohemi*, qui Imp. à quibusdam designatus, ad deditionem coguntur. Ipsi Bauari, & auxiliares eorum Palatini, varia fortuna certant, & grandi vno prælio vincuntur: capto *Rudolfo* Palatino Rhenensi, cum LXXIX. è nobilitate equestri. Denique triennio toto elusit, aut potius illudit ille molitor: donec captus tandem ignem ipse, infamiam fautores eius subierunt.

Sed in vicina etiam nostra & socia *Flandria* factum, omnia dicta adæquat aut superat. Fuit *Baldwinus Octauus* Flandriæ Hannoniæque Comes, & idem grandi ausu progressuque Orientalis siue Byzantij Imperator. Dum illic res gerit, in prælio contra Bulgaros cadit: nec ambigua res erat, donec quidam BERNARDVS RAINSVS, Campania Gallia oriundus, & specie religionis iuxta Valentianas in silua quadam Anachoreta; donec is, inquam, vulgaret fingeretque post annos xx. reducem & rediuiuum se Baldwinum esse. Impulsus à nobilium quibusdam creditur; & ætas, forma, astus,

VIII.
∞ .cc. xxv.

I. Lipsij monita

atque etiam audacia aderant ad fallendum, Igitur rebus in Hannonia motis, in Flandriam ipsam cum hac fama venit : & rara quadam oris grauitate , commemoratione hominum rerumque priorum, stemmatis totius notitia etiam sagaces cantosque inducit. Desciscunt & adhærent passim, fastidio etiam & contemptu faminei imperij : quod *Joanna* id temporis, *Balduini* filia, rebus præsidebat. Quin ipsa profligata , & propemodum in *Querceto* opido intercepta , præsidium & refugium ad regem *Ludouicum Octauum* Gallix habuit : qui subuenit, sed cum prius à Senatu *Joanna* examinatus inquisitusque planus ille esset. Eius enim Præses sic dixit, rogauitque : *Tu quocumque nomine appellandus , si te verum Balduinum iactas, cur Orientis imperium deseruisti, ad hoc minus properasti ? Cur apud notos atque optime de te meritos duces , mortem simulasti , vitam dissimulasti ? Quæ commenti causa, aut merces ? An numquid ij oderant ? etiam nunc resument , si verus es Augustus. Quid ad nos potissimum venisti, tot lustra non visus, nisi ut inter ignotos ignotus falleres ? Viginti anni iam sunt à morte illius, quem te dicis : quibus tenebris , & qua causa , tam curiose te occulisti, sic ut nec aura fama de te spirauerit ? Passi multa mala fuimus, & id ob te mortuum : mereri una voce, uno scripto poteras, V I V O : cum non feceris , ego etiam si viuus , viuum te habebo ? Impietas tua non meretur : abi ingrate à patria, cuius caritatem exuisti. à Principatu , cuius curam abiiecisti, à ciuibus, quos obliuione sepelisti. Dixerat*

Quæsitur: at ille mirum qua confidentia, & ex ipsa fidem præstruens: Domi, inquit, inclementiores ciues, quam foris hostes, repperi. Tu me Flā-dria, mater & altrix reuicis, quæ Gracia, Macedonia, Thracia aduenam excepit, coluit: ipsa Barbaria, maiestatem verita, seruauit. At enim, ubi delitui? audite, & casuum humanorum miserescite, si quid humani in pectoribus istis habetis. Captus praelio ad Hadrianopolim à Bulgaris, ab iisdem in custodia habeor, satis lenta & remissa: usque eo ut effugium etiam patuerit, & animo isto ac Deo ducibus me liberarim. Cum ad meos propero vagus & erro, in alios barbaros incido, ignaros fortunæ meæ, & ab ijs in Asiam trahor ac vendor. Heu miseriam! pudet, sed vos narrare cogitis: Syri me habent, & in ergastulum rusticum damnant. Ego Balduinus, Comes, Imperator, qua manu sceptrum tenui, rastra tractaui, plures per annos donec à Germanis mercatoribus casus transeuntibus, quibus me aperui, pretio liberarer. Ij me domum remisissent: vos expellitis? ingrati, immemores veterum beneficiorum, quibus auæ vestri, patres, etiam tu atque ille, à me affecti estis. En senium & hanc caniciem, quo reseruati sumus? post tot fluctus, scopulum repperi, ubi portum putabam: ipsa mea filia, mea Joanna, patrem non agnoscit, ne Comitem cognoscat. Hec & plura opportune differens, magnitudinem suam vel fallaciam tuebatur: vario animorum motu, & plerisque ad illum inclinatis. Adeo, ut nobilium populariumque bona pars statim adhæresceret, Comitem & Augustum salutarer: donec re iam in præcipiti, Joanna ad Ludovicum

I. Lipsij monita

Regem supplices Legatos mitteret, ut *Balduni*, auunculi quoque sui magnam sanctamque memoriam, ab impuri nebulonis contagueretur. Suscipit negotium Rex, diem homini dicit: venit ille magno comitatu, solitaque fiducia & fastu. Vestis erat purpurea, alba in manu virga, barba promissa, à qua vulgo *Peregrinus Longobarbus* vocabatur: sistitque se Regi, *Peronæ*. Ille orditur, succinctus nobilitate & Senatu: *Flandria in fide & clientela mea est, ne mireris te huc vocatum: quod iure, non ambitione aut usurpatione factum. Siue iniuria afficeris, à me vindicandus es; siue afficis, puniri debeas. Utinam Deus & calites facerent, ut tu sis ille Baldunus, mihi auunculus, amicitia mea pater, nec uno nomine Gallia mea illigatus. Utinam! inquam. sed fama tot annorum, tam constanti, quid faciam? illa te iungulat. Credere me abnuis, & unus tot millibus contradicis: sed fidem ex genere humano tollis, si consensui mortalium non ultra credimus. Tamen effare, faueo siquid habes quo famam redarguas, quo Baldunum te asseras, quo veterem meum cognatum aut potius parentem à mortuis restituas. Si ille es, breuiter ad hæc respondere, & statim, potes. Quæro, Tene pater meus Flandriæ Comitem dixerit, iura dederit? quo teste, loco, tempore, ritu? Baltheone te & insigni militari donarit? Quæ mulier ex Franciscæ nobilitate, quo conciliante, quo auspice, loco, cætu nupsit? Quid hæres? hæc ignorare de se verus Baldunus non potest. Ista rex: tamen audacia illa, velut deprehensa, hærebat, & spatium cogitandi recolligendique sui petebat. Inde*

pro impostore haberi, & contemptim dimitti: dimitti tamen, quia sub fide publica venisset. Nec diu post in Burgūdia captus, ab equite gētis Chastenaia, *Ioanna* offertur: quæ conuictum confessumque laqueo strangulauit. Non tamen sine plebeculæ rumoribus, quæ patrem ab improba filia in ligno suspensum, tunc & diu postea differebat.

Nonne consimile in Hispania, cum *Alfonso* Aragoniæ rex esset, iuuenis & vndecennis, matre gubernante superuenit qui se *ALFONSV*M veterem adfirmaret, ante annos viginti & octo ad Fragam cæsum. Pro colore adferebat, tædio se rerum humanarum in Asiam & Terram sanctam iuisse, illic bella pro Deo & religione pugnasse, redisse ad suos culpis expiatis. Cur spernerent, & puero ac mulierculæ potius adhærescerent? Mouerat multos, res turbaturus haud dubie, nisi Cæsar augustæ captus laqueo gulam fregisset.

IX.

Tædium iure vereor in paribus ausis & euentis: qui tamen duos *MUSTAFA*s sileam, in Turcarum imperio, vt nec id sit à scænicis his ludis immune? Prior fuit, *Muratis Secundi* principatu, *DYSMIS*; sed qui se *Mustafam* diceret ∞. ccc. *Baia Xitis* primi filium, quem fama & res erat, *xxii.* infelici illo prælio cum *Temir-lanco* periisse, vbi & pater eius captus. At enim post annos *vigintiduos* iste se sufficit, & fraudes ac turbas *Murati* miscet. quas turbas? tantas, vt Begi, Bassæ, & primorum plerique ad eum deficerent, ipsi Christianorum Principes fœdus inirent, & Byzantii

X.

I. *Lipsij monita*

Imperator. Denique per triennium Muratem sic exercet, vt incertum imperij & vitæ faceret: donec ad *Lopadium* lacum collatis castris (& Murates ipse aderat) arte quam viribus magis vincitur, & transfugijs paullatim nudatur. Iuuit ad hanc rem commentum callidum Legatorum, quos Byzantium vno tempore, ad fœdus & societatem, ipse & Murates miserant. Sed Muratis irriti dimissi, illius impetrauerant cum tamen Muratæi, cursim præuenientes, audaci astu spargunt, sese vori compotes, & Græcos à se stare. quod creditum sparsumque in vtrisque castris, multos Mustasæ detractos *Murati* iunxit. Denique fugit ille, sed retrahitur, & Hadrianapoli ad pinnam muri laqueo suspenditur.

XI.

Alter *MVSTAFAS* miri & noui commenti est sed ab alieno impulsu. & in alterius, vt putabatur, fructum. Ne graue sit me diducere paulū quæ faciunt ad grauem illum nobis hostem. *Soleimanno*, maximo inter Turcarum principes, duæ vxores fuerunt, exiis liberi: altera *Bosphorana*, è qua *MVSTAFAS*; altera *Roxolana*; è qua isti quattuor *Mahometes*, *Selymus*, *Baiazites*, *Giangir*. Sed omnes hos ætate & gratia apud militem *Mustafus* anteibat; nec dubium illius imperium, si id exspectare, quàm habere maluisset. Pater sane eum suspectum nimis spei interfecit. Iam è quattuor illis *Mahometes* obierat, & mox item *Giangir*: duo compètitores supererant, è quibus *Selymum* fata & pater promouebant, *Baiazitem* mater

mirifice in eum prona. Frustra maritum aliquoties tentauerat, vult fraudem & fortunam. Itaque re cum filio collata, visum illis initium res nouandi per falsum *Mustafam* facere ad cuius nomen & gratiam miles facile concurreret: ipsi deinde eo in rem suam vterentur. Reperiunt iuuenē audacia & facie idoneum, instruunt & dimittunt. Personam sumit & agit, venit in Thraciæ loca que Valachiam & Moldauiam spectant, vbi equitum copia, & qui plerique viuo nuper *Mustafa* addicti. Ibi clanculum & quasi timide se ostendit, comites qui aderant mussitant *Mustafam* esse; fuga elapsum à patre, & alium ab amicis substitutum, qui interfectus pro ipso esset, incuria, nec serio agnitum aut inspectum. Id argumentum fabulæ erat, ad quam spectandam agendamque statim concursus. Veniebant & ij, qui oculis suis *Mustafam* interfectum viderant: sed vel falli volebant, vt locus esset si non recipiendi *Mustafa*, saltem vindicandi. Iam panē exercitus erant: sed Sangiaci trepidi rem ad Soleimannum referunt, qui fraudis certus eos acerbe increpat, *Quid ita inityis non obstitissent? vel nunc facerent, aut iram ac pœnam à se expectarent. Mittere se Pertauvum Bassam, cum validis fidisque copiis; sed melius gratiusque fore, si ij quod neglectum est sarciant, & ignem nondum validum exstinguant.* Sangiaci iis monitis minisque excitati aduigilant, concurrunt; aduentantes reprimunt, manus iam factas dissipant & spargunt; nihil reliqui sibi ad diligen-

I. Lipsij monita

tiam faciunt, vt fidem & operam suam Domino probent. Tamen Bassa superuenit: nec res adhuc *Mustafa* satis valide aut constitutæ erant. itaque à presenti metu fluctuare multi incipiunt, dilabi alij & transfugere, donec desertus miser cum præcipuis ministrorum in manus venit. Viuis trahitur Byzantium, examinatur. nihil celat: cura iam non de illo puniendo (quod statim factum) sed de filio patrem subit. Hocne illum ausum, in tam recenti *Mustafæ* infelici exemplo? dolor non ab impietate solum erat, sed ab impudentia & temeritate ira. Et iam magnū aliquid parabat: sed mater filium non deserit, callida mulier & mariti sui diu potens. Venit & rem fatetur, excusat & deprecatur. *Quid enim magni miri*, inquit, *si in fratrem* (non enim in te, ne erres) *aliquid molitus est*, non tam ambitu, quā metu impulsus? *Leges siue fata nostra gentis sunt*, unum non imperare solum, sed viuere; & exordium noui Principatus est, fraternum paricidium. *Quid inquam mirum igitur*, si fugere triste hoc voluit? si vitam prorogare? *Natura impellimur*, & te consule. Hic scopus huius conatus fuit, miseratione, si consideras, quā ira dignioris Tu illam da. cui? filio. cui? & mihi uxori. nam certum non superuiuere illi, & in uno duos occides, Quamdiu autem dature? me miseram, instant fata, in tua senis anima adolescentis illius spirat, & mea. Mouit intimum senile pectus & concussit mulier: dat veniam, sed ea lege vt filius se videat & ipse eam petat. Ergo aduocatur, & à matre quoque excitatur iam secuta vt tuto veniat:

Venit , sed cum in aditu paterni hospitij est (extra urbem conueniebant , nec temere filij patre viuo in ipsam intrant :) ecce milites , qui descendentem ex equo tradere pugionem & gladium iubent. Id in aliis de more fiebat , sed conscientia stimulante omnia timeret , & multus in oculis *Mustafas* vterque erat. Mater tamen dat animos. quæ de industria ad ianuam expectat , & per fenestram linteo obductam hortatur intrepide pergat , viam omnem à se præmunitam. Accedit ad manum patris , petit veniam & accipit , monitus magis quam castigatus. Atque vt plenam fidem reconciliationis faceret , potum de more gentis iussit offerri : sed ne hunc sine metu , bibit , venenum suspectans , donec pater ex eodem poculo haustu ducto , omni eum cura liberauit. Atque hæc Fraudium sunt , ad dam.

Violentiae exempla.

Heu , quam multa ea occurrunt : passim video aditus atque exitus Regiarum sanguine respersos. Sed temperabo , & eligam. Ab Oriente ordior. atque ibi in Iudæa , triste fatum Gedeonis familiæ video , vnus ambitione consumptæ. Laudatus ille vir , & dux per quadraginta annos populi , liberos genuit & reliquit *septuaginta* : atque hos legitimos. vnum è concubina *Druma* , cui nomen *ABIMELECH* I. Hic post mortem patris imperio imminens , & adiutus materna pecunia atque amicis , copias collegit è vagis & sordidis hominibus : cum

I.

I. *Lipsij monita*

quibus *Sichimā* venit inopinato, atque omnes ibi fratres *septuaginta super lapidē unum* (vt *Sacra loquuntur*) interfecit, & velut immolauit. Quid si totidem alienos & extraneos? ô facinus! at ille imperium inuadit, & in triennium etiam retinet, vt cœperat, sæuiens, & subditos varie affligens, sic vt *Sichimita* arma caperent & rebellarent. Frustra. domuit eos & occidit, & ipsum opidum deleuit, salemque in eo conspersit. Sed cælestis vindicta tamen consequitur, & cum turrim quamdam oppugnaret, fragmine molaris lapidis mulier superne caput eius contriuit. quo ictu collapsus & iam moribundus, ad satellitem suum, *Tume*, inquit, *gladio iugula, ne muliebri manu dicar cecidisse.*

II.

In Parthis *Orodes* regnavit, ille qui *Crassum* victum iactat & occisum. Is cum senuisset, in luctu ob *Pacorum* filium à *Ventidio* cæsum, aquæ intercutis vitio laborauit, neque longe iam à morte. Quam tamen longum *PHRAATI* filio visum extpectare: & veneno eam maturat. Sed id contra fuit, nec aliud quam mota alio in medicinam abiit, & totius morbi senem alleuauit. Quod ille indignatus (neque enim pænitereia subiit sceleris, cui vel Numen videbat aduersari) ad apertum parricidium ab occulto tráfit, atque hominem palam suffocauit. Iamne finis? minime: catenata sunt scelera, & post patrem fratres *triginta*, quasi inferias, adiecit. Quis tamen illius finis? consimilis. nam cum in pace & fœdere cum Augusto esset, cui
& signa

& signa Crasso erepta remisit: hic vicissim donā dedit, inter alia, pellicem insigni forma Italici generis, quæ prolem ei genuit *Phraatacem*. Hic ipse vt adoleuit, conscientia & opera matris, patrem interfecit. Bene, bene. quidni dicam? tulit, quæ meruit, & quæ docuit: redijt in auctorem exemplum.

Breui stilo lata scelera in *MITHRIDATE PONTICO* stringam, cui bellum & clades fuit à Romanis, sed mors ab ipso filio. An & hoc immerito? ecce ille matrem iam primis annis sustulit, mox fratrem: deinde tres filios, totidemque filias. Cælum, terra, mare, aspicere, ferre, purgare toties impium potuistis? Ignosco *Pharnaci*, & animos ad scelus pæne addo: vindicta adolescens auiam, patrum, fratres, sorores, tot mortes (leue est) in vna.

Iam in *PRYSIA Bithyno* tyranno, Romanorum non socio rege sed seruo, vix memorabile est, quod is filium *Nicomedem* tollere è medio voluerit: quid ita? vt locum alijs filijs faceret ad regnum. Peruersa aliqua pietas hæc fuerit. sed ecce filius, rei conceptæ gnarus, scelus in ipsum vertit, & defectione populorum, regnum ei ademit, & deinde vitam.

Relinquo te *Oriens*, fatiges me si perambulē: centesimam partem (vere loquor) non libaui: sed vnum tamen abiens hic consignem. *PTOLOMÆVS* inter Alexandri successores, pulso *Antigono*, Macedoniam occupauerat, pacem cum *Antiocho*, fædus & affinitatem cum *Pyrrho* fecerat: securus iā omnium, nisi sororis,

I. Lipsij *monita*

& ex ea liberorum. *Arsinoe* erat, quæ in matrimonio *Lysimachi* fuerat Macedoniae regis. Itaque animum & artes intendit ad eam vna cum liberis captandam: cautam tamen, monitam, & omnia timentem. Quid adhibet? machinam in hunc sexum validissimam, amorem. soror erat, sed quid ad rem? incendit, non absterret ea cognatio Orientales barbaros, & res in mores & iura vertit. Itaque munera, legatos, litteras misitare: offerre ipsi societatem regni, liberis hereditatem: nec alio fine se armis id occupasse, quã ut ijs posset relinquere. In has res fidem se paratum dare quam vellet, & ubi vellet, apud sanctissimas aras & templa. Quid multa? persuadetur mulierculæ, ex fidissimis amicis mittit, qui iuramentum accipiat: quod ille incunctanter, & pæne inuitans, in veterissimæ religionis templo concipit, ipsa simulacra & altaria deorum tangens: se suumque caput in auditis vltimisque exsecrationibus deuouens: *Sincera se fide matrimonium sororis petere: nuncupaturum eam reginam: eiusque liberos, suos heredes habiturum, nec alios.* Ergo *Arsinoe* spe iam plena, in cōspectum colloquiumque fratris venit: qui vultu ipso & oculorum acrimonia amorem simulans, fabulam peragit, uxorem ducit, capiti diadema coram milite populoque imponit, & Reginam appellat. Secuta quæ solent nuptijs: & læta *Arsinoe*, *Cassandream*, munitissimam urbem (quod vnum petebatur) ubi thesauri & liberi, præiuit, maritum introductura, & festo apparatu exceptura. Viæ, templa, domus ornantur: aræ & hostiæ dis-

ponuntur : filios quoque suos , *Lysimachum* sedecim annos natum , *Philippum* triennio minorem , patri & auunculo occurrere iubet. Quos ille extra portam obuios , cupide & ultra modum solitæ affectionis anplexus , osculis fatigat , nec dimittit. Portam & arcem ingressus , ponit personam , sumit suum vultum & affectum , statimque milite introducto , pueros iubet interfici in gremio ipso matris , ad quam confugerant. Illa hoc miserior , quod mori cum ijs non licuit (sæpe se gladijs interposuerat & obrulerat :) in exilium cum duobus seruulis pulsa est : *Ptolomæo* tamen haud diu ab hac victoria triumphante , cum Galli Macedoniam inundantes , victo ei caput paulo post abstulerint , in hasta , ad terrorem & fidem , circumlatum.

Ad Occidentem iam ire mihi licet , & ordiri ab Hispania : in qua cum Cn. Scipio , post Africanus , victoriales & funebres simul ludos daret , capta *Carthagine Noua* : en duo fratres patriueles , CORBIS & ORSVA , qui de regno armis certaturi eum adeunt. Ipse , vt mitis ingenio , omnia conatur & tētat , vt ratione nō Marte iudice , rem componāt : frustra : cāpum & arenam volunt. Concesso , magnis animis concurrunt , sed maior natus *Corbis* , facile minorem natū , astu & armorum vsu vicit , atque occidit.

Dicam in Italia de ROMULO , *Tarquinio Superbo* , *Nerone* , tot alijs , qui scelere & sanguine sceptrū pepererunt : multa , & nota sunt , ideoque cum venia omittenda :

I. Lipsij monit a

VIII.

10. XI.

Venio ad æui nostri parricidam nobilem , & quod indignetur aliquis , felicem. Sceptra imperij Turcici tenebat *Baiazites* II. rebus gestis clarus , & numerosa prole succinctus , in qua natu minimus *Selymus* erat , de quo eo dictum. Sex ille fratres habebat: è quibus duo primæui suo fato obierunt, tertius paterna vi: duo supererant , ætate & iure imperij ante ipsum. Sed imperium tamen animo agitabat : & ut perueniat , patrem impedimento futurum , è medio vult sublatum. Id varie tentauit , & primo colore aliquo pietatis. Mos Turcarum habet, filios Principis in certo loco aut opido claudere, nec finibus ijs egredi, nisi permissu aut iussu patris. Id contra spes aut res novas institutum videtur, & ne militibus aut populo misceatur, captenturve aut captent. At *Selymus* fines istos audacter migrat, comites & milites colligit, & cum hac manu ad patrem pergit. Miranti, & per legatos etiam exostulanti, *Ecquid sibi vellet? patrie leges, patris iussa sperneret? quo sine, aut causa?* ille refert: *Non prauitate, sed pietate motum facere. & Mahumetis legem esse, tertio quoque aut quarto anno visere ad parentes: velle se parere, & parentis optimi manum* (ita Turcarum etiam sermo habet) *osculari.* *Baiaziti* haud placitum, iterumque legatos & asperiôra mandata mittit: quorum summa, rediret. Ille pergere nihilo sequius, & iam *Hadrianopoli* appropinquare nixus, ut putabatur, occulto fauore & gratia *Genitzarorum*, quos in partes traxerat. Erat in ea ipsa tunc vrbe pater. qui fraudes aut vim

metuens , & simul vrbi dominæ timens Constantinopoli, vbi thesauri & regia gaza erat, illuc concitus pergit. Idem filius , & patrem in vi-
co assequitur qui *Tzurulus* appellatur : quid ? ad
manus osculum ? imo ad manus confertionem,
& suos instruit, & vim parat facere : patre con-
tra, cum eo ventum videt, dirigente. Pugna
committitur, anceps & cum discrimine, maio-
re etiam metu Baiazitis : qui haud de nihilo fi-
dem suorum suspectabat , & Deum ac Ma-
humetem alta voce inuocabat , vindices pa-
triæ & imperatoriæ maiestatis. Audiuit ille
(non enim iste) & fugit Selymus , vasa & im-
pedimenta omnia amittit , animum & impie-
tatem retinet : ac *Capham* cum venisset , co-
pias iterum colligit , & prima hieme in Thra-
ciam redit. Fiduciam etiam Genitzari dabant,
qui in vrbe tumultuati , *Achmetis* (is frater
maior erat) imperium aspernabantur , atque
adeo legatos eius qui tunc aduenerant , per
ignominiam eiecerunt . Occulte ad Sely-
mum etiam missis , vt appropinquaret : sese cæ-
tera exsecuturos , & manu viam facturos ad so-
lium & ad sceptrum . Imperium illud miles
temperat , prauo & noxio more : nec alia caus-
sa exitij aliquando erit . Sed *Achmetes* horum
non ignarus , cum ipse quoque iuxta Constans-
tinopolim venisset : & militum quidam ope-
ram ac fidem obtulissent , adnuir , sed quod
momentum inclinationi aliorum facturum
erat, aurum præsens, & amplioris stipēdis spem,
non adiecit. Imo vocem iecit, liberam, sed in-

I. Lipsij monita

tempestiuam , *Sese vel inuitis illis imperaturum.*
Offendit, & alienauit : iamque Selymus ad urbem venit , tentoria in pratis fixit : cui obuiam factus *Corcutes* , frater alter , modesti ingenij, & sapientiæ ac religionis studiis deditus, vt captus est gentis. Genitzari audito aduenisse, statim coeunt & tumultuantur : decem è suis ad Bassas (Præfectos sic nominant) ablegant, qui postulent , *Dominum & Sultanum Selymum esse : Baiazitem ultra non esse , atatis & virium imbecillum , nec molem imperij sustinentem.* Hoc ipsi edicerent , *suaderentque volens faceret , quod vel nolens adigeretur : & cederet , aut cadi ipsi Bassæ expectarent.* Sententiam omnium sic ferre. Hæc dicta, & prompti facere erant : ergo timor Bassas incessijt , & Baiazitem & discrimen exponunt. Generosus animus, & veteris laudis factorumque conscius, indignari : nihil indultum velle, arma & manus suorum spectare, & implorare. sed abnuentium : atque ibi primus Bassarum (*Virurum* dicunt) *Mustafas* : Ergo *supremum vale Imperator* , inquit : nam nos quidem morituri te alloquimur , nescio an moriturum. Hoc animi tui decretum , ultimam nobis iam dicit : & minas militares addit. Mouetur ille , & ipsos miseratur, atque inquit : *Ergo certum ijs , vitam nobis adimere? & huc ventum?* *Mustafas?* *Huc ventum , quod ad nos attinet : de te , Deus meliora. sed vt optima, spiculis tamen hastarum* (verba ponimus) *de solio imperatorio scito te detrahendum.* Senex videt necessitatem ultimam esse , & paulisper vocem compressam soluit: *Agite igitur*, inquit,

ad filium ite, nunciate rerum summam illi permitti. Filius venit, pater excipit, vultu quidem lætus, & thesauros ei atque alia imperij resignat. Tum & solium conscendere iubet, sed recusantem: & subdola modestia, solam pietatem, affectumque visendi patris, præferentem. Iterum iubet, propinquo etiam periculo monitus, & minaces militum vultus vocesque audiens, aut videns. Admittit filius, sed in sequentem diem. Conueniunt frequentes, equites peditesque: sedet pro tribunali, & imperij iurisque usurpandi causa, vnum è Genitزارis suspendi laqueo iubet: ceteris spe facta benigni simul, & fortis dignique maioribus imperij. Cuius primum facinus, relegatio patris *Dimotucum*: & priusquam perueniret, interitus veneno procuratus. Aiunt medicum eius corruptum id obtulisse, adamante minutatim confrecto, & cibis immixto: cui tamen pretium operæ mors fuit, & ceruix incisa, cum voce Selymi præuia: *Veteri domino infidum, nouo fidum non futurum*: Itam in alias cædes. & quinque fratrum filij occisi: tum ipse frater *Corcutus* neruo arcus strangulatus, cum è fuga reprehendi curasset. Supererat *Achmetes*, primus fratrum, & societate Ægyptiaci etiam Sultani validus: sed falsis Genitزارorum litteris elicit, tamquam solidientium nouelli & iniqui imperij: prodiret modo, arma cum ipso in hunc sociaturis se daret. Prodiit, pugnavit, victus, suffocatus est: & solus iam certusque Selymus Princeps. Qui in Bassas & procures varie item sæuijt, homo cordis totus &

I. Lipsij monita

sanguinis : idem tamen Fortunæ (non enim Deo) carus , & qui res maximas in imperio suo gessit. Persas vicit & reppulit , Sultanum Ægypti sustulit , & amplum id regnum sibi posterisque firmiter subiecit. Nihil etiam priuatim aduersum : & dormire videbatur cælestis Iustitia , nisi quod in extremo actu se ostendit , & peste correptum exstinxit, ipso loco & vico, vbi prima cum patre signa contulisset. Sed & filio tamen felix fuit , magno illo & infesto nobis *Soleimanno* : vt externarum rerum fluxus , non sint tesserae semper beniuolentiæ diuinæ.

IX.

Atque illud sæculi nostri est , hoc etiam soli. Fuit ADOLPHVS EGMONDANVS, cui pater *Arnoldus* Geldriæ Dux & dynasta erat. Ille adoleuerat, iste senuerat, & ægre ferre cœpit patris diuturnum imperium & vitam. Itaque per factiones , quosdam è popularibus in arma trahit, & patri bellum palam facit. Sed pater viribus & caussa melior , obsessum in opido *Venlone* tenet : ac denique Principum vicinorum interuentu pax coit: hac lege , vt iuuenis urbem *Noionagensem* sibi accipiat teneatque , in qua libere & solus dominetur. Sed exigua hæc ei portiuncula visa , resilit mox à fœdere, familiares quosdam patris in eius contumeliam laqueo enecat : & cum videt à se vim frustra tentari, ad alienam potentiam fugit, ad nostrum *Philippum Bonum*. Bruxellam venit, patrem accusat, sese approbat , promittit multa : sed apud vere *Boni* Principis surdas aures. Desperatis igitur auxilijs, ne patrem videat, Hierosolyma properat,

homo sacer scilicet ad terram sacram: paullo post redit, omnium inops, quo nisi ad patrem? Recipitur amice, & ipse pœnitentiam & amorem simulat, sed vultu non animo bonus. Nam fraudem & insidias patri statim ira struit. Erat senex *Graviæ* ditionis suæ tunc opido, cum vxore: venit quasi per officium filius. More gentis epulantur & bibunt largius, saltant etiam in multam noctem: ipso sene Duce sustentante, & in filij gratiam præter vires & morem lætiores. Tandem cubitum sese confert. Vix fecerat, cum adsunt à *Noviomago* (ij iuueni parebant) ciues armati, & ab *Adolpho* clam intromissi, recta ad cubiculum Ducis, duce filio, tendunt. Pulsant fores. ille è lecto, iocos & choreas etiam tunc cogitans, *negat id noctis saltare ultra posse: iuvenes faciant, & abeant.* At illi effractis iam foribus adsunt, iubent surgere & se consequi. *Quo autem?* ait senex, *& ubi filius?* Miser, vbi auxilium putat, exitium est: & ille improbus, *Pater,* inquit, *necessitati parendum est, age sequere.* Nec tantillum expectant, vt tuniculam interiorem aptet atque induat, ne tibialia quidem sumat: sed pater equitanti filium, nudis pedibus & corpore, ita sequitur *Buram* vsque. Ibi carceri retro includitur, & sex annos totos (non illius, sed & popularium impietatem culpo) sex inquam annos detinetur. Tandem improbitas querelas vulgi excitat, sed & minas Principum vicinorum: è quibus *Ioannes Cluix* Dux, ipsius *Adolphi* auunculus arma etiam sumit. Qui tamen à se parum validus, auctoritatem vel au-

I. *Lipsij monita*

xilia à Pontifice *Paullo Secundo*, & *Friderico* Imperit. Illi statim annuunt, ad *Adolphum* acres minacesque litteras scribunt, & ut patrem luci & libertati reddat, iubent. Nihil fit, ridet. Itaque iidem *Carolo Audaci* nostro, valido Principi: totam rem committunt: liberet senem, reconciliet filium, denique faciat quod ex æquo & usu videretur. Ille utrumque coram se sistere iubet, qui in Galliae finibus *Dorlani* tunc erat. *Adolphus* haud spernendam iram, & iussa, tam potentis vicini ratus, patrem secum eo ducit: accusat in consilio, fœda & falsa in eum ingerit: quorum facile purgatus senex, bonorum & illustrium virorum testimoniis, tandem impatientia & fiducia eo prorumpit, ut filium ad singulare certamen prouocaret, ferro & Deo iudicibus innocentiam suam asserturus. Mos tunc satis creber in Martiali nostro populo erat: sed *Audax* tamen abnuitt, fœditatem rei proponens & insolentiam, & simul in euentu incerto certum scelus, uterumque vicisset. Ita re cum suis deliberata, pro sententia dixit: *Arnoldus pater solus titulo Ducis utatur: sed filio opida arcesque totius Geldriae cedat, sola Grauia sibi excepta. Accipiat in alimoniam de manu filij tria quotannis aureorum millia.* Hæ conditiones: quis abneget, imo quis non miretur filio tam bonas? Sed non silent historici, *Carolus* nescio qua occulta causa an pacto, in filium proniorem. Quid tamen deinde? refertur ad filium, & quidem à viris primariis & grauibus, inter quos *Philippus* ille *Comineus* erat, qui hæc scripsit. At ille respondit

in ipsa hæc verba: *Malle se precipitem dare parentem in puteum, se deinde superiicere, quam ut in has conditiones paciscatur. Quid malum?* inquit, *pater alibi imperet, qui totos quadraginta annos omnibus præfuit?* *Æquum est, ut nostra quoque iam vices sint: nec aliud admisero, quam de pensione trium millium, sic quoque, ut pater tota Geldria cedat, atque adeo excedat, nec unquam pedem in eam referat.* En responsum, non tam impium (& ita tunc omnibus visum) quam insanum. Igitur *Carolus*, cui aliæ res præuertendæ, cum id ipsum temporis *Ambianum* Galliarum rex interceptisset, dilata hac cognitione, expeditioni separat. Iuuenis suspicatus detentum se iri, auersione animorum cognita, fugam cum duobus comitibus, Gallica veste, ad suos capit: omnia in reditu vi & armis occupaturus, aut turbaturus. Sed ecce *Namuri*, dum Mosam flumen cymba transmittit, agnitus ab vno alteroque vectorum, mox à pluribus, capitur, & ad *Audacem* reducitur. qui *Viluordiam*, atque inde *Cortracum* duci, & in honesta custodia asseruari iussit. Mansit ad *Audacis*, ipsius mortem: cum *Gandauenses*, pro suo tunc more turbas daturi, hūc idoneum ducem arbitrati, eum soluunt, & bello in *Tornacenses* præficiunt, quos tunc Galli habebant. Iuit cum manu aliqua, adequitat mœnibus, erumpunt præfidiarij, & miser inter primos cecidit. Quid tu nunc pater? talionem aliqua parte à iusto Iudice vides. Carcere te puniuit? ipse sustinuit. Mortem machinatus est? ipse subiuit

I. Lipsij monita

Nec sanguis hic multus fusus, aut violentæ cædes, fateor, vt in prioribus: mihi tamen libranti, impiæ Impietatis exemplum visum est, & supra omnia infixæ & obstinatæ, Nero, Tullia, aut alius aliquis, impetu peccauerint & calore: hic meditaturn, hic diuturnum scelus est, nec adhæsit animo, sed insedit.

Apud nos hæc gesta. quid si in Græciam nouellam, & BYZANTIVM ab eo? si ad illos à *Constantino* Imperatores? Fideliter dico, plura scelerum ab hac Ambitione exempla, quam in alia Europa tota reperiam. Sollennia illa erant, necare, exsecare, excæcare: hæc patres in filios, item matres ipsæ, hæc filij in vtrosque patrabāt. Quid. patruos, fratres, agnatos dicam? in leui suspicione, & minimo metu hæc facta: quasi per ludum aliquem & iocum. Et vide ingenium sæuitiæ! certum est, non alia re hominem magis abiici, & animo conatuque cadere, quam Exsecutione illa aut Excæcatione. Qui aut virum viro, aut lumen demit: nihil ab eo viri vltra formidet, & in pœnam aut ludibrium modo viuit.

Sed claudio hoc totum de Ambitione, vno eoque iocoso exemplo. CHAN TARTARORVM (eorum Princeps sic dicitur) cum *Stephanus* haud ita nuper optimus fortissimusque Poloniæ Rex obiisset, in comitiis de Rege creando, ipse quoque per Legatos interuenit. Dixit & proposuit ista: *Potentem se esse, & posse myriades aliquot equitum (vera sunt) educere e suis terris, Poloniæ tuendæ vel augendæ. Item, frugalem se & conti-*

nentem esse, ac sine ullis ciborum deliciis, sola equina in fame contentum. Tertio, quod ad Religionem, de qua disputari audiebat, Tuus, inquit, Pontifex meus Pontifex esto, tuus Lutherus, meus Lutherus esto! Si risu excepta Legatio fuit, nemo quærat. effuso maxime: & ecce hominem paratum omnia sacra & deos deferere, regnandi causa.

DE PRINCIPVM

inclinatione.

Deteriores eos saepe fieri, & mutari.

C A P. VI.

N E S C I O quæ causa occulta, præter apertas, etiam euenit: ut cum in aliis artibus usu homines discant, & meliores fiant, in hac regendi fere contra, & Principes inclinent. Omnis ætas dicet, & raro decursum ad metam æquabiliter hunc cursum. Causæ partim in Principe, partim Nobis, partim Principatu ipso videntur: atque obiter examinemus. In Principe, quia initio magis intendit, & pudor est, & bonæ famæ studium: quæ calcat paullatim, & in omnium obsequiis audaciam, & proteruiam, & contemptum sumit. Itaque rumor ille (ait Lampridius) qui plerumque nouis solet dominari Principibus, nisi ex summis virtutibus non permanet. Bene initio audiunt, & faciunt: sed raro constans est illa virtus, nisi firmo fundamento nixa

1. *Lipsij monita*

& instructa. Secunda causa, ab infirmitate ingenij humani est. grande illud imperij pondus aliquandiū recta ceruice sustineri, vix semper potest: lassantur, & se inflectunt. Quo facit natura, prona in vitia: & magis, vbi non metus aut poena retinet, sicut in Principe, qui est super ista. Et nisi ipsum illud Honestum eum teneat, & Religio: quis est qui possit? Accedunt deprauatores, insitum Aulæ malum: & qui prauæ etiam facta laudantes, magis istuc ducunt. Itaque vt qui vinum bibunt, initio pares sunt, & sensibus subsistunt: mox alienantur, & compotores etiam inuitant aut urgent: sic in potentia, cum noua & modica, ferunt: diuturna corrumpuntur, & fiunt ebrij, & magis tales faciunt adultores. Panegyricus scriptor recte: *Ubi sub tanto onere infirmitas lapsa est, faciunt licentiam de potestate*: habenas omnes ingenio suo & cupidini laxant. Causæ etiam in Nobis & subditis, sunt istæ. Credulitas prima. quod temere initio, etiam de malis aut ambiguis bene speramus: & quid mirum igitur falli? Neque illi se mutant: sed nos opinionem. Inde iactatum apud nos prouerbium: *Flandros amare futuros Principes, odisse factos*. Cum præsentem enim displicent, alios adspicimus & optamus: atque vt ægri, mutationem remedium destinamus. Secunda, quod refractarij sæpe & prauī simus, & communiter etiam erga optimos ingrati: donec esse desinant. Id Principes grauantur & indignantur, & paulatim affectum & curam à talibus abducunt.

Magis autem, cum seditio, rebellio, aut insidiæ sunt: tum & iuste putant se opprimere aut affligere, & plurimum noxam omnes luunt. Ausim dicere, bonos Subditos facere aut seruare Principes bonos. At causæ in Principatu ipso sunt. quod is ad Superbiam & contemptum inuitet: & vel firmissimos conuellat, & à statu paullatim abducatur. Sicut cæli à superno illo abripiuntur, & quamquam contra nitentes obsecundant: sic Principes ab ipsa illa potestate. Videsne priuatos homines in opibus magnis, aut prosperitate, deprauari, & à veteri via & vita flectere? idem fit istic. Potentia impotentiam gignit, licentia libidinem, vitia: & vt pondera ab alto lapsa, in præceps eunt. Quid, quod interdum ipsa Infelicitas mutet? vt quibus domi aut militiæ res sunt improspere, ipsi fortunæ, ipsis subditis (etsi extra culpam) obirascuntur, & vt in tempestate, clauum abiiciunt, & dant vela ventis. Priuatim saltem oblectamenta quærunt, conuiuia, ludos, mulierculas: publicum omne decus aspernantur. Exempla horum pauca videamus.

Insigne primum in **DIONYSIO IUNIORE** tyranno Siciliae: qui mortuo patre, mire clementem se exhibuit & benignum. Tria millia nexorum, ob æs alienum, soluit, tributa per triennium remisit, alia, in gratiam & famam populi. Sed mox iam dominationis certus, retulit ingeniũ, quod paullisper seposuerat: auunculos interfecit, quos verebatur aut timebat, ite fratres suos, ne quis æmulus superesset, mox in omnes

I. *Lipsij monita*

promiscue sc̃auit, ille *Dionysius* effectus, cuius non tyranni, sed tyrannidis, nomen habetur.

II.

At hic natura prauus: à caussis, & vi aut vitio Regni, *PHILIPPVS* Macedonum rex p̃enultimus, cui cum Romanis bellum fuit. Erat sane ille (*Polybius* testatur, qui nouit & vidit) plerisque dotibus corporis atque animi ornatus: vultu decorus, corpore erectus, eloquentia promptus, ingenio & memoria validus, lepore & dictis etiam facetus, atque omnia cum regio quodam decore & maiestate. Accessit virtutum studium in toga, & in bello, animi magnitudo, & liberalitas: vno verbo, vix alium tanta indole aut spe Regem Macedonia aut Græcia viderat. Sed ecce momento omnia vertuntur: siue Fortunæ culpa, quæ aduersa ei in Romanos, animum infregit & ab instituto ad gloriam cursu reuocauit, siue delatorum vitio & suo, qui aures eis temere & facile præbebat. Sane optimos quosque à se spreuit, veneno & ferro grassatus: sed nec sanguini & filio suo *Demetrio* tandem parcens. Denique ille *Philippus*, de quo omnia bona sperata & videri cœpa, in omnia mala desuit, prauus, inuisus, infelix.

III.

HERODEM Iudææ regem licet addere, insignem, mitem, magnificum, primis sex annis, si quem alium: reliquos triginta & vnum sic immanem, trucem in suos alienosque, vt *Septuaginta* Senatores regis stirpis interfecerit, uxorem suam, & tres filios: denique moriturus, ex omni Iudæa nobilissimum quemque, quasi ob aliam causam, euocari ad se iusserit, & cum venissent

venissent, ambitiose ab amicis petiit, vt inclusos Circo; ad vnum interfici à militibus curarent. non ob noxam, sed (vt aiebat) quo verus iustusque dolor funeri suo exhiberetur, cum nulla familia immunis ab hac clade esset.

Quid TIBERIVM Romanum Principem loquar? res pernota est, bonum fuisse, donec *Germanicus* ac *Drusus* superfuere, mixtum virtutibus ac vitiis, matre incolumi, post in omne scelus, flagitium, & infamiam prorupisse, vt ipsum quoque interdum non factorum solum (animo torquente) sed vitæ pæniteret.

IIII.

NERO in eadem re Romana notatur, magnus initio Princeps, magnum postea monstrum: & Traiani elogium de illo fuit, *Omnes etiam optimos Principes longe à primo quinquennio Neronis abesse.* Quod in aliis fortasse verum fuerit, sed domitamen veneno frater sublatus, secundo statim anno, dedecorat hanc laudem. Plura exempla notare est: plura? imo plurima: sed fastidium patitatis vitandum est, & nihil hic, quod singulariter narretur.

DE FINE PRINCIPATVS:

Qui est, Publicum Bonum.

CAP. VII.

AT Princeps, ne inclinet sic & labatur, sed bonus sit & perseueret: quid magis eum
M

I. Lipsij monita

Epist. xci.

Sen i. de
Clem.

fulciat & firmet, quam Finis semper in oculis,
quo spectet? Neque enim Principatus ipse finis
est, absit, aut altitudo illa & splendor: sed popu-
li bonum, id est directio eius & tutela. *Officium*
est imperare, non regnum, ait Seneca noster. Græci
ἀνακτας Reges dixerunt, vt Plutarchus inter-
pretatur, *ἀπο τοῦ ἀνακτός ἐχειν*: quod est, *curam*
gerere, & tueri. Certe debent. ipsum Regis nomen
apud Latinos eodem vocat: vt ordinem seruet,
composite imperet: quod qui negligit, non re-
git ille, sed dissipat & perdit. Cogitet secum
Princeps: *Ego ex omnibus mortalibus placui, electus-*
que sum, qui Deorū vice in terris fungerer: ego vita ne-
cisque gentibus arbiter: qualē quisque statum sortem-
que habeat, in mea manu est positum. O dignitas! vi-
carium Dei esse, & non esse æmulum? Vide vt
ille ab orbe condito dispenset, & regat æstates,
hiemes, anni tempora, fruges, fructus, tot vsui
nostro aut voluptati: cælos, terras, maria, om-
nia in statu & concordia, etsi maxime discor-
dia, seruet: parcat plurimum, interdum puniat:
verus pater simul & dominus generis humani:
quid desideres, præter hoc exemplum? Subse-
quere: & à Deo reges, ad Deum eant. Sint igitur
in assidua cura, sed cum tranquillitate &
pace: & hæc vtraque suis, quantum potest, pro-
curent. Absit otium. *Neque enim specie tenus*
(ait Panegyristes) ac nomine, fortuna Imperij con-
sideranda est. Sunt trabeæ, & fasces, & stipatio,
& fulgor, & quidquid aliud huic dignitati ad-
struximus: sed longe maiora sunt, quæ vicissim
nobis, auctoribus fautoribusque potentia,

debent. Admittere in animum totius reipublica Ibid.
curam, & populi fata suscipere: & oblitum quo-
dammodo sui gentibus viuere. Accipere innumerabi-
les undique nuncios, totidem mandata dimittere, de
tot urbibus, nationibus, & prouinciis cogitare? NOCTES
OMNES DIESQUE, perpeti solitudine, PRO
SALUTE OMNIUM cogitare. En breuiter tuum
munus, & in fine Finis, Populi salus. Exempla
addamus, qui fecere, aut facturos se sunt pro-
fessi. Inter istos.

TIBERIVS Imperator. qui pulchra voce
(utinam. & re!) testatus, in pleno Senatu: Dixi
& nunc, & saepe alias P. C. bonum & salutarem Prin-
cipem, quem, vos tanta & tam libera potestate in-
struxistis, Senatui SERVIRE debere. & VNIVER-
SIS ciuibus: saepe ac plerumque, etiam SINGVLIS.
Neque id dixisse me paenitet. Pulchra, inquam,
voce, & quam sine Numine conceptam non
reor, aut emissam. Quid verba facimus in in-
struendo Principe? ecce hic compendium. Ser-
uiat, id est audiat obsequaturque Senatui &
bonis consiliariis: Seruiat vniuersis, in bono om-
nium procurando: Seruiat singulis, in Iustitia ad-
ministranda, iniuria arcenda. Sine istis, non est
Princeps, sed tyrannus.

Quod TRAIANVS, item Imperator, con-
siderans, cum Praefectum suum Praetorij, de
more, gladio succingeret, daretque vitae &
necis potestatem: Cape hunc, inquit: & si qui-
dem recte & EXVTLITATE OMNIUM impe-
rauero, pro me: sin aliter, contra me utere Optimam
Optimi illius vocem! Viuam, si reipublicae viuo:

I. Lipsij monita

si mihi, arma hæc in me verte.

III. Iam HADRIANVS Imp. quoties auditus est dicere? *Ita se rempublicam gesturum, ut sciret REM POPVLI esse, non suam.* Iterumque, quod eodem ducas: *Talem se præstiturum Imperatorem, qualem sibi optasset priuatus.*

IIII. VESPASIANI etiam cæleste dictum est. qui sanus valensque, semper in publicis occupatus, etiam æger perseuerauit: & reuocantibus amicis, utque sibi parceret, *Imperatorem inquit stantem mori oportere.*

V. Inferiore æuo HENRICVS Imp. Friderici filius, ita assiduus in rebus, ut vix sero cibum caperet. Cumque idem moneretur, valetudinem & vires cordi habere, respondit: *Priuato quidem homini omne tempus cibi esse, cum id lubet, aut solet: at Regi, si nomen suum non abdicat, id solum, quo vacat.*

VI. Itaque rebus hominibusque se dant, etiam vilioribus: nam & ij Principatus membra. Insigni hic monito RVDOLFI Imperatoris *Austriaci*, qui cum submoueri à satellitio suo tenuiores quosdam videret, ad se affectantes, non sine stomacho edixit: *Per Deum* (ipsa eius verba sunt) *finite homines ad me venire. Non enim ideo ad imperium sum vocatus, ut in arcula includar.* Melius nihil possum, desino, & hoc infigo.

DE EXEMPLIS PRINCIPVM.

Ea facere ad Virtutes aut Vitia subditorum.

CAP. VIII.

PRINCIPEM ob se bonum esse oportet, sed etiam ob alios: quos talis emēdat, aut alius deprauat. Nam homines in primis ad alta ista flectunt oculos, & exempla sibi suis inde moribus sumunt. Sallustius: *Qui magno imperio præditi, in excelsa aetate agunt, eorum facta cuncti mortales nouere. Ita maxima fortuna, minima licentia est.* Sicut igitur regulam maxime rectam esse oportet: ad quam cetera diriguntur: sic Principem. Et ut in corporibus grauissimus est morbus, qui à capite diffunditur: sic qui ab illo. Pindari, ad Hieronem Siciliæ regem, aurea dicta sunt.

Ἀλλ' ὁμῶς κρείσσων γὰρ οἰκτιρμῶ φρόνος·
μὴ παύει χαλὰ· νό-
μα δὴ χάϊω πηδάλῳ στρατόν· ἄ-
ψευδὲ δὲ πρὸς ἄκμονι χάλ-
κευε γλῶσσαν.

εἴ τι καὶ φλαῦρον ὠχθαίῃς·
σὺ, μέγα τοι φέρεται
παρ' σέθεν πολλῶν ἱερμίας
ἔοσι· πολλοὶ μάρτυρες ἡμφοτέροις πηδάλ-
Attamen (melior enim miseratione Iuvidia.)

*Ne omitte honesta. gubernam
Iusto clauo populum,
Veracemque ad incudem
Fabrica linguam*

I. Lipsij monita

*Si enim vel leue eruperit,
Magnum feretur
Abs te. multorum dispensator
Es: multi testes utrisque fidi.*

I. ALPHONSVS rex Aragoniæ & Neapoleos,
cum de Subditorum moribus disputaretur, di-
xit: *Vt herbas quasdam ad Solis motum, sic populares in
Principum mores verti.*

II. ALEXANDER MAGNVS ceruice leuiter
incurua & panda fuit, quod certatim proceres
& aulici imitati, quasi ipsum sic effingentes.
Adeo & minuta obseruant, atque æmulantur:
utinam sic interiora & virtutes!

III. Luxus in conuiujs, veste, supellectile, fami-
lia, ad VESPASIANI tempora nimis Romæ

III. Annal. inualuit: nec vel legibus potuit coerceri, at sta-
tim, illo Principe, sponte exoleuit. Causa in
Tacito: *Præcipuus adstricti moris auctor Vespasianus
fuit, antiquo ipse cultu victuque. obsequium inde in
Principem, & emulandi amor, validiora quàm pœna
ex legibus & metus.*

DE IVSTITIA.

Quam Princeps in se, & suis, seruet.

CAP. IX.

INTER omnes autem Virtutes: sunt quæ-
dam velut Regiæ, & Principales, vt *Iustitia*
primum. à qua Homerus Reges *Δικαπόλεις*
appellauit, *Circius occupatos & versantes.* Nihil iis

conuenientius, nihil dignius: & seruata, regna
seruat. Seruāda autem in iis quæ Principes, aut
qui circa ipsos sunt, tangunt. Mali doctores,
qui à legibus eximunt: qui cum Caligula cen-
sent, *Omnia ipsi, & in omnes, licere*. Siue cum Sallu-
stiano Memmio: *Impune quidlibet facere, id est re-
gem esse*. Abite qui docetis, qui discitis: imo qui
præest Iustitiæ, ad eam præeat, & exemplo com-
mendet. Theodosium imitetur, de quo Pane-
gyristes: *Idem es qui fuisti, & tātum tibi per te licet,
quātum per leges antea licebat*. Ius summum, facultate
& copia commodandi, non securitate peccādi experiris.

Dixit sensitque ANTIGONVS Macedonum
rex, cui cum blandiens aliquis suggereret, *Om-
nia regibus honesta iustaque esse*: Respondit: *Sunt
hercules, sed Barbarorum dumtaxat regibus. at nobis
ea honesta, quæ honesta sunt, & iusta quæ iusta* Retu-
dit adulatorem, & docuit, non regulam iustitiæ
regem, sed ministrum esse. Quid idem iterum?
Scripsit ciuitatibus, vt *Siquid forte iuberet, quod
aduersaretur legibus, ne admitterent: ac pro ea habe-
rent, atque si inscio se scriptum esset*.

ZALEVCVS vero & insigni facto iustitiam
asseruit. Legem, inter alias, Locrensisbus tule-
rat, vt *Adulter oculis orbaretur*: iustissime, quia ij-
fere ad hoc crimen illices sunt, aut duces. At
ecce filius paullo post adulterauit, & legis reus
etiam pœnæ erat. quam tamen populus con-
sensu, miseratione mori (vnicus enim erat) & in
patris gratiam, remiserunt: sed patre abnuente
& indignante. *Lex, inquit, Sancta, & pœna,
etiam in nobis esto: sed viam repperi, qua illa salua*

I. Lipsij monita

humanitati indulgeamus Ipse & ego, unum sumus. mihi ergo unus oculus, alter ipsi eruatur : atque id factum.

III.

CHARONDAS autem Thuriorum legislator, in eadem magna Græcia, seuerior & in se fuit, aut vere dicam crudelior. Nam & ipse legem tulerat contra ciuiles factiones & cædes *Nequis cum telo in concionem venisse vellet : qui aliter, capitale id esset.* Accidit, ut ipse rure veniens, & indicta subito concione, uti erat, ad eam armatus accederet. cumque æmuli occlamaissent, *Soluere eum legem, quam tulerat, ac palam cum telo esse :* ipse errore cognito, *Mehercule ita est, inquit : sed idem ego sanciam.* Statimque stricto ferro incubuit. A fine aliquis laudet, à facto non probet.

YIII.

At PHILIPPVS MACEDO, Magni pater, quam obnoxium se iustitiæ præbuit, & aures suas verberari vel conuicio passus est, quod ægrius quam gladio, Principes ferant? Dicebat apud eum causam Machetas quidem: & Philippus parum intente visus audire, & re non bene tota cognita, damnasse. Machetas non tulit, & Macedonica ac militari libertate, *Appello, inquit. Philippus miratus & iratus, Tu à rege? & ad quem? Machetas: Ad ipsum te, inquit, sed vigilantem & attentum :* Siue, ut alij efferunt, *Ad Philippum sobrium.* Sed siue incuria, siue vinolentia regi obiecta, excussit vtramque, & re propius pensiculata, iniuriam Machetæ factam agnouit, & vindicauit. Quomodo? saluo tamen priore decreto: & æstimationem

litis ipse à se dependit. Dupliciter laudandus. & quod se, salua rei iudicæ firmitate, immutauerit: & pænitentiam, pœnam etiam suam fecerit.

V.

Hæc in ipsis Principibus: circa ipsos, ista. **A R T A X E R X E S** Persarum rex, *Longimanus* cognomento, identidem obtundebatur (sic loquendum est. importune, & sæpe, alter ingerebat) cum, inquam, obtunderetur à *Satibarzane* gratioso satrapa, in re quapiam iniusta, quam alteri volebat impetratam: ille tandem rescivit *triginta Daricorum millibus* emptum *Satibarzanem*, ut confectum hoc daret. Vocat ad se igitur, atque vna *Quæstorem*: & *Hæc tu*, inquit, *triginta millia* huic illico adnumera: tu autem hæc cape, & tibi habe. Cum enim dederò, nihilo pauperior ero: at si tuum illud concessero, multo iniustior. Laudo, laudo. neque amicum alienauit, fidei cognitum: neque iustitiam vlla re violauit.

VI

P H I L I P P V S iterum *Macedo* consimile: neque par tamen vndique. nam æquitate assiliter, liberalitate non conuenit. *Harpalus* pro amico quodam, iniuriarum postulato, acer & multus apud *Philippum* intercedebat, & liberari volebat. Addebat, se pro eo mulctam, quanta esset, depensurum. Hic *Philippus*: Quid tu igitur fatagis, si mulcta dependitur? *Harpalus*: Nempe ut fama sit ei salua. *Philippus*: Quid tu ais? & non equius illum male audire, qui male fecit, quam me innoxium, eius causa? Bonum factum, bonum dictum.

VII.

Nostri aut patrum æui vnum adiungam. Erat **C A R O L O A V D A C I**, *Burgundiæ* & nostro Duci, vir nobilis in feruēti gratia, atque ei præ-

I. Lipsij monita

fecturam opidi in Zelandia dedit. Ipse ibi in otio, amorem concipit in fæminam corpore scitam & moribus, animo meliorem, vt docuit euentus. Prin.o aspectus, obambulatio, suspiria, & quæ solent amantes: mox audacior & verba miscet, & affectum aperit, & solatium orat. Neque promissis abstinet, & omnia tentat, quæ sint expugnandæ. Frustra, munita vndique castitas erat. Igitur desperatione ad facinus se vertit. Præfectus erat, vt dixi, & *Carolus* noster in bello: maritum igitur amatæ fœminæ prodicionis insinulat, & statim in vincula missum carcere custodit. Quo fine? vt vel hoc metu minisque illam moueat, & obnoxiam sibi reddat: vel maritum ipsum amoueat, remoram amoris. Custodit igitur & mulier casta & viri amans statim ad carcerem, à carcere ad Præfectum, deprecatura aut liberatura, si possit. Præfectus: *Et tu ô mea me rogas? imperium, quod in me habes, ignoras? affectum saltem mutuum redde, & maritum ipse reddo. Detinemur enim uterque, ille in meo, ego tuo carcere aut vinculis: ah! quam facile utrumque seluis! Quid renuis? amans peto, & per meam vitam. Præfectus peto, & per mariti tuæ vitam. Utraque agitur: & perire si debeo, perdam. Atqui miserere, & mulierem te, & coniugem ostende. Mulier rubere ad ista, & stupere: & tamen pro marito etiam timere. Constat magis animo, quam corpore: & trepidat, & pallor. Atque ille, quia moueri visa, & leuiter vim verecundanti adhibendam ratus (solierant) in lectum impellit, fruitur fructum, utrique mox acere.*

bum. Nam mulier confusa & lacrimabunda abiens, pudoris magis quam peccati ægra, iram & vindictam coquit : quam magis etiam accendit barbarum (quomodo aliter appellem?) Præfecti factum. Nam ille voti potitus, & cetera prolixa autumans, si æmulum sustulisset: maritum damnati curat, damnatum capite plecti. At id non in publico, sed carcere ipso factum : atque ibi cadauer in arcam ligneam inclusum, mox sepeliendum. Venit interea mulier, siue accita ab ipso (vt quidam tradiderunt) siue sponte & super salute mariti anxia: sed venit, & vel ex pacto maritum recipere se sperat. Ille benigne affatus, *Et maritum, inquit, quæris? habebis. Abi (& digitum ad carcerem intendit.) inuenies, & tolle.* Nihil suspicata abit, videt & percellitur, & animo ac corpore lapsa super cadauer se abiicit: ac diu lamentata, recipit animum atque iram, rediensque atroci vultu & verbis. *Et hercules, inquit, reddidisti maritum: gratia debetur, exsoluam.* Retinere & placare conatur, frustra: non tigris magis sæuiat, foetu erepto. statimque amicorum fidis aduocatis, rem denarrat, eius ordinem, & culpam suam non culpam: ac consilium viamque ultioni exquirat. Censent omnes ad Principem eundum: qui inter alias virtutes (insignes habuit, nisi superbia & peruiacia corripisset) eximius Iustitiæ cultor erat. Accedit duobus amicis comitata, auditur: vix creditur. & indignatur & dolet Princeps, hoc in suo solo, & è suis, quemquam ausum. Sed & mulieri edi-

I. Lipsij monita

cere minaciter, nisi vera & certa afferret, malū habituram. Iubet manere in Aula, & in vicinū cubiculum secedere, dum Præfectum vocat: nam forte & ipse in Aula erat. Venit, introducitur & mulier. *Hanc nostin'?* ait Princeps. Colorem homo mutat: & Princeps exsequitur: *At querelas, quas super te defert, etiam nosti? Atroces sunt, & quas nolim esse veras. Quid ais?* Vacillat, perplexe loquitur, negat aliquid & annuit: donec Princeps ex vultu ipso & sermone culpam suspicatus, vt tamen certior esset, remotis omnibus solum alloquitur. *Quam fidem mihi debeas, & quam beneficijs meis gratiam, non nescis. Per hanc & illam te adiuro, vt quid in hac re sit, liquido & sine ambagine denarres. Fatenti gratia, aut aliqua seueritas, non deerit: nec abnuerit tormenta.* Ibi ille ad genua se abijcere, factum agnoscere: denique mulierem culpæ omnis liberare, se onerare: sed in gratia Principis refugium & solatium ponere. Quam vt magis impetret, illicitam libidinem purgaturum matrimonio offert. Princeps, quasi aures præbens & iam mitior, mulierem reuocari, quosdam è suis adistere iubet. *Et heus tu, quoniam huc ventum est mulier, placetne maritum hunc habere?* Illa abnuit: & tamen voluntatem aut iussa Principis timens, adspicit circumstantes. Qui certatim inuunt aut suggerūt, accipiat conditionem viri nobilis, diuitis, apud Dominum gratiosi. Victa dat manus. quas Princeps iungi cum Præfecti iubet, & solennibus verbis matrimonium firmari. Firmato, iterum Princeps: *Tu nunc marite hoc iam nunc largire, vt si prior*

sine liberis obeas, hæc coniux heres omnium bonorum tuorum sit. Libens concedit, testes audiunt, tabularius scribit. Et his iam peractis, noster Carolus ad fæminam: Dic sodes, animo tuo factum iam satis? Satis, inquit mulier? At nondum meo, ille subiicit: & ablegata fæmina, iubet Præfectum in illum ipsum carcerem duci, in quo maritus cæsus, & pariter cæsum in arcam ligneam siue capulum deponi. Facta sunt. tum mulierem ignaram eo mittit: quæ inopinato iterum casu conterrita, duobus maritis eodem fere tempore, eodem certe supplicio amissis, mox in morbum incidit, & fato obiit. Hoc solum alteris nuptijs lucrata, vt liberos ex priore coniugio diuites relinqueret, noua hereditate. Tragædiæ exemplum est: sed gratulor Belgicæ talem exitum, sub tali Iustitiæ vindice: & vos successores seruate.

Atque hæc circa Amicos breui, sed memorabili, factò claudam *MAHV METIS Secundi* Turcarum Principis, quem verius *Muchemetem* scribi, gnari, linguæ persuadent nobis. Memorabili, quia circa filium: & quid propius tangat? Is igitur *Muchemetes* filium habuit *Mustasam*, imperio destinatum: & cetera bonum, libidinibus pronum. Hic *Achmetis* Bassæ vxorem, insigni forma, adamabat, & blanditijs diu pervincere conatus, cum non succederet, insidijs tentauit. Speculatus est tempus, quo in balneum mulier iuit (& sæpe lauant se Turcæ:) & mox secutus cum paucis suorum, ibi nudam & frustra renitentem compressit. Illa ad maritum, maritus

I. Lipsij monita

ad Imperatorem flagitium detulit, pœnas poposcit. Mahumetes primo cunctari, tum asperioribus verbis (sed alius in mente sensus erat) Bassam excipere: *Et quid, inquit, sic graviter de filio queri tibi visum est? An nescis te, & tuam, iuris mancipijque mei esse? Si filius igitur illam amplexus est, & animo suo morem gessit: nempe ancillam meam amplexus est. sine ulla quidem culpa, si me volente. Hæc cogita, atque abi: cetera mihi permitte.* Sed ista iuris tuendi causa magis, quam quia sentiret, dixit: atque animi æger & faucius, filium ad se vocatum primo examinavit; tum confessum pessimis verbis minisque acceptum dimisit. Et mox minas in rem confert: ac triduo post, cum aliquamdiu in pectore filius & Iustitia pugnassent, hac vincente, fauces Mustafæ nervo arcus iussit effringi, & morte Pudicitiae litare.

DE IUSTITIA.

Quam Princeps erga Subditos servet.

CAP. IX.

Quid enim potius faciat? prima institutio & admissio regum ab hoc fine fuit. Sine Iustitia vivere inter nos, id est in Societate non licet: ergo aliquis, aut aliqui eligendi, qui huic administrandæ præsent. Liuius bene: *Multitudo coalescere in unius populi corpus, nulla re, quam legibus, potest.* Plane nulla. hæc vinclū est, & vt sic dicā, coagulū: solue, dissipamur, & vt feræ solitariae;

vagamur. Homerus, qui omnia sciuit, de Iustitia istud:

Odyss. B

Ἡ' τ' ἀνδρῶν ἀγορὰς ἢ κλύ' λυεῖ, ἢ δὲ παρ' ἵζει:

Qua cœtus hominum cogit, soluitque viciisim.

Cogit & seruat: si seruas, soluit, si neglegis & seponis. Mirum & breue, sed verū est: nulla re (ad vsūm prouoco) quæcūque Resp. magis florebit aut floruit, quam rigida & immota Iustitia: nulla re magis flaccescet & deficiet, quam illa tali. Hæc felicitas regnorum & statutum. interna & externa. Interna quidem. nam quis nescit scelera & flagitia per eam remoueri, virtutes promoueri? Externa. quia agri, viæ, maria frequentantur, & securitas vbique ac tranquillitas regnant. Boetius egregie: *Annum bonum, non tam de magnis fructibus, quam de iuste regnantibus, existimandum.* Quid iterum Homerus?

i. De Con. sol. phil.

Ὡς τε τῷ βασιλῆος ἀμύμονος, ὅτε θεῶδης Odyss. T.

Ἀνδράσιν εἰ πολλοῖσι καὶ ἰφθίμοισιν ἀνάσων,
Εὐδικίας ἀνέχῃσι φέρησι δὲ γαῖα μελαινα
Πυρρὸς καὶ κριθὰς, βεῖθησι δὲ δένδρεα καρπῶ,
Τίκλει δ' ἔμπεδα μῆλα, θάλασσα δὲ παρέχεται ἰχθῦς,

Ἐξωγεσίης ἀρετῶσι δὲ λαοὶ ὑπ' αὐτῷ:
*Ut cum Rex bonus imperat, & metuens Diuorum,
In multis populis & fortibus. ille quoque idem
Iustitiam colit: obserues & tunc sola terra
Fructus ferre suos, & fruges fundere, itemque
Fætificare armenta, & pisces exundare:*

Nempe ex Iustitia. populisquæ bene atque beate est.

Si attendas, & dilates: quam laudationem vberè Iustitiæ non scribas? Ergo felicia regna reddit:

I. Lipsij monita

L. XXXV.

eadem alia, si languet aut perit. O pulchrum, cum licet gloriari aut dicere, quod G V I L I E L M I, quem *Acquisitorem* vocant, temporibus in Anglia: *Totum regnum puellam onustam auro posse peruenire!* Vt possit, Iustitia.

MON. I. *Seuere administranda.*

I. Etiam in paruis rebus, aut iniurijs. Quod fecit A N D R O N I C V S *Comnenus*, Imperator Byzantij: qui nullo discrimine nobiles aut nouos: renues, diuites, suos, aut alienos, solitus culpæ conuictos damnare. In his *Theodorum* quemdam è suis caris, quem agricolæ detulerant, diuertisse apud se cum seruitijs, nec in discessu quidquam soluisset. Res erat (vt hodie) non nimis noua aut insolens Palatinis. Tamen Imperator hominem statim corripit, fusti duodecies in publico cædi iussit, tum agricolis damnum largiter rependi.

II. Scripsit I D E M ad Præsides & Magistratus hisipsis verbis: *Aut iniurias, aut vitam relinquit. nam vos iniuste agere, & viuere, nec Deo gratum, nec mihi eius ministro ferendum est.* Tu vero nunc viuere Imperator, & mala nostra ordina.

III. L E O A R M E N V S ibidem Imperator, cum Palatio digressus adiretur à tenuioris sortis homine, qui uxorem suam diceret à Senatore raptam, stupratamque: & id se facinus ad Præfectum detulisse, nec ius adhuc sibi dictum: *Leo* confestim mandauit, vt reuerso sibi actor, reus, Præfectus sisteretur. Quos deinde auditos, cum noxæ reum, negligentia Præfectum comperisset: hunc dignitate, illum vita exiit. O factum,

Dei

Dei hominumque favore dignandum.

Neque aliter in causa simili TOTILA rex: eo laudabilior quod barbarus patrauit, & in militem, non sine metu seditionis militaris. Accessit eum Calaber quidam, incusavitque è satellitio eius militem filiae suae per vim compressae; TOTILA statim in vincla hominem dat, poenas sumpturus, quas tamen milites remorantur, miseratione, an cupidine similis licentiae: atque agmine adeutes petunt dimitti, & sibi donari, comilitonem notae virtutis, & facinorum clarum. Totila auditos acri oratione castigat: *Quid agitis parum providi, aut vobis vultis? Sine iustitia rem civilem, aut militarem, stare non posse, satis vos Theodahadas rex docuisse debuit: qui pratio aut gratiae eam largitus; quas clades ipse passus est, & per eum gens Gothorum? Nunc me rege, & illa reuixit, ac statim caput sustulit vetus illa gloria nostra ac fortuna: & vultis illam & hanc iterum (nexa ea sunt) labi? Unus scelus commisit, & vos venire in consortium eius vultis? Nam assident inter se & pane paria sunt, delinquere, & tueri delinquentes. Nisi quod hic etiam maius peccatum, viam aperire & struere peccaturis. Summa est, milites: ego non feram, & me potius auferre. Moti sunt, & animos ponunt, rem ei permittunt. qui hominem carcere eductum audit, ac capitis damnat, damnati bona vitiae velut in dotem donat.*

ALFONSVS rex Hispaniae sed Imperator cognomento. quia huic dignitati destinatus, insignis æqui iustique cultor fuit. Exemplum. No-

I. *Lipsij monita*

bilis quidam in Galæcia, stirpe sua filius, & temporum perturbatione confusus, rusticulum bonis omnibus spoliauit. Prætozem ille adit, hic nobilem monet desistere & reponere: non audit, rex aditur. Iuber idem, nec obtemperat, in locorum longinquitate spem etiam ponens. At rex, ceteris omnibus omissis, priuati habitu, quo res occultior esset, Toletum in extremam Galæciam pergit. Militis ædes obsidet, dilapsumque comprehendi è fuga, & pro ipsis foribus laqueo suspendi, & cum ignominia strangulari mandauit.

VI.

In nostra uero Belgica BALDVINVS *Septimus* Comes Flandriæ, *Petrum* virum nobilem, & *Orscampi* toparcham, ob duos boues paupercule uiduæ reclamanti abductos, read eum delata, subito arripit iubet, & atroci morte puniri. Forte lebes aquæ feruentis in medio Brugensi foro erat, monetario puniendo destinatus: hunc sine mora hominem conijci iubet, sic ut erat, ocreatum, vestitum, gladio accinctum. Quid ais? sic calide, & an non temere? Nihil. nam inquisitio præcesserat, & culpæ conuictus, per aliam causam euocatus, pœnas sic luit: meo animo, recte & salubriter.

VII.

Ille IDEM undecim equestribus loci viros, quod tres mercatores per viam bonis, & deinde vita exuissent, vocatos in Palatium damnauit. Statimque se coram laqueis iniectis, destitui super tabulam annexos ad trabem iussit: ac manu tum sua tabulam subduxit, ac penfiles fecit suffocauitque. Rem laudo, modum improbo:

ac potuit debuitque manibus hoc alienis.

MON. II. *Sine affectu vel aspectu administranda.*

Quod nobili exemplo præiuit C. MARIUS, ille septimum Consul. Cimbricum terribile Romanis bellum erat, & ei, postquam aliorum ducum peractum esset, Marius præfectus. Fecerat Tribunum in legione sororis suæ filium, militiæ fortasse fortem, libidinis impotentem. Amare cœpit in legione sua. C. Plotium, tironem militem, & in flore adhuc æui: nam Romani ab anno decimo septimo eos scribebant. Igitur aliquoties tentare, & de stupro eum appellare: iste adspernari, & conuicio mox repellere. Tanto flagrantior, & ad imperij vim versus, noctu adolescentem in tabernaculum vocat: & capitale erat non parere Tribuno. Venit, & solita, audit & flagitij tentamēta, aut præmia: quæcū fortiter rejiceret, manus Tribunus iniicit, & vim parat. cum ille boni sanguinis gladio educto, *Virum me scito*, inquit: & Tribunum transadigit. Clamor in tabernaculo, tumultus in castris: nouum & atrox facinus omnes concitat, Tribunum à manipulari occisum. Ducitur mane ad C. Marium, qui forte ea nocte non fuerat in castris. qui tribunali consensu, voces & præiudicia militum audit, disciplinam castrorum, & suam etiam cognationem cogitat: atque omnia prædamnabant militem: sed eius innocentia, & Marij firma æquitas, eripiunt. Nam cum ille ægre & inuitus, sed victo pudore denique,

I. *Lipsij monita*

rem explicasset: Marius nihil cunctatus, sententiam & infamiam in defunctum vertit, & hunc noxæ absoluit. Absoluit tantum? imo: & laudatum corona donauit, cum elogio *Quod pulcherrimum facinus eo tempore edidisset, quo fortibus exemplis opus esset.* Maeste Mari! Pudicitia te amat, atq; ipsa Disciplina amat: quam soluisses, nisi sic soluisses.

II.

Talis ANDRÆ regis Hungariæ iustitia, nec in caussa nimis dispare. Iuit in terram Sanctam cum copiis, religione impulsus, & curam regni *Bancbano* commisit, fidei eius & vxore *Gertrude* commendata. Quæ apud eum sancta, non ipsam fuit. nam cum frater *Gertrudis*; adolescens lasciuus & petulans, absente rege, visum ad sororem venisset: illa iuueni gratificatura, vxorem *Bancbani*, pudicam ad id formosamque fæminam, fraudibus & pelliciis ei substernit. Quæ post facinus penitentia ducta, rem omnem marito exponit, & simul reginæ fraudes, & iram à se in illam vertit. Qua iustissima *Bancbanus* accensus, vt erat doloris recens, reginam adit, exprobrat factum & gladio vlciscitur. Cæde patrata *Byzantium* abit, *Andræ* regi occursurus, illac in *Syriam* tendenti. quem mox reperit, & rem aperit: illum vnum iudicem, & si meruit, vindicem poscit. Rex differt in suum reditum, & vultu atque animo composito: *Tu vero abi, inquit, & in regnum redi: vicem meam, vt ante, functurus. Nam reduci mihi, si Deus annuit, stat hanc causam cognoscere & decidere. Si innocens es, tunc*

libens absolvero: sin autem nocens, ne nunc quidem damnatum volo, nec expeditionem hanc in hostes fidei sumptam; Christiano sanguine auspico & perfundo. Vterque abiit: ille in Asiam, hic in Hungariam. & cum rediisset, causa serio inquisita & cognita, pronunciat, Uxorem suam iuste caesam videri. O multa in hoc facto insignia: Quod nihil sacrae expeditioni anteposuerit: quod suspectum, si non conuictum, iterum regno praeposuerit: quod amorem conjugalem Iustitiae postposuerit. Salve vel hoc facto magne rex: & tu C R O Y O R V M inclyta familia, ramus ab illa stirpe.

At O T H O N I S *Tertij* Imperatoris affectus, etiam in suo capite & salute, domitus Iustitiae cessit: si vera est narratio, quam ab illo aetno plures scriptores tradunt. Aiunt uxorem ei fuisse, parum casti corporis: & hanc cum ad *Mutinam* Italiae Imperator, esset, cuidam Comiti in iis locis copiam vsuramque sui obtulisse, sed repulsam tulisse. Id perdolitum faeminæ (veteres ab eo iras & calumnias scimus:) atque ausa est ipsa crimen ultro struere, & tentatae pudicitiae suae Comitem accusare. Imperator calide audit, credit, damnat, occidit. Comes tamen ante mortem rei seriem uxori suae aperit: & rogat ut mortuum vindicet, & famam, quoniam vitam non potest, seruet. Dat consilium, ut iudicio candentis ferri, Deo freta, rem committat: qui mos tunc frequens, nuper & hodie merito exoleuit. Ille ita moritur: & paullo post dies aderat, qua sollenniter Caesar ius dice-

III.

I. Lipsij monita

bat viduis maxime & pupillis. Vidua igitur Comitris, mandatum exsecutura, venit ad tribunal, & caput mariti occultum in sinu gestat. Stat ante Cæsarem, & veniam præfata rogat: *Ecqua pœna dignus esset, qui vitam alteri iniuria ademisset?* Hic Imperator: *Js quidem, liquet mulier,* inquit: *morte.* Tum illa, *Ergo pœnam hanc tu, Cæsar, te iudice subibis, qui innocentem maritum meum sustulisti. En caput, quod recidisti. Innocentem autem esse, quoniam testes & alia desunt, tractatione igniti ferri probabo.* Dixit, & sine noxa fecit: miraculum Imperatorem & adstantes commouit. sed hunc maxime, qui Deum etiam vindicem timebat. Itaque permittit se fœminæ, ut sua voce damnatum: sed veniam vitamque quattuor castrorum donatione redemit. Ea sunt in Etruria, Lunensi tractu, & *Decimum, Octauum, Septimum, Sextum* appellant: à numero dierum, quibus prorogationem supplicij à fœmina, ante plenam veniam, impetrauerat. Haud negauerim, à fabula quam historia hoc hoc videri propius: sed bonis tamen auctori- bus scripta, quæ culpa est describere.

III. Minus aspera, & ut sic dicam, Tragica sunt, quæ subiungam: sed in quibus affectus tamen egregie calcari. A R I S T I D E S Arheniensis, qui merito, & à pluribus causis, cognomine *Iusti* vindicat, iudex inter duos captus sedebat: cum aduersarius, ut illum aduersario suo alienum redderet, sibi propitium; multa dicere de hostili eius in Aristidem animo, & documenta adiungere. Sed ille interrumpens,

Quin tu, inquit, siquid te laesit, hoc dicis, & alia mittis? nam huic reſnunc ſedemus.

V.

GRATIANVS Imperator Romanus lepi-
de etiam hic luſit, & ablegauit mulierem ſtul-
te importunam. Acceſſit, & de marito queſta
eſt, & aſpera multa dixit. Ille placide, *Quid
hoc ad me mulier?* At enim ſubiecit ipſa, *etiam in
te male animatus eſt, & loquitur.* Ille iterum, *Quid
hoc ad te mulier?* & conſuſam irriſamque ſic di-
miſit.

MON. III. *Subtiliter interdum vel ſagaci-
ter inquirenda.*

I.

SALOMONIS regis Hebræi factum inno-
tuit, celebratæ ſubtilitatis in eruenda veritate:
cui æquitas comitem ſe dedit.

II.

GALBÆ Imperatoris. qui, cum de proprie-
tate iumenti quæteretur, incertis vtrimque ar-
gumentis, ita decreuit, vt ad lacum, vbi aqua-
ri ſolebat, capite inuoluto duceretur: atque
ibidem reuelato, eius eſſet ad quem ſponte ſe
recepſiſſet.

III.

Sunt alia huius generis: ſed omnia æquat aut
ſuperat. RVDOLFI Auſtriaci iſtud. Agebat
Noribergæ, & rebus imperij ac publicis inten-
debat: cum ad priuatas eum vertit leuiter
mercator quiſpiam, ius & vindictam petens
in hoſpitem ſiue diuerſitorem ibi notum, à quo
grandi pecunia fraudatum ſe aiebat. Nam bo-
na fide depoſuiſſe apud eum in ſacculo *ducentas
argenti ſelibras* (Marcas appellant:) quas ille im-
pudēter abnegabat, iniurioſe retinebat. Impe-

I. Lipsij monita

rator de fide dictorum rogat : ille affirmat , sed sua fide, nec aliis (vt solet fere in Deposito) argumentis. Igitur Imperator, re perpenſa, aſtum adhibendum cenſuit , & veſtigiis verum inda- gandum. Quærit ab homine , ille ſacculus ſiue vidulus cuiuſmodi eſſet? Deſcribit formã : nec aliud Cæſar , quam ſecedere eum in pròxi- mum cubiculum , & præſtolari iubet. Habe- bat in animo euocare hoſpitem , ſed Fortuna commodius inſtituit , & ultro ad eum mittit. Nam veniunt primarij vrbiſ ciueſ , vt ſolet, gratulatum Principi , & ſalutatum : inter quos iſte inſidus hoſpeſ. Norat adeo iam ante Cæſar , & vt comitaſ eiſ erat , benigne & per faceriaſ appellat : *Heuſ tu , ſcitum illic pilleum habes . mihi dona , & permutemus* Ille arriſit , pilleum libeſ dimiſit , & honori hoc factum duxit. Cæſar ſe- cedit paullum , quaſi publicum negotium a- uocaret : & fidum ac notum eiſ opidi ciuein , cum ipſo pilleo illo , ad vxorem hoſpitiſ mittit cum mandatiſ. *Heuſ matrona , marituſ iubet vt ſacculum illum talem ad eum mittas opuſ habet : & ecce teſſeram fidei meæ hunc eiſ pilleum.* Mulier ag- noſcit pilleum , & ſacculũ deſcripſerat : itaque nihil ambigens aſcendit , tradit , quaſi ad ma- ritum deferendum. At ille recta ad Cæſarem . qui vidulum vocato tunc denique mercatori oſtendit : & *Hicne eſt ? & agnoſciſ ?* Affirmat , ex- ſultat : tum & Hoſpitem Imperator adhibet , & *Hic* , inquit , *de te queritur , & perfidiaſ ac- cuſat : quid aiſ , & reſelliſ ?* Audaſter ille , menti- ri eum dicere , aut deſentire : nihil ſibi rei cum eo

esse, aut fuisse. Denique Imperator sacculum profert: ad cuius aspectum ille confunditur, & animo ac lingua labitur. Quid multa? mercator pecuniam, hospes infamiam recipit, atque etiam damnum. nam grandi pecunia alia Cæsar eum mulctat. At Rudolfus omnium ore & sensu laudem: & decantatum in Germania satis hoc factum fuit. Sed quoniam nunc, & ante, Principes dedi, qui ipsi & suo ore, statim & de plano ius dixerunt, oriri pro moribus nostris potest

Q V Æ S T I O.

An ergo deceat, aut expediat, ipsum Principem ius dicere, reddere?

Ego putem dicere, expedire, debere. Non alia res imperium magis asserit & ostēdit, quam hæc in bona vitamque nostram potestas: & cur Princeps cunctetur exercere? Expedi etiam. quia contra potentes sæpe causæ aguntur: nec minores illi aut delegati iudices, satis in eos oris, aut roboris, semper habent. Seuerior igitur ita, sed & breuior Iustitia: & tricus remotis supremus ille decidit. Addidi, debere. quidni? In *Politicis* docui, reges iustitiæ fruendæ causâ primitus institutos. Si hoc fine, cur munus suū refugiant? Homerus audiatur:

Εἰς βασιλεὺς, ὧς δὲ καὶ κροῖς παῖς ἀγκυ-
λομήτω

Σκῆπτρον τ' ἠδὲ θεμιστὰς, ἵνα σφίσιν
βασιλεύῃ.

I. Lipsij monita

*Vnus rex, cui concessit Saturnia probes
Sceptrumque & leges, ut iudicet & domi-
netur.*

Leges & iura Deus in manu eius, cum sceptro posuit: hoc ostendit & præfert, illas aliis demandet? Non debet: & vel veteres ab omni quo in omni fere orbe, reges videat: ius ipsi dixerunt. Hæc & plura in ista parte sunt: sed & alia acres habet assertores. Aiunt incommoda multa fuisse, & esse, si Princeps iudicet, iisque animaduersis, ad hodiernam hanc rationem ventum. Primum ecce, da imperitum Principem, qui par erit? qui non faciet recta curua? Item, da ineptum in sermone, in gestu: quid nisi iirisui se exponit? Amplius, cræbra hæc ostentatio sui, & in populo locutio, nonne vulgat Principem, & detrahit maiestati? Quarto, vel seuerè iudicabit, & Odium pariet; vel remisse, & Ius violabit. Melius ergo res asperas, & sine bona gratia, in alios inclinari. Quinto denique, sunt nunc Curia maiores minoresque, & cuique rei stata sua iudicia: quid Principem in nouas curas arcessimus, varie & affatim distractum? Quin melius tutiusque nil nouare, & siquid in iam statutis labat, firmare & vincere. Ista nec male, nec abs re prorsus dicuntur, fateor: sed responderi tamen potest, & iustitiæ causa, debet. Primum de Imperitia, dico. plurimum & Principem, & quemcumque alium, natura duce in magnis aut enormibus causis iudicare posse, nec opus grandi sciëntia (ad hanc rem) Iuris & Legum.

Da simplicem, da probum, affectuum expertem: audeo dicere, rara causa erit, in qua verum, aut quod iuxta verum, non videbit. Imo Deus plerumque inspirat, & talibus mentem mouet. quod sacer ille scriptor voluit: *Divina* Prov. cap. 1
tio in labijs Regis: in iudicio non errabit os eius. Et ta- xvi.
 men fac interdum caligare: quid? nonne in aperto remedium, & damus ei Adseffores? damus, committentur eum ad hec talia exeuntem, nec auxilij solum causa, sed decori. Atqui in Ser-mone aut gestu, aliquis ineptus est. Scio esse, & tamen si alibi loqui eos deceat; hic vel maxime in re seuera, graui, paucorum verborum. Itaque aut Principem talem mutum, nisi forte in cubiculo, faciant: aut patientur & hic loqui. Er si talia exempla rara sunt: cur adducimus, aut insistimus: Ad tertium, Vulgat se nimis ira Princeps. Fortassis, si in rebus alijs: at hec per se talis est, vt reuerentiam sui gignat, vel terrorem. Videmus in cottidianis istis iudicijs, quam plebecula eos veneretur & timeat, etiam illa innoxia, & cui nihil cum ijs negotij est aut fuit. Bene à Deo ita facti sumus, vereri hoc numen & nomen ipsum Iustitiæ, & quicumque ei administrant. Quanto magis in Principe, si se non mandare tantum (in occulto id fit) sed exercere, cum summa potestate, ostendat? Et sane nihil hic familiariter aut comiter fit: verba, gestus, aspectus, apparatus, omnia tristitiæ aut seueritati propiora. Ergo hoc facessat: quartum videamus, de Odij metu. Incurret in id, inquiunt, si seuerè iudicat: in Iniustitiam, si re-

I. Lipsij monita

misſe. Extrema accipiunt, & eunt extra ipſas Iuſtitia metas. Quid? an ſemper damnationis materia? fac eſſe: in ea ipſa certe alter ſic deprimitur, vt alter alleuetur. Hunc lædis, illum iuvas: ergo ab illo Odium, ab hoc Gratia, paria ſunto. Sed nego etiam in Seueritate crebra, odia excitari populariter: & contra eſt in rectis animis, qui acclināt ſe magis ad tales & attrahuntur. In aſpectu illa offendunt; cogitata & cum uſu publico collata, delectant. Videſne vt in medicina quoque triſtia & tæta ſæpe propinentur, ſed ſalutis cauſa? itaque ab hoc fine, adeo non odimus medicos, amamus & laudamus. Simillimum in Iuſtitia: à cuius acerbæ ſectione aut uſtione ſalus generis humani pender: & quis id vel è plebe neſcit? Iam de Remiſſione, non abnuo naturas quædam ad mitiora ſemper inclinare: & quid mali erit? imo ſit nobis talis Princeps. Nam hunc ſic clementem ratio tamen reget, & norma iuris & legum excitabit: nec deerunt, qui ad utiliora & triſtiora, cum opus erit, ſelectent. Aliqua vero interdum remiſſio, plane ex uſu erit, ſi tamē terror iſte, & ſub magno Iudice, præiuit. Ignouit illi Princeps: ſed metu, ſed ignominia perſuſo. Ignouit illi Princeps: ſed Princeps, id eſt ſine corruptela, aut affectu alio ſordido, humanitatis tantum amore. Hoc ipſum quam Amorem omnium conciliet? & verum eſt, ſi opportune adhibeatur. Vltimo, nobis Mos opponitur, & Conſilia ac Curia iam definite. Equidem cum More haud temere pugnem: ſed

quam verusto? Aui vel proaui nostri aliter fecerunt: vide quam longinqua repetamus. Quin totum hoc de perpetuis Curiis iudicium, nuperum est, & è Gallia ad nos manauit.. Concludimus, & moderamur: Principem de core & vtiliter ius dicturum, sed aliquando: id est, vel certis temporibus, vt id sciri possit, vel in caussis grauibus, siue atrocibus? vel denique, contra potentes aliquos, & partibus graues, *Caroli Magni* legem quæ extat, traxerim in exemplum: *Hoc missi nostri notum faciant Comitibus & populo, quod nos in omni hebdomada vnum diem ad causas audiendas sedere volumus. Populo autem dicatur, vt caueat de alijs causis ad nos reclamare, nisi de quibus aut missi nostri, aut Comites, eis iustitiam facere noluerint.* Ecce erant illo æuo passim in opidis & pagis etiam Comites siue *Grauior-nes*, qui communiter ius dicebant: interueniebant extra ordinem & *Missi* siue Delegati à Principe, qui idem. At *Carolus* ipse tamen audire causas voluit, idque hebdomadatim: causas scilicet grauiiores, aut in quibus læsio aut iniuria interuenisse ab ipso iudice videbatur. Si non alius in hac re fructus, quantus iste esset? Coercere hoc modo iudices, & vigilantes attentosque reddere: cum Principem cogitarent iudicij sui iudicem, & forte vindicem mox futurum. Sed exempla, pro instituto, hic addamus.

PHILIPPVS MACEDO, de communitunc more, crebro iux dixit. Sed cum forte in via, & alio festinantem, mulier de re sua appellasset, ne-

I. Lipsij monita

gavit *Sibi vacare*. Tum illa audacter: *Noli igitur regnare*. quasi admonens, siue exprobrans, regium hoc ita munus esse, vt sine eo legitimus rex non esset. Admisit, & mulierculam statim audiuit, & si quis alius inibi vellent.

II. Aliter DEMETRIVS *Poliorectes*, in eadem Macedonia rex: qui per proteruiam illudit etiam supplicibus. Nam cum libellos adeuntium benigne in via accepisset; quasi lecturus, & cogniturus: mox cum ad pontem Axij fluminis venisset, excusso chlamydis sinu; omnes in subiectam aquam abiecit. Non impune. nam Macedones, qui talem *Philippum* suum non viderant siue audierant; mox ipse illo ad *Pyrrhum* transierunt, & Iustitiæ desertorem deseruerunt. Merito; merito. sic habeant, & luant.

III. A V G V S T V S Cæsar, quàm aliter: qui ius dixit assidue (ait Suetonius) & in noctem nonnunquam. Quod si infirmior etiam esset, & à corpore minus valeret; lectica pro Tribunali posita, & in ea recubans, vel etiam domi, ius reddebat. Quid ad hanc diligentiam addi potest, præter *Euge*; & *Belle*?

III. Iam C L A V D I V S Imperator item assiduus. imo & suis suorumque sollennibus diebus, atque adeo festis & religiosis, non abhorruit iurisdictionem.

Y. Omitto vetera. in ipsa Gallia vicina, CARO-
L V S *Octavius* patrum ævo rex; sub finem vitæ rebus iam attērior, omnibus septimanis binos dies destinavit iuri in publico reddendo: idque

aditu tam libero, ut nemo vel è facie plebis regio conspectu & affatu arceretur.

Sed dixi, vtiliter imo necessario (quid enim si res subtilis, aut in legum ambiguitate sit?) Adseffores adhiberi. quod plerique Romani Principes, aut prouinciarum Præsides, fecere. Lamprid. in eius vita.
Imo ALEXANDER SEVERUS negotia & causas prius à scriniorum principibus, & doctissimis Jurisconsultis, & sibi fidelibus, quorum primus tunc Ulpianus fuit, tractari ordinarique, atque ita ad se referri precepit. Prouide. ius ipse dixit, sed inquisitum prius & euolutum. Sed alia hic etiam

Q V Æ S T I O.

An curias, & ordines Iudicium perpetuos esse conueniat.

Hodie sic habemus, nec cum Princeps intendit, & velut censuram interdum exercet, improbemus. Tamen suæ etiam rationes sint improbanti. Ut, quod tempore omissiores segniorisque fiant: & assidua Iustitiæ tractatione, minus eius reuerentes. Redditur enim cottidianum opus, & cum tædio aliquo aut fastidio vsurpandum. Secundo, factio aut coitio facile oriri potest, & superba etiam quædam dominatio. quod Linius notat in ordine iudicium perpetuo apud Carthaginienses: & qui unum eius ordinis, idem omnes aduersos habebat. idque inter causas lapsæ illius reip. quidam habet. Tertio, corruptelæ interueniunt: & quibus ex diuturno

Lib. XXIII.

I. Lipsij monita

nitare securitas adest, facile aures & manus ijs laxant. Itaque ut in aliis imperiis, brevia plerumque meliora, & peccare minus obnoxia: ita quidā hic cēsent, & mutandos esse. Romani ita. qui Decurias Iudicum scribebant, ex honestissimis, & ex censu (ne paupertas ad culpam impelleret:) sed non eas omnes ad fidue iudicare volebāt, dumtaxat quotannis certum & necessarium numerum sorte legebant, reliquis tunc feriatis. Sed re tamē bene examinata, cum iam ad hanc multitudinem legum, & ex ea triacas aut captendulas ventum: bonum est perpetuos esse eosque iuris bene peritos. Quod ad *Omissionem*, aut *Coitionem*: Princeps facile arcebit, si, ut dixi, iis intendit. Quod ad *Corruptelam* idem, si stipendia & præmia digna donat. Operæ est ex Annalibus Turcarum inferere, quod huc mire facit. BAIASITES *primus*, cum fraudes & iniurias *Cadiorum* suorum (ita Iudices vocant) sæpe iam audiret: commotus denique *Neapolim* omnes ad se venire iubet, ibi in domum quādam includi, & igne iniecto comburi. Faciendum erat: cum *Alis* Bassa, vir prudens, rationem quæsiuit, & repperit, Principis molliendi. Habebat Baiasites Æthiopem puerum, garrulum & lepidum, inter delicias: hūc instructum quid diceret, faceretque, ad Principem misit. Venit igitur in meliore veste, & ornatu omni: *Quid hoc rei?* inquit Princeps: *quid extra morem hic vestitus?* Æthiops: *Ut peregre eam, & ableger à te ad Imperatorem Constantinopolitanum.* Princeps, *Ad illumne hostem nostrum?*

nostrum? quid factururus? *Æthiops: Nempe* * *Calogeros*
aliquos arcesiturus, ut nobis ius dicant: quoniam Ca-
dios tuos omnes vis occisos. Princeps: At ô mi *Æthio-*
pille, numquid isti periti legum nostrarum sunt? Hic
Alis Bassa opportunè interloquitur: Et non sunt
ô Domine: cur peritos igitur tollis? Nam, inquit, cur
male iudicant? Iterum Alis: Ego Domine caussam
edam. hi nostri stipendium è publico nullum accipiunt,
capiunt igitur mercedulas à privatis. Hoc corrige, eos
correxisti. Placuit consilium Baiasiti: vitam illis
dedit, Alii potestatem in hac re, quod ex usu
esset, statuendi. Ille decrevit (& postea mansit)
Ut cuiusque hereditas tot millium *Asporum* *obue-*
nisset, is in singula millena Cadio suo daret *Aspros* *vi-*
cenos. Amplius: Ut in matrimoniorum, & eiusmodi
contractuum, instrumentis, item videnos. Ita inopia
fabuentum, & simul Iustitiæ quæ laborabat.
Alia munera nefas accipere, nec certe, quocum-
que colore aut velo, decet. Ægyptius rex Iudi-
ces sculpi fingique iussit, velatis oculis, truncos
manibus: significans, nec affectu flecti, nec mu-
neribus capi debere. Aliquid laxant quidam,
ut dumtaxat leuia munera, & cibaria. item post
sententiam latam: quæ talia, quid nisi rimam
primo, tum ianuam patefaciunt corruptelæ?

* Sunt mo-
 nachii Gra-
 corum aut
 religiosi.

DE LEGIBVS.

Eas nec multas, nec item lites, probari.

CAP. X.

LEges in republica, vt medicamenta, esse debent: atqui nec hæc multa aut varia probetur: non item illæ. Plato verissime: *Οἱ πάντες πλείστοι νόμοι, καὶ δίκαια τῶν τε τούτοις, καὶ βίῳ μοῦ θνητοῖς*: *Quod ubi plurima leges, ibi et lites, itemque mores improbi.* Deus bone, quam rem tetigit! & vsus vbique gentium, aut temporum, hoc affirmabit. Maneamus in Romana republica. paucas ea initio habuit: paullo plures Decemviri addiderunt: & ita ad Principes fere mansit. Tunc sane plures: & à Iustiano plurimæ, quibus vtimur: *Lothario* Imperatore, cum diu siluissent, eas reducente. Nam Gallia, Hispania, Germania, earum ad id æui fere expertes erant. Receptæ igitur sunt: & quo fructu? Certe illo litium, nemo negauerit: quæ ex eo nimium quantum succreuerunt. Europam vide, & mentior, nisi maxima eius pars circa istas occupatur. Alij iudicant, alij instruunt, alij agunt, & , qui miserrimi sunt, eas habent. Bone Lothari, manes tui per me quiescant: sed rosæ aut lilia sepulchrum tuum non ornent, qui tot tricas & spinas nobis seuisisti. Nam quæ tam clara caussa est, quæ non aliqua lege, lege? imo interpretatione (nam

& has admilimus) obscuretur? Quæ tam improba, cui non dent colorem? Ars enim facta est Caussidicina, & perite captare aut capere laudem habet. Atqui opus est, inquit, multitudine: vt varij factorum euentuumque velut vultus & species discernantur. Nam si pauca leges, quid an iudici libera pleraque relinquentur? fenestram siue ostium ad iniquitatem pandemus? Non ego censeo: sed neque sic iudicem coerceri. Obsecro, quæ illa copia est, quæ omnia comprehendat, aut distinguat? Ipsum Iustinianum ius vide: hic deficit, & multa ex similitudine, aut obscuris ex eo argumentis, iudicantur. Imo vbi copia, plus intricati erit: & semper argutia aut calumnia in sinu aut recessu huius illiusque legis latet, & se defendet. An non videmus cottidie præter ius illud Romanum, Statuta & Decreta opidatim, pagatim, popularim habemus: claudimur vndique, & velut obsidemur, à legibus: at litium tamen copia, quanta non alio æuo, & controuersia assidue super ipso iure, aut querelæ. Pulcherrima Strabonis nota est, & vel aureis litteris signanda: *Zaleicum illum Thurijs olim PAVCAS & SIMPICES leges dedisse, sed secutos, alias per subtilitatem & nimiam curam addidisse: ex quo factum sit, vt celebres magis quam boni redderentur.* Additque dogma quantiuis pretij: *Εὐνομεῖται γὰρ, & τὰς ἐν τοῖς νόμοις ἀπαντὰ φυλάττομαι, τὰ τὸ στυχεφαντῆς, ἀλλὰ τὰς ἐμμένοντάς τοις ἀπλῶς κειμένοις: Bonis enim vt legibus, non qui omnes ijs sycophantias aut calumnias cauēt*

Lib. vi.

1. Lipsij monita

*& excludunt, sed qui SIMPLICITER LATIS
firmiter inhaerent.* Oraculum est, oraculum. non
multæ leges bonos mores, bonum ius faciunt:
sed pauca, fideliter seruate. Atqui interueniunt
calumniæ. Quid igitur? quo fine iudex? quo fi-
ne Princeps est? ille vir bonus, & os Iustitiæ:
iste potens, & uia ipsa lex, an non verbo vno
decidet? Et da, quod alibi male: quid magni
mali est? primum in re obscura, & in qua haud
valde interfit, Titius an Seius vincat. Deinde
(vëra dicam) in re parua: in agello, in prædiolo,
in pecuniola: habeat, cui iudex donat. Absit
tantum aperta iniquitas: neque aliter in maxi-
ma orbis parte hodie viuunt. Alterum in Pla-
tone, de Moribus malis, palam verum. Impro-
bitas huic Caussidicinæ adhæret: excipio sem-
per eos, qui ex dignitate & veritate ius habent.
Ecce, vbi lites, nonne discordia: nonne odia
deinde iniuriæ, & sæpe cædes? Platonem ite-
rum aduoco: Οὐκ εἰσι ἄν ποτε πολῖται φίλοι,
ὅπως πολλὰ ἰδὲ δίκαι ἐν ἄλλῃ ἡλοῖς εἶεν, ἀλλ'
ὅπως ὥς ὅτι σμικρόταται καὶ ὀλίγηται: *Non fue-
rint concordēs vniquam aut interamantes ciues, vbi
mutuæ multæ lites iudiciales sunt, sed vbi eæ BRE-
VISSIMAE, ET PAUCISSIMAE.* Nota hæc
vltima: vult non Paucas solum lites, sed Bre-
ues. Ego tecum: nunc vbi sumus? vna aliqua lis
Mëtonis annum tenet. Fit inuolucris legum,
fit sordibus aduocantium: & comperendina-
tiones istæ ad quæstum & lucellum eunt. Per
Symplegadas, nauigatur Colchos & aureum
vellus. Quid iam in ipsis litigantibus? peruica-

v De Le-
gib.

cia est, & sæpe impostura, aut improbitas: neque enim bona Conscientia (ait scite Celsus) sed victoria, litigantis est præmium. Enimuero nec publice sic expedit. nam quanta pars hominum in istis dedita? in scholis, in foris, in curijs: & pulchrius meliusque sit, in agricultura, in mercatu, in militia, & quæ maioribus nostris studia fuerent. Ut concludam (& satis fucos irritaui) Princeps lites minuat, Princeps & leges minuat, pro meo sensu. Ut imputata vitis late se spargit, & infructuosa est: sic Ius profecto illud vetus, & labruscas iam pro vuis gignit. Iustinianus ipse olim reformauit, & nouauit: ante eum Theodosius: post utrumque Carolus Magnus, & tum Fridericus, Imperatores: denique in Hispania rex Alfonsus. Quid Principibus hodie potentibus & magnis, non idem ius sit: habent, sumant. His Monitis robur ab exemplis etiam demus.

C. IULIUS Cæsar destinabat (ait Suetonius) ius Civile ad certum modum redigere, atque ex immensa diffusaque legum copia, OPTIMA queque & NECESSARIA in paucissimos conferre libros. Fata inuiderunt.

VESPASIANVS, post bella ciuilia, cum litium series ubique maiorem in modum excreuissent (iterum Suetonius) ipse sorte elegit, qui iudicia, quibus peragendis vix suffectura litigatorum ætas videbatur, EXTRA ORDINEM diiudicarent, redigerentque ad BREVISSIMUM numerum.

Et vero extra ordinem sic eligi, ubi reformatione opus, vtile: fecitque IUSTINVS Europa-

I.

II.

III.

I. Lipsij monita

lates Imperator Byzantij. Cum enim ipse mor-
bido corpore esset, ac raro ius diceret: iniuria
& lites creuerant, adeo vt pro desperata res pæ-
ne (Byzantij præsertim) videretur. Ecce a-
dit eum quidam, & ingenium operamque ob-
tulit ad coercendum, ea lege, vt ipse Præfectus
plena potestate in tempus certum esset. An-
nuit Imperator, sumit potestatis insulas, &
pro Tribunali sedet. ac primo accusatur ex
composito apud eum vnus ex illustribus Sena-
tor, in Aula ipsa graciosus: accusatur, spernit se
sistere, & contemptim, præter ipsum Tribunal,
in Aulam pergit. Pergit ex templo & Præfectus,
videt Principem in conuincio, & ibidem hunc
reum. Nihil deterritus: *Imperator*, inquit, *iuri*
dicendo Præfecturam à te habeo: & ab ipso te auxi-
lium & præsidium merito sperabam. Nunc quid? vi-
des his oculis homines palam iniurios, & legum non
fractores solum, sed spectatores aut illusores, in tua domo,
gratia, mensa esse. Itaque insignia hæc tibi habe irrita
potestatis: ego abdicō. Imperator mirari, & excita-
ri: *Tu vero*, inquit, *quod es esto: & ius tuum vel in*
me, quidni meos? exerce. Duc si peccau, sequor: duc si-
quis hic alius, & sequetur, aut trahetur. Præfectus
iam animi erectior, oculos & manus in illum
Senatorem conijcit, per apparitores reniten-
tem etiam trahit: atque in iudicio conuictum
damnatumque, primum verberibus afficit, tum
& grandi pecunia mulctat. Hic ictus, qui tam
validum illum concusserat, multos terruit:
& in paucis diebus vim & vitam Iustitia re-
cepit.

Sed de ijs, qui lites aut leges minuere voluerunt, CAROLVS etiam *Nonus* in Gallia nuper fuit. is prurigini sistendæ, vectigal iudiciarium excogitauit, *Ut quicumque litem ordiretur, deponeret et dependeret in fiscum Regium duos aureos, recipiendos si iure litigasse indicatus esset: si aliter, omittendos.* Sed non diuturnum id fuit: & leue etiam remedium in grandia & vetera mala.

Seuerius, & fortasse vtilius, illud IACOBI Aragonum regis, qui litibus & litigiosis semper infensum se præbuit: & ex ijs *Semenum Radam*, insignem & primarium ea atate Iurisconsultum, quod eius argutia aut malitia multi se afflictos quererentur, Præuaricatoris lege postulatam, regni finibus eiecit.

V.
∞.CCC.
XXVI.

Quid GALEACIVS Dux Mediolanensium? cum aliquoties audisset vasto ingenio Caussidicum esse, qui lites serere, & satas producere atque alere, etiam in liquido iure posset: hominem ad se accitum affatur. *Debeo, inquit, Pistori meo centum aureos. non lubet soluere: tu ecquid tueri me in iure, & rem protollere potes?* Annuit largiter, & Principi prompte se dedit: sed iste ei malum. Nam fraudis sic confessum, verbis prius increpitum, laqueo publice necari iussit.

VI.

Heu, percutiunt hæc aures rabularum! desino: si MAHVMETANVM siue *Turcicum* iudiciorum morem, & in ijs breuitatem, explicaro. Qui alium in ius vocat, ne lictorem quidem aut publicum apparitorem adhibet ad vadandum: sed ipse aduersarium adit, & coram testi-

VII.

I. Lipsij monita

bus ad Dei Iustitiam (sic loquuntur) vocat. Hic nec verbo refragari ausit, sed statim vna ad Iudicem siue Cadum suū eunt. Ille autem semper paratus, totum diem ante aedes, sub recto aliquo sedet, & copiam sui facit. Isti, nullo aduocato aut causidico, quisque rem suam narrat: testes, si eos habent, adhibent: iudex, ibidem re pensitata, in hanc aut illam partem decedit. Quod postea aliud alleges, aut approbes, nihil est. arbor ea cecidit, releuari aut erigi ultra non potest. Quid? inquires. non interdum Iudices improbe, aut improbi: credo esse: sed in rebus humanis nihil sinceri est, & eligenda quæ minus noxæ habent.

DE IUSTITIA DIVINA.

Atque eam rebus interuenire.

CAP. XI.

PRincipi Iustitiam commendauimus: sed vt magis, discat à Deo interdum asseri, si quis violat, aut contemnit. Exempla mira, & supra fidem videantur, sed fidis, aut certe priscis, auctoribus scripta.

Friderico Enobarbo Imperatore, Antistes Moguntinus fuit **HENRICVS**, vir pius, tranquillus, suarum rerum: & ideo Romæ accusatus vt ineptus siue inutilis mūneri, quod gerebat. Accessit *Arnoldus* qui postea in locum eius venit, & fertur ab ipso Henrico missus ad purgandum,

igni oleum addidisse: & purpuratorum quosdam patrum corrupisse, & in se vertisse. Eo ventum, ut Cardinales duo Moguntiam missi, de causa quæsiuerint, Henricum damnarint, abdicarint, Arnoldum illum subrogarint. Henricus patienter id ferens, hæctenus questus est, ut diceret: *In iuste iudicastis. appello igitur ad IESUM CHRISTUM, æquissimum iudicem, ibi me respondurum exhibebo, venite.* Illi ioco eludentes: *Cum præcesseris, nos sequemur.* Profecto factum est. nam ille post annum fere & dimidium fato concessit: & rumore ad aures Cardinalium delato, iterum illudentes, *Ecce præcessit, inquit, nos sequemur.* Secuti sunt, & vno die vterque subito obierunt. Addunt Annales de genere mortis, quæ fileo: nec assensum huic narrationi firmiter etiam dono.

Firmius Lamberto Schafnaburgensi, egregio, ut illa tempora tulerunt, scriptori: qui narrat II. ∞. LIX.
 BURCHARDUM Episcopum Halberstadiensem iniquam diuitem cum Abbate Herueldensi fouisse, super decimis Saxoniae, quas Episcopus monachis ereptum, sibi vindicatum manu magis, quam iure ibat. Neque spes aut ratio erat valenti aduersario resistendi: cum Abbas, paucis ante mortem diebus, Comitem Palatinum Fridericum ad se vocat, & extrema hæc mandata ferre Antistiti rogat: *Se quidem lite imparcm, lege meliorem, cedere: atque etiam vita cedere. sed Deum iudicem futurum, ad quem appellaret Pararent igitur se ambo, ut causam in Tribunali dicerent, ubi gratia & potentia spretis, sola Iustitia posset polleretque.*

I. Lipsij monita

Neque diu post Abbas ipse febricitavit, statimque Antistes, cum equum conscendere vellet, ut fulmine ictus, concidit: desinitque in vocibus, *Abripi se ad divinum tribunal, ibi iudicandum.* Hæc mira quamquam, fidem merentur à tradentibus, & ex usu etiam vitæ est credi.

III.

∞. CCC.

XIII.

Certissimum vero habetur, quod CLEMENTI Quinto Pontifici max. euenit. qui cum *Templarios*, cœtum religiosum, & diu bonum atque utilem, Viennæ in concilio damnasset, & in sodales ferro atque igne passim vel animaduertisset, vel (ut alij) sæuisset: à pluribus eorum citatus ad Tribunal superum, paullo plus anno post obiit, quasi ad vadimonium obeundum à supremo Præatore arcessitus.

IIII.

Sub idem tempus (quod admirationem augeat) in eadem causa PHILIPPVS rex Galliarum: cui bono damnationes illæ fuisse putabantur, opibus ad eum translatis & confiscatis. Si à casu, miremur: si à Deo, vereamur.

V.

∞. CCC.

XII.

Atres etiam nota, & cognominè prodita in FERDINANDO Quarto Hispaniæ rege, ipso illo ævo, si non anno. Bello & pace bonus habebatur, sed in iudicando præceps aut rigidus, & ad sæuitiam inclinare videbatur. Fuit ut *Carualij* duo fratres, *Petrus* & *Ioannes*, suspecti essent in occulta cæde *Benavidij*, primarij viri inter nobiles. Sed suspecti: neque testibus, aut aliis probationibus conuicti, neque crimen sane, vel in vinculis, fassi. Tamen, ut rex erat, duci eos iubet, & de rupe alta præcipites dari. Cū id fit, clamant & vociferantur, *Innocentes se meri: & quoniam regis*

aures iustissima defensionis obstructa essent, sese, igitur ad summum Iudicem prouocare; & regi diem dicere, ab isto (qui sibi ultimus esset) trigesimum. Dicta nihil valuerunt, sententia tenuit: etiam ipsorum vadatio, nec tempore nec die fallax. Nam cum rex, animi securus, Alcaudem in castra abiisset, contra Mauros: ibi morbo statim tentatus, sed leui, Giennium se contulit: atque ecce VII. Idus Septembris, id est, ipso trigesimo à supplicio die, in lecto exanimatus repertus est, in ipso ætatis flore, annos natus XXIII. menses nouem. Quis neget diuinum, aut Geniale aliquid, hic interuenisse, sed supremo Numine consciscente?

Discite Iustitiam moniti, & non temnere diuos.

DE CLEMENTIA.

Eam quoque Principi decoram utilemque esse.

CAP. XII.

DE CET sane magnos animos & fortunam lenitas: &, quod notes, non nisi in eos cadit. Barbari aut viles homines, ubi licentia adest, plerumque sæui sunt: mites in ea & moderati, ingenui sanguinis & stirpis. Sed quid? inquires: ad hanc ego Principes inuito, quæ aduersa Iustitiæ, & soluere eam videtur? Videtur: in re non facit, imo eundem vtraque finem & scopum habet. Iustitia seueritate & metu emendat: Clementia benignitate & remissione.

I. Lipsij monita

11. De cle.
cap. 111.

Ille pœnam, hæc veniam dat: sed cum iudicio
utraque, & ubi debet, & addam, à quo debet.
Non enim quorumvis est Clementia, sed eo-
rum qui in suprema potestate constituti sunt,
& temperare aut flectere ex usu aliquo leges
possunt. Est, ut verbo dicam Principum. Itaque
definitur à Seneca, *Clementia, lenitas superioris in
inferiorem, in constituendis pœnis.* Ais, *constituendis* in
parte verum est: sed adde & partem alteram, *in
remittendis*, nam & Clementia hoc solet. Sed est
superioris: & nihil pulchrius, ait idem Sôphus, *in
fastigio collocatis, quam multarum rerum veniã dare,
nullius petere.* Quarum autem rerum? nec enim
omnium, & multas lex adstringit non resoluenda:
sed earum fere, quæ Principem ipsum tan-
gunt, ut sunt Iniuriæ, Calumniæ, Violentiæ: &
quæ alia meritam pœnã habeant, sed contentus
potestate, remittit & donat. Cogitat publicum
se parentem esse. ut autem priuari isti parentes
liberos peccantes sæpe castigant, interdum vir-
gas modo ostendunt, & metum incutiunt pro
pœna: sic ille facit, & faciendo sic emendat. Mi-
rum enim & varium ingenium hominum.
quosdam benignitas, & ex ea reuerentia, quos-
dam seueritas, & ex ea terror, meliores faciunt:
Princeps utitur omnibus, ad dictum hũc usum.
Est & communiter illud dogma verissimum:
*Verecundiam peccandi facit ipsa clementia regentis: &
in domo mea ac familia sum expertus.* Plura
super hac Virtute liceat: sed pudor sit post Se-
necam, cuius aurei libelli duo, & Principibus
merito legendi, satis eam reuelant. Nos Exempla,

pro more, demus: & quam multa ea sunt? & nemo magnus laudatusque Princeps sine istis.

Sed agmen ducat diuinus ille dux, MOSES.

Qui cum populum ex *Aegypto* caelesti voce & monito, claris miraculis adstipulantibus, eduxisset: isti tamen idem idem ingrati, refractarii,

I.

rebeldes erant. Nunc carnem, nunc panem aut aquam petebant: & ita petebant, ut voces proteruas, & pœne lapides ac manus in illum mitterent: sed tamen illa, & veniam etiam dedit.

Nec vulgum modo procacem habuit: etiam procures, etiam proximos. & ecce *Aaron* frater,

& soror *Maria*, in mitissimum virum insurrexere: qua causa? priuata, & leui, quod *Æthiopis*

sam quæ animo eius collibita esset, uxorem duxisset. *An huic soli*, inquebant *Dominus locutus est*:

nonne & nos caelestem vocem auribus his accepimus? Et iã se *Mosi* nō opponebant solū, sed æquabāt: cū

Deus pro viro mitissimo super omnes homines (ita Scriptura appellat) iratus est, & Mariã virilagine ac

lepra subito percussit. Quæ sic cū fratre ad sanitatē mentis reuersa, ad *Mosem* respexerunt, ille

ad Deum: & post septem dies, precibus eius sincera puraque à morbo apparuit. Quid plures

seditiones enumerem? fuisse enim plures: sed *Moses* ille semper in mansuetudine constans,

vsque eo amans & ignoscens suorum, ut *Dei* iram vel hac voce sedaret, *Dele me*, inquit, *de libro vita*, potius quam ut hos tollas. O vere diuine

vir! non nisi ab æthereo Spiritu hic spiritus: & venerari magis in hac parte te fas, quã imitari.

Tamen & *DAVID* imitatus est: quis? ille

II.

I. Lipsij monita

quoque Deo & cælo plenus. qui, cum *Absalomus* filius fratrem *Ammonem* proterue in conuiuio interfecisset, & triennio apud auum maternum in Syria exsulasset, fractus & misertus reuocauit. Quid tamen? ille à scelerè ad scelus maius, quasi gradu facto, properat, & regno patrem pellit: vita quoque, si potuisset. Dauid arma necessaria capit, *Joabum* Præfectum militiæ cum dilectis viris in illum mittit, sed cum mandato, *Seruate mihi puerum Absalomum*. Adeo nec in iram, nec in vindictam exarserat, vt tunc quoque, cum ambiguo euentu arma caperet, sollicitus de venia magis, quam de victoria esset. At Deus pro illo exarsit & vindicauit, & filius non filius interfectus est: scis quam inuito & dolente? Luctus eius in publico, & istæ voces: *Fili mi Absalome, Absalome fili mi! quis mihi tribuat, vt ego moriar pro te Absalome fili mi, fili mi Absalome?* Proh superi! vbi Orientales vos Reges, & hodie Turcici estis, qui patres, liberos, fratres interficitis, prompti libentesque pro regno? iste nec insidiatorem sceptri & vitæ, vita vult exutum: & exutum veris lacrimis lūget.

III.

Exempla hæc pæne supra hominem: at nostra fortis PERICLES fuit, qui morti iam vicinus, & spiritu ac vita abeunte, cum amicos assidentes queri & lamentari audiret, atque alium prudentiam, eloquentiam, victorias, alium alia laudare: ille modice erecto capite, *Et quid hoc est?* inquit: *aut parua aut fortuita laudatis: at illud maximum omittitis, quod nemo mea opera pullam vestem sumpserit.* Mirum iudicium! hoc vir ille magnus

in summis suis laudibus ponebat, quod comis in omnes & humanus, numquam acerbiter aut vindictam exercuisset. Maeste Pericles! vel hoc nomine cognomen *Olimpij* meruisti: qui sic extra istos turbidos affectus, ut nulla non dicam crudelitas, sed asperitas, mentem tuam obnubilarit.

PHILIPPVS Macedo, non maior Alexandro: sed fortasse melior, & certe moderatior: is, inquam, Philippus famam & immortalitatem vel sola hac virtute meruit. Amici stomachabantur & deferebant, quod Peloponnesij tot beneficiis affecti, criminarentur eum, atque adeo ludis Olympicis exhibilarent: ille in iocum rem vertit, & *Quid ergo, inquit, facient, si laesi à nobis fuerint?* Idem, suadentibus, ut seuerius paullo cum Atheniensibus ageret palam ingratissimus: *Nihil agitis, inquit: an ego qui ad gloriam omnia refero, theatrum gloriae meae euertam?* Sciebat Athenienses ingenio & stilo valere: eoque (et si alibi humanissimus) hic magis esse voluit, ut hanc quoque materiem & amandi & praedicandi praeberet. At illud in hoc ipso incredibilis non clementiae, sed & patientiae. quod cum iidem Athenienses legatos super aliqua re ad eum misissent, atque ipse benigne audisset atque indulgisset, dimittens, pro cumulo adiecit, *Ecqua alia in te gratificari in posset?* Hic Demochares è legatis, *Ita vero, inquit, si te ipse suspenderit.* Hem, vocem & conuicium importunum, & ut rem dicam, flagro aut cruce dignum! Itaque amici & adstantes exarse-

I. Lipsij monita

rant: sed compescuit se & illos Philippus, ac Therſitem illum nulla vel re, vel voce acerbiorē, læsum dimiſit. Tantum hoc ad legatos alios, *Nunciate Athenienſibus, impotentiores eſſe qui iſta dicunt, quam qui dicta comiter audiunt.*

V.

Ad Romanos ſpecto. inter quos M. MARCELLVS qui Syracuſas cepit, iam tum cum cepit, clementiſſimi animi ſigna, in medio furore Martis, miſit. Parci ciuibus, qua potuit, iuſſit: edito, Nequis liberum corpus, manu, ferro, ſupro violaret, ſeruitia modo & pecuniæ prædæ eſſent. Sed vel ſic cum multa læuitiæ aut libidinis exempla editum iri videret, vt in vrbe per vim capta, conſcendiſſe editum locum dicitur, & ſubiecta ea oculis, calum eius, paullo ante ſic florentis, humentibus illis deſleuiſſe. Priuatiſimè etiam cum de *Archimede* eiſque ingenio audiſſet, & vidifſet, mandauit in columen ſeruari, & curæ hoc omnes haberent. Non mirum in rudi adhuc æuo, & Romanis ad artes iſtas parum factis? Sed mandauit, etſi fruſtra. nam miles diſcurrens, cum Archimedeſem reperifſet in puluere figuras deſcribentem, & tota mente illuc verſa ignarum publici fati, interrogat gladio ſuper caput inuento, *Quis tu?* Ille nihil, niſi puluerem ſuum manibus tegens, & *Oro ne turba*, inquit. Ita miles indignatus, & contemni ratus, occidit. Hæc in Sicilia, & victoria, poſt ipſam iſta. Siculi parum grati, & ab inimicis eiſ impuſi, queſtum ad Senatum ſuper eo venerunt, ſcilicet alienas etiam iniurias adſcripturi. Conſul tum erat, & collega *Valerius*

Laurens

Lauius forte in Senatu non erat. Itaque facile ei turbare aut disturbare rem & homines, & irritos illusosque dimittere. Non fecit, & audiri voluit, sed cum collega aduenisset: sedit in subsellis inferioribus, & finita accusatione, cū Senatus illos facessere iuberet, ille vero retinēdos censuit, & ut suæ quoque defensionī, non ut partes, sed velut iudices interessent. Quā absoluta, excessit curia, ut liberius sententiæ dicerentur: sed quid opus? clara eius innocentia, istorum impudentia omnibus, atque etiam ipsis fuit. Nam statim ē partibus in fautores se transferunt, fiunt supplices, atque adeo Patronum illum Siciliae adoptant: & suscepit, tam bona fide, ut presentium oblitus, aliis super alia beneficiis exornaret.

VI,

M. etiam *BIBULVS*, etsi fortuna parum attollente aut prospera semper usus, tamen virtute & hac animi clementia, excelluit. Duos filios præstantissimæ indolis, cum in Syria Proconsul ipse ageret, *Gabiniani* milites in Ægypto per sæuitiam an proteruiam, interfecerant. Eos *Cleopatra* regina, iram iustam magnatis viri verita, comprehensos ad ipsum misit, arbitrio scilicet eius puniendos: at ille, etsi in recenti dolore, patrem, & aliquis dixerit, hominem exiit, ut humanitatem retineret. ac seposita omni ultione, eosdem ad *Cleopatram* intactos remisit, vindicare potuisse contentus.

VII,

Quem autem *Bibulo* adiungam? veterem collegam *IULIUM CÆSAREM*: in omni quidem vita & proposito hostes, sed in hac virtute

I. *Lipsij monita*

geminos, nisi quod copia vincit, qui omnes vicit. Ecce iam adolescens, in freto illo æui, quam sustinuit se & moderatus est? Captus à piratis, iurauerat sapius, se cruci omnes suffixurum, si in potestatem redegisset. Redegit, sed tamen æstuat, Homines crucifigat? crudele erat. Remittat: religio adstringebat. In hac pugna naturæ & fidei, clementia viam repperit: & iugulari prius iussit, deinde suffigi. Item sub hoc æui. *Cornelius Phagita* quidam fuit, ex affeclis & emissariis Sullæ, homo nequam & ad bonorum cædem aut pericula factus. Is latitantem in civili dissidio *Cæsarem*, tamquam Marianarum partium acriter & sagaciter indagarat, & subinde mutantem latebras agre, * pretio accepto, dimiserat: huic tamen in mutatione temporum, cum posset, fortasse & deberet, nocere numquam sustinuit. plane quasi post nimbum & tempestates, non Æolo non Austro ultra offensus. Ista priuatus aut impotens fecit: quid in imperiis? mitior seipso illo priuato. Initio bellorum civilium, cum quæri terror & adhiberi consilio solet, ad reprimendum aut reducendum: ipse diuersissima via veniam, libertatem, vitam omnibus non dabat solum, sed ultro offerebat. *Corfinij* quid euenerit, dignum memorari. Tenebat hoc opidum *L. Domitius*, verus & acer eius inimicus, cum cohortibus triginta. Inerant Senatores plurimi, equites Romani, & flos aut robur Pompeianarum partium. Ipse obsedit: milites vim non expectarunt, sed inclinatis in Cæsarem animis,

* Duorum
talëtorum.

transire ad illum, dedere duces & opidum parant: & iam colloquia erant. Domitius sibi prætimens, & ex conscientia diffidens, vitam ponere suo, quam Cæsaris, arbitrio (heu, quam ignarus eius animi!) elegit. Itaque seruum medicum aduocat, iubet venenum sibi dari. *Quid deliberas?* inquit: *dominus rogo, & armatus rogo.* Seruus quasi paruit, sed astu facinus discussit. nam soporem ei temperat pro veneno, & filio mox indicauit. Præuidebat scilicet futurum, vt hominem pæniteret præcipitis consilij, maxime si spes veniæ à Cæsare esset. Atque ea statim affulsit. Nā ille vir omnes honestiores ad se in castra vocauit, benigne affatus est, ad pacem & pacata consilia hortatus, dimisit cum rebus incolumes: & quo? stultitiam rideat aliquis: plebsque iterum ad Pompeium. Sed hæc illorum, non Cæsaris culpa. Domitius interea cum audisset, atque expectatus esset, torqueri & angī de veneno: donec famulus metum discussit, rem aperuit. atque ille quoque recta ad Cæsarem, vitam, libertatem, pecuniam recepit. Eodem bello, in Hispania ad Ilerdam, cum hostes ad pacis necessitatem adgisset, & iam conditiones ferrentur, milites iermones & conuiuia miscerent, & ex binis castris vna facta essent: en *Petreius & Afranius*, Pompeiani duces, subita pænitiæ, an perfidia, arma capiunt, Iulianos inuadunt, occidunt. ipse, cum facinus reponere posset, & Pompeianos detinere vel item occidere, illorum dis-

I. *Lipsij monita*

similis, sui similis, summa diligentia conquiri omnes iussit, & remitti. In ipsa acie Pharsalica, medio ardore pugnae, ita vincere voluit, ut perdere timuerit & vox eius obequitantis passim excepta, *Parce ciuibus*. Atqui non fecit, inquit. Imo ille fide optima: nisi in acie, nisi resistens, nemo occisus est: & seruare promptior, quam illi seruari. O inauditam, nec nisi caelestem, clementiam! è tanto numero, tam pertinacium aduersariorum, non nisi tres (*L. Afranius, Faustus Sylla, L. Caesar*) interfecti post aciem, eius iussu siue permissu reperiuntur: atque ipsi & crudeles in eum, & venia, quam ante impetrauerant, iterata rebellione, corrupta. Omnibus etiam suae partis nominatim vnum, quem vellent, seruare & excipere ex hostibus concessit: denique tandem vno Edicto, etiam quibus nondum ignouerat, redire in Italiam, ad opes, honores, imperia, permisit. In ipsius *Pompeij* morte, qui alieno scelere & inuidia ceciderat, tantum à gaudio aut insultatione abfuit, ut lacrimas non tenuerit: & auersatus homicidas, bello etiam mox persecutus sit, & caede ac sanguine manibus illius parentarit. Quin & memoriam statuasque eius, disiectas à plebe, restitui iussit: cauilemur aut interpretemur, ut volumus, magno animo, & (ut ego censco) vere miti & clementi. Verba eius ex epistola quadam ad *Oppium & Balbum* notauimus & amauimus, ista: *Gaudeo me hercules, vos significare litteris, quam valde probetis ea quae apud Corneliū sunt gesta. Consilio vestro utar libenter, &*

hoc libentius, quod mea sponte facere constitueram, ut quam lenissimum me præberem, & Pompeium darem operam ut reconciliarem. Tentemus hoc modo, si possumus, omnium voluntates recuperare, & diuturna victoria uti. Hac noua sit ratio vincendi, ut misericordia & liberalitate nos muniamus. Ex pectore sunt ista verba, & familiariter apud homines familiarissimos prolata. Ego te Cæsar, ob alia tua & causas belli, non nimis amo: in ipso bello, & ob hanc clementiam, inter heroas numero, & meo calculo, hac quidem re **DIUVS** esto.

Aliquid ab hac stirpe aut multum traxit **VIII.**
OCTAVIANVS CÆSAR, adoptione filius, sanguine eius nepos. Is in republica varium clementiæ specimen dedit, adeo ut in theatro cum recitaretur *O dominum equum & bonum!* vniuersi oculos ad ipsum referrent, & voce gestuque cōprobarent. Sed in priuata etiā vita (vbi natura maxime apparet, nec gloriam aut sermonem sibi proponit) præbuit insignita exempla. Ut in *Diomede* seruo suo dispensatore. qui, cum vna ambularent, & repente ferus aper in eos incurreret, ipse dominum obiciens, manibusque propellens, post eum latuit. Atque Augustus quidem fato, aut animo suo, seruatus est, sed & hunc nihil læsit, timori potius factū, quam noxæ adscribens. Idem, cum in Hispania *Corocotta* quidam famosus latro esset, & paci publicæ ac priuati diu infestus, præmium proposuit, si quis hominem viuum adduxisset, * *decies sestertium*. At ille, spe euadendi

* **XXV. M.**
Philippi-
cum.

I. *Lipsij monita*

aut latendi abscisa, magno animo ad Cæsarem ultro venit: & *Quæsitus tibi Corocotta*, inquit, *ecce adsum: facies, quod voles, huic capiti.* Cæsar ira omni deposita, & memoria tot facinorum, non solum ignovit ei, sed & præmium promissum (quia Corocotta Corocottam stiterat) appendit. Sed superat priora, hoc de *M. Bruto*: cuius statua ærea, adfabre facta Mediolani erat: credo monumentum virtutis & modestiæ, qua Galliæ illi Cisalpinæ, sub Cæsare, præfuerat. Hanc, diu post, transiens Augustus conspexit, & represso gradu substitit: vocauitque coram omnibus ad se magistratus, quasi in re graui: & cum venissent, *Quid vos?* inquit, *inimici nostri estis? & hostes meos apud vos habetis.* Illi timidi, nec gnari quo accusatio spectaret, negare, & mutuo sese intueri. Cæsar iterum, ostensa statua: *Nonne hic ille est meus hostis?* Tum vero illi serio trepidare, & mussitare: at Cæsar arridens, laudare etiam eos benigno vultu & verbis cœpit, quod iudicium aut animum cum fortuna non mutarent: & vt talis viri statua maneret, porro præcepit. Duplex clementia. & in defunctum Brutum, cuius memoriam honorat, & in Mediolanenses, qui rigide interpretantibus deliquisse in maiestatem Principis videbantur.

IX. An dignus est, qui inter hæc nomina locum habeat NERO CÆSAR? monstrum crudele, tætrum, sed vna voce meritum clementissimis accenseri. Initio imperij, cum duo milites deliquissent, & morte puniendi viderentur,

Burrhus Præfectus Prætorio, chartam de more ad Imperatorem tulit, ut is subscriberet & mortem, & causam *Nero* allatam aliquoties reiecit, & distulit: tandem cum repeteret & instaret *Burrhus*, nec ultra esset effugium, tristis accepit, & cum hac voce: *Quam vellem nescire litteras!* O dictum magnæ, utinam diuturnæ, lenitatis! O dictum, quod laudes magni *Seneca* illius meruit, & libros *De clementia* expressit! Amemus laudemusque, vel hoc nomine.

Diuerſi ab isto vterque *VESPASIANVS*, pater & filius: qui ante Principatum & sub initia, multo sæuitiæ & luxuriæ rumore, in ipso mutati in melius fuere. Patris quidem quanta benignitas? qui & *Vitelij* hostis sui filiam (adeo stirpem ex eanon veritus) splendidissime mariauit, dotaui etiam & instruxit. Atque idem, cum sub *Nerone* interdicta ei aula esset, trepidusque abiret, accurrit quidam ex Admissionalibus, qui aspere eum compellans, & simul expellens, *abire Morboniam* iussit. Hunc postea, & Princeps iam vitæ suæ anxium & deprecantem, non nisi ioco aspersit, & pariter *abire Morboniam* totidem verbis iussit. Denique communiter hoc de illo *Tranquillus*: *Neque cade cuiusquam umquam latatus est, iustis suppliciis illacrimauit etiam & ingemuit.*

At filius *TITVS*, amor & deliciæ generis humani, nil nisi bonitas & lenitas. Pontificatum maximum ideo se capere professus est, ut in summo sacerdotio, puras à sanguine manus seruaret: & re præstitit. *Nec auctor posthac* (verba

X.

XI.

I. Lipsij monita

Suetonij) cuiusquam necis, vel conscius quamuis interdum ulciscendi causa non deesset, sed PERITVRVM SE POTIVS, QUAM PERDITVRVM adiuvans. Duos patricij generis, convictos in affectatione Imperij, satis habuit verbis monere, ut desisterent. Principatus fato dari: à se siquid aliud vellent, peterent impetrarentque. Et statim etiam ad alterius matrem, quæ procul agebat, ne tristiore nuncio percelleretur, cursores suos misit, qui & periculum filij nunciarent, & salutem. Fratrem *Domitianum* ex professo insidiantem, & exercitus in eum sollicitantem, nulla re læsit aut minuit: imo precibus saepe egit, mutuo in se animo esse vellet, & consortem successoremque imperij nihilo secius semper nominavit. Non fregit improbum. veneno eius paullo post periit, cum publico generis humani damno.

XII.

CAROLVS VERO MAGNVS inter nostros (nam ad propiora veniendum est) gloriam & gratiam hac quoque virtute collegit. *Pipinus* eius filius in patrem coniuraverat, res clara erat, ignovit: fecit iterum, ignovit: at ne tertium tamen tam lubrica mens laberetur, adstringendum religione censuit, & monachum eum fecit. Duplici beneficio, & veniæ, & viæ ad melius regnum ostensæ, Peccavit in eum & filia, sed ridicula narratio est, tamen ex promenda. Erat *Eginhartus* in aula *Carolo* ab Epistolis, vir, ut illo ævo, doctus & prudens, sed non in Amorem. Concepit eum in Domini sui filiam, etsi impar erat, & ipsa vicissim arsit. Restinxerunt, ut solent

amātes furtiua sui copia & cōgressu, qui aliquā-
diu latuit: donec hiemante quadā nocte, cum in
secretiore cubiculo *Eginhartus* fuisset, & sub ip-
sam lucem exire vellet, videt multam niuem ce-
cidisse. Hæret, & timet ne à vestigijs deprehen-
datur vir in gynæceo fuisse. Consilio & astu
subuenit amica, & illum in humeros sublaturum
& pendentem, dulce onus, aliquamdiu tulit.
Ecce (ô sortem iniquam pariter, & æquam!) vi-
det hoc casu *Carolus*, & cum dolore suo & risu
simul vtrumque bene notat. Dissimulat, die
pleno conuentum Principum virorum habet,
narratiocosum & fœdum factum: rogatq; (sed
nomina tacuit) famulus qui sic in dominum,
filia quæ in patrem peccasset, qua pœna digni
viderentur? Illi, *Mortis*, respondent. Tum igitur
vtrumque aduocat, & coram se sistit. *En*, inquit,
isti sunt qui peccarunt. Tu Eginharte, tu filia, qui ausi
hoc estis? Nec negandi locus est: me inspectorem, accusa-
torem, iudicem, vindicem habetis. Quid meruistis? isti
dixerunt, Mortem: sed & animus vester vobis idem
dicet. Tamen mitem tu Dominum, tu Patrem videte:
ignoscimus, hac lege quam dicam. Eginharte hanc tuam
latricem uxorem duces: concordetis estote, & mutuum
deinceps quoque inter vos ferte. Dixerat, illi à sum-
mo metu in summum gaudium translati, grates
agunt, gratulationes accipiunt: *Carolus* in gloria
est, isti in fama.

Nec nimis seuerum est, quod addam. CA-
ZIMIRVS erat Dux Sendomiriensium, potens
Priniceps, idemque postea rex Polonorum. Vi-
sum illi aliquando fuit tempus ludo fallere, &

I. *Lipsij monita*

domesticum quendam suum, *Joannem Conarium* Equitem, ad aleam vocat. Ille paret, ludunt, alternat fortuna: & tandem cum multa nox effer, atque incaluisse, placuit vno iactu de tota summa decidere. Is felix *Cazimiro* fuit: & pecuniam totam ad se attraxit. Indignatus *Joannes*, & foris suæ iratus, per calorem Principem inuadit, & fortiter os eius depalmar. Clamor & ira omnium, famulus Dominum, eques hunc Principem? Capitale erat: sed beneficio noctis elabatur, & mane tamen captus reducitur, & *Cazimiro* sistitur puniendus. Ille re bene considerata, in prudentem hunc sermonem erupit: *Amici, iste minus, quam ego, peccauit: imo quidquid peccatum est, est meum. Calor & subita ira (cui nec sapientes semper pares sunt) transuersum eum egit, & mentem ac manum mouit: ego causam cur præbui? cur oblitus conditionis & dignitatis meæ, quasi cum paribus? Imo tu Ioannes, non veniam à me solum, sed gratiam accipe. utili castigatione me docuisti, nequid in posterum indignum Principe committam, & intra decori ac grauitatis metas me sistam. Ita dixit, fecitque. Ô clementiam, ô patientiam, ô prudentiam! omnes hæ virtutes concurrunt, sed primas tamen prima, me iudice, ferat.*

XIII. At in *LVDOVICO Duodecimo*, Galliarum rege, spectabilis eadem virtus fuit. Prefferat eum *Carolus Octauus*, rex, ut heredem proximum: & qui doleret prolem, sibi non esse. Ita prefferat, ut in custodiam etiam daret, & vitæ suæ parum securus videretur: plerisque procerum & vulgi pro præsentis fortuna stantibus, & aduer-

fantibus, certe auersantibus infelicem. Interea Deus in occulto alia destinat: *Carolus* subito tollit, hunc ad regnum euehit: attonitis multis, & vultum sermonemque mutantibus, & ad gratiam noui regis se acclinantibus. Erant etiam qui superbiebant, constantes antea in eius cultu aut obsequio: è quibus vnus magna fiducia ad eum accedit, & bona petit ciuis cuiusdam Aurelianensis, qui tristi illo tempore inter accerrimos Ludouici hostes fuerat. Hic rex, animo plane regio, effatur: *Tu vero aliud à me pete, & meritis tuis gratia erit. De isto, omitte: nam rex Galliae* (verba eius sunt) *non exsequitur iniurias Ducis Aurelianensis.* Optime. Dux enim antea, cum hoc titulo, fuerat: & significabat argute, dignitatem se, atque etiam affectus cum ea mutasse. Ille vero eadem magnitudine animi (mater hæc semper Clementiæ) edixit publice: *Habiturum se eosdem consiliarios cum defuncto rege, ministros, stipatores, eodemque honore & salario.* Deus bone, eosdem cum illo sic infesto, & iniquo? Fiducia virtutis hoc facit: & præstari sibi spondet, quæ scit deberi.

Tempora confundereliceat, sed re eadem. Quam enim geminū est, quod olim *HADRIANVS* Imperator cuidam, qui ante imperium inimicitias secum gesserat? Ille accurrit trepidus, & vix verba ad preces reperiens: cum statim *Hadrianus: Euasisti*, inquit. Benigne simul, & acute. *Perieras*, inquit, *si pares contendissemus: nunc superior omitto, & potentiam meam, non nisi beneficio, ostendo.*

XV.

I. Lipsij monita

XVI.

Te autem ALPHONSE silebo: qui totus bonitas & beneficentia, *Titum* nobis, sed diuturnum, repræsentasti. Obsidebas Caietam, pertinaciter in te rebellem. constabat obsessos inopia commeatum premi: atque ipsi hoc passi, senes, pueros, fæminas, & inutilem omnem turbam emittebant. Agitatum in consilio, vt reijcerentur & reprimerentur: dedendam enim ita mox urbem, ille misertus, emitti eos maluit, & diutius assidere. Sed cum nec potitus ea esset, quidam ausi obijcere, *Nisi tu illos emisisses, vrbs iam tua fuisset*: ille constanter respondit, *At mihi pluris tot hominum incolumitas est, quam centum Caieta*. Tamen nec ea diu defuit: & ciues tam insigni virtute moniti & resipiscentes. ultro se ei traderunt. Simile in *Antonium Caldoram*, potentissimum regni Neapolitani, & peruicacem hostem. Is prælio, deinde magno victus, itemque captus: cum omnes suaderent de tollendo importuno homine, & Aragonijs semper infesto: vnus restitit, atque adeo non vita solum, sed omnibus bonis redonauit. Quin & supellectilem atque instrumentum eius, magnæ elegantiae & pretij, quod in manibus habebat, totum uxori eius dedit: vnica modo patera cristallina sibi asseruata. Hæc facta viri, & consonæ item voces. Interrogatus, *Cur erga omnes, etiam malos, ita lenis esset?* *Quia*, inquit, *bonos iustitia conciliat, malos clementia*. Iterum, cum de nimia eius lenitate quererentur ministri, nec decere Principem: *Quid ergo?* inquit, *vultis vrsos ac leones regnare? Nā hominum clementia, belluarum Feritas est propria,*

Vera dixit. quo quis maior, & magis, vt sic dicam, homo est, hoc virtuti huic pronior, quæ & *Humanitas* ideo est dicta.

D E F I D E.

Hanc quoque Principi conuenientem, vel necessariam potius haberi.

C A P. XIII.

Post Iustitiam & Clementiam, Fidem commendamus: hanc quidem ex Iustitia natam. Quid enim magis ea dicat, quam promissa præstanda? Et qui non facit, non solum iniustum, sed ignauū merito habeamus. Qui enim fallit & decipit, eo facit quia potentia aut viribus minus fudit: conatur igitur fidei specie circūuenire, & hanc vilitati suæ prætēdit, ostentandā nō seruandā. Turpe, & sublimi omni animo indignum. Imo & natura abhorremus. pueros vide. Mendaciū inter prima probra obijciūt, & quamquam leuitate quadam assumunt, tamen iudicij insita reſtitutione damnant. Admiranda Dei prouidentia, virtutes animo inferentis, sine quibus vita & societas stare ægre possit: quod in Iustitia, & Fide, palam videmus. Tolle istam, aut minue: raptus, cædes, bella erunt: atque hæc, nullo fœdere aut pace terminanda. Quid enim adstringet? Cole igitur, ô Princeps, *venerabile hoc Fidei numen, quæ dexteram suam, certissimum* *Max v.*
SALVTIS HVMANÆ PIGNVS *ostentat.* *Iunge* *cap. 6.*

I. Lipsij monita

tuam, si non dicam bonus, sed magnus & felix
esse exoptas. Hoc enim quoque ab eadem Pro-
videntia, quod callidi isti & impostores, quan-
tumvis subtilibus consilijs, raro aut numquam
ad potentiam perueniunt: aut si, in ea, non sunt
firmi. At aliter in candidis ingenuisque menti-
bus, qui Deum, qui fidem reuerentur: hi cres-
cunt, florent, & perseverant, cœlesti favore pro-
sequente & attollente. Q. Marcius hoc bene,
apud Liuium: F A V E R E P I E T A T I F I D E I -
Q V E deos, per quæ populus Romanus ad tantum fasti-
gij venerit. Bene, & opportune ad Persem re-
gem, qui spem in astu & fallacijs ponebat, fœ-
derum parum constans. Utilitas igitur fidem
approbat: & vel noxa à Perfidia possit deterre-
re. Nam, ut sapientissime Homerus:

Lib.
XLIII.

Iliad. 8.

Οὐ μὲρ πῶς ἄλιον πέλει ὄρκιον, αἶμα' τε
ἄρῳ,

Σπονδαὶ τ' ἄχρητοι, καὶ δεξιοῖς ἤς ἐπέπιθ-
ωρ.

Εἰπερ γάρ τε καὶ αὐτίκ' Ὀλύμπιος οὐκ ἐτέ-
λεσεν,

Ἐκ τε καὶ ὅψ' ἐτελεί· σὺν τε μεγάλῳ ἀπέ-
τισσαν

Συνὸ σφῆσι κεφαλῇσι, γυναιξὶ τε, καὶ τε-
χέεσσιν·

At non irritum erit iurandum, & fœdera pacta
Sanguine, nec dextra, quis credere suadebamur.

Nam quamquam Deus haud pœnas in tēpore sumit,
At post sumet: & hi magno, mihi crede, rependunt
Ipse, atque uxores, & dulcia pignora, nati.

Audis vere vatem. semper mala Fides pœnas

statim aut postea, in violatoribus, aut sanguine eorum, luit. Et vis præsentis aliqua commodi specie adhærere? fuge: nam & Fama sic tefugiet. & quisquis vel hanc amat, Fidem amer. Cuius multa vel testimonia sunt, vel Exempla.

I.

ÆGYPTIIS quidem (& apud præscos illos multa præclara inuenio) lex fuit, recitante Diodoro: *Periuri capite puniuntur. quia duplici scelere obstricti, & Pietatem in Deos violant, & Fidem inter homines tollunt, MAXIMUM VINCULUM SOCIETATIS.* Recte de *Pietate*. quis enim perfidus, non & Dei numen, & aduocatum nomen, spernit?

II.

AGESILAÏ Spartani regis factum & dictum subiungam. qui cum exercitum in Asiam traiecisset cōtra regem Persarum: *Tissaphernes* summus Satrapa, viribus imparem se vident, & celeritate præuentum, fallere per speciem fidei quæsiuit. Itaque de inducijs cum Agesilao egit, ad simulans operam interea se daturum, ut Rex cum Spartanis componeret. Dedit *Agesilaus* trimestres, quas ipse quidem optima fide seruauit: at alter copias cogere, loca munire, & bellum summa vi comparare. Quod ubi Laco sensit, & monitus est: nihil moueri. imo multum in eo sibi profici dicebat, quod *Tissaphernes* suo periurio & homines alienaret, & Deos redderet iratos. Vtrumque in se aliter esse. quod & milites fidentiores redderentur, Deorum ope fisci: & homines amiciores, qui ijs fere studerent, quos conseruare fidem viderent. Et res atque exitus ita fuit.

I. Lipsij monita

III.

Ex eadem Græcia fuit ANDRONICVS quidam à *Demetrio* rege præfectus Tyro. Cum autem *Demetrius* graui prælio victus à *Ptolomæo* esset: iste loca & regiones passim inuadebat atque occupabat, destitutas scilicet omni spe auxilij. In aliorum ignauia aut perfidia, constans mansit *Andronicus*, & aduentanti *Ptolomæo*, atque inuitanti, fortiter restitit: donec à militibus, seditione mota, desertus & vrbe eiectus est. Venitque in *Ptolomæi* manus. qui nihil vt in hostem & pertinacem fecit, sed fidem illam ipsam admiratus, quam oderat, donis cumulauit, & in cohortem amicorum transcripsit.

XIII.

Apud Romanos plura & fortiora exempla. Primum communiter in ipso SENATV, aut POPVLO. veluti, obsidione vrbis à *Porſena*, cum pax iam coisset, & datis vtriusque sexus obsidibus firmata esset: virgines, duce *Clælia*, transmissa *Tiberi*, hostibus se eripuerunt, & Romanis suis restituerunt. Poterat excusatio esse, & qui in custodia habentur, fallere posse custodes: sed noluit Senatus, & bona ac vere prisca fide censuit obsides remittēdos. Iterum. *Faliscorum* ciuitas aliquoties rebellis, dedere se tandem *Q. Lutatius* Consuli coacta est. in quam cum sæuire populus Romanus cuperet, & asperius consulere: doctus à *Papirio*, Faliscos non potestati, sed fidei se Romanæ commisisse: statim destitit, & verbuli religione motus, iram omnem imperumque deposuit. Quam longe illi à cauillis, quos mala calliditas semper reperit? Romani etiam CONSULES, bello Punico primo,

primo, speciose hac fide se ostentarunt. Victa erat circa Siciliam magna Punica classis, fractique duces consilia pacis agitabant. Sed ex iis *Amilcar*, negabat ire se ad Romanos, ne eodem exemplo sibi catenæ iniicerentur, quo ab ipsis *Cornelio Asina* Consuli fuissent nuper iniectæ. Sed *Hanno* melior Romani ingenij morisque æstimator, dixit fidenter se iturum, & iuit. Verba fecit, & facienti Tribunus militum qui circa Tribunal adstabat dixit, *Nonne tibi merito eueniat, quod Cornelo factum?* Consules statim Tribuno tacere iussu, *Isto te,* inquiunt, *metu Hanno fides ciuitatis nostræ liberat.* Verba grauius, verba veracia: & quanta gloria, nec speciem violandæ fidei dare voluisse.

Quod & P. S C I P I O *Africanus* fecit. qui capta naue Carthaginiensium, in qua multi illustresque viri vehebantur; illi ad effugium commenti subito sunt, Legatos se ad eum venisse. Apparebat mendacium, & argui poterat: sed magno Romanoque animo maluit decipi fidem suam, quam accusari. Idem Carthagine iam obsessa, cum fessi malis legatos pro pace in urbem misissent, atque interea naues Romanas & commeatum diriperent, contra fœdus *Scipio* nihil armis etiam tentans, suos Legatos in urbem misit conquestum, & ius petitum. At illi vix retentisunt, quin manibus eos violarent: nisi quod ereptos tamen è turba, primores ad mare deduxerunt, & præsidium triremium dederunt, quæ pro-

I. Lipsij monita

sequerentur redeuntēs. Sed id quoque parum bona fide. certe abeuntibus triremibus, *Asdrubal* statim eos aggressus est, & in conflictu duo Legatorum perierunt, reliqui inter tela volitantia ægre se in castra & ad *Scipionem* receperunt. An non & hæc causâ soluendi iuste fœderis? non fecit: Legatos Roma expectauit. Sed ij cum re infecta discedere à Senatu iussi essent, & ad suos statim se recipere, vt hostes: ecce tempestas derulit eos ad ipsa *Scipionis* castra. Et cum Præfectus maris à *Scipione* petisset, *Quid ijs facere deberet? Nihil tale*, inquit, *quale nobis Carthaginenses*: dimisitque intactos. Hominem hunc fidum dicam, an ipsam in humano corpore Fidem?

VI.

Diffimilis alia virtute, aut fortuna: sed hac par fuit *SEX. POMPEIVS*, is qui Sicilia & Sardinia occupatis, graue bellum fecit Triumviris, & populo Romano. Et cum inedia atque inopia eos conficeret, coacti sunt ad pacē venire, etsi parum fidam aut diuturnā. Igitur *Octavianus Cæsar*, & *Antonius*, colloquium cum eo instituerunt, circa *Misenum*: quo ipse classe instructa appulit, illi terrestribus copiis succincti. Conuenit tandem certis conditionibus de pace: atque vt, illi firmandæ, inter se beneuole agerent ac cænarent. Prima cæuæ fors *Sexto* enenit: qui rogante *Antonio*, *Vbinam cænaturi essent?* facere respondit, *In meis carinis*: ad nauem suam respiciens, in qua paratum epulum; tum & ad domum paternam, quam sitam Romæ in *Carinis* *Antonius* occupabat.

Igitur in naui conuenerunt, & iam epulæ, & sermones, & cauilli in *Antonium*, & *Cleopatram* eius erant: cum sensim à tergo accedens *Menas* libertus, classis Præfectus, *Sextum* clam affatus est: *Visne tu ut funes incidam, & nauim abducam, faciamque te non Sicilia modo & Sardinia, sed orbis terra dominum?* Dixerat, & facere poterat. pons tantum nauim cum terra iungebat: qui ea mora ruebat: & quis hominum impedire, aut succurrere potuisset? In duobus autem illis capitibus vniuersa tunc res Romana nixa. Sed Deus & Fata noluerunt: nec ipsa Fides quæ *Sexti* mentem mouit: *Et te quidem, Mena, facere fortasse oportebat*, inquit, *non prædicere. Nunc autem præsentibus acquiescamus: NEC EST MEVM PERIERARE.* Maeste *Sexte*! quem vel ob hoc dictum factumque (nam cetera degenerant) nec Roma abdicet, nec pater.

Atqui & in singulos fidei etiam exempla sunt. ut hoc *LV CILLI*, qui vir & Senator illustris, in partibus *Bruti* atque acie *Philippensi* fuit. Cum *Brutus* igitur altero prælio victus fugeret, & equitum manus insectaretur, & iam in eo esset ut apprehenderet: ille statuit vel morte sua illum eripere; ac paulum velut fatigato equo subsistens, *Brutum* se simulat, & præfert, ac capi ab illis est passus. Qui ingenti gaudio perfusi, ut tam vbere præda adducebant eum reflexis habenis (nam id quoque petierat, quo magis falleret) ad: *Anto-*

VII.

I. *Lipsij monita*

nium, non ad *Cæsarem* : quasi de eius benignitate melius speraret. Interea *Antonius*, per præmissos quosdā iam certior de capto *Bruto* prodibat scilicet obuiam; sed & alij cum illo, partim miserantes, partim incusantes, quod vitæ cupidine eo deductus esset. Iam propinquis, substitit *Antonius*, incertus quo vultu verbisque *Brutum* exciperet : cum statim *Lucillius*. *M. Brutum*, *Antoni*, inquit, nemo cepit, aut capiet, spero, hostis : *Dij meliora, quam ut in tantum Fortuna Virtutem calcet*. Sed enimvero ille aut alibi viuus reperietur liberque; aut certe, ut illo dignum est, mortuus. Ego vero *Lucillius* sum, qui militibus tuis imposui, ut illi esset effugium : nec quidquam pœna hoc nomine recusato. Obstupuerant omnes præsertim milites, qui sic sibi dolebant prædam ereptam : sed ad eos *Antonius* : *Comilitones* inquit, bono animo estote, nec putate vobis fraude vel errore isto illusum. Imo uberiolem, certe gratiorem mihi prædam, quam putabatis aut petebatis, scitote adductam. Nam *Bruto* ipso quid facturum fuerim viuo, sum incertus : nunc dum hostem queritis, amicum repperistis, & adduxistis : qui, tu *Lucilli*, semper mihi eris. Abite, premium expectate.

VIII. / Laudabilis & ille *Cæsaris CENTURI*O, qui captus in mari Africo, cum paucis veteranis, & ad *Scipionem* deductus, cum is vitam & pecuniā proposuisset omnibus, si militare secum vel-
lent : ipse respondit, *Pro tuo summo beneficio, Scipio* (nec enim Imperatorem appellabo, qui vnus mihi *Cæsar* est, gratias ago, qui vitam offers belli in-

re capto. Sed huic beneficio quia scelus coniunctum est, non utor, Egone contra Casarem, apud quem ordines duxi, vigintisex amplius annos militavi, adversus armatusque consistam? Ne fides hoc sinat, aut virtus: & te magnopere hortor, ut de incepto desistas. Contra cuius enim copias contendas, si nosse vis; age, elige ex tuis cohortem unam, quam voles: ego ex meis, quos nunc habes, non amplius decem summam: tunc ex virtute & successu nostro intelleges, quid sperare de copiis tuis debeat. Ita militariter Centurio. quem statim ante pedes suos Scipio interfici iussit: quo crimine damnatum? fidei, quod inter desciscentes gravissimum est.

Sed nec superior aut nostra ætas huius laudesignara est. ut in Hispania cum rex *Ferdinandus Primus* tres filios reliquisset *Sanctium*, *Alphonsum*, *Garciam*, regna quoque inter eos diuisit, sed voluntate aut pace non firma. Nam statim ab eius morte *Sanctius*, ingenio violentior, fratrem *Alphonsum* bello aggressus vicit, cepit, & monachum profiteri coegit. Non diu perseverat coacta pietas, abdicat, & clam cum *Petro Ansario Comite*, ad regem *Toleti*, *Almenonem* confugit. Maurus is erat, & religioni hostis, sed cum patre *Alphonso Ferdinando* amicitia ei & pax fuerat: eoque electus à profugo, cui se crederet: & iste cum fide recepit, habuit que. Dum illic est, evenit ut coram *Almenone* capilli eius subrigerentur, & manu aliquoties compressi non subsiderent: quod Mauri vates triste prodigium interpretati sunt, & hunc

IX.

∞, LXX.

I. Lipsij monita

esse, qui ad vrbis Toletanę imperium erigere-
tur. Itaque de nece suadebant. non fecit Rex,
& potior ei metu fides fuit. Quod mirum in
barbaro, satisque habuit, iuramento *Alfon-*
sum adstringere, ne se viuo regni sui terminos
infestaret. Ecce autem paullo post interficitur
ex insidiis, ad *Zamoram*, rex *Sanctius* : & soror
Vrraca benigne in hunc fratrem affecta nuncios
litterasque statim mittit, quibus ad regnum
euocat, & suadet astu aut celeritate euadere
barbaros fines. *Alfonsum* faceret? in-
gratiani notam mutuebat; tum etiam ne
non celaret, & reduceretur merito non di-
mittendus. Non faceret, & rem aperiret? ne
vinclis, aut conditionibus adstringeretur ab
eo, quia tam vicino & potenti rege haud fru-
stra timeret. Vicit tamen fides in honesto ani-
mo, & gratitudo : ad *Almenonem* venit. *Quod*
tibi gloriosum, inquit, *mibi felix sit*, ad regnum a meis
voco, ereptum in parte a fratre nuper, nunc eius fato
uniuersum relictum. Culpare illum mortuum, pietas
me vetat : eadem, ut tuum beneficium predicem, in-
citat. qui profugum, ab hominibus & fortuna relictum
recepisti, fouisti : qua spe aut premio, nisi quod ab ip-
sa virtute est? Et tamen animus agnoscendi soluendique
non deficit, fortasse nec occasio aut materies, si per te
mibi datur ea uti. Age Rex magnanime, imple tua
beneficia, & pro cumulo, Regē me in regnum remitte.
Hactenus vita tui muneris est, fac ut in parte sit &
regnum. Ita noster : quem Maurus amplexus,
incolumem regemque gratatur, & promittit.
Neutrum, inquit, *futurum*, si me inscio, non iter, sed

fugam tentasses. Nec enim te celo, notam mihi mortem
Sanctij fuisse, & tacitum expectasse tua consilia, ut
 aut laudarem ea, aut vindicarem. Istud facturum sane
 erā, si fallaci & ingrato animo te subduxisses: & ex-
 ploratores subsefforesque viarū dispositi à me erant, qui.
 sed taceo, & gaudeo opus non fuisse. Virum bonum fi-
 dumque te, erga me talem, ostendisti: fac & in regno,
 quod omnes dii tibi fortunent. Nihil stipulor, nisi illud
 vetus, *Amicum* te fore mihi & maiori filio *Hisseno*,
 quamdiu vita utrique erit. Dixit, & pecuniam
 comitesque dedit, atque ipse, honoris causa,
 aliquātum spatium deduxit. Clarissimum her-
 cules exemplum Fidei in Afro, quod miremur
 religionisque diuerso: sed & diuinæ Providen-
 tiæ, quæ id regnum & urbem ab eo voluit capi,
 qui per fugium ibi habuerat & tutelam. Quod
 nouem circiter annis post euenit, sed mor-
 tuo *Almenone* & filio maiore.

Habet & iterum Hispania Fidei exemplum, X.
 in Lusitania, sed in homine Christiano. Is ^{cc.} fuit
 fuit FLECTIVS vir nobilis, arci *Conimbrice* at- ^{XLIII.}
 que vibi à *Sanctio* rege præfectus. Sed enim uero
 is *Sanctius* male & improspere regnum admini-
 strabat, aulicis quibusdā nimis credulus, & in-
 primis *Mencia* vxori suæ addictus mancipatus-
 que. Igitur querelæ, & mox conspiratio pro-
 cerum in illum fuit: denique eo ventum, ut Pō-
 tifice ipso, quem adierant, (is *Innocentius* fuit).
 auctore, curam tutelamque regni ad *Alphon-*
sum transferrēt, *Sanctij* fratrem. Inde bellum, &
 plerique à Rege veteri alieni: sed constans pro
 eo *Flectius* iste fuit, & oppugnationem & arma.

etiam *Alphonſi*, ac totius gentis, exceperit. Nec
 flecti potuit, donec ei nunciatum *Sanctium* in ex-
 filio *Toleti* mortem obiisse: pro quo pugnaret ul-
 tra, aut fidem obtenderet? Daret se & verteret, quo
Fortuna & omnes; nec pulcherimam laudem, titulo
Peruicacis aut *Insani* mutaret. Audit flectius,
 nec satis credit. petit veniam ab *Alphonſo*, vt
 ipſus *Toletum* ire, & coram arbitrari poſſit.
 Facile impetrat: & interea ab oppugnatione
 ceſſatur. Cum venit, Regem ſuum fato functū,
 ſepultumque inuenit: atque vt in animo ſuo,
 non ſolum opinione hominum, liber eſſet, a-
 perto ſepulchro, cum ſuſpiriis & lacrimis, ip-
 ſas clauſes vrbiſ *Conimbricēſis* in manus dat, his
 verbis: *Quamdiu, ô Rex, viuere te iudicabam, ex-*
trema omnia ſum perpeſſus corijs pellibusque famens
toleraui, ſitim lotio: ciuium animos ad deditiōem in-
clinantes, & conantes, erexi aut repreſſi: denique
quidquid à ſideli homine, & in tua verba iurato, exigi
exſpectarique potuit, id præſtiti, & perſeueraui. Unum
ſupereſt, vt clauibus tuæ vrbiſ tibi traditis, ſolutum
me iuramento omnibus, & ciuibz te vita ceſſiſſe, de-
nunciem. Deus tibi bene faciat, in alio & meliore re-
gno. Ita abiit, & legitimum iam alterum Regem
 agnouit, & adhæſit.

XL

TRIUMPARA etiam in Orientali India,
 qui rex *Cochini* erat, cum eo Luſitani veniſſent,
 fœdus pacemque panxit. Mox in nouam & ſuſ-
 pectam gentem conſpiratio omnium, & ma-
 xime *Calecutienſis* regis, qui opibus & milite in-
 ter viciniſ pollebat. Ille igitur copias amicos-
 que iungere, & hunc inprimis *Cochini* regem

pertrahere, & suadere ut eiectis aut potius traditis pauculis Lusitanis, quos fidei suæ creditos acceperat, se culpa, omnes meru exsolueret. Ille vero obniti, & aperte dicere, *Omnia se potius, quam fidem amissurum. Siqui è subditis aut amicis id suaderent eos vero magis hostes se ducere ipso Calecutiense: quoniam ille regnum modo aut vitam eripere. isti pulcherrimam virtutum conarentur. Et vitæ spatium breue ac definitum, perfidia maculam sempiternam esse.* Hæc & similia dicta factis affirmavit. oppugnat eum vndique Calecutiensis, tandem & sui deserunt, vincitur, pellitur regno, in vicinam quandam insulam se recipit, sed nullius rei maiore cura, quam ut secum paucos illos Lusitanos seruaret. quid? ignotos & externos? cladē & pestem sui regni? Tanti fides fuit. quinetiam cum *Calecutij* rex iam victo pulsoque offerret veterem fortunam & statum, ea lege fillos traderet; abnuit, fortiter professus, *Sceptrum & vitam eripi posse, fidem non posse.* Hunc hominem barbarum ego dicam? solo & gente fortasse, animo non possum.

XII.

Haud magis quā SOLEIMANVM Turcicū Principē cuius classis, ducibus *Lustibeio* & *Barbarossa*, in Salentinos exscenderat. Ibi *Castrum* opidum arcemque, vicinum Hidrunti, subito terrore, in deditionem acceperant, incolis & ipso Domino *Mercurino* salutem. & libertatem pactis. Sed barbari, & præsertim nauales focij, nihil pensi habentes, omne maleficium inferre; & idoneæ ætatis captiuos, cum ipso *Mercurino*, ad classem deduxere. *Lustibenis* tamen, non dubia

I. Lipsij monita

perfidiae infamia, ad minuandam, *Mercurinum* liberavit: ceteros paullo post ipse *Soleimanus*, qui inter grauiores curas, *Corcyram* Venetorum obsidens, audito rem parum bona fide cum *Castrensibus* gestam; ingenuo pudore perfunctus, statim conquiri captiuos omnes iussit, & in naues impositos, ad penates suos remitti. Ipsos quoque praecipuos auctores supplicio affecit, non hic tantum Fidci amator & cultor.

XIII.

Nam & in Pannonia, cum Budam cepisset. metu vacuam, eiusque arcem oppugnaret, in qua Germanus miles, eique praefectus *Thomas Nadaftus*, curabant: ille quoque metu perfunctus, colloqui cum hostibus coepit, & de arce dedenda pacisci. Quod ægte *Nadaftus* ferens, ipse plenus animi & constantiae, compescere conabatur, & diremptis colloquiis tormenta verti in hostem iubet. Enimvero hic illi ignaui ad scelus etiam versi, ipsum in vincula conijciunt, & frustra reclaimante & minante, rebus corporibusque suis saluis, arcem dedunt. Intrant barbari, isti exeunt, ut pacti erant: sed cum *Nadaftum* victum repperissent, & rem, uti erat ex ipso auditam, ad Imperatorem suum detulissent; ille perfidiae ignaviae obiratus, statim immissis in abeuntes Genitzaris, omnes interfici iubet: ipsum *Nadaftum* vinculis liberatum & ad se adductum, laudat & liberali stipendio inuitat. ac renuentem dimittit.

XIII.

Claudamus inclito exemplo, quod magnus rex Galliarum FRANCISCUS nobis donet. Ille *Carolus Quintus* nostrum, sola fide regis:

& sua fortuna nixum, in Belgas & turbidos tunc *Gandauenses* properantem, sine copiis, pene sine comitibus, comiter & regaliter excepit, apud se habuit, deduxit. Sermones inter eos varij, & de pace etiam fuerunt, donando ducatu Mediolanensi (vtniectum erat) *Carolo* Regis filio. Sed cum Cæsar iam apud suos pacatique domestici motus essent; tardior in hanc rē videbatur, siue quia nec ante serio cogitasset. Tum igitur vapulare multorū sermonibus regia comitas, aut credulitas. *cur non hominem, in quo rerum omne momentum, tenuisset? ecquando tam bella umquam occasio? & inuidia aliquid aut & infamiae, pro tam spectabili utilitate, subeundum fortiter fuisse. Saltem leges firmiores certioresque ei dixisset: nunc, quid nisi inanem gloriam apud vulgus, apud prudentiores risum quasitum?* Neque nesciit *Franciscus*: & in conuentu procerum celebri, cum alia in purgationem sui dixit, tum hæc ipsa in clausula: *Etiam si Fides toto orbe exsularet, tamen Regibus tenendam esse, qui ea sola, & nullo metu, cogi adstringique possent.* Notabile dictum, & res sic habet. nos alios Lex aut Pœna coercet, Principes solus Pudor aut Fides.

XV.

. Quid claudam? Gallus rex alium eius gentis, & vetustiore subicit, *IOANNEM Primum*, qui ingenti clade ab *Eduardo V Valliæ* Principe victus, captusque, in Angliam abductus fuit. Ibi quattuor annis in custodia liberiore habitus, ad suos rediit, certis conditionibus cum hoste depactus. quæ tamen cum grauiores subditis viderentur, nec ciuitates An-

I. Lipsij monita

glis dedendæ, facile nouum iugum præsidiumque admitterent; ipse placando hosti, & fidei testandæ, iterum in Angliam traiecit, ibique ex morbo decessit. Clade accepta famosus, sed sic lata clarus, & fide clarissimus.

XVI.

Sed heus vos, date veniam boni Reges & Principes, ac liceat illustri choro vestro seruale nomen inferere: non maculam, sed lucem & splendorem merum, quatenus hic quidem spectabuntur. Nam & Fidei illorum in dominos aut patronos mirifica exēpla sunt, nec nisi cum virtutis damno silenda. *Hasdrubal* in Hispania res gerebat, & magnam eius partem vi aut astu subegerat: sed cum nobilem aliquem Hispanum interfecisset, *SERVVS* natione Gallus id non tulit, & mortem Domini certa sua morte vindicaturus *Hasdrubalem* occidit. Raptur, torquetur, cruci affigitur: inter omnia mala eo vultu, vt ridentis etiam speciem præberet, expleta ultione, sui securus.

XVII.

M. Antonius inter Romanos oratores, & in dignitate viros, nobilis fuit: atque is fœdo crimine (pnto falso) incesti publice postulabatur. Accusator *SERVVM* maxime in quæstionem flagitabat, quem dicebat præluxisse hero suo ad flagitium eunti, & laternam prætulisse. Aderat ipse seruus, cum hæc in iudicio dicerentur, & videbat rem ad suam pellem, quod dicitur, suosque cruciatus pertinere. Addo, quod iuuenis erat, imberbis, & in ætate adhuc minus aut patienti, aut constante. Tamen cum do-

num ventum esset, & herum suum animi anxium videret: *Quid diffidis here?* inquit. *In meo robore & constantia, si vis & expedit, spem audacter pone. nullus metus, cruciatus, mors me adiget, ut te & honorem tuum prodam. Minus arcto vinctulo anima hac corpori illigata est, quam affectus tibi: nihil diuidet, nullus dolor aut carnifex vocem ledendi tui ex ore isto extorquebit. Adeo non diffugio, depono hoc certamen, in quo tibi annis tiro, animi veteranum robur probem.* Erexit, & fiducia impleuit *Antonium*: qui iterum poscentibus seruum, præbuit. atque ille flagris virgisque laceratus, eculeo impositus, laminis adustus, mira patientia perstitit, & omnem vim accusatorum fregit atque elisit. Accessit facundia *M. Antonij*: sed heus, quæ tanta, ut hunc conditione seruum, animo heroem satis celebret.

Quid ille Urbini Panopionis SERVVS? qui cum proscriptus in villa sua Reatina lateret, nec satis lateret (alii serui prodiderant:) ecce aduenientibus militibus, ipse vestem heri subito induit, suam illi dedit, anulo etiam in digitum inserto: atque ita, hero per posticum emissio, ipse in lectulum se reposuit, & pro illo occidi fortiter passus est. Cito id dictum: non tam cito suscipi, aut susceptum fieri, verus iudex dicet. Magna fides, quæ vltima est, & postquam nec gratiæ, nec vitæ, ultra locusest.

XVIII.

Antistij vero Restionis SERVVS (qui & ipse miserabili illo Triumuitraus tempore, inter prof-

XIX.

I. Lipsij monita

criptos erat) ad fidem ingenium quoque adiunxit. Nam fugientem suum herum, & ut putabat, ignotum affectus est, & apprehendit: primo territum, quoniam hic erat stigmatum perpetua iniuria ab eo affectus, eo-que in re trepida vindictam timebat. At ille primum confidere eum iussit. & *Ego te ledam?* inquit. *qui tot annos aluisti, benigne fecisti? absit nec ista stigmata plus apud me possint, meo merito imposita, quam vetera tua beneficia in nec meritum collata. Confide. ego vero & tegam, & vel vita huius periculo tuam servabo.* Dixit breviter fideliterque. & herum in speluncam abduxit, atque ibi ex operis & mercede diurna aliquamdiu aluit. Sed cum milites, omnia ab præmium rimantes, ad speluncam quoque, aliquid suspicati, tenderent; ille subito senem viatorem abreptum occidit, & exstructo rogo superiecit. Superuenientibus in re militibus, & ferociter rogantibus *Quid ageret?* *Quin,* inquit, *scelustum meum herum interfeci, & crudelitatis huius ab eo (stigmata ostendebat) pœnas exegi.* Persuasit, & herum servauit.

Singulorum hæc fides, plurium illa simul in eadem proscriptione. Nam *Pomponius*, audaci astu, arreptis insignibus Prætoris, ipse in prætexta, serui instar licitorum, & cum fascibus exculci, urbem mediam transiere: arctius dominum stipantes, ne ab obuijs posset agnoscere. Ad portam sumpsit conscenditque vehiculum publicum, ut Prætor, & per totam Italiam sic incessit, quasi legatus à Triumviris ad

Sex. Pompeium irer: itaque & triremi publice præbita in Siciliam, certissimum miseris tunc portum, transmisit. In tot hominibus, tot occasionibus & locis admiranda plurimum fides, & mente magis quam stilo pensanda.

Addatur his non servus, sed cliens *Roderici Dauali*, Magistri equitum in Hispania. Is *Rodericus*, cum aliis aliquot, postulatus maiestatis fuit, & litterarum ad *Josephum* regem Maurum scriptarum, quasi patriæ prodendæ. Plura exempla prolata, & res in consilio Regis cognita, atque ipse alique damnari. Hæsit in herili isto crimine *ALVARYS NYNNIVS FERRERIUS*, Cordubæ natus, qui Præfectus aulae & domui *Dauali* erat. Sed is strenue se herumque defendens, non prius quieuit, quam falsas litteras ostenderet, earumque auctorem *Joannem Garciam* convinceret ac damneret. Et ipse quidem se expediuit, sed magni illi mansere exsules: cum ecce *Ferrerius*, ad heri egestatem subleuandam, omnia bona sua (quæ beneficio patroni acceperat) diuendidit, & octo aurcorum millibus confectis, textrinæ lignis excavatis ea indidit; atque asino imposita, agente in viliori veste filio, clam ad *Daalum* misit. Dignus, quem illustrissima eagens etiam nunc in memoria & laude habeat, & posteros, si qui exstant.

XX.

cccc.

xxxiii.

DE MODESTIA IN SENSV.

Hanc Principi decoram, & utilem esse.

C A P. XIII.

DIximus tres virtutes & commendauimus, plane Regias, & quæ in publicum spectant: sunt aliæ velut Priuatæ, quæ magis ipsum. Inter eas Modestia, quæ vario adspectu Principi adsumenda. Primum, quia omnes homines decet submitti, & ab Arrogantia fugere, scopulo virtutum. Sed magis Principem, qui in alto est, & causas plures siue occasiones Superbiæ habet. Natura quidem hæc corrupta eo vocat, & vani aut tumidiper eam sumus: quid cum Fortunæ ille ventus obsecundat, & vela implet? auferimur. Adde Educationem, quæ in aulis. molliter, indulgenter, splendide habentur; obsequia & demissio omnium, etiam apud pueros: qui non inflentur? Denique Adulatio accedit, ô Aulæ certa pestis! blâdiuntur assidue, & laudant; honoribus ac titulis afficiunt, id est dementant. Non iure sic loquar? vide *Alexandrum* illum, à tali patre, tali præceptore: fastidit homo esse, nec iâ *Philippi*, sed *Jouis* filius audit. *Julius Cæsar*, ille animi & ingenij magnus, impingit: & omnium victor, Adulationi succumbit. Voces emittit *debere iam homines consideratius secum loqui, ac pro legibus habere quæ dicat.* Itane pro legibus omnia

nia dicta? difficile est credere, virum talem sic elatum & ablatum. *Caligulam, Domitianum, Commodum* omitto, & hæc portenta: qui palam saluari & haberi, *Dominus Deusque noster*, volebāt. Vide an temere ad Modestiam vocem: & quæ hodie peccentur, non dicam. Caue, caue Princeps: & cogita supra homines te, sed hominem esse. Quamdiu autem esse? mors imminet, & æquabit. Quamdiu etiam esse? tristis aliqua fors imminet & demittet. Regnas? potes subijci. Dominaris? potes seruire. Quidquid alte se sustulit, opportunum est ad casum. Seneca noster: *Nulli Fortuna minus bene, quam optime creditur. alia felicitate, ad tuendam felicitatem, est opus.* De Breuis, vit. cap. XVII.

Videsne histriones in scæna, personam Agamemnonis aut Priami gerere: & mox, cum fabula peracta est, ad habitum & sortem veterem redire? Date veniam Principes, tales estis. Deus personam in orbis theatro hanc imposuit: sustinete, agite, sed qui introrsum & apud vos sitis, cogitare. Choragus ille est, qui dedit ornamenta: & nisi refertis ad eum, aufert. Huc vocant magnorum regum Dicta, vel Exempla: & vtraque ex magna copia, cum dilectu quodam, habe.

SARDANAPALVS rex Assiriæ à delicijs, & purpurata, vt ita loquar, vita innotuit. tamen idem ab ebrietate longa sobrius, sepulchro incidit curauit symbolum, quod ad Modestiam altissimos vocet. Erant digiti duo, qui collisi inter se * crepitum edebant: signantes, omnia regna, omnia votiuâ aut magna, NECTANT esse.

I. *Lipsij monita*

II. Sine alijs verbis ille hoc docuit: at ARCHER-
DAMVS Spartæ rex paucis, & pro Lacone, *Philip-
ippo* enim Macedoni, post victoriam ad Charo-
neam, qua libertas Græciæ concidit, insolenti-
us se efferenti, scripsit: *Metire umbram tuam, ni-
hilo reperies auctiorem*. O sapienter! Quid attollis
te in hostibus victis, in finibus propagatis? tibi
nil accessit. Numquid animo? curæ maiores, aut
metus. Numquid corpori? *metire umbram*, vide-
bis.

III. Sensit ipse PHILIPPVS, cum aliquando in
palæstra, inter luctandum, prolapsus surrexisset,
& corporis vestigium in arena vidisset: *Papa*, in-
quit, *quam parvam terræ partem sortiti, orbem appe-
timus*.

III. SEVERVS Imperator Romanorum, diu in
ambitione, & ob eam bellis, senio confectus
ac moriturus, urnam ad se deferri iussit, in qua
cineres (prisco illo more) erant recondendi. Et
diu contrectans & contemplatus, vocem misit:
Tu virum capies, quem orbis terræ non capit, Ita, ita
—— *mors sola fatetur, Quantula sint hominum cor-
puscula*. Attollere in vita, manus & spes ab O-
riente ad Occasum mitte: illa contrahet, & te
intra te coget.

V. *Seuerus* hoc sub mortem: diu ante eam MA-
XIMILIANVS Primus Imperator *Austriacus*.
Nam ille memor fragilitatis huius, triennio
(alij biennio) ante morbum, non solum mor-
tem, capulum funebrem è querno ligno, arcæ
viatoriae inclusum, circumferri secum iussit:
cavitque testamento, vt exanimus corpus

suum, rudi linteo inuolutum, sine vlla exentratione, illi imponeretur, naribus, ore, auribusque vna calce oppletis. Quid sibi voluit magnus vir? nisi monumentum illud assidue in oculis habere, quod diceret, *Cogita mori.* quod amplius diceret, *Quid te dilatus & extendis? quid multa possides, plura appetis? Quem tot provinciae & regna non capiunt, locus iste capiet.* Cur autem & calcem cauis illis partium immisit? en aromata, quibus condiretur! Sed hoc spectauit, ut corpus putredinatum, ea quoque exedente & consumente materie, citius consumeretur, & iret in suam terram. *Maximiliane,* magnus fuisti! & res tuæ dicunt, tum & hæc circa mortem.

Sed amplius, ille idem, pluribus diebus ante mortem nil nisi *Maximilianus* appellari voluit. quod imitatus nepos eius CAROLVS, cum raro & miro exemplo, Imperio se ultro abdicasset. & in filium, iam validum æui & animi, curas contulisset. Secessit enim in Hispaniam, & in Diui *Iusti* monasterio, septem à *Placentia* miliaribus, se abdedit, cum duodecim dumtaxat familiaribus, Deo & quieti vacaturus. Interdixit autem, aliter se quam *Carolus* appellari: *Cæsaris* atque *Augusti* illa nomina, cum rebus animo exuens, & totum hoc honorari contemnens.

Sed inter mundanos istos externosque Principes, fas sit locum dare & Ecclesiæ Principi accipiti, CLEMENTI Quarto natione Gallo: qui incredibile est, quam se in summo illo cul-

I. Lipsij monita

mine modeste gesserit & temperanter: Ante Pontificatum Iuriconsultus fuerat, & filias ex uxore suscepit duas. Harum vni in monasterium collocatae, non nisi *triginta libras* Turonenses semel dedit: alteri quæ maritum habebat, *trecentas*, loco dotis: idque hac lege, nequid vniquam plus peteret. Nepoti quoque tria Beneficia, vt loquimur, habenti, optionem detulit vnum retinendi, cetera statim dimittendi. Mirantibusque & instantibus amicis, vt & illa permitteret, & alia daret: in claram hanc vocem erupit, *Non esse dignum Petri successorem, qui plus cognationi, quam pietati largiretur.* Exstat epistola viii sancti ad nepotem quemdam suum, ab Antonio Augustino prouulgata, in qua & voces & sensus videre est, ab ipsa Modestia conceptos.

In Onuf.
frio.

VIII.

Sed CANVTI etiam Anglorum regis insigne ad Modestiam documentum est. qui cum obsideretur ab Adularoribus, id est coruis aulicis, & sortem eius attollerent, dicerentque omnia seruire, & ad nutum eius vultumque (verba Annalium) conuerteret: ille fœdam adulationem sic repressit. Spectantibus ijs, sedem regiam in litore maris posuit, in ipso accessu eius & fluxu. Tum dixit: *Tu mare ditionis mee es, & terra, in qua sedeo, est mea. Impero tibi & denuncio, ne in terram meam ascendas, nec membra, nec vestem domini tui madore perfundas.* Ille dixerat, mare tenorem suum tenebat, veniebat, alluebat. Tum resiliens: *En,* inquit, *quam ego omnibus imperito! Quin sciant omnes, qui terram incolunt, vanam & falsam esse regum*

potentiam: atque unum eo nomine dignum, qui vere imperium inhibet cælo, terra, mari. Neque intra verba Modestia hæc stetit. in omni actione talem se præbuit, atq; adeo coronam ultra in caput non admisit.

Hæc inuitent & excitent, sed Mutationum exempla, quæ addam, fortius etiam percellant. Quot enim ea sunt? & quam paucis Fortuna currum à carceribus ad metam, sine offensa aut euerfione, perduxit? In omni æuo, & in omni orbe occurrent. In Ægypto SESOSTRIS rex hoc didicit, & imbibit. Victor erat vicinorum, & imperium longe protenderat: sed & animum euexerat, & quattuor reges, equorum vice, currui suo subiungebat, quo vehebatur. In eo cum sublimis sederet, regum illorum vnus capite reflexo identidem rotam currus aspiciebat, & capi ac pasci videbatur. Quid rei sit, Sesostris rogat: ille libere, *Intueor volumen hoc æsiduum rota, in qua vicißimima summa, et summa ima sunt: quod exemplum capio, & applico nostræ fortunæ.* O bene! potuisset tamen addere, & tua. sed Sesostris ipse fecit, & statim illos à iugo, se à fastu liberauit.

SOLONIS etiam monitum tale, sed non apud talem: neque doceri, nisi malo suo aptum. Apud CROESVM erat Lydiæ diuitem illum regem. qui Solonem comiter, vt peregrinum, excipiens, & gazam omnem atque opes ostentans, *Et quid videtur? habes dicere hominem me beatiorum:* Habeo, inquit Solon: & Tellus quendam, hominem modicæ sortis, sed in ea

IX.

X.

I. *Lipsij monita*

quietum, nominavit: tum & duos alios, qui vita bene acta essent defuncti. Risit Cræsus: & nos quo loco sumus? *Haud dixerim*, ait Solon. *nec fas beatum etiam censere, qui in his vita fluctibus iactatur donec sit in portu. Nonne tempestas interuenire potest, & turbo qui euertat?* Nec sic hominem docuit, sed fecit mox Cyrus. Nam ille acie victum, & vinctum, rogo imposuit exurendum. Cum Cræsus clamare incæpit, *O Solon, Solon!* Miratus Cyrus, rogari iubet, *Quem in extrema illa sorte hominum deorumve inuocaret?* Dixit, *Solonem sibi in mente esse, qui sapienter monuisset, non fidere presenti fortuna, nec beatitudinem ante finem vindicare. Nisi*, inquit *nunc probo & miror*. Probauit & Cyrus. statimque ad modestiam etiam ipse flexus, liberari Cræsum iussit & in amicos transcripsit.

XI.

Addamus quamquam æuo dissitum, sensibus exemplum assitum, GILIMERIS regis in Africa Vandalorum. Diu felix fuerat, opes terrasque victoriis quæsiuerat: vertit se Fortuna, & Belisarius à Iustiano Imperatore missus, cum exigua manu, hominem euertit. Acie igitur victus, fugit in Numidiæ excelsum montem Pappum, atque illic obsidione aliquamdiu tolerata, desperans ad Pharam misit, qui mandato Belisarii obsidebat. actum super deditione, simulque petito, *Panem sibi mitti, spongiam & citharam*. Panem fami releuandæ: spongiam, siccandis oculis: citharam, leniendo animo. Dedit ea Pharas, & mox sese Gilimer. qui ad Belisarium deductus, nil nisi risit Desipere eum è cla-

dibus homines censebant: vera sapientia erat, quæ incerta hæc rerum, vñ edoctus, ridebat. Idque apertius in ipso triumpho ostendit. cum per pompam Byzantij, ad *Iustinianum & Theodoram* coniugem in sublimi solio sedentes adductus, hoc tantum effatus est, *Vanitas vanitatum, & omnia vanitas*. O bone Gilimer, felix tua infelicitas, quæ mentem hanc dedit! nec vita deinceps infelix, quam in Galliæ angulo priuatus quietusque duxisti.

In eadem Africa, sed vetustiore æuo, non alium regem video vinci, capi, triumphari? *IUGURTHA* is fuit, Masanissæ nepos, opibus & ingenio validus, sed tamen à Mario devictus. Romam ducitur, & post triumphalem illusionem in carcerem coniectus, veste spoliatur, in aures, quas more gentico ferebat, derrahuntur, sic ferociter, vt partem imam auris senserit auelli. Tum denique nudus in carcerem infimum abiectus, tætrum & horridum. *Papa*, inquit, *quam frigidum est vestrum balneum!* atque inibi fame obiit.

Quid Rex è Macedonia *PERSIS* is quoque victus à Romanis, & animo fractus, ad religionem templi in Samothrace confugit: quasi sacra tueri possent, quem non arma. Inturum igitur asylum: fraude vel vi eductus est, & cum vxore & liberis ad *Æmilium Paulum* Consulem perductus. Ibi solutus in lacrimas, & humiles preces, ad genua etiam se submisit: miserante Paullo, & simul indignante, quod homo sic vilis & degener victoriæ suæ decus delibaret. Trium-

XII.

XIII.

I. Lipsij monita

phatus deinde est, cum duobus filiis, & filia: ipse in carcere, & duo mortui: tertius seruatus, quid nisi iterum ludibrium? Regia illa stirps primo fabril arte vitam tolerauit: & vsu iam Latini sermonis aliquo, scriba & affecla magistratum fuit. Vbi es Confidentia, aut Superbia?

XIII.

Ante illum, & maior illo PHILIPPVS, eiusdem Macedoniae rex, & Magni pater, quam sensit infidam sortem? Græciam ferro vel auro suam fecerat, spes in Asiam mittebat: & iam conuentus indictus erat, ubi caput & Praefectus eius belli legeretur. Quem ut celebriorem latioreque faceret, nuptias in eum contulit filiae suae Cleopatrae, cum Alexandro Epiri rege. Ludi & theatra parantur, etiam sacra & duodecim Deorum statuæ in pompa ferendæ: quibus ipsius (ô cæca mortalitas!) decimatertia adderetur. Quid latitiae aut gloriae abest? diuturnitas. & dum securum se putat, & theatrum ingreditur, Pausanias ex amicis (& hoc inopinatum) à tergo consecutus interficit. Vis iterum inopinatum? conscendit ille celerem equum, & euaserat, nisi pes eius in vite adhæsisset: ubi à Satellite Philippi confectus est.

XV.

Sed quid ego talia memorem? vna illa Græcia, praesertim à Constantino Magno, qui imperium in eam transtulit, tot exempla casuum istorum det, ut non sit opus alio theatro. Quid in Italia? ab Augusto ad eundem Constantinum numerantur IMPERATORES quadraginta tres. Dispicere vix decem ex istis certo dabis, qui sua morte

sint defuncti. Alios ferrum, venenum, laqueus abstulit: à filio, fratre, vxore, amico, inimico: quid nisi singulos iustæ tragœdiæ argumentum.

Iam & fati alia genera miseranda. POLYCRATEM in cruce mori video, BAIASITEM in cauea, DIONYSIVM in schola, BOLES LAVM Poloniæ in culina. Quid ANTIOCHVM Syriæ, nonne à latronibus occisum? PYRRHV M à famina? HENRICVM nuper Galliæ à monacho?

XVI.

In sola Hispania tria hæc demus: & quartum alij. HENRICVS *Primus* puer sceptrum ceperat, nec diu tenuit, post biennium miro casu, & vere casu, sublatus. Nam dum Palentiæ, in area domus, cum æqualibus ludit, regulæ lapsæ ictu repente caput comminutum: & ex vulnere vndecimo post die obiit, IOANNES itidem primus, in flore rerum & ætatis (annum *Trigesimum tertium* agebat) dum equum iuueniliter calcaribus incitat, & ad cursum admittit, cum eo labente lapsus, inibi exstinctus est. Magis tragicum est de PETRO. qui cum aliquamdiu sæuiter, & multa procerum cæde, regnasset, *Henricus* frater arma in eum cepit, & auxilia è Gallia etiam conduxit. Pugnatum acriter, quam odiis pertinacibus, exitus docuit. nam victus *Petrus*, cum in conspectum Henrici captus adductus esset, iste pugione faciem eius percutit: atque alter dum vindicare parat, fœde colluctati, vterque ad terram prosternitur. Sed aliis quoque suppetiantibus Henricus superior,

XVII.

∞. cc.

XVII.

∞. ccc.

x c.

∞. ccc.

LXIX.

I. Lipsijmonita

fratrem multis vulneribus conficit, & regnum capit. Nonne hoc Thebanum vetus illud par fuit? Quartum exemplum in mente habeo, nondum in stilo.

XVIII. In isto, quintum. & est SEBASTIANI nuper Lusitaniæ & Indiarum regis, *Indole, proh, quanta iuuenis!* sed Fara eum euerterunt, & ipsum regnum verterunt. Iuuenis erat, animorum plenus: & accedebant, qui etiam Pietatis specie illos tollerent, & arma in Mauros, exque iis victorias suaderent aut sponderent. Acrior stimulus *Mahumetes Abdala* filius, profugus è Fessæ regno, qui ius suum & amicos ostendebat, & largiter promittebat, exsulum ingenio & more. Ergo excitatur, & omnia parat, naues, milites, commeatus, præter consilia, quorum inopstunc & postea fuit. Vetus regnum, & alta pace, commouetur. insolens armorum nobilitas, & facta maiorum facilius, quam sua ostentans. Additur & mercenarius miles: Dux nusquam, nisi in titulo & splendore regis. Mare transeunt, regna Fessæ & Marocci, ut destinant, occupaturi: sed rex illorum ex aduerso prodit, *Moleius Moluccus*, corporis æger, animo melior. Disponuntur acies, pugnatur, *Moleius* interest, etsi per ægritudinem vix in equo hærens. videt autem fluctuare suos aut fugere, & generosa ira in hostem ipse equum concitat, exemplo aut terrori futurus: sed proximi retinent, gnari virium. Qua re ita excaudit, quasi in ordinem redactus, aut proditus, ut gladio eos petierit, & mox animo linquens,

in lecticam repositus, illic in ipsa acie obiit. Sed mira fides aut prouisio amicorum fuit. silentium de morte, cursus & recursus ad lecticam eius, quasi à viuo mandata peterentur: quæ res victoriam parti illi dedit. Nam Christiani pauci in plures paullatim fatigari aut cedere, multi cadere: postremum ipse rex, qui in mediis hostium pugnabat, cum videt omnia aduersa, cinctum se sine spe effugij, verba de pace aut deditione facere: ah, quam sero! Hostes inuadunt, & occidunt, siue inter plures ignotum (& quidam aiunt regia insignia sibi detraxisse:) siue cognitum, sed rixa inter ipsos orta, quorum præda esset, per iram interemptum. Addunt, equestri sellæ cadauer impositum, & in tentorium noui regis Afri (frater defuncti erat) delatum abiectumque ostentui fuisse, donec à captiuis bona fide agnosceretur. Ita ille obiit: & simul rex tertius *Mahumetes* exsul, qui fugere & fluuium vadare conatus, vorticibus siue voragine haustus merususque est. O acerbi fati adolescens, quæ tulisti, & quæ dedisti! nam tecum regnum corruit, & quod seorsim diu luxit splenduitque, velut radius rediit ad suum Solem.

Affiduus hic ludus: & ideo non sit finis narrationum, nisi reprimam. quod facio: sed vnicum insigne exemplum Mutationis effatus, in qua & manus carnificis interuenit. **C O N R A D I N V S** imperatoria & regia stirpe iuuenis, vltimus Ducum Sueuiæ fuit. Pater ei *Conradus*, rex Neapoleos & Siciliæ, mater è Ducibus

XIX.

I. Lipsij monita

Bauariæ, auus, *Fridericus Secundus* Imperator, auia, *Constantia* filia *Ferdinandi* Hispaniæ regis fuit. Quam amplum, & illustre hoc stemma! quos animos non faciat? quæ fata non promittat? Sed spes vndique destituit: & statim à puero aduersa sorte, regna Neapolitana & Sicula, iure debita *Manfredus* patruus fraude inuasit, vi tenuit: Cum ille abiisset aut pulsus esset, auctoritate Pontificis (*Clemens quartus* tunc erat, Gallici sanguinis, & genti fautor) *Carolus Andegavensis* aduocatur & inuadit. Quem *Conradinus* dum pellere conatur, copias contrahit, è Germania in Italiam venit, multa nobilium manu: inter eos, *Friderico* Duce Austriæ, cognato suo. Sed & Itali se iungunt, quidam ius eius, plures commoda vel affectus suos spectantes. Pugna cum *Carolo* commissa, primo victor, denique vincitur: & fugit cum eodem *Friderico Austro* per ignotam Italiam, trepidi & agasonum habitu se occultantes. Ita Asturam ventum. vbi consilium capiunt naui conscendendæ, & *Pisas* dirigendæ, sociam & fidam urbem. Conueniunt cum naiculatore: & iam in naui erant, sed panis & commeatus deerat, quem mittunt eundem illum præstinatum. Pecunia etiam deerat: ergo annulum alter à digito detrahit, siue pignus naiculario, siue pretio ab eo permutandum. Is annulus gemmam raram & æstimatam habebat: itaque aurifex miratus à sordido homine deferri, & suspectans, unde habeat? quærit. Ille candide, *A duobus iuuenibus, ingenui vultus & sanguinis, sed habitu & veste squalidis:*

neque ultra se scire. Defertur res ad Dynastam
urbis (qui tunc illi proprius erat) *Ioannem*: è gen-
te *Frangipantum*: atque is ex euentu prælij, & fa-
ma, tale iuspiciatus, nauem instrui iubet, ado-
lescentes retrahi, & ad se duci. Dictum, factum:
sistuntur, agnoscuntur: & putabant extra peri-
culum se, quia extra hostile solum erant, esse.
Aliter accidit prauitate, siue avaricia Dynastæ.
nam is *Carolo* indicat: qui statim cum copiis ter-
ra marique aduolat, & captiuos suos Neapolim
abducit. Quid exspectas? aliquid regium? pudor
est Andegauensis stirpis aut macula, quod dicā.
diu deliberato cōcluditur, tollēdos, adolescētes
& publice capite minuēdos. Quid? vt sicarios aut
prædones? qui ius suum repetierant? qui bellum
intulerant, & iure ac more gentium admini-
strarant? Omnia in hoc facto sæuitiam & bar-
bariem habent: etsi Pontificem etiam obten-
dunt, atque illum consensisse, aut suasisse. Alte-
rum potest, vix alterum: sed æstimatio aliorum
etiam esto, in re autem istud. Producentur in
scenam publicam, concursus ad tale spectacu-
lum è tota Italia, plerique omnes miserantur &
illacrimatur, sed nemo, nisi inani fauore, iuuat.
Conradinus animose loquitur, *Carolus* accusat, se
excusat: Deum vindicem inuocat, & ius suum
in hæc regna *Henrico Castellano*, amitæ suæ filio,
donat. Huic rei tesseram, chirotecam exuit, abii-
citque. Tum *Fridericus* primus ingeniculare iu-
betur, & caput inciditur: quod sublatum è ta-
bulato *Conradinus* (quis sine motu audiat?) pe-
ctori appressum, deinde ori applicuit: & sortem

I. Lipsij monita

miseram eius defleuit, cui auctor ipse esset. Tum & ipse in genua prouoluens, fortiter carnicem exspectat: qui caput amputat. & cum fecisset, statim alius hunc interficit, ne exstaret qui iactaret generosum illum sanguinem à se sublatum. Hoc unum *Carolus* magno in speciem animo: cetera feritatem habent. etiam illud, quod ipse spectator supplicij esse sustinuit, in alta quadam turri occultus. Illi obie-runt: nec diu victoria aut regnis *Caroli* posteri gauisi sunt, & Hispani (an non morituri voce & voto?) eiecerunt.

DE MODESTIA IN CVLTV:

*Et hanc conuenire, elegantiam aut pompam
non conuenire.*

CAP. XV.

ET præcipuum quidem est, animum sic affectum esse: sed ut corpore idem prodatur, quidni decorum sit? Aurum, gemmæ, ferica, non digna sunt ornamenta magno Principe: & negotiator aliquis aut mango ea usurpet. Quis etiam nescit, Principi in mundo hæc esse: habet gestatque, si velit, sed maioris animi est, seposuisse. Sane egregios aliquot Principum sic factitasse video, & plebi virtute eminuisse, cultu consensisse.

AVGVSTVM apud Romanos: de quo Suetonius

tonius. Instrumenti eius & suppellectilis tenuitas apparet etiam nunc, residuis lectis atque mensis, quorum pleraque vix priuata elegantia sunt. Ne toro quidem cubuisse aiunt, nisi humili, & modice instrato. Veste non temere alia, quam domestica usus est, ab uxore, sorore, & filia neptibusque confecta. Vt alia omit- tam, vide an vestis illi trans mare petenda, qui non nisi domo sumptam, & confectam, gestauit.

ALEXANDER Seuerus, plane inter bonos Imperator, gemmas lapillosque omnes, quos in Palatio repperit, vendidit: addens, *Gemmas viris vsui non esse. Idem nec apparatu, nec pompa multum utebatur, hoc vsurpans: Imperium in virtute esse, non in decore.*

II.

Quod sensit sane AGESILAUS, Sparta dignus rex. qui iam senex in Ægyptum Tacho regi suppetias iuit. Nauibus vehebatur: & cum appropinquaret, ingens Ægyptiorum turba in portum se effudit, ad celebrem ducem spectandum. Præceperant animo magnificum virum, veste, comitatu, ipso corpore spectabilem: at ille prodiit cum vili palliolo, par gregalibus, & nec aspectu verendus, nisi si quis nosset. Itaque palam cœpit contemni, aut irrideri: *Hunc esse, qui res lapsas instauraret? anchoram suæ spei? Omnino iactatum illud in eo verum conspici, Montes parturire, murem nasci. Hæc & talia plebecula: sed plebecula. virum & ducem se mox exhibuit, non parem famæ, sed maiorem.*

III.

Talis in eadem Græcia PHILOPOEMEN,

III.

1. *Lipsij monita*

quem scite & vere dixit aliquis, *Ultimum Græcorum*. Post eum, vix sane alius magna virtute, & laude fuit. At hic & corpore parum decens, & cultus omnis negligens fuit: ac dedit sane modestiæ huius (sed apud fæminam) pœnas, *Megara* ibat, & præmiserat nunciatum amico cuidam, affuturum se vespere, & hospitem conuiuiamque ei futurum. Gaius ille, vt cocti aliquid esset, recta ad forum properat, vxori denuncians, vt domi interea paret, verrat, sternat: & quæ tanto hospiti conueniant. Illa satagit, & *Philopæmen* opinione maturius adest, & comites post se reliquit. Salutat hospitam. illa resalutat: & de cultu eius & corpore suspicata antecursorem aliquem esse, & ex famulitio: *Heus tu*, inquit, *Festinamus. adde manum & adiuta, atque hæc ligna mihi scinde*. Vna porrigit securim: & facit opus sedulo *Philopæmen*, donec amicus de foro superuenit, & attonitus, *Quid hoc rei est Philopæmen? ita te & me dedecoras?* Ille subridens, *En pœnas*, inquit, *vultus & cultus mei luo*. Adeo non indignatus pro seruo se habitum, vt vltro iocatus in se sit: & credo materiam bellam sermonum ea die, hoc factum fuisse.

V.

RVDOLFONOSTRO Austriaco non aliter Morguntiaci euenit, & à pari causâ. Nam vestitu, nihil à plebeio differebat. Mane igitur egressus solus (& aura frigidior erat) videt in pistoris domo carbones de fornace recentes, ignitosque. Intrat fidenter, adsistit, calefacit: cum mulier eum adspicit, & ex vestitu æstimans, *Heus*, inquit, *mi homo, parum decet vos ad mulierculas, & in*
alienam

alienata domum sic venire. Rudolfus, *Mea mater, miles sum, qui meas res in obsequio & comitatu Imperatoris contrui: at ille parum benigne me nunc habet, nec pro spe aut meritis muneratur.* Mulier ad illud Imperatoris nomen cœpit stomachari, & multa mala in Rudolfum dicere: *Quin iste vir est, inquit. Qui nos & nostra perdit, pauperum scopulus & exitium. Merito hæc vobis eueniunt, qui adhaeretis & sequimini: atque ut plura eueniant, opto.* Rudolfus delectatus procacia mulierculæ, *Sed Mulier, inquit, de me missum face: vos proprie quare læsit? Ibi mulier exclamare, Jllene? qui omnes pistores huius urbis, lautos satis antea, fortune evertit: nec facile resurgemus. At tu bone vir fabulari desine, nec ultra molestie aut impedimento nobis es, abi.* Aliquid voluisset etiam Rudolfus, sed illa Amazon vas aquarium in prunas accensas iecit, & fumo, vapore, cinere perfusum eiecit.

Sed iste cultus eius priuatim, & non publice fortasse fuit. Publice? vide. Quis dies lætior, & magis pompæ aptus, quam cum victum Ottocarium, Boëmiæ regem, ad se vocatum excepturus erat, & fidem ab eo (Homagium dicimus) accepturus? Ille venit cura magno & splendido comitatu: & viri & equi auro, gemmis, serico nitebant. Dictum Rudolfo, aduentare: & sedulo à quibusdam additum, *Pararet se, veste & cultu ornatiore & Imperatorio, talem regem admissurus.* Rudolfus renidens: *Imo rex Boemia, inquit, griseam meam vestem (verba fuerunt) sæpe derisit: nunc ipsum vestis mea grisea deridebit. At vos arma & equos expedite, & accincti instructique;*

VI.

* Lericopheam
Græcis: cinerem, aut
marinam
Latinis;

I. Lipsij monita

ut ad pugnam; *state. Decus Teutonicorum armorum, non vestium, aduenis istis ostendite: hoc me vobisque dignum est*, Dixit *Rudolfus*, neque aliter fecit. *Ottocarus* illi vili cultui se & aurum suum submitit, & ad genua accessit: non sine ludibrio etiam, cum Imperator iussisset tentorium, in quo res gerebatur, subito pandi & reuelari, ut ab omnibus geniculans *Ottocarus* conspici posset.

VII. CAROLVS *Quintus* Imperator, ut sanguinem ab eo, sic hanc virtutem traxit. In omni vita modicus, vel potius tenuis, in cultu fuit. quod notarunt Itali, & mirati aut calumniati sunt, in primo eius & solenni ingressu Mediolanum, Insu-
brum urbem. Ciues nouo domino omnia instruxerant, plateas aulæis, tabulis, frondibus, sese quisque vestibibus exornauerant: umbella aurea parata, quæ ingredientem tegeret. cum ille & Imperator, & non semel Rex ac Princeps, in lanea atra penula, & vili pilleolo, sub eam se dedit. Videbant cum, & requirebant: matronæ præsertim, & virorum vaniores, qui trabecas, & illusas auro vestes, & fulgentes incapite & collo gemmas expectabant.

VIII. O quam dispares isti à Græcanicis Imperatoribus, quos luxus & deliciæ ad cultum vix virilem traduxerunt! In qua re, lepidum est, quod *Nicetas Choniates* denarrat de ALEXIO ANGELO, Principe Byzantino. Erat in Italia tunc *Henricus Quintus* Imperator, filius *Frederici Enobarbi*, qui Sicilia & Neapoli subiecta spes suas lon-

gius porrigebat, & Græciæ imminebat. Misit igitur legatos, qui magnum auri pondus poscerent, velut tributum nomine: aut si negaretur, causam belli: *Alexius*, quem dixi, audito aduentu exterorum, ut opes suas & splendorem iis ostenderet, & oculos veneratione aut metu præstringeret, iussit suis omnibus quam ornatis-
simos adesse, auratos, gemmatosque: ipse autem à capite ad calcem nil nisi splendor, & nitor erat, rarum vel in templo aliquo spectaculum. Veniunt legati, sed Germani, id est viri, qui tantum abfuit (ait Nicetas) ut spectaculo eo ad metum mouerentur, ut contra ad cupidinem: & nihil magis vellent, quam cum istis quamprimum ad manus venire, effaminatis: nec nisi ad prædā natis. Cum interim Græculi etiam accedentes eos cubitis tangebant, & digitis præbant, ut Imperatoris vestem & gemmas aspicerent: quibus ille, ut floridum aliquod prædium, aut *Alcinoi* hortus, varienitebat. En, aiebant, vel in media hieme, Veris opes & gratias usurpate, & oculos iis pascite atque hilarate. O belli parasiti! & quid ad hæc Germani? Nihil capi aut affici se istis muliebribus spectaculis aut ornamentis. atque adeo iam tempus esse, ut his sepositis Græculi ferro aurum commutarent. Nam si irriti legationis sue redirent; pugnandum iis cum viris esse, qui non ut prata lapillis niteant, neque vestibus variegatis, ut pavones, gloriuntur: sed qui veri Martis alumni, flammæ nitoremque ex oculis in acie iaciant, & quorum sudor splendidis guttis defluens referat margaritas. Hæc nostri Germani ad

582
I. *Lipsij monita*

Græcos, iam verbis terrefactos: quid si ad rem ventum fuisset, & fuisset nisi *Henrici* mors subsequuta consilia hæc & incepta turbasset.

DE MAIESTATE:

Et salua modestia posse assumi.

CAP. XVI.

NEQUE enim inter se hæc pugnant, & conuenientia est etiam inter specie dispares virtutes. Appello autem *maiestatem*, venerationem aliorum animis insitam, cui à magnitudine est origo. Et ipsum etiam nomen maiestatis est à Magno. Ouidius decenter aperit:

Donec Honos placidoque decens Reuerentia vultu

Corpora legitimis imposuere toris,

Hinc facta maiestas.

Proles igitur est Honoris & Reuerentiæ, sed & matrem si quis horum dicat, non aberret. Origoei præcipua ab interna magnitudine, id est virtute: etsi externa etiam species, gestus, cultus, aliquid addunt. Orientales in his talibus magis curiosi aut affectati: minus Europæi, & veteres Principes diademate & purpura fere contenti fuere. Hodierno æuo, illis abolitis, sceptrum & corona successerunt. Parum est. arbitraria sunt: leue adiumentum ad maiestatem, nisi aliunde ea adsit. Sunt & insignia quædam nouitiæ inuentionis, vt Aurei velleris, Conchæ.

Sancti Iacobi, & talia: è quibus primum, omen habuisse videtur aut prælagium plusquam Iasoniæ navigationis, qua nouus orbis, & in eo aurum, sunt resecta. Aliquid & Aulæ pompa, & ministeriorum varietas aut copia, item latellitium huc faciunt: & *Julianum* Imperatorem, vulgo *Apostatam*, culpatum in his memini, qui sustulit aut recidit: ὅτι (ait Socrates) πανοµένῃ ἢ ἐκ τῆ βασιλῆος πλὴτος τοῖς πολλοῖς ἐγγισµένῃ κατὰ πλῆξιν εὐκαταφρόνητον ἐποίησεν τῷ βασιλείῳ: Quoniam cessante admiratione opum & potentie, quæ plebeiis animis hoc aspectu inseritur, vilem & contemni facilem reddidit Principatum Plebeium iudicium est, nec magni hæc momenti: magis mores, si ij compositi & graues. Talem *Periclem* Plutarchus describit, vultu serio, nec ad risum facili, incessu moderato, voce & sermone sedato. Alacritas illa nimia vix conuenit, sed nec dicacitas, etsi ingenij notam dicas. Liuius in *Philippo* ultimo Macedone hoc notat: Et erat dicacior natura, quam regem deceret, & ne inter seria quidem risu temperans. Iam corpus & species si adest, valde iuuant. atque ita de *P. Scipione Africano* idem Liuius: Præterquam quod suapte natura multa maiestas inerat, adornabat promissa cesaries, habitusque corporis, NON CULTVS MVNDITIIS, sed virilis ac vere militaris. Postremo, secessus & abductio iuuat. Vt enim ille ait, Parit conuersatio contemptum, raritas conciliat ipsa rebus admirationem. Sed nimia ne sit: aut tollit munus & officium regis. Neque enim Persæ laudandi, apud quos persona regis, sub specie maiestatis,

Eccles.
Hist. III.
cap. I.

Lib. xxx.

Ib.
xxviii.

Apul. de
Deo Socr.

I. Lipsij monita

Panegy.
ad Theo-
dos.

Tacit. XIII.
Annal.

occulitur. Non item qui eos imitati, intra secretum Palatina domus inclusi, tamquam aliquod Vestale secretum consuluntur: tumida & odiosa sunt, nisi gentium aliquis receptus mos (nec is bonus) ita habet. Quid tamen de regibus dicam? ecce olim libertum, qui huc superbiæ & fastidij devenit. Is fuit Pallas Claudij, qui venerationi asserendæ, Numquam domi aliquid, nisi nutu aut manu, significavit, vel si plura demonstranda essent, scripto usus, ne vocem sociaret. Examina hoc, & ride servilia illa portenta tam impotenter regnasse.

DE CASTITATE:

Quam Princeps extra connubium, & in eo pro parte servet.

CAP. XVII.

De Civit.
Dei, lib. I.

ADIDI denique alias virtutes, quæ ex decoro aut usu sunt: & quattuor præsertim, *Beneficentiam, Castitatem, Patientiam, Animi magnitudinem*. De prima, alibi dicendum commodius: nunc de Castitate, dignissima Principe: cuius proprium est, alta & seria cogitare. Non facit libido, quæ in sordidis cogitationibus & cæno suo hæret. Bene ille veterum: *Nihil est tam mortiferum ingenio, quam libido*. Nec animi solum, sed corporis robur minuit: & perplacet illud Augustini, *Pudicitia est*

virtus, quæ comitem habet fortitudinem. Omitto pericula ex ea & contemptum, alibi dicenda. Habeas igitur ante matrimonium: neque enim ab eo te arceo. imo quod honestius (ait ille) Imperatoria mentis leuamen quam assumere coniugē, prosperis dubiisque sociam? cui cogitationes intimas, cui paruos liberos tradas? Cogitationes, nec tamen omnes. Illæ de republica, non bene semper infirmo, & interdum infido sexui, committuntur. Spernimus, qui referunt ad istas pleraque omnia, & qui audiunt: etsi Aristoteles notat, *Feroces & militares sæpe populos ita subiici, & nominatim Lacedæmonios*. Quod idem de istis Plutarchus, scribitque: *Lacedæmonios vxoribus suis semper addictos esse, plusque cum his, de negotiis politicis, quam has cum illis, de priuatis communicare*. Turpe est, ne fiat. Quis Claudij imperium non nouit, hoc nomine famosum, quod semper aut Messalina aliqua, aut Agripina regeret, aut vna cum his, quispiam è libertis? Quis & Alexandri Severi, boni alias Principis, non misereatur: qui per pietatem nimis matri se addixit, & se sic euerit? Herodianus obseruat: *Quippe illi mater supra modum imperabat, atque is dicto audiens semper fuit*. idque aliquis solum in Alexandro reprehenderit, quod mansuetudine nimia, & reuerentia maiore quam oportuit, matri etiam in iis quæ displicebant, obsequeretur. Atque idem scriptor proprium muliebri vitium tangit, quod instillant. Alexander, inquit, ipse ad prælium cum Partho non venit, incertum metune proprio, an quia mater retinuerit, femineo pauore. Omnes enim illius (hæc nota)

Tacit. xii.
Annal.

11. Politic.
cap. vii.

Lib. vi.

I. Lipsij monita

GENEROSOS SPIRITVS retundebat, suadens alios potius periclitari pro se sineret, quam ut ipse in acie confisteret. Talia fœminæ, & deteriora, solent: ac bonarum rara exempla, animosarum pauciora sunt. Mihi vero, siquæ Principis fœminæ partes in republica esse possunt, eæ sint quas Homerus in *Arete Alcinoi* describit: quam, inquit, maritus honorat & ciues: quid ita?

Οὐ μὲν γὰρ τι νόσ γε καὶ αὐτὴ δούλει
ἐσθλῆ,

Οἷσιν εὖ φρονέησι, καὶ ἀνδράσι γέκεα
λύει.

*Nam neque mente animoque ea deficitur sapienti,
Atque inter ciues & amicos iurgia soluit.*

Hoc bonum germanumque fœminæ opus, pacare, mitigare: amplius, ex eodem Homero, afflictos iuuare. Ita enim *Minerua Ulyssi* suadet, adire inprimis & blandiri *Arete*: quia per eam in patriam restituendus esset. Plura quæ facit, plurimum male facit. & pulchrum elogium de *Maria Emanuelis Lusitani* vxore. quæ (ait scriptor eius gentis) erat moribus & vita grauis, humanitate comis, otij inimica, & ipsa manibus suis opera muliebria, e lino aut serico, faciebat, & virgines suas eodem ducebat. NEGOTIIS PUBLICIS numquā se admiscebat, summū mulieris decus in modestia ponens, & vitæ perturbationē censebat, munerū confusionē. Hęc magnanimæ illius *Isabellæ* filia fuit: sed nō in virilibus curis ei par: & ut verūdicā, *Isabellæ*, ut *Phænices*, vix quingētesimo anno gignūtur. Siquis tamē talē nactus, vtiliter audiat: vel minorē ea, sed audiat,

non semper aufcultet. Exempla porro *Castitatu*, atque etiam deinde *Caritatis* inter coniuges, demus. ac primum illud, quod de

CYR O Xenophon, siue vere siue decore, scripsit. Cum, inquit, *Panthea* formosissima fœminarum capta esset, atque ad eum adducenda, vetuit: ne vel oculis scilicet castitatem matronalem, & suam, violaret. Atque *Araspo* ex amicis suadenti adire eam, & alloqui: esse enim mulierem insigni forma, & Regis plane oculis dignam: Ob istuc ipsum, inquit, magis est ut abstineam. Etenim si nunc illam adiero, cum vacat: fortasse illa efficiet ut adeam, etiam cum non vacat, eique assideam neglectis rebus serijs. Bona oratio, & ratio. ac sane si non alia noxia in usu fœmineo, ista certe est, auocari à melioribus curis.

Itaque iure PERICLES, cum Atheniensibus Prætor, collegam *Sophoclem* poetam haberet, atque is in communi officio forte districtus, prætereuntem egregium puerum intentius intuitus esset, impensiusque laudasset: grauiissima ista voce corripuit, *Oportet, ô Sophocles, Prætorem non solum manibus à lucro, sed oculos à libidine habere pueros.*

Quod fecit rex ANTIOCHVS tertius. qui Ephesi in sua vrbe, conspecta *Dianæ* sacerdote, supra alias forma decora, continuo illinc soluit: veritus scilicet, ne amor aspectu paullatim auctior audaciorque, eo impelleret, vnde pius castusque non rediret. Laudari meritissimo posset, & contra impios quosdam Principes: quibus Deo dicatas virgines violare aut ince-

I II

II.

III.

I. Lipsij monita

stare, idque sub velo (ô nefas!) sacrorum & religionis, ludus iocusque fuit.

III.

At ALEXANDRIMagni in hac re continetia, cui non innotuit? Is magno prælio Darij victor, eiusque gazam, coniugem, & filias etiam potitus: non solum benigne & regie habuit, sed sic caste & sancte, quam si eodem, quo ipse, parente genitæ forent. Darij quidem vxorem, exsuperanti forma fœminam, nec oculis attingere vñquam voluit: quod ipse de se in epistola quadam ad Parmenionem sic scripsit: *Ego enim non solum non vidisse inueniar Darij vxorem, aut VIDERE COGITASSE, sed nec verba facientes de eius forma audire sustinuisse.* O raram in ea fortuna, & ætate, laudem! quam factum sequens cumulat.

V.

Cum aliquando enim idem, natura incitante, vñum fœminæ voluisset, & ministri formosam noctu adduxissent: ille rogauit, *Ecquid tam sero venisset?* Ibi mulier excusare mariti vigilias, & expectasse donec cubitum iuisset. Quod cum audisset, quasi telo ictus, & calore omni remisso, mulierem omisit: vocatisque ministris, *Reducite, inquit, istam. & quam pene imprudentem me adulterio illigastis?*

VI.

Iam quæ verba EIVS & ira, aduersus Philoxenum quemdam, maritimæ rei Præfectum suū: qui ad eum scripserat, *Esse apud se Theodorum, mangonem, & vanales habere duos pueros forma eximia, ecquid cos emeret?* Quibus lectis valde indignatus, & idem idem exclamans amicos interrogabat, *Quid igitur in se Philoxenus tam fœ-*

dum vidisset, ut tantam maculam sibi inureret? Sed & in epistola ad ipsum, multis eum probris scidit, iussitque *Theodorum* illum cum mercibus suis in malam rem ablegari. Quod si sic alij Reges & Principes: faxo, ut talium rerum conciliatores & interpretes pauciores in Aulis essent.

VII.

Quid autem Romanus *Scipio*? nec robur eius in hostes magis, quam in libidines suspexeris: quas an non supra *Alexandrum* domitas habuit & compressas? Nam ille oculis suis parum credidit, & veritus est capi: iste cominus congressus, & vidit & vicit. *Carthago Nova* ab eo capta erat, ubi præter aliam affluentiam rerum, pueri virginesque nobiles reperti: & inter eos una, quæ ad *Scipionem* deducta, oculos quaquam ibat, omnium in se splendore formæ vertebat. Donum dabatur iuveni Imperatori, ut putabant, gratissimum: sed ille oculis libatam modo, abnuir: & *Acciperem*, inquit, *fruererque*, si priuatus, & non cum Imperio essem. Nunc res publica occupatum hunc animum tenet. *Accipio* tamen quasi depositum, reddendum cui ratio & humanitas suadebunt. Simulque virginem percontari de patria, parentibus, & sorte cepit: agnouitque principe loco natam, & principi item suæ gentis adolescenti (cui *Luceio* nomen) desponsam esse. Igitur parentes, & hunc, aduocat: cumque venissent, statuta apud se virgine, sponsum ex ijs priorem alloquitur: *Ego, ut hæc virgo ad me deducta à militibus nostris, ac donum data est; & formam eius libens vidi, & dotes animi corporisque*

I. Lipsij monita

laudavi. Nec enim cacos, aut ignaros talium, Natura genuit: hæc quoque pectora amor tangere potest, sed non nisi honestus, & quem tempora resq. mea permittunt: Hæc igitur etsi iure belli mea erat: tamen non lubet inter arma hos ludos ludere, nec deceat fortasse præripere, viro fortis iam desponsam. Hoc enim ab ea didici, & ideo te euocaui: ut coram viderem, coram tibi hanc traderem (numina testor) castus castam. Sic pudice cauteque mea cura habita est, ac si apud soceros tuos, parentesque suos fuisset. Non esset me teque dignum donum, si aliquid ex ea vis aut occulta fraus libasset: intactam, inuiolatam accipe, & fruiere. nec aliam mercedem, quam te volumus, id est animum tuum Scipioni & Romanis addictum. Attonito iuvene, & præ gaudio vix mentis aut linguæ compote: parentes interuenerunt, gratias agentes habentesque. & ad pedes Scipionis satis grande auri pondus deposuerunt, quod pro redimenda attulerant: rogantque, quoniam gratis redderet, ipse hoc munus ab sese haberet. At ille beneficentiam alia cumulans, sponsum tollere hoc aurum totum iussit: & super dotem, quam parentes daturi essent, hanc quoque à se habere. Quid laudes potius: libidinem victam, auaritiam victā: cum laude priuata, cum publico fructu? quia vno hoc facto magnam Hispaniæ partem ad Romanos & ad se traxit, certatim cupientes tali virtuti subesse.

VIII.

Iam in IULIANO quoque Principe, etsi à pietate & religione nostra abiit, admiranda hæc continentia fuit. quem fides certa habet, mortua *Helena* coniuge, nihil vnumquam venerum

attigisse: celebrantem sæpe & recolentem Bacchylidis poetæ illud dictum: *Vt egregius pictor vultum speciosum effingit, sic pudicitia celsius consurgentem vitam exornat.*

Libentius & Christianos hic infero, & laudo. primumque inter eos BALDVINVM, ex Flandriæ Comite Byzantij Imperatorem: qui annos xxxii. natus, in ipso illo ætatis æstu, sic continuit se & adstrinxit, vt toto illo tēpore quo ab vxore æbuit, nec impudicis quidem oculis mulierem sit intuitus. quod de illo totidem verbis, hostis eius alioqui, *Nicetas* in historia consignauit. additque, etiam in alijs hāc castimoniam exegisse, & bis quaque hebdomade, sub vesp̄eram, proclamari iussisse, *Nequis qui alienam mulierem attigisset, dormisse aut cubuisse in Palatio suo vellet.*

IX.

MAXIMILIANVS *Primus Austrius*, quam castus à libidine fuisse censebitur, qui sic verecundus à contactu aut aspectu fuit? Inter alias dotes, corpore & omnibus membris pulcherri- mus describitur: sed eorum quæ natura occultari voluit, ita celans, vt nemo vir aut fœmina nudum eum viderit, aut reiectum. Subducebat se furtim, cum naturæ purgationes vocarent: ad lectum iturus, nec cubicularium quidem ad exuendum, deponendum, collocandumque se admittebat. adeo vt nulla virgo magis teneri pudoris fuisse videatur. Quid, quod testamento cauit, caligas & feminalia mortuo sibi induci? vt & tunc cura pudoris esset, cum iam non esset.

X.

Sed & CONSALVVM *Magnum*, Hispania

XI.

I. *Lipsij monita*

stirpe, merito celebrauerim. qui tot bellis, cum regnum Neapolitanum suo Regi vindicaret, consensu traditur, nullam matronarum aut virginum temerasse, imo & oblatas aut offerentes se (nec nouum in tali potentia) comittere iecisse. Atque adeo cum pater quidam, vir nobilis sed pauper, duas filias scitas & lepidas, ipse ad eum perduxisset, ratus hac se via ad opes posse venire: admisit quidem, sed causa facti cognita, ut suas filias, dote data nobilibus viris elocauit, à se tam integras, quam à parente.

XII.

Addi fortasse meretur, etsi in vno facto, continentia, quam alij FRANCISCO *Sfortia*, alij CAROLO *Ostauo* regi Galliarum adscribunt. Sed huius nomen usurpemus, ut dignius: & potuit tamen hoc simile in utroque euenisse. Igitur *Carolus*, in reditu à regno Neapolitano (quod quæsiuit fortius, quam tenuit) cum opidum aliquod Italiae expugnasset; in militum direptione & discursu, virginem perhonestam forma ad pedes eius accidisse ferunt, tutelam à vi militum & custodiam pudicitiae suae rogantem. Atque illum à militibus quidem seruasse: sed ut iuuenem & talium rerum satis liberum, statim oculos & cupidinem ad eam adiecisse, & seductam in lectum abiecisse, iam imminuendam. Ibi ea toto animo anxia, videt tabulam in pariete suspensam, in qua Diua virgo puerum, mundi seruatorem, sinu gestabat: & ea ostensa, *Per intactam hanc Virginem*, inquit, oro, adiuro, *virginem mihi paree*. Mouit ita regem (non sine Diuæ

illius numine) vt libidinem iam exsurgentem
coerceret: & lacrimis etiam profusis, solo am-
plexu profectus liberam dimiserit, cum dote
quingentorum aureorum. Sed & propinquos
aut affines captos, ei donauit.

Hæc exempla in regnis, aut imperijs: quis car-
pet vnum alterumq; prodi, in fortuna priua-
ta? SPURINA adolescens in Etruria, excellenti
pulchritudine, matronarum virginumque in se
oculos, sed & virorum trahebat. Illæ potiri aui-
de, & in occulto aut palam, suspirabant: isti æ-
mulatione tangebantur, & in suis quisque fœ-
minis timentes, aut suspectantes. Optimus iu-
uenū vidit. & vt se aliosq; meru vel molestia li-
beraret, faciem illam sic emendatam, plagis scis-
surisq; totam ipse deformauit. Quid addam? lu-
dibrium postea, non irritamentum vixit.

Addatur, addatur ille DAMOCLES, adoles-
cens Atticus, tam insigni facie & corpore, vt
vulgo ei cognomen *Formosus* esset. Itaque eo ipso
proditus *Demetrio* regi, qui tunc Athenis lasci-
uiebat, postulat ad stuprum: impelliturq; do-
nis, promissis, nimis. Nihil horum valuit, & vim
aut insidias veritus, abstinere etiam cœpit gym-
nasij publicis, & palæstra. Quod Rex cum
aduertisset, positis obseruatoribus, euenit vt in
balneas priuatas lauandi gratia iuisse cognosce-
ret: statimque eo properans nudum depre-
hendit, quid nisi certam, vt putabat prædam?
Et iam ira quoque accensa libido irruebat: cum
ille non nisi in morte effugium videns, hanc
elegit, reformatoque aheni operculo, in aquam

XIII.

XIII.

I. Lipsij monita

feruentem se demersit, & exstinxit. Triste factum, etsi forte factum! sed iustius vndique laudandum, quod adiungam.

XV.

DECCC.

XXI.

PELAGIVS in Hispania fuit. qui in clade à Mauris accepta ad *Juncariam*, sub *Ordonio* rege, cum obses datus esset, siue pro auunculo *Hermogio* Episcopo Tudensi, vt plures certioresque volunt: siue pro patre *Galiciæ* Principe, qui captus *Cordubam* trahebatur: sed pro utro, tamen obses *Abderamini* regi Mauro datus: ecce forma eius captus Barbarus, florem hunc sibi destinat, & alludere cœpit, contrectare, & tentare. Ille reiicit, atque id sæpius: donec vim etiam parat amator. cui iste, ingenua ira, pugnum impegit: & *Tolle canis, inquit, vitam, non pudicitiam mihi extorquebis.* Hic quoque in iram serio iam datus, iussit vt fundæ machinali impositus, trans *Bætis* fluvium vi emissus, rupibus illideretur. Quod factum: sed Pudicitia ipsa, opinor, alumnus suum tuita est, & cum miraculo viuis evasit. Non mutavit tamen Barbarus, nisi supplicium: & forcipibus membratim discerpi lancinarique iussum, in flumen proiecit. Vnde Christiani nostri extraxerunt, coluerunt: nomenque eius in *Dinorum* numerum ab Ecclesia merito est relatum.

Satis sit iam talium: videamus & CARITATIS inter coniuges exempla. Nam ea castitati fere semper comes.

XVI.

Vespasiani ævo turbæ aut rebellio in Gallia fuit, & dux partium *Iulius Sabinus*, cui vxor *Eponina*. victis Gallis, dux ad supplicium quærebatur:

barur: sed is in speluncam auiam se abdidiit, & famam mortis suæ sparsit, quasi veneno sponte eam sumpsisset: ac rei fidem, villam, tamquam super se, iussit incendi. Ipsa vxor hæc ignorabat, eratque in multis & mæstis lacrimis: soli duo liberti sciebant. qui miserati mulierē, moricertam, & cibiam triduum expertem, marito indicant, & suadent amanti subueniri. Factum, & illa resciscit *Sabinum* suum sic viuere: venitque ad eum, fidem & silentium coluit per totos nouem annos, & liberos etiam in spelunca concepit ac peperit, sola Caritate obstetricante. Denique res euulgata est, capti sunt, Romam deducti: an non venia donatis laudem & præmium merebantur, certe ista. Sed *Vespasianus* (ah meo animo hic sæuus) iussit interfici. quamquam illa prolatis ostensisque liberis: *En Casar*, dixisset, *quos ego in monumento peperit atque alui, ut plures supplices haberēs.* Indignor, non vel dicto huic indulgentiam donatam. sed nihil illa: & læta, opinor, cum marito perijt, cum quo tot annos iamante fuerat sepulta.

XVII.

Fuit & *CABADIS* Persarum regis vxor, ignoto nomine, mira in eum fide. Is regno suo spoliatus à subditis, quibus durius imperasse visus, & in custodiam datus erat: *Bazēs* frater in eius locum substitutus, consilium habuit, quid captiuo faciendum: atque ibi *Chanaranges* (magistratus & præfecturæ præcipue nomen) ostenso cultello, *Hic*, inquit, *tam exiguus statim periret, quod postea viginti millia hominum non*

I. *Lipsij monita*

efficient. Significans, tolli ex facili nunc posse:
vium, daturum molestias aut clades, vti e-
uenit. Nā cum mitior sententia in virū sangui-
nis & loci regij obtinisset, utque in carcere
cui *Lethe* nomen, perpetuo adseruaretur: fuit
ibi aliquandiu, vxore idemtidem inuisente, &
focillante. Sed fors ita tulit, vt Præfectus car-
ceris conspectū iam sæpius mulierē adamaret:
quod illa ad maritū retulit: atq; hic eā iussit ob-
sequi, vel salutis suę causa. Nō volēs paruit, sed
volētior deinde Præfectus, & mulieri, cū veller,
ad maritum accessus fuit. Itaque opera tandem
Scosis, veteris & fidi amici, equi parati in pro-
pinquo ad effugium: atque ipsa carcerem, de
more, ingressa, viro suam vestem induit, illius
accepit: qui egressus sic fefellit. Iam plures dies
abierant, & *Cabades* in tuto, & apud *Eutha-*
litas Hunnos: cum fraus deprehensa, & mu-
lier iussu regio pœnas dedit. Infelix hac par-
te, nec *Cabadi* suo prosperorum futura socia.
qui vxore alia ducta, filia regis *Euthalarum*,
grandes à socero copias impetrauit, regnum
recuperavit, & *Blazen* in custodiam dedit,
oleo feruente super oculos infuso prius excec-
catum.

XVIII.

Simile est SANCTIÆ Hispanæ facinus. quę so-
ror *Therassæ* reginę regionensis, aut eius ex fratre
neptis (nam dissentiunt) fidem & affectum
erga sponsum, & mox maritum, ostendit.
DECC. LVIII. Is erat *Ferdinandus* Castellæ Comes, cui infensa
Therassa ob patris mortem, vlcisci eam fami-
nea fraude apparabat. Itaque nuptias *Sanctia*

sororis offert, quæ apud *Garfiam* fratrem, *Va-*
lconum regem, educabatur. Placuit Comiti
 conditio, it modico & in pacis speciem co-
 mitatu, ad sponsam capiendam, & fruendam
 & deducendam: cum *Garfias*, insidiarum gna-
 rus & particeps, in vincla eum condit. *Sanctia*,
 audito sua causa & amore id euenisse, et-
 si amoris antea expers, honeste eum conci-
 pit: occulte in carcerem venit, nuptias pa-
 ciscitur, & cum eo in Castellam, elusis custo-
 dibus, abit. *Therasia* nec sic mitior aut quies-
 cens, aliam iterum fraudẽ struit: idque per filiũ
Sanctium, Legionis regem. Qui conuentus re-
 gni indicit, quasi de magnis publicis rebus, &
 eo Comitem, de more, vocat. Hæret nonni-
 hil iste, & dubitat: sed vt solẽt generosi animi,
 in fidei partes inclinat. Tamen cum venisset,
 immitiore statim vultu & sermone exceptus,
 in arctam custodiam datur. Quid facis *San-*
ctia? in sororem, in nepotem, pro marito
 quid struis? fraudem iterum, sed piam. Simu-
 lat voti se ream, velle ad *Dini Jacobi* proficis-
 ci: facit iter per Legionem, & satis benigne
 (quidnià nepote, matertera?) excipitur. Orat
 inprimis, visendi obiter mariti copiã sibi fieri:
 atque impetrat, sed in noctem vnã. Ibi com-
 plexus, ibi lacrimæ; & domo allatum consiliũ
 exsequitur, vt veste permutata, vicariam se
 daret pro marito. Ita ille luce dubia emittitur
 pro *Sanctia*, equos ex composito repperit, in-
 scendit, euasit. Ipsa *Sanctia* cum nepoti in-
 diciũ fraudis factum, educitur: & quamquã

I. *Lipsij monita*

stomacharetur primo, & delusum se doleret, tamen impetu ad rationem reuocato, pietatem & robur fæminæ veris laudibus tollit, & honesto comitatu ad maritum remittit.

XIX.

M CC.

LIII.

Firmus etiam fundatusque ille amor, qui in *BLANCA SCARDEONIA*, Italica matrona, ad stuporem apparuit. Captum *Bassianum* erat, in agro Patavino municipium, ab *Actiolino* immanis sævitiae tyranno: atque ibi dum fortiter repugnat maritus *Blanca*, interficitur; ipsa etiam in armis virilibus marito iuncta, & simul pugnans, capitur. Adducta igitur ad tyrannum, & armis exuta, formosissima mulier apparuit; & accensus libidine potius, quam amore, potiti statim voluit. Illa abnegat. precibus, minis, & terroribus immobilis: donec ad vim tyrannus se parat quod intellegens, astu ad fenestram se subducit, & præcipitem ex ea iecit. Nō tamē vel sic obiit, ad aliud facinus supervixit, quod fuit tale. Cum enim sanguine fœdata & semianimis, sublata *Actiolini* iussu esset & in lecto reposita, curataque: post dies aliquot iterum tentata recusavit, & eundem animum vitæ potius, quam pudicitiae perdendæ, sibi esse testata est. Ab irato igitur constringi ligarique iussa, violata, non contaminata est: qui enim posset illa castitas?) sed tamen de decori huic superesse noluit, & fortius quam aliqua *Lucretia*, cum ad mariti sepulchrum isset allenato & suffulto lapide, super fœtidum cadaver se proiciens, atque id amplexa, *Teneote*, inquit, *mi anime: quis ty-*

rannus ultra auellet ? Maneo , accipe fidem tuam
Blancam, corpore & funere nunc iunctam. Dixit-
que, & fulcrum reuellens, caput sibi contri-
uit, & spiritum tenuem & exiturientem e-
misit.

XX.

At hæc in fæminis sunt, quarum ad hone-
sta aut praua maior sæpe impetus : sed nec viri
destituimur huius Caritatis exemplis. Omitto M.D.XVI.
vetera. sub rege *Emanuele* Lusitanæ, in Afri-
ca bellum gerebatur, & *Ataidius* eius ibi Le-
gatus, cum satis magna manu prædatum in
agrum Marochiensem iuerat. Inopinantibus
superuenit, atque ita *RAHVMBENXAMV-
TIVM* repperit, claro nomine inter Arabum
duces : qui castra illic, & de more, familiam
habebat. Igitur ingens à Lusitanis cædes edita,
præda item hominum pecorumque parva. Ipse
Rahus tamen euaserat : & cum Christiani. one-
re graues, tardius iter facerent, collectis ad
LXX. è suis equitibus, à tergo obequitabat mi-
nitabundus. Plures interea accedebant : & ipse
tum suos cohortans, tum Arabas excitans (qui
cum Lusitanis fæderati militabant) vt eos de-
sererent proderentque : *Ex* egregiam occasionem,
inquebat, *Deo Mahumeti*, gentilibus placendi, si
istos canes & alienigenas, factò agmine ac nobiscum iun-
cti, inuaditis, & cinctos undique trucidatis. Præda
erit vestra, gloria, aterna erit vestra, patria liberata
muneris erit vestri. Agite fratres, agite commilito-
nes, expiate fæderis dedecus honestissima transitione.
Clamabat, non mouebantur : imo contra, quo
fidem suam magis nostris approbarent, in pri-

I. *Lipsij monita*

num agmen cum præda se conferebant. Iam parabat, ut impar, discedere *Rahus*: sed vxor illius *Hota* nomine, singulari specie mulier, amata vnice & amans, ex agmine nominatim eum inclamauit. Substitit ille, & vocem agnouit, simulque fæminę fatum: atque ipsa à ducibus petito breui colloquio & impetrato, *Rahe*, inquit, *Benxamutis*, ubi promissa & fides sunt? Quoties iurasti, captiuitatem meam & discrimen ipsa morte tua depellere? En trahor captiua, & pateris, perfide dicam an ignaue? Nec utrum probrum viro indignius sit, scio. Vbi autem de robore tuo vaniloqua verba? pudet & fama, que sic est mentita. His vocibus, & ipsis amoris furiis, incitatus *Rahus*: Dies, inquit, longa est, victoria in Dei manu, virtus in meo brachio, confide. At illa puluerem manu è terra tollens, & in altum proiciens, Sic, inquit, verborum tuorum fidem aura dispellit. Abi ingrate, alia fruiere, quam mihi, ut video, prætulisti. Sed *Rahus* statim, ut in more gentis est, calceum sibi detractum, in illam iecit: quod signum & pignus sanctum erat seruatae seruandęque fidei; & simul ad equites suos conuersus, Si vnquam amor vos tetigit, inquit, mei atque huius misere mini, & adiuuate. Per sacra nostra, per gloriam gentis, per vitam hanc meam obsecro, qua diuturna esse non potest, si hæc aufertur. Insilite, dii audentes & amantes iuuant. Fecitque ipse & alij impetum, quem egregie sustinebant nostri, donec *Ataidius* in extremo agmine propugnans & sustinens, cum guttur eius casu arma nudassent, hasta *Rahi* transfixus

occubuit. Duce amisso, confusio; & ea maior, quod æmulatio etiā erat & certamen de loco. Alij hūc, alij istū sufficiebant, & id tanto certamine, vt pæne (ô fatalem insaniam!) ad manus inter se, relictis hostibus, venirent. Quod Arabes fœderati conspicati, & simul miseratione nobilis illius Ducis tacti, arma in nostros verterunt, & puncto temporis dissipata acie, cæsi plerique omnes aut capti sunt. Recepta ita *Hotu*: quam secum ducens victor *Rahus*, omnium oculos, voces & laudes in se vertit, fidem & robur prædicantium, & vtriusque felicem affectum. Nec diu sane post, mulier pro se fidem quoque testata est: cum marito in prælio quodam mortuo, illa funus eius cum multis lacrimis magnifice curauit: & inedia deinde nouem dierum se vita exiit, & marito iunxit.

Hæc tragica. mitius exemplum est, quo claudam, nostri *PHILIPPI Boni* cognomento: qui præcipuus auctor fuit magnitudinis huius, quam domus Burgundicæ appellamus. Isigitur annos natus vigintitres, patrem *Joannem* Burgundiæ Ducem, scelere & perfidia (res dicenda est) *Caroli Delphini* interfectum amisit. Atque vterat dolore & ira recens, ad uxorem venit, quæ ipsa soror *Caroli* erat: & *O mea Michaela*, inquit (id mulieri nomen) *frater tuus patrem meum occidit*. Mulier statim in lacrimas & clamores. (nam mirifice viriamās erat.) & dissidium non frustra verita, sine solatio lugebat: nisi quod ipse eā erexit, multisque

XXI.

I. *Lipsij monita*

verbis affirmavit, *Nihilo sibi viliorē futuram, ob hanc propinquam quidem, sed alienam tamen culpam. Reciperet animum, & metum poneret, viro aeternum fido bonoque futuro.* Et fecit. vixit triennium cum ea, omni amore & honore solito prosecutus: et si ipse aspectus eius, scelus fraternum & triste patricidium sensibus ingerebat. Accedebat, quod sterilis esset. quę sola causa diuortij quoties apud Principes valuit? Sed nihil apud istum: quia morem & primam copulam, nisi mortem noluit solui.

XXII.

Vere claudebam, sed *SCYTHICA* mulier interuenit, & ostendi postulat in hoc theatro. non illa magna, nec in re speciosa aut magna, sed si ad calculos reuocetur, magni mirandique amoris. Sub *Andronico Paleologo Juniore*, Scythę incursionem in Græciam Thraciamque fecere, & late populati magnam prædam auexere. In ea captiuus quidam Thrax fuit, qui cum aliis ante fores Scythicę huius trahebatur: viditque & miserata est, & emit cum, imo & mox nupsit. Sed iuramentum tamen prius exegit, non deferendam se ab eo in vlla fortuna, tempore, aut loco. Mulierem autem hanc iam ante acceperat desiderium habebat capiendę nostrę religionis, & vt salutari aqua tingeretur: quod marito indicat, atq; ille approbat, & vna constituunt hoc fine in Christianos fines demigrare. Sed dū se apparant, & opportunitatē quærūt, annus elabitur, & binos interea liberos marito suo, alterum peperit, alterum in utero gestabat. Ex quo & creuit amor

mutuus, & iā firma nexio videbatur. Ecce autē interea euenit, vt iterum Scythæ incursione facti, priorem vxorem huius mariti sui abducerent, & prætereuntem cum captiuis ille agnosceret & videret. Itaque, pro veteri affectu & consuetudine, illacrimauit, & causam vxori suæ Scythicæ dixit. Illa nec indignata marito est, nec odio aut æmulatione (pro muliebri ingenio) in alteram illam tacta: sed statim eam quoque emit, tum ad domestica ministeria, tum vt aspectu ipso dolorem marito leuaret. Et iam tempus migrandi visum: migrant, Constantinopolim veniunt: mulier baptismate tingitur, altera illa (ausim ingrata, si non iniquam, dicere?) statim ad Patriarcham accurrit, clamat per iniuriam maritum sibi ereptum, & à Scythica possideri. Illa quoque venit, & auditur, & rem totam exponit, nec quisquam damnare eam sustinuit, vt quæ amborum domina esset, eosque ex seruitute & immanibus illis belluis liberasset. Tamen hæsitantibus illis, ipsa sententiam hanc ultro tulit: *Marito meo, si prior vxor cordi est, habeat: cui etiam ob consuetudinem, & susceptos ex eo liberos, pretium redemptionis condono. In ipsam hanc autem feminam uti eadem liberalitate cupiam, sed cum in terra aliena sim, & aliarum rerum inops, haud possum. Itaque illa, pretio reddito, cum marito abeat: ego cum duobus meis liberis benigni Dei manus expectabo.* Dixerat mulier, & mirati omnes æquanimitem sunt: cui Deus sane mox adfuit. & cum altera illa in Thraciam iuisset, ad pecuniam corrogandam,

I. Lipsij monita

ecce iterum à globo Scytharum abripitur, nec
vltra visa est, & maritus iam tuto in Sythica il-
lius coniugio acquieuit.

DE PATIENTIA.

*Ab ira & vindicta alienum esse debere, praesertim
in conuiciatores.*

C A P. XVII.

PO T E R A T sub Clementia hæc virtus con-
tineri, sed educere malui, & seorsim
ostendere, quia valde Principem decet, & sæpe
in ea fortuna locum habet. Quis non alta illa
sermunculis aut iudiciis petit? Grauiamur im-
perari, & quamuis bene atque vtiliter aliquis
faciat, tamen hoc, illud, carpinus: & semper
aliquid est quod non omnibus placet. Inde vo-
ces, sed spernat Princeps, & sciat *Nullum esse ar-
gumentum magnitudinis certius, quam nihil posse, quo
instigeris, accidere.* Sicut suprema Mundi pars ven-
tis, fulminibus, pluuiis non turbatur! non item
debent apices isti rerum. Hic aut ille in te ioca-
tus est? conuicio aspersit? calumnias disperfit?
contemne. *Ille magnus & nobilis est, qui more ma-
gne feræ, latratibus canum securus exaudit.* Potentia
tua supra læsionem est, gloria (si bene agis) su-
pra infamiam. Sed Mecænatis verba & con-

Senec. iiii.
De Ira,
cap. vi.

ii. De Ira,
cap. xxx.

filium, quod *Augusto* in hac re dedit, digna adscribi: *Siquis conuictus tibi fuerit, aut in occulto detraxerit, neque deferentem audire debes, neque delatum punire. Turpe enim sit, facile te id credere, cum causam non praebeas, esse tamen qui conuicio petant. Atque id fere non nisi mali Principes credunt, quos ad fidem inclinat conscientia. Deinde autem iniquum sit, hac irasci aut punire. quae si vera sunt, praestat non admittere, sin falsa, dissimulare. Nam ultione ista, quid nisi plures sermones & plurimum prouocabis? Sunt saluberrima monita, siue rationes: & ultimam istam nota. Ne moue, quod motum magis exhalet: ne moue; quod mouendo non sedes. Quod si omnes punitum ibis, quis finis erit? neque aliud agas, & assidue in iis occuperis. Contemne igitur, & *Senecae* hoc imbibe: *Contumeliarum patientiam, ingens instrumentum esse, ad tutelam regni, Et, ut ad Exempla veniam.**

LA CONE sapposite in publicis sacris apprecari solent, *Ut possent iniuriam pati.* Ne propere scilicet exsiliirent ad vindicandum, & statum ita suum turbarent. Tum etiam, quia parum idoneos iudicabant ad res gerendas, qui iniuria aut contumelia statim abriperentur. Sedatio animi & frigus decet imperantes.

I.

In qua parte *DAVID*, rex Hebraeus, mirificus. qui pulsus à filio *Absalomo*, & profugus, cum manu tamen fortium virorum, ut ad montem *Bahurim* venit: ausus est *Semei* è *Saulis* cognatis, petere virum conuictis: tantum? imo

II.

I. Lipsij monita

& lapidibus , quos ex alto in eum iecit. Indignati comites , & ex iis *Abisai* : *Itane hic canis Domino meo & suo male dicat ? idque impune ?* *Ibo*, mi rex, & recidam ei caput , domicilium protervæ huius lingue. At mirissimas virorum *David*, *Mitte*, ut male dicat . En filius , quem genui , sanguis meus , sanguinem istum querit : & indignamur si conviciatur alienus ? Cælestis quædam hæc patientia : quid mirum in viro cælesti ?

II.

Magis in tyranno *PISISTRATO*. cuius vxore petulanter & iniurie habita à quibusdam adolescentibus ebriis , idque in publico : malum illi timentes , mane ad *Pisistratum* supplices veniunt deprecaturum Ille autem : *Quid vos vultis ? mea vxor heri nusquam prodiit . At in posterum date operam ut sobrii sitis.*

III.

Quid in *ARTAXERXE* Persarum Rege , in qua gente superbia domicilium habere visa ? Apud quem legatus Spartanus *Euclidas* libere pro ingenio gentis , & pro suo ferociter locutus hoc responsi rettolit : *Tibi licet , quæ libet , apud me dicere mihi & dicere , & facere.* Salua maiestate modestia inserta fuit : & ad hanc iuit , ab illa non abivit.

V.

Sed in hac virtute Macedonum aliquos reges eximij . Quid enim *PHILIPPVS Alexandri* pater ? qui plura eius dedit exempla. Ut in *Nicanore*. qui circumiens male de *Philippo* opinabatur , & detractabat : nec defuit , ut solet , delator *Smicythas*. Amici igitur aduocandum , & plectendum censere : ille contra , *Et Nicanor*,

inquit non est pessimus Macedonum. videndum igitur, numquid per nos admissum aut commissum, cur male dicat. Et serio quærens, repperit pauperem virum esse, bene meritum, nec adhuc habitam eius rationem. Itaque statim munere eum affecit: qui & ipse, mutata mente & lingua, laudare ubique Philippum & attollere. Quod cum idem Smicythas retulisset: Videtisne, ô amici, inquit, in nostra manu esse, bene vel secus audire? Factum dictumque pensitandum Regibus, qui cupiunt famam.

Iam iterum I D E M, de petulanti quodam & procaci conuiciatore, cum suaderent exilio plectendum: Nequaquam, inquit, ne oberrans apud plures de nobis male loquatur.

Nec vero in absentes solū lingulacas talis, sed in præsentem, & qui in os insultabant. Ut ille Demaratus Corinthius, cum aduenisset ad eum, tunc forte cum Olympiade coniuge & filio Alexandro dissidentem: rogareturque à Philippo, Ecquid consentirent iam inter se Græci? ille ore libero, Scilicet tibi conuenit de Græcorum concordia agere, qui dissides ipse à proximis tuis. Sensit eum vera dicere Philippus: ad se redijt, & cum suis in gratiam.

I D E M cum pro tribunali sublimis, sub hasta captiuos venderet, ac parum decore, veste reductiore, sederet: quispiam è captiuis clamare cœpit. Iniuria se affici, esse enim paternum se Philippi amicum. Quod cum miraretur Philippus, & dicere eum ac docere iuberet: Apud te solum, inquit, accedensque ad tribunal, in aurem insusur-

VI.

VII.

VIII.

I. Lipsij monita

rat, *Hæc tu, vestem demitte. nam sic parum honeste sedes.* Rex nihil offensus, gratiam imo rettulit: *Et vere, inquit iste mihi amicus erat, mittite hominem.* simulque aliter se composuit. En, fructum etiam suum alienam libertatem fecit. & solet ipse dicere, *Gratias se debere Atheniensium oratoribus, quod conuicijs suis redderent se meliorem: dum illos factis conatur refellere.*

IX. At inter successores eius ANTIGONVS, æmulus & pæne par fuit in hac laude. Qui in castris aliquando, cum duo è vigilibus, iuxta ipsum Prætorium, de rege male dicerent, atque ipse omnia audiret, nihil ultra quam tentorii velum concussit; & *Hæc vos, inquit, paullo longius secedite, ne Rex vos audiat.* Quid istuc est? ne dissuadet quidem male loqui, sed cautius loqui.

X. IDEM cum exercitum in tenebris aliquo duceret, & molestum ac salebris interruptum iter esset, milites ductorẽ passim execrabantur Antigonum. At ille ad singulos quosque accedens ignotus, & explicans: *Nunc, inquit, bene dicite ei, qui vos eripuit.*

XI. Iam PYRRHVS qui Macedonia regnum aliquamdiu tenuit, idem hanc virtutem. Iuvenes aliqui Tarentini, cum in Italia ipse esset, inter pocula male de eo & minaciter locuti, deferuntur: adductique postridie, *An dixissent?* interrogantur. Vnus facete & libere: *Diximus, atque adeo te interfecissemus, nisi lagena defecisset.* Viniculpam, non animi ostendit: & Pyrrhus sic accepit, atque ipse arrisit.

Inter Germanos Græcos PERICLES con-
uicijs petitus in foro, à proteruolo quodam,
nihil reposuit, & placide res suas egit. Actis,
domum iuit, illo prosequente & linguæ tela
idemidem eiaculante. Nihil sensit, nihil di-
xit Pericles: hoc tantum, cum ad ædes iam ve-
nisset, & nox esset, ministro suo, *Abi puer, &
facem accende, & huic redituro præluce.* Vah,
non patientiam solum, sed benignitatem!
qui adiutum iuit in ipso improbitatis freto
æstuantem.

XII.

PTOLOMÆVS Lagi filius, Ægyptirex, in
Grammaticum cauillans, & inscitiam arguens,
Quis esset Pelei pater? rogauit. Cui ille, *Expediam,*
si tum mihi prius dixeris, qui Lagi. Genus obscurum
aut sordidum regi palam obiectabat: & id indi-
gnati omnes qui aderant, præter regem. Qui ad
incitantes: *Nisi ferre dictærium regium est, nec dicere,*
inquit. Idem ius volebat ferulæ, quod sceptro,
in istis esse.

XIII.

Sed Romani quoque Principes huc ducant,
& primuseorum CÆSAR. Ille C. Caluo orato-
ri, qui famosis epigrammatis prosciderat, cum
de reconciliatione significasset, prior & ultro
scripsit, tanquam ipse læsisset. Idem Catullum
poetam, qui famæ eius perpetua stigmata (&
nunc leguntur) versibus inusserat, satisfacien-
tem eadem die adhibuit cænæ. Nihil stipula-
tus est, aut iniunxit, sola pœnitentia pro pœna
contentus.

XIII.

At AVGVSTVS vere & hic successor, cum
in iudicio quodam inter alia crimina reo obij-

XV.

I. Lipsij monita

cēretur. quod male loqui de Cæsare soleret: in-
terrupit, & ad accusatorem, *Velim hoc mihi pro-*
bes, faxo fiat Ælianus (id rei nomen) *& me linguam*
habere. Bene, & benigne. quid aliud significa-
bat, quam dicta dictis ultimum? Et si nec fecit,
nec ultra quidquam inquisiuit.

XVI.

IDEM in *Timagene*, historiarum nobili scri-
ptore, plus semel patientiam ostendit. Multa
in ipsum, etiam in uxorem, in filiam & familiam
eius dixerat: atque ea ut arguta, & ab homine
docto, excipiebantur vulgo & circum fereban-
tur: Cæsar tamen nihil, nisi monuit eum ut
modestius ingenio & lingua vteretur: idque
in domo sua. Nam & (vide ingratitudinem)
Cæsar eum alebat. Sed cum nec sic desineret,
tandem domo ei sua interdixit: & quis accusas-
set, si vrbe, si toto imperio? At ecce, qui velut
in inuidiam Cæsaris excipiat: & is fuit amicus
eius *Asinius Pollio*, nec ideo desijt esse. Fovit ho-
minem, & eius exemplo alij: visitur, colitur. &
quis? priora omitto, sed qui tunc quoque, tan-
quam professas inimicitias cum Cæsare gere-
ret, libros Historiarum de rebus eius scriptos
combussit. Non hoc erat dicere, *Indignus es de*
quo scripserim? falsa censeo, quæ prædicauerim? Tulit
& hæc Cæsar: tantum Pollioni semel dixit:
Ονειροποεῖς, id est, *Serpentem nutris.* Et paran-
ti excusationem obstitit, addiditque, *Fruere mi*
Pollio, frui. Cum hæc lego & examino, dicam
Romam tunc servisse? Aut si; addam quod pu-
blice in theatro acclamatum, *O Dominum æquum*
& bonum.

Nimirum

Nimirum confirmatus in hac patientia animus iam erat, & contra concussionem omnem stabilis. quod etiam Tiberio ostendit, conquerenti super ea iuueniliter, & exstimulanti. Rescripsit enim in hæc verba: *Ætati tuæ, mi Tiberi, noli in hac re indulgere, & nimium indignari, quemquam esse, qui de me male loquatur. SATIS EST ENIM si hoc habemus, nequis nobis male facere possit.*

Ethausit ab eo TIBERIUS. qui aduersus talia firmus, subinde iactabat, *In ciuitate libera liberas linguas esse debere.* Idem in Senatu, cognitionem super ijs flagitante: *Non tantum habemus otij P.C. ut implicare nos pluribus negotijs debeamus. Si hanc fenestram aperueritis, nihil aliud agi sinetis: omnium inimicitia, hoc prætextu, ad vos deferentur. Opulchra, ô aduertenda! etsi ipse non tenuit, & postea se mutauit.*

Vnum propioris æui exemplum etiam, & finio. FRIDERICVS Imperator conuicijs petitus, & ab amicis ad vindictam excitatus: *Minime, inquit, an nescitis Principes, quasi scopum, expositos ad has sagittas? Ita est. alta liuor & calumnia petent: petent, sed non tangent, vbi animus quidem est altus.*

DE MAGNITVDINE ANIMI.

Famam & immortalitatem Principi proposita, & expetenda esse.

CAP. XVIII.

HOc enim nunc appello Magnitudinem animi, alta & honesta proponere, & nunc,

I. Lipsij monita

ac magis olim, in fama bona ac gloria esse. Ut
 sol in aurora tenuior, assurgit & inclarescit; sic
 ex virtute & meritis fama cum æuo ipso auge-
 tur & crescit. Hoc velim equidem amare Prin-
 cipem, & ut trahat illum — *fax mentis hone-
 ste Gloria*, ut poëta ait. Quid enim aliud in ex-
 ternis? Τὸ μὲν ἀγώγιον, ait Polybius, ἐστὶ κοινὸν
 πὶ πάντων ἀνθρώπων κατῆμεν· τὸ δὲ καλὸν, καὶ
 πρὸς ἑπαινον καὶ τιμὴν ἀνήκον, θεῶν καὶ τῶν ἑχέσται
 τῶν τοῖς πεφυκότων ἀνδρῶν ἐστὶ: *Argentum qui-
 dem & pecunia est communis omnium hominum pos-
 sessio; at honestum, & ex eo laus & gloria, Deorum est,
 aut eorum qui à Dijs proximi censentur.* Dictum
 egregium. alia alijs communia, & adipiscenda:
 at bona & magna fama magnis conuenit, &
 quos Deus vicem suam fungi voluit in terris.
 Velleius de Pompeio Magno: *Quo viro nemo alia om-
 nia minus, aut gloriam magis concupiuit.* Egregie. il-
 luc eundum est, ad honestam ambitionem &
 nomen: quod non plebeix voces, sed seria An-
 naliū testimonia celebrent & posteritati com-
 mendent. Ita ad Virtutem (etsi per se appeten-
 dam) ducitur: *nec potest quidquam abiectum & hu-
 mile cogitare, qui scit de se semper loquendum.* Stu-
 dia hoc donant, & rerum memoria: Princeps
 foueat, sed cum modo & iudicio, ut nec passim
 eo vocet, nec argumentum se cuicumque stilo
 velit. Augustum videat. qui *ingenia saculi sui*
 (ait Tranquillus) *omnibus modis fouit: componi ta-
 men aliquid de se, nisi & serio, & à præstantissimis,
 offendeatur.* Serio, non per ludos & mimos à
 præstantissimis, non ab ingenijs passiuis aut

Mamerti-
 nus, Pa e-
 gyr ad Iu-
 lianum.

plebeijs, sed quæ Genium aliquem æternitatis à se haberent. Hanc laudis cupidinem summi viri prætulerunt: vt

THEMISTOCLES. qui in adolescentia solutus, & aliarum rerum, post *Miltiadæ* de Persis victoriam, honesta æmulatione percussus, depositis nugis seria agitare cœpit, & totas noctes insomnis agitare. Rogatus causam, reddidit? *Miltiadæ se trophæis è somno excitari.*

I.

IDEM in theatrum iturus, cum rogaretur, *Cuius vocem libentissime audiret?* alio rettulit, & *Eius*, inquit, à quo laudes meæ optime celebrabuntur. Numquid dissimulauit? professus est gloriæ cupidinem, & eius aliqua mercede inductum se res gessisse.

II.

IDEM tertio, in conuentu celebri Graciæ, ludis Olympicis, cum plerique spectaculis omissis oculos in illum verterent, eumque mirabundi & fauentes exteris etiam ostenderent: dixit alacer animi & lætus, *Illo die se laborum, quos pro Gracia tulisset, fructum maximum cepisse.* Ad rigidam Sapientiam si examino, non sapientissime. quid enim adiectum est? vox modo & laudatiuncula: sed virtuti aliqua oblectatio, cum & gratos istos videt, & posteros sperat.

III.

At ALEXANDER hic vel nimius. qui patrem crescere & inclarescere interpretabatur se minui & obscurari. Cumque nuncij idem tandem venirent, huius illiusque victoriæ: inter æquales ingemiscens, *Hem!* inquit, *quid tandem pater nobis vincendum relicturus est?* Mirus vehem-

III.

I. Lipsij monita

mensque affectus, qui vel innatam pietatem vicit.

Et quid quereris ô ALEXANDER? ecce Asiam, & Africam, & reliqua Europæ, tibi palæstram. Sed nimiam ambitionem iure dixerim, cui & orbis fuit angustus. Nam disserente *Anaxarcho*, plures esse mundos: suspirasti, & *Memiserum! qui nec unum subieci, subiecisti.*

VI.

An non simile alterius *Alexandri*, imo maioris id est *IULII CÆSARIS*? qui in Hispaniæ *Gades* cum venisset, ibique imaginem *Alexandri* illius vidisset, diu intuitus in vocem & gemitum erupit: *Heu, nihil etiam memorabile à me gestum in ætate, quæ iste orbem terræ vicit!* Non gestum, sed gerendum: acquiesce. affatim Deus & fata materiem gloriæ tuæ dabunt.

VII.

IDEM in Alpibus, cum iter illac faceret, & comites rustica tuguria, & pauperes illos cœtus, riderent: *Atqui malim hic primus esse, inquit, quam Romæ secundus.* Quid hæc vox, nisi tuba & classicum belli ciuilis est? nolo secundus esse, vapula libertas.

VIII.

Sed magis honestiusque se affectus hic prodat, cū posteros & monumenta ijs futura, cogitat. vt in *PERICLE*: qui in concionem ab iratis Atheniensibus vocatus, quod tantā vim pecuniæ in opera & ornatum vrbs contulisset: ille placide, *An ergo, ô ciues, pœnitet? conditionem fero, meum nomen ijs inscribatur, & priuatim mihi feram expensa.* Reclamatum à tota concione: hortatiq; ultro sunt, *Cum bonis dijs pergeret, nec impendi tali finē abstineret.* Ecce in toto populo hone-

stum ambitum, & certamen à nullo, in gloria ad posteros, vinci.

TRAIANVS hoc quoque, *Optimus* suo iure Imperator, quæsiuit: & passim noua ac vetera opera cum faceret, aut reficeret, nomen suum etiam minimis inscripsit. adeo vt quidam subfannantes *Herbam parietariam* eum appellarent.

IX.

Sed fidelior in libris scriptisque memoria: & ALEXANDER iam dictus sciuit. Is *Callisthenem* ab Aristotele acceptum, eloquentia & sapientia clarum, secum circumduxit, rerum scriptorem, & famæ propagatorem. Sed heu! præpropera ira vitam abstulit, à quo æternitatem sperabat.

X.

IDEM Aristotelem quam fouit hoc fine, & produxit? felicius. nam ille nomen eius secum perenne fecit, in operibus quæ exstant. Sed non sine præmio. & in vnâ *Historiam Animalium* scribendam, certum est Alexandrum contulisse *Octingenta talenta*, nostræ pecuniæ *Quadringenta & octoginta millia Philippicorum*. Quid dicitis hodierni Principes? compello excitâdos?

XI.

IDEM eiusdem ardoris scintillas iudicio iecit, in vate *Homero*. Et cum ad tumulum Achillis in Sigæo constitisset, è pectore vocem emisit: *O fortunate adolescens, qui præconem Homerum reperisti!* Certe, fatemur. tantum enim nescio an ipse se, sed tantus ille fecit.

XII.

Ab eodem iudicio IDEM, in accursu tabellarij cuiuspiam res, vt videbatur, lætas ferentis: *Et quid, inquit, nuncias? an Homerum reuixisse?* Nec

XIII.

I. Lipsij monita

feriunt, aut capiunt, scio, hæc dicta vulgares animos: sed altos mirifice: & quid ille, nisi summum votorum, æstimauit, Homerum reuiuiscere, idque in suas (huc ibat) laudes?

XIIII. Græciæ etiam colonus HIERO rex Syracusanus, animum Græcicum habuit, id est, ut cum Venusino dicam, *Laudis auarum*. Nam cum poëta quidam *Archimelus*, epigrammate haud inscito, sed breui (octodecim modo versuum fuit) nauim, quam ingētem fabricarat, celebrasset: ille delectatus, & porro pronocans, in alia naui mille modios tritici Athenas, donum poëtæ misit, idque in ipsum Pyræi portum, omni suo sumptu. Si quis instructam nauim, & socios nauales euntes redeuntesque, cogitet: mirabitur regiam plane liberalitatem.

XV. At nec Latini expertes huius ambitus, etiam sæculo adhuc rudi. En P. SCIPIO *Africanus* poëtā *Ennium*, à quo res suas celebratas videbat gaudebatque, & viuū beniuolētia omni cōplexus est, & mortuum stare in effigie iussit in suo & *Corneliorum* monumento. Quid aliud, quam dictum voluit? Per me in imagine viuat, cuius scriptis ego mortuus etiam viuus?

XVI. Nec degenerauit alter SCIPIO, *Africanus*, qui (verba Velleij Paterculi) *tam elegans liberalium studiorum, omnisque Doctrinae, & admirator & fautor fuit, ut Polybium Panætiumque, præcellentes ingenio viros, domi militiaeque secum habuerit*. Maeste Scipio! dignus tu comite Polybio; dignus ille te amico & patrono.

XVII. Iam POMPEIUS *Magnus*, apud se habuit

Theophanem Mitylenaum: quem Græcum & exterum, in concione militum, ciuitate donauit. Qua causa & titulo? scriptorem rerum suarum.

Sed in vnum benignus *Pompeius*, in totum genus *Iulius Cæsar*. qui rerum iam potens, *Omnes liberalium artium doctores*, qui Romæ essent, ciuitate donauit. Quæ hæc liberalitas? inquires, nihil à se dedit. Dedit à publico: nec maior aut optabilior tunc honos extero, quam ciuem dici.

Augustus autem mirifice in hos propensus, quod tot scriptores aut vates dicent, ab eo producti & alleuati. Ambitio autem ab iis vicissim attolli, vel ex epistolæ eius his verbis ad *Horatium* poetam (quem hodie legimus) satis elucet: *Irasci, inquit, tibi me scito, quod non in plerisque eiusmodi scriptis mecum potissimum loquaris. An vereris, ne apud posteros infame tibi sit, quod videaris familiaris nobis esse?* Atque hoc velut conuicio expressit Eclogam, cuius initium:

Cum tot sustineas, & tanta negotia, solus:

Sed quod operæ talis pretium? serui, suppellex, fundi toti.

Sed & *Vespasianus*, etsi cetera parcus, ingenia artesque fouit vel maxime. & primus è filisco (ait *Suetonius*) *Latinis Græcisque Rhetoribus annua * centena constituit*. Idem *Saleio Basso*, eximio poetæ, vna donatione * *quingenta* donauit: id est, censum tunc equestrem.

Antoninus Pius diffudit etiam liberalitatem *Vespasiani*, nec Romæ tantum, sed per omnes provincias, *Rhetoribus & Philosophis*, honores ac salaria detulit.

XVIII.

XIX.

XX.

* Bis mille & quingentos Philippicos.

* Duodecim millia Philippicorum & quingentos.

XXI.

I. Lipsij monita

XXII. Quibus ALEXANDER Severus addidit, *Grammaticos, Medicos, Mathematicos.*


XXIII. Magna in omnes liberalitas, & sic perpetua: sed illa in vnum stupenda. ANTONINVS Caracalla, cetera haud laudabilis, delectatus elegantia carminum Oppiani, quæ illi inscripta legimus, in singulos versus singulos aureos iussit rependi: id est, *nostrates duos.* & versus numerata, stupebis.

XXIII. DIOCLETIANVM addam? is Eumenio Rhetori * *sexcenta annua assignauit, in chola Augustodunensi doctore.* Credimusne? refragantur, & rescribunt: ignosco pro iudiciis & animis, addam etiam, opibus hodiernis.

XXV. Sed conuenio vos, PRINCIPES, voce Anaxagoræ, qui senex & æger decumbebat, nuntiarumque Pericli, ex eius disciplina. Is accurrit, & solatus est, & precatus ne sic desereret: sed ibi opportune Anaxagoras: *At enim, ô Pericle, quibus opus est lucerna, oleum infundunt.*

XXVI. Infundite bonis meritisque. & cum LEONE Græcanico Imperatore Eunuchum non audite dicentem, *Hac in milites debere absorberi.* Cui ille reposuit: *Utinam meis temporibus eueniat, stipendia militum in doctores artium absorberi!* Utinam, utinam, sed meis non fiet: & inscitiae caligo aut tenebræ (falsus sim!) imminent Europæ.

FINIS.











WP 566

922

▽ J 5

SPECIAL 93-13

9418

